



BIBLIOTECA NAZ.
Vittorio Emanuele III

XXIII

D

64


~~73~~ XXIV
~~9~~
~~46~~ ~~72~~

4. 44.

XXIII

D

64





IO. FRANCISCI BVDDEI
P. P.
ELEMENTA
PHILOSOPHIAE
THEORETICAE

feu
INSTITVTIONVM
PHILOSOPHIAE ECLECTICAE
TOMVS SECVNDVS.

CVM PRIVILEGIO.



— 403 —
EDITIO QVINTA.

HALAE SAXONVM,
Impensis ORPHANOTROPHII
GLAVCHA HALENSIS, M D CCXV.



VIRO
PERILLVSTRI ET EXCELLENTIS-
SIMO

CAROLO DE
DIESKOV,

SERENISSIMO AC POTENTISSI-
MO BORVSSIAE REGI A CON-
SILIIS INTIMIS, ET RE-
LIQVA

*hocce observantiae suae deusique
animi monumentum, sa-
crum esse iubet,*

IO. FRANCISCVS BVDDEVS.



PERILLVSTRIS ET EXCEL-
LENTISSIME VIR.

EX quo in hanc academiam vo-
catus sum, TIBIQUE innotui,
plurima, eaque luculenta ad-
modum, TVI in me fauoris summi,
planeque singularis, extare voluisti
monumenta. Namque, vt cetera
taceam, filium TVVM natu maiorem
meae commisisti disciplinae, mea-
que per annos quamplurimos, in ele-
gantioribus maxime litteris, vti cum
voluisti institutione. Quo ipso &
TVVM erga me significasti animum,
& sententiam etiam iudiciumque
praeclarum admodum, & TVA sapi-
entia

entia dignum, de litterarum studiis declarasti. Cum enim ipse experientia intellexeras, quantum & commodum & ornamentum litterae in omni vitae genere, grauissimisque, quibus feliciter functus es, negotiis, tibi attulissent, filium quoque TVVM quam accuratissime iis imbui uoluisti, quibus & animus excitatur, erigiturque, & ingenium excolitur, & instruitur iudicium, & optima ad ciuilis vitae actus praesidia comparantur. Sed istum quidem TVVM erga has litteras animum, omnes, qui haec sacra colunt, magni merito faciunt, praedicantque iure: cum ad omnes ex aequo pertineat, quam de his sententiam foueant, quos patriae rebus praesse, quosue cum auctoritate eminere uoluit Deus. Ad me hoc spectat, quod tam luculenta TVAE erga me fiducia significatione, meos qualescunque in iuuenibus erudiendis conatus, tibi non displicuisse testatus es.

Id quod, ut pro maximo iure meritoque reputo beneficio, ita non semel meam mentem ea agitauit cura, qua demum ratione meum erga TE demonstrare obsequium, significare obseruantiam, animumque haud ingratum ostendere possem. Fidem diligentiamque meam in filio instituendo, TIBI pro viribus probare conatus sum: sed hoc eiusmodi erat, ut non tam pulchrum esset hoc praestare, quam turpe fuisset intermittere. Neque enim eximium quid facere censendi sumus, cum id facinus, quod non fecisse crimen est. Quare in eam sum ingressus sententiam, mearum esse partium, publica quadam pro tot beneficiis defungi gratiarum actione: cui rei dum occasionem quaero, rationesque meas circumspicio, theoreticae philosophiae elementa, quae publicae exponere luci studiorum meorum rationes iusserunt, mihi obueniunt. Hoc ergo leue admodum atque tenue

nue ingenii mei monumentum, TIBI,
PERILLUSTRIS AC EXCELLENTISSI-
ME DOMINE, sacrum, deuotumque
esse iubeo, in perpetuam animi grati
TIBIQUE dediti tesseram, pignusque
certissimum. Non hoc ego eiusmodi
esse puto, quo magnopere TIBI place-
re queam; quippe quem in eo rerum
fastigio positum esse, tantaque meri-
torum in patriam gloria fulgere, scio
vt opera etiam eruditissimorum ho-
minum, quantumuis splendida, quā-
tumuis elaborata, aut magnifica, pa-
rum aut nihil decoris ei addere que-
ant, tantum abest, vt de exiguo hoc-
ce libello, res obuias & quotidianas
complectente, & in academicarum
saltem praelectionum vsum edito,
ita existimare mihi liceat. In TVAM
tamen, quam toties expertus sum, &
humanitatem, & prudentiam iniuri-
us futurus essem, si non id me, ista a-
nimi significatione, consecuturum
sperem, quod mihi pollicitus sum,
vt inde intelligeres, rem haecenus

TIBI fuisse cum homine TVARVM virtutum intelligente, nec immemore maximorum, quae in eum collocaſti, beneficiorum. Quare vota ſaltem addo, vt Deus praepotens, cui praecipue curae ſunt, qui reipublicae commodis inuigilant, TE omni felicitatis genere cumulatum, quam diutiſſime conſeruare, patriaeq; praefſe rebus velit, vt fidei tuae intemeratae & prudentiae Rex noſter clementiſſimus, ſolertiae & vigilantiae Ducatus Magdeburgicus, benignitatis atque humanitatis, omnes, qui tuo patrociniſ indigent, fructus percipere vberrimos in poſterum quoque queant. Vale. Halae

Magdeburgicae Kalend.

Jun. A. M. DCCIII.

LECTO.



LECTORI BENEVOLO S.

ALtera haec est philosophiae pars, quam *theoreticam* vocavi, quod non circa actiones hominum, nec circa illorum cogitationes, aut sermonem, sed circa res ipsas, Deum videlicet, & quae ab eo condita sunt atque producta, occupatur. In ea eandem, quam in reliquis, eoque obseruo tractandi rationem, ut quae cognitu necessaria iudicavi, succinctis, aut inter se rite coniunctis, praeceptionibus complecterer. Ordinem vero alium res ipsa postulavit; qui licet diversus sit ab eo, quem hactenus philosophi adhibuerunt, iustis tamen suffultus est rationibus, ut ex ipso opere patebit. Namque ut a notioribus, nobisque propinquioribus incipiamus, & inde sensim ad remotiora, quae adeo & ignotiora sunt, procedamus, atque in his omnibus partium structuram, atque effectus, accurate consideremus, ut ita verosimili quadam ratio-

ne in causarum notitiam deducamur, id vero bonae methodi legibus conueniens esse, periti harum rerum existimatores facile concedent. Superstitiosos autem minutiarum consecretatores, qui nihil rectum putant, nisi quod cum illorum moribus atque sententia conuenit, non moror.

Caput vero causae, quod praecipue in qualicunque hac comentatione spectavi, hoc est, quod eclectico plane more sentiendi libertatem vbique intemeratam, conseruauerim, & expositis accurate rerum naturalium (harum enim consideratio praecipuam theoreticae philosophiae partem absoluit) phaenomenis, subinde quid verosimilius saltem mihi circa causas atq; principia videretur, indicauerim, certi quid raro admodum definiuerim. Prorsus enim in ea sum sententia, naturam rerum nemini mortalium perspectam, forte nec perspicui posse: adeoque ad maximum etiam, quem ex hac philosophiae parte speramus, vsum, fatis esse, si vires & effectus corporum accuratius habeamus exploratos, & proxima, quantum licet, ex quibus hi procedunt, principia. Documento luculentissimo sunt ipsi medicae artis magistri, quos

quos velut naturae administros esse, recte dictum, qui si in viribus herbarum inter se conueniant, & in phaenomenis morbi, æque feliciter medelam afferunt, licet in principiis remotis, vnde istae vires proueniant, quae causa sit euentuum in hoc vel illo morbi genere, *διὰ τὰ πασῶν* a se inuicem dissentiant. Hinc pronior etiam ad amicitiam & concordiam inter ipsos philosophos via: si quisque indefessa opera naturam rerum rimeretur, sed quod fundamenti loco substernit, principium, pro coniectura saltem habeat, quam dimittere, si melior & verosimilior afferatur, non turpe sit. Scio, veteribus persuasum fuisse, naturalis doctrinae hanc prae morali atque ciuili esse prerogatiuam, quod illa demonstrationibus vteretur, meritoque scientiae titulo nomineque ornaretur, cum haec coniecturis subinde, & verosimilibus saltem niteretur ratiociniis. Ast scio quoque, exploratam hodie a viris eruditissimis esse hanc sententiam, planeque contrario modo rem se habere, demonstratum ab iis esse. Et elucescit profecto in eo maxima Numinis supremi & benignitas & sapientia, quod in iis, quae ad vitam recte sapienterque instituendam pertinent, certam

claram, luculentam cognitionem homini superesse voluerit, ne qua vti ignorat-
 onis excusatione posset, neue quid ad ve-
 ram felicitatem consequendam, ei dees-
 set. In reliquis enim, praesertim natura
 rerum omnium exploranda, tantum lu-
 men non erat necessarium. Immo si ac-
 curate calculum ponamus, deprehende-
 mus facile, quae cognitu nobis necessaria
 sunt, & ad nostram salutem felicitatem-
 que aliquid faciunt, haud difficili negotio
 perspicui posse. Ex quo fere colligas, li-
 mites nostrae cognitionis, ex nostrae sa-
 lutis & felicitatis mensura, a Deo consti-
 tutos: quos qui transiliunt, suscipiunt
 aliquid, quod supra vires sit, & successu
 careat.

Laudanda sane maximopere illorum
 virorum opera & industria, qui praecla-
 ris inuentis, & experimentis, rerum na-
 turalium historiam indies magis magis-
 que illustrant. Haec enim sola ratio est,
 incrementis solidis nobilissimam haec
 philosophiae partem augendi. Id tamen
 haud sine ratione desiderari poterat,
 quod nonnulli difficultatem hic profici-
 endi sine necessitate exaggerantes, ni-
 mioque rerum variarum, vtilium qui-
 dem, sed non aequae necessariarum, ap-
 pa-

paratu, multos a rerum naturalium cognitione deterreant. Nimirum alia via ingredienda iis est, quibus constitutum est, se totos huic studiorum generi consecrare, & eidem velut se immergere: alia illis, qui delibare saltem haec sacra volunt, & inde decerpere, quae in aliis eruditionis partibus vsui esse queant. Et his quidem cum primis mea qualiscunque dicata est opera. Sunt enim plurimi, ex iuris pariter ac theologiae cultoribus, qui mea in philosophia institutione videntur: atque hi cum ex reliquarum partium tractatione intelligant, vix posse moralem doctrinam, ne quid de ceteris dicam, sine qualicunque rerum naturalium notitia capi, id a me efflagitare solent, ut maxime necessaria capita seligerem, & luculenta methodo iis proponerem. Horum cum tentarem satisfacere desiderii, non tantum intellexi, haud inutilem meum istum fuisse conatum, sed magis etiam deprehendi, saltem qualemunque doctrinae naturalis cognitionem in reliquis eruditionis partibus admodum esse necessariam, & in philosophia vix operae pretium facere, qui non omnes eius partes utcunque delibauerit. Atque hoc monere necesse fuit,

vt intempestiuus illorum censuris obui-
amirem, qui, dum hanc philosophiae
partem reliquis addidi, forte me fecisse al-
iquid existimabunt; quod a muneris, aut
studiorum meorum ratione abhorreat.
His & opponere exempla aliorum, quo-
rum prorsus similia fuere instituta, pos-
sem, & ad ipsam ablegare commenratio-
nem, vt ostenderent, si forte meo, quem
mihi constitui scopo, non satis fecerim,
(hunc vero si quis consequatur, voti da-
mnatus censeretur debet) sed hoc saltem
eos cogitare velim; aditum ad hanc phi-
losophiae partem neutiquam iis quoque
inaccessum esse, qui aliis studiorum ge-
neribus ex instituto se addixerunt, id
quod vel experientia docet, praesertim si
ipsimet profiteantur, se prima rudimen-
ta saltem tradere, & quidem illis, quibus
non ex instituto in has se dare litteras, sed
quantum in alio vitae genere sufficiat, in-
de haurire constitutum est.

Quod si quis vero ex iis, qui meae se
committunt disciplinae, jactis rite fun-
damentis, ampliora desideret, & quae ad
perficiendam prorsus hanc doctrinae
partem pertinent, ei in hac ipsa acade-
mia nostra peropportuna sese offert oc-
casio. Ne quid enim de reliquis dicam,
quo-

quorum in hoc genere satis nota sunt merita, ecquis est, quem lateat exquisita Friderici Hoffmanni nostri, viri celeberrimi, solertia, qua non tantum effecit, ne quid desiderari vlla ratione in hac parte possit, sed cum primis quaecunque ad experimenta curiosissima pertinent, quam diligentissime conquirat. Hic ergo campus amplissimus omnibus aperitur, per quem circumferre animum queant, magna iucunditate, nec minori vtilitate, naturae & artis miracula contemplaturum, & perducturum adeo ad fastigium (quantum humanae conditionis ratio, & cuiusque institutum permittit) illud sapientiae aedificium, cuius a me hic posita sunt fundamenta, si non splendida, certe, vti credo, solida.


Quod superest, et in historia rerum naturalium describenda, et in philosophorum etiam principiis pro instituti ratione explorandis, praestantissimos secutus sum auctores, quorum ubique indicare nomina, supervacaneum fuisset, neque ut id hoc loco fiat, necessarium duco. Fateor etiam, multum me profecisse ex recentissimorum, et quorum nonnullos hodie adhuc orbis veneratur, scriptis, ut Iacobi Rohaultii, Io. Christophori Sturmii, Io. Clerici, aliorumque. Et hi quidem cum maximam partem mechanicam, phi-

philosophandi rationem sequantur, adiunxi
cos, qui spiritum naturæ supponentes, Mosai-
cae philosophiae restauratores audiunt, id-
que ideo, quod post illam, haec maxime ho-
die concelebretur. Speroque id me obtinuisse,
vt, si quis huncce perlustrare libellum operae
pretium duxerit, intellecturus sit, habere v-
tramque sententiam sua & comoda & incom-
moda, & verum esse, quod antea dixi, rerum
naturam absconditam adhuc latitare, & ne-
mini penitus fuisse exploratam. In prima et-
iam parte, quae de homine agit, id quod dissi-
mulare nefas duco, maximo mihi usui fuit,
physiologia medica celeberrimi viri Io. Go-
thofredi Bergeri, medicinae in academia Wit-
tenbergenfi Professoris clarissimi, qui tanta
iudicii *ἀκριβεία*, tanta methodi facilitate, tan-
ta stili elegantia, hoc argumentum tractauit,
vt reliquis in hoc genere dubiam fecisse pal-
mam videatur.

Et haec quidem, quae monerem, habui, hu-
manissime lector: reliqua tuae humanitati &
beneuolentiae committo, Deumque ea, qua
decer, animi submissione rogo, vt in academi-
cae pubis, in cuius praecipue gratiam haec
scripta sunt, emolumentum cuncta cedere,
iubeat, vt ex rebus creatis sapientiam, beni-
gnitatem, & excelsam magnitudinem Numi-
nis & cognoscere, & venerari, immo mentem
venerabundam vera pietate, moribus-
que puris & sanctis exprimere di-
scat. Vale.

PHILOSOPHIAE THEORETICAE
PARS PRIMA.

DE
HOMINE.





CAP. I.

de

HILOSOPHIAE THEORETICAE SPECIATIM PHYSICAE, NATURA, ET HUIUS PER VARIA INVENTA INCREMENTIS.

Σύνοψις.

Philosophia theoretica ver-	et fata apud Graecos,
satur circa res, §. I.	§. VI.
ic est, Deum et quae ab	Physica Pythagorae, Plato-
eo creata sunt, §. II.	nis, Aristotelis, §. VII.
is in earum consideratio-	De diuersa philosophandi
ne obseruandus ordo sit,	ratione, quam quatuor
§. III.	Graecorum sectae tenuerunt, & quam parum in
uae vulgo theoreticae	doctrina naturali praestiterint, §. IIX.
philosophiae partes con-	Physica scholasticorum, §. IX.
stitui soleant, et quid de	Quorum nonnulli tamen ar-
illis censendum, §. IV.	tis chemicae fuisse periti,
itio philosophiae theore-	§. X.
ticae apud Ebraeos, Ae-	Restauratio doctrinae natu-
gyptios, etc. §. V.	(A) 2
doctrinae naturalis initia	malis

ralis per Franciscum Baconem de Verulamio,

§. XI.

Quod per integras societates studium physices insigniter promotum sit, §.

XII.

Incrementa istius per omnes eius partes demonstrari possunt. §. XIII.

Strukturæ humani corporis accuratius cognoscendæ anatomia inseruit, quæ licet veteribus usurpata, diligentius tamen a recentioribus exculta fuit, §. XIV.

Per hanc circulatio sanguinis inuenta fuit, §. XV.

De venis lacteis a Caspare Aselio, & ductu thoracico a Io. Pecquetto detectis, §. XVI.

Generatio animalium ex ovo, ab Haruaen iterum asserta, §. XVII.

De transfusione sanguinis, & primo inuenti huius auctore, §. XVIII.

Medicis arcana naturæ rimandi occasionem suppeditant ipsi morbi, §. XIX.

Et diuersa his medicamentorum, ubi de curatione sympathetica, & magnetica quædam, §. XX.

Per microscopia inuenta anatomica mirifice etiam

aucta sunt, §. XXI.

In naturam mentis indaganda quinam progressus facti sint, §. XXII.

Vt & in indaganda natura animalium brutorum, §. XXIII.

Speciatim piscium & insectorum, §. XXIV.

Itemque plantarum, §. XXV.

Lapidum, metallorum, mineralium, §. XXVI.

Quanta per artem chemicam naturalis scientia incrementa acceperit, §. XXVII.

Nona inuenta circa magnetem, §. XXVIII.

Magnetismus corporum naturalium, §. XXIX.

Nova inuenta circa vitrum, §. XXX.

Huc & specula caustica referuntur, §. XXXI.

Aeris naturæ accuratius cognoscendæ inseruiunt barometra, §. XXXII.

XXXIII.

Et thermometra, XXXIV.

Item antlia pneumatica, §. XXXV.

Et similia inuenta, §. XXXVI.

De tuba stentorea: item inuentis hydrostaticis, §. XXXVII.

De modo aquam marinam dul-

lulcem reddendi, §.
XXXII.

iis inuentis, quae ignis
naturae indagandae in-
teruiunt, speciatim de
fuluere pyrio, auro ful-
minante, §. XXXIX.

lapide Bononiensi, &
phosphoro, §. XL.

terra, §. XLI.

luris phaenomena, nouis
systematibus explicata,

§. XLII.

remata totius vniuersi,
maenam, §. XLIII.

naturae corporum coelesti-
um inuestigandae inser-
uiunt tibi optici, §.

XLIV. XLV.

circumionialibus, satel-
litibus Saturni, maculis

solis, §. XLVI.

ae eruditorum conie-

cturae de planetis, §.
XLVII.

De sole, §. XLVIII.

De causis corporum natura-
lium, praesertim vniuer-
salibus, hactenus praeter
coniecturas nihil allat-
um, §. XLIX. I.

Quare & physicam tratan-
di ratio huc accommo-
danda est, §. LI.

De spiritibus pluris antiquis
nota fuerunt quam no-
bis, §. LII.

Nec disputationibus de spiri-
tibus multum profectum,
§. LIII.

Rerum quoque diuinarum,
antiqui ampliorem vi-
dentur habuisse notiti-
am, quam recentiores, si
a scriptura sacra disce-
damus, §. LIV. LV.

§. I.

Philosophia, quam principalem
alibi diximus, vt ab instrumen-
tali eam discernemus, aut circa
res versatur, aut circa hominum
iones: hanc practicam illam theoreticam
ere moris est.

§. II.

rum autem nomine nobis tum Deus ipse
nit, vel maxime a philosopho, ac sapien-
te cultore considerandus, tum quae ab il-

lo ortum habent, atque *productae* sunt, *visibiles* pariter ac *inuisibiles*, corporeæ, & quae omnis materiae creduntur *expertes*.

§. III.

Atque de his ita agere conveniens duco, ut homo, initio a sui ipsius consideratione factò, per omnes rerum ordines, prout corporeae magis magisque a natura hominis remotae sunt, ad Deum tandem, ceu centrum omnis cognitionis, ascendat. Nec errauerit, qui dixerit, philosophiam theoreticam ascendere ab homine ad Deum, ut practica contra a Deo ad hominem descendit.

§. IV.

Ceteroquin solent eam theoreticae philosophiae partem, quae res corporeas considerat, *physices* nomine insignire, a qua *pneumaticam*, quæ spiritus contemplatur, et *theologiam* naturalem, quae de Deo agit, discernunt. Sed cum nullam, quae, ut hoc faciamus, nos cogat, causam videam, liberum, puto, cuique erit, alia via hic incedere, et exemplum veterum, haec inter se coniungentium, sequi.

§. V.

Antiquissimae scilicet gentes, de Deo, genisque, et eorum omnium natura philosophatae sunt, ut de Ebraeis, Aegyptiis, Phœnicibus, aliisque constat. Quae autem de mundo hoc aspectabili docebant, in
eo

o fere confistebant, vt ortum eius et fata,
nae subiturus effct, et interitum designa-
nt, et quae hac de re a maioribus suis
ceperant, ad posteros propagarent.

§. VI.

Inter Graecos Ionici, auctore Thalete
Milefio, maiore industria ad materiales re-
um naturalium causas euoluendas, ani-
um adiunxerunt, quos secuti et alii sunt,
uriosius structuram corporum rimantes.
hinc et Historiae naturalis fundamenta po-
i coeperunt, variis de animalibus, plantis,
liisque rebus naturalibus, obseruationi-
us, qua in re ipsius Aristotelis, Theophras-
i, aliorumque laudandus est conatus.

§. VII.

Sed vt Plato, Pythagoras, aliique nume-
is, ideis, symbolisque suis theoreticam
philosophiam valde obscurarunt, ita Aristote-
les idem fecit conceptibus suis abstractis,
t metaphysicis, analogiam quae inter res
ntercedit, vtcunque indicantibus, sed ad
naturam earum intelligendam nihil facien-
ibus, adeoque vanis et inutilibus.

§. IIX.

Cum deinceps quatuor istae Graecorum
sectae, Platonica, Peripatetica, Epicurea,
Stoica, orbem occuparent, Platonici qui-
dem de rebus diuinis, occasionem suppedi-
tante religione christiana, multa subtilia
disputarunt, et ad theologiam fere sua re-

tulerunt dogmata; Peripatetici dialecticam artem disputandi, ostentandiq; ingenium, secuti sunt cum primis; Stoici de moribus formandis maxime fuere solliciti; Epicurei voluptatibus corporis immerfi fere torpuerunt: vnde ad eam theoreticae philosophiae partem, quae corporum mundi-que aspectabilis naturam contemplatur, nulla adeo insignis facta est accessio.

§. IX.

Dispulsa utcunque, quae deinceps secuta est, barbarie, Aristoteles regnare coepit. Et potuissent sane in rerum naturalium studio eius sectatores scholastici proficere, si ad exemplum magistri naturalem scientiam diligentius excoluissent, & maiori studio in particularium rerum naturam inuestiganda fuissent versati. Sed magno illorum malo accidit, ut missis quae in Aristotele laude digna erant, sequerentur, quae vituperationem promerebantur, et abstractis, otiosis ac vanis speculationibus, totam philosophiam conspurcarent.

§. X.

Chemiae autem studio per Arabes in Europam propagato, extiterunt nonnulli, qui ultra seculi captum saperent, & in intimiores naturae recessus penetrasse visi sunt, ut magiae etiam suspicionem vix declinarent. Quo nomine *Albertum Magnum*, *Rogariumque Baconem*, iam alibi commendauimus.

§. XI.

§. XI.

tenatis autem bonis literis, tum reliquis philosophiae partibus, tum maxime scientiae naturali noua lux reddita est. Qua in e haud infima laus debetur *Francisco Baconi* & *Verulamio*, qui defectus physicae peripatetico-scholasticae probe intellexit, ideoque ad historiam naturalem diligentius excolendam, physices cultoribus auctor extitit, ipseque exemplum praeiuit.

§. XII.

Maiori hinc studio non singuli modo homines, sed integrae quoque societates in experimenta instituenda incubuerunt, ut exploratis prius, ut decet, accurate singulorum corporum proprietatibus, et structura indagata, deinceps eo tutius de illorum natura pronunciari posset. Nec sine insigni hoc factum fructu, vel Ephemerides societatis Anglicanae, & insignes labores naturae curiosorum in Germania, & regiae scientiarum academiae, quae Parisiis est, historia a *Io. Baptista du Hamel* adornata, et quae e eadem *Fontenellius* commentari incepit, atque superque testantur.

§. XIII.

Sed ut constet, quantum inde doctrinae naturalis studium emolumentum ceperit, unde per praecipua inuenta, nullam eius artem esse ostendemus, quae non insigniter per ea aucta sit. Ut adeo quantum ad

(A) 5

hoc

hoc studii genus attinet, et hanc scientiae naturalis partem, historiam videlicet naturalem, longe felicior philosophiae hodie merito censeatur conditio, quam olim fuit: licet nec veteres prorsus laude sua sint defraudandi.

§. XIV.

Sic ad naturam corporis humani quod attinet, (namque et hic eundem ordinem obseruabimus, quem in ipsa tractatione sequemur) anatomicum studium effecit, ut eius ratio iam minus in obscuro posita censeferi queat. Scio, antiquissimum esse hocce studii genus, ab ipso quippe *Democrito* iam frequentatum, diligentius autem excultum ab *Erophilo* et *Eristrato*, qui primi humanorum corporum anatomen exercuisse dicuntur, ab aliis autem deinde certatim usurpatum. Sed nostra aetas hanc merito sibi vindicat gloriam, quod incredibili Anatomicorum industria plurima detecta sint, quae veteribus minus fuere perspecta: ut ex *Glissonii*, *Borelli*, *Malpighii*, *Pegeri*, *Warthoni*, *de Graaf*, *Bellini*, *Stenonis*, *Swammerdamii*, *Needhami*, *Haruaei*, *Loweri*, aliorumque, quos iunctim in Bibliotheca Anatomica exhibent *Daniel le Clero*, et *I. Iacobus Mangotus*, commentationibus et exquisitis observationibus patet.

§. XV.

Inter multa alia autem, eaque praeclarissima

rissima Anatomicorum inuenta, eminet, haud dubie illud de circulatione sanguinis, a *Guilielmo Haruaco*, in *exercitationibus anatomicis, de circulatione sanguinis motuque cordis*, primum A. MDCXXVIII. in lucem productum, licet ab aliis in gloriae huius societatem, sed frustra, aduocetur *Paulus Seruita Venetus*. Et licet *Aemilius Parisanus*, et *Vopiscus Fortunatus Plempius*, alique acriter eidem se opponerent, nec alii obrectatores deessent, qui, vt fieri assolet, laudem eius obscurare anniterentur, hodie tamen, vix quisquam de rei huius veritate dubitare audet.

§. XVI.

Quemadmodum autem de corporis humani structura, eiusque functionibus, nunc longe rectius, quam olim, iudicatur, ita plurimum quoque huc conferunt aliorum inuenta. Postquam enim *Caspar Asellius Cremonensis*, venas lacteas primum quidem in brutis detexit, quas deinceps alii in hominibus etiam obseruarunt, postquam *Io. Pecquetus*, Medicus Parisiensis, ductum thoracicum et commune chyli receptaculum seu cisternam produxit, nihil superest, quin prompte intelligatur, qua ratione, chylus in venam subclauiam, et per hanc in venam cauam, infundatur, vt tum circulatione sanguinis, cui affusus est, magis magisque

gisque ad corporis humani nutritionem et conseruationem praepararetur.

§. XVII.

Sed Haruacus, cuius antea mentionem fecimus, alio adhuc, non minus praeclaro inuento, naturalem doctrinam nobilitauit. Generationem scilicet omnium animalium ex ouo, ex recentioribus primum iterum in lucem produxit. Antiquis enim eandem sententiam se approbasse, constat, & vel orphica illa mysteria, *ωοθυτικά* & *ωοσκοπικά* satis superque comprobant. Sed cum sepulta tenebris, ac obruta iaceret, non minorem laudem Haruacus promeruit, quam si primum omnium eandem excogitasset. Et licet forte omnes, quae hic occurrunt, nondum superatae sint difficultates, generationi tamen hominum et animalium omnium explicandae, lucem insignem haec hypothesis affudit. §. XVIII.

Huc etiam pertinet illud inuentum, quo sanguine per transfusionem, ut vocant, ex vno corpore in aliud deriuato, morbis desperatis quandoque afferri medelam posse censent. Anglis et hoc debetur, quippe quos inter *Timotheus Clerk* et *D. Henshaw* primi in hanc sententiam ingressi sunt, licet superatis, quae obstabant, impedimentis *Richartus Louuerus*, *Edmundus King* aliique primum experimentum felici successu in brutis fecerint, quod deinceps in hominibus

ius efficere, non infeliciori euentu, Galli quidam conati sunt. Quanta autem inde obscurioribus quibusdam naturae effectibus lux affusa sit, res ipsa satis docet, & quilibet coniectura facile assequitur.

§. XIX.

Et negari profecto nequit, medicis plurimum debere hanc philosophiae partem, quibus in corpore humano singularia quaedam obseruandi, quotidie noua enascitur occasio. Certe in morbis ipsis mira auctoris naturae elucet solertia, & sapientia, simul, & in iis arcaniores quidam recessus saepe ex insperato deteguntur, vt structurae ratio, quando aedes destruuntur, aut contra vim externam se defendunt, quandoque apertius se prodit, aut utilitatem suam ostendit, quam cum in se spectatur.

§. XX.

Medicamentorum quoque diuersa vis, diuersimode se exserens, interdum naturae quaedam arcana pandit. Sic, si possumus extra dubium, certumque esset, quod et magnetica & sympathetica, vt vocantur, ratione tradunt, inter nobilissima inuenta haec esset referenda, qua illi saltem, qui omnia sibi et perspecta et explorata esse putant, conuinci possunt, multa adhuc fuisse, quorum ex principiis hactenus receptis nulla ratio reddi potest. Interim praeter alios *Thomae Bartholino*, magneti-
cam

cam illam medicinam probatam fuisse, constat.

§. XXI.

Sed ad alia priusquam digrediamur, microscopiorum hic iniicienda est mentio, quorum beneficio in omnium quidem corporum, maxime vero & *humani* structurae, plurima detecta sunt, quae veterum solertiam atque diligentiam, etiam si maxima fuisset, non potuerunt non fugere. Horum enim beneficio cum obiecta prope admota longe maiora, quam nudo oculo, repraesentantur, iam minutissimae partes clare admodum, atque distincte se conspiciendas praebent. Sunt qui microscopiorum inuentionem *Ludovico Septalio* Medico Mediolanensi tribuunt, quam alii *Cornelio Drebbelio*, Alcmariensi vindicant. Inter praestantissimos vero eorum artifices *Antonius Leuwenhookius* referendus, cuius & insignes extant observationes, per microscopia factae; ne quid nunc de *Roberti Hookii* Micrographia, *Petri Borelli* observationibus microscopicis, similibusue dicam. Non raro tamen contingit, ut prae nimio noua inueniendi desiderio, se ope microscopiorum quaedam videre, nonnulli opinentur, quae alii non vident.

§. XXII.

Atque haec quidem quae haecenus attulimus, structurae corporis humani accuratius indagandae inferuiunt. In natura
men-

mentis seu animi indaganda non aequae facilis via excogitata est. In eo tamen itilem recentioris aetatis quaedam praerogativa deprehenditur, quod remotis praeiudicatis opinionibus, paullo liberius etiam hac de re philosophari incipiant. Cum primis vero isti laudandi, qui certa ab interitis separantes, naturam mentis obscuram fatentur, uti natura seu essentia rerum omnium, inque eo industriam omnem collocandam, ut operationes paullo accuratius, quam hactenus factum, consideremus: quae in re praeclarum exemplum ceteris praeiuit *Ioannes Lockius*, in eximio opere de intellectu humano.

§. XXIII.

Iam ut ad animalia bruta progrediamur, quae corporis humani structurae indagandae inferuiunt, ea etiam in natura animalium exploranda locum inueniunt. Per anatomicas nimirum, & microscopicas considerationes, & huic theoreticae philosophiae parti lux affusa est haud vulgaris. Nil nunc de *Senerini* Zootomia Democritica, ut *Gerhardi Blasii* Anatome animalium, dicam, in quorum operibus iunctim plurimum praestantium virorum observationes anatomicae exhibentur. Illorum cum primis laudanda industria, qui se uni velut animalium generi totos manciparunt.

§. XXIV.

§. XXIV.

Sic *Franciscus Willughbeius* historiam piscium libris quatuor complexus est, qui iussu & sumptibus Societatis Regiae Londinensis editi sunt: *Io. autem Raius* eosdem emendauit, & mirifice auxit, denuoque edidit. Testaceorum animalium historiam *Philippus Bonanus* Iesuita dedit, in *recreatione mentis & oculi, obseruatione animalium testaceorum &c.* Insectorum autem historiam diligenter scripsit *Io. Swammerdam*, Medicus Amstelodamensis, de quibus etiam multa egregia, quam plurimis institutis experimentis, obseruauit *Franciscus Redus*, vt de reliquis, qui in eodem genere suam industriam probarunt, omnibus nunc nihil dicam.

§. XXV.

In plantarum natura inuestiganda itidem a plurimis, per anatomicas, & microscopicas, aliasque considerationes fuit elaboratum. Laudanda hic iterum est diligentia *Io. Raii*, qui non tantum methodum plantarum nouam, sed historiam quoque plantarum magno studio elaboratam dedit, quanquam & *Marcelli Malpighii* neutiquam contemnenda sit anatome plantarum. *Paulus Hermannus*, qui praeclare admodum de hoc studiorum genere meritus est, edidit catalogum horti academici Lugduno-Bataui, vt *Robertus Morisannus*, plantarum historiam vniuersalem Oxoniensem, ne quid nunc

unc de *Tournefortii*, aliorumque, qui aut generatim omnes, aut certae regionis plantas descripserunt, laboribus, commemorem.

§. XXVI.

Plantas excipiunt lapides, metalla, mineralia, et quaevis fossilia, in quorum natura detegenda nostrae aetatis philosophi, nihil fecerunt reliqui. Documento esse possunt, quae *Becherus* in *Physica subterranea*, *Janasius Kircherus* in *mundo subterraneo*, *Baptista du Hamel* in libro de *Fossilibus*, et eorum metallicarum scriptores *Danieli Georgio Morboffio* in tractatu de *Transmutatione metallorum*, assatim laudati, hac de re traderunt.

§. XXVII.

Nec mirum, quod et hic longe penitius absconditos naturae recessus penetrauerit recentior aetas, quam veteres, quando eodem igne ad abscondita quaevis illis armis munit *ars chemica*. Hanc non equum pro recentioris aetatis inuento, vendicam sciam, saltem qualemcumque artem soluendi metalla veteribus fuisse coitam, ne quid amplius dicam; multo minus chemicorum vnice standum decretis istimo, cum nec illas semper sibi constanter *Robertus Boyle* in *Chemista Sceptico* demonstrauerit abunde: interim tamen cum longe accuratius hoc studium excultum sit nostra aetate, quam veteribus fuisse nobis

(B)

qui-

quidem constat, idque varia chemicorum monumenta a *Io. Iacobo Mangeto*, in Bibliotheca chemica curiosa, collecta, satis testentur, multa etiam ad corporum naturalium, praesertim fossilium, naturam et structuram accuratius cognoscendam, eius ope in lucem producta fuisse, et hodie quoque produci, negari nulla ratione potest.

§. XXVIII.

Nihil autem aequè in hoc corporum naturalium ordine, eruditorum studia excitavit, quam *magnes*, cuius effectus quo sunt, magis admirandi, eo amplior coniecturarum campus iis se aperuit. Equidem vim eius attractiuam veteribus quoque cognitam fuisse, constat, traditque originem inuentae huius efficaciae *Plinius*. An vero etiam conuersio eius ad polos iis cognita fuerit, adeoque an vsum pyxidis nauticae habuerit, de eo non omnes idem sentiunt. Communis ceteroquin fert opinio, pyxidem nauticam inuentam esse a *Io. Goia*, Amalphitano anno M. CCC. Recentiori autem aetate variae magnetis declinationes a viris doctis sunt obseruatae. Huc pertinet *Eduardi Halleii* Theoria variationis pyxidis magneticae: et *Hautesenillaei* meditatio, qua modum accuratissime acus magneticae declinationem inueniendi, excogitauit, ut nunc *Heuelii*, *Sturmii*, aliorumque meditationes, eodem tendentes, praeteream.

§. XXIX.

§. XXIX.

Deduxit quoque magnetis consideratio nonnullos ad certas hypothesen, quibus lucem se rerum naturalium considerationi asfunderere posse, sperarunt. *Guilielmus* namque *Gilbertus* hinc philosophiam suam magneticam extruxit, terram pro magno magnete, et magnetem pro parua tellure habens. Magis tamen amplissimis suis commentariis eum suam doctrinam ostentasse, quam magnetis explicasse naturam creditur. Interim in corporum mundanorum magnetismum accuratius inquirere, operae pretium duxit *Sturmius*.

§. XXX.

Ad fossilium naturam proxime accedit, vitrum, quod antiquis iam cognitum satis fuit, mentionem eius ex Graecis facientibus *Plutarcho*, *Luciano*, et *Alexandro Aphrodisiensi*, ex Latinis, *Lucretio*, *Plinio*, aliisque. Recentiori tamen aetate auctam mirifice et excultam artem vitriariam esse, ex *Kanckelii*, *Antonii*que *Neri* scriptis patet. Sed perfici eam artem magis magisque indies posse, nos ipso exemplo docuit *Tschirnhausius* in intimatione singularis nouaeque emendationis vitriariae.

§. XXXI.

Eodem et specula caustica spectant, in quibus conficiendis solertiam suam singularem idem vir illustris, omnibus adproba-

uit. Et noti quidem sunt mirandi effectus, quos specula ista caustica recentiora producunt, dum corpora quaeuis, exiguo temporis spatio, aut in cinerem redigi, aut liquefieri eorum beneficio possunt. Equidem et antiquis hocce artificium haud incognitum fuisse videtur, si vera sunt, quae de Archimede vulgo traduntur. Sed cum grauissimae hac de re dubitandi adsint rationes, nihil definio. Sufficit quod non ab antiquis ad nos propagata sit haec ars, sed quod excogitata sit iterum recentiori aetate, et insigniter aucta.

§. XXXII.

Sed ad ea tandem corpora, quae paulo simpliciora videntur, progredimur, ut quantum in horum natura indaganda nostrae aetatis philosophi praestiterint, videamus. Hoc nomine autem terram, aquam, ignem, et aerem designamus. Et aer quidem, quod oculos fugiat, et stupendos nihilo secius effectus producat, eo magis animos diligentiamque naturae consultorum prouocauit. Nec vero in vlla doctrinae naturalis parte, quam in hac de aere, vberior inuentorum et experimentorum seges efflorescit.

§. XXXIII.

Et primo quidem loco hic commemoranda sunt *barometra*, grauitati aut leuitati aeris explorandae destinata. Inuentio illorum

lorum debetur *Torricellio*, vnde et tubi *Torricelliani* dicuntur; quanquam non desint, qui autument, iam ante *Torricellium* simile experimentum a *Valerio Magno* factum. Ipse quidem *Torricellius* ad demonstrandum vacuum hoc adhibuit, deinceps tamen compertum est, hoc modo et grauitatem leuitatemque aeris intelligi posse, cum animaduerneretur, mercurium in isto tubo *Torricelliano*, non eundem semper tenere locum, sed mox ascendere, mox descendere. Plurima hinc hoc instrumento instituta sunt experimenta, licet de causa ascensus et descensus mercurii nondum inter omnes conueniat, et publicis etiam scriptis inter viros doctos sit disceptatum.

§. XXXIV.

A barometro distinguendum venit *thermometron*, cuius ope gradus caloris atque frigoris diiudicari, tempestatumque vicissitudines praedici possunt. Primus eius inuentor a nonnullis celebratur *Cornelius ille Drebbelius*, *Alcmariensis*, cuius iam supra mentionem fecimus, quanquam alii iam *Roberto Fluddio* eiusmodi quid in mentem venisse, contendant. Sed in perficiendo hoc instrumento, et ad alios subinde vsus transferendo, elaboratum deinceps est a viris doctis, inter quos *Otto Guericus* eminet, cuius *thermometron nouum Magdeburgicum* prae ceteris celebritatem consecutum est.

§. XXXV.

Cum primis vero et *antlia pneumatica* hic commemoranda est, cuius ope aer ex corporibus educitur, et in ea rursus impellitur; cuius structuram praeter alios prolixè describit *Wolferdus Senguerdus*. Inventionis gloria Ottoni Guerikio, Consuli Magdeburgico, viro ingentis Germanicae decus nato, debetur. Ab aliis tamen, ut *Roberto Boyle*, *Dionysio Papino*, *Io. Christophoro Sturmio*, amplificatum est hoc instrumentum, et ad alios subinde usus traductum. Et plurimi sane effectus eo producuntur, qui diligentem considerationem promerentur, et de quibus facilius est coniecturas, quam certas et indubitatas proferre rationes.

§. XXXVI.

Eiusdem Guerikii et aliud celebratur inventum. Duo scilicet hemisphaeria cuprea auulsa separataque, sibi inuicem imposita, interiecta cera conglutinavit, deinde ex hoc concavo ope antliae pneumaticae aerem eduxit, quo ipso animadvertit, tanta vi cohaerere haec hemisphaeria, ut pro varia eorundem latitudine, non nisi notabili equorum numero, siue ponderum appensorum quantitate, seiungi queant. Cuius effectus causam in aeris gravitate vulgo quaerunt.

§. XXXVII.

§. XXXVII.

Cum prolixum nimis foret de omnibus inuentis huc spectantibus agere: cererо-quin enim et de *tuba sientorea* a *Samuele Morlando* inuenta, similibusue instrumentis, hic dicendi locus esset: praecipua, ad reliquas philosophiae huius partes, pertinentia, paucis indicabo. *Aqua* itaque dum sequitur, hydrostatica inuenta adducenda essent: quorum et in doctrina naturali, et in medicina amplissimus vsus est; sed haec ad mechanicam potius pertinent. Praetermitti tamen hic non debet, *campana urinatoria* a *Georgio Sinclaro* excogitata et accuratissime, descripta a *Io. Christophoro Sturmio*: a qua non multum discrepat *Io. Alphonsi Borelli* machina urinatoria, siue naus, qua nauigare commodе sub aquis liceat, cuius tamen examen edidit *Bernullius*: ne quid de *hydra-spide Wagenseilii*, similibusue dicam.

§. XXXVIII.

Magis ad naturam aquae, particularumque, ex quibus interdum componitur, varietatem, intelligendam, facit illorum institutum, qui aquam marinam dulcem reddere conati sunt, eumque in finem varia excogitauerant experimenta. Ipse *Robertus Boyle*, cui multum naturalis philosophia debet, hic ingenii exercuit vires, in peculiari epistola, *quomodo aqua marina dulcorari queat*.

sunt obseruationes, ad corporum lucidorum naturam inuestigandam aliquid conferentes.

§. XLI.

Terra denique superest, cuius ex variis corpusculis compositionem vt clarius euincerent, haud sine fructu, nonnulla ex inuentis haëtenus allatis, praesertim chemicam artem in subsidium vocarunt naturae scrutatores. Nec defuerunt qui noua quadam ratione totius telluris, cum omnibus eius partibus, genesis, explicare voluerunt, quorum conatus nescio an inter commenta, potius, noua, quam inuenta, referendus sit.

§. XLII.

Exemplum nimirum omnibus praeiuit *Cartesius*, a quo tamen in quibusdam discessit *Thomas Burnetius*, qui prae ceteris in hoc argumento industriam suam exercuit. Sed vt foecundus admodum est coniecturarum campus, ita nec alijs defuit ingenium, alia, adhuc ratione telluris generationem concipiendi, vt ex *Guilielmi Whistoni* et *Dethleui Cluncrii*, commentationibus patet.

§. XLIII.

De toto mundi systemate idem censendum. Excogitatum haëtenus nihil est, quo res extra dubium poneretur. Meris coniecturis agitur. Aristotelicum systema merito exploditur ab omnibus. Pythagore-

(B) § um

um, quod forte plerorumque veterum philosophorum fuit, reuocauit in scenam *Nicolaus Copernicus*. Idem Cartesio se approbavit: magnaque omnino se commendat verosimilitudinis specie; aliis tamen scriptura sacra ob stare videtur. Ast quod *Tycho Brahe* concinnauit, vt media quadam via incederet, impeditum nimis videtur, & simplicitati, quae in omnibus naturae operibus conspicitur, repugnare.

§. XLIV.

Nihil certi itaque cum de totius huius vniversi dispositione constet, multominus de natura corporum coelestium, quae tanta distantia a nobis remota sunt, indubitati quid asseri potest, si pauca quaedam excipias, ad quae recentioris aevi inuenta viris doctis viam munierunt.

§. XLV.

Inter ea vero eminet omnino *tubus opticus*, quem a perfectione *telescopium* vocare solent. Huius inuentio *Galilaei* a *Galilaeis* tribuitur, licet ab aliis alii tubi optici inuentores celebrentur, praesertim Germani quidam. Quam tamen litem ita componere nonnulli annituntur, vt asserant, *Galilaeum* ex solo rumore inuentionis ad se perlato, coepisse ipsum excogitare, tum causam effectuum telescopii, tum conficiendi artificium, adeo vt post molimina et tentamina

miña varia peruenerit tandem ad vnus exactissimi constructionem.

§. XLVI.

Huius itaque telescopii beneficio variae detectae sunt stellae, veteribus incognitae, vt *circumiouiales*, *satellitesque Saturni*. Et circumiouialium quidem detectionem *Galilaeus* sibi vindicat, dubiam illi hanc gloriam reddente *Simone Mario*. Detectae quoque sunt *maculae solares*, quarum itidem inuentionem sibi tribuit *Galilaeus*, renitente *Christophoro Scheinero*, *Mundelsheimensi Sueuo*, Iesuita, qui sibi hanc gloriam vindicat suffragante *Leone Allatio*.

§. XLVII.

Sed et de natura fiderum, praesertim errantium, seu planetarum, telescopia nos certiores reddiderunt. Nec enim vix quisquam hodie est, qui dubitet, esse planetas, corpora, nostrae telluri haud absimilia: nonnulli autem eo vsque progressi sunt, vt de incolis etiam planetarum, eorumque moribus, artibus & rebus gestis, nos certiores reddere, audaci satis coniectura, conati sint. Quos inter numerandus cum primis est *Constantinus Hugenius*, cuius *κοσμοθεωρησις*, si pro coniecturis, certas veritates sisteret, res nouitate prorsus admirabiles detexisse, merito censeretur. Quicquid autem huius sit: multa egregia de astris, veteribus incognita, nobis innotuisse, *Heuclii*, aliorumque cla-

clarissimorum astronomorum labores nos dubitare neutiquam sinunt.

§. XLVIII.

De sole autem, qui prae reliquis vastissimis huius vniuersi corporibus, oculos animosque omnium ad se rapit, singularia maxime et paradoxa proposuit *Euimartius* in sua Ichnographia solis. Sed haecenus intra conatus viri istius sententia substitit, quae si accuratiori studio sub examen reuocetur, noua forte inde enasci veritas potest, quae doctrinae naturali magnam lucem praebeat.

§. XLIX.

Perlustratis itaque hunc in modum singulis corporum generibus, tum iuxta methodum quam nobis praescripsimus, de corpore generatim, eiusque causis ac proprietatibus, agendum. Et in hac demum tractatione, tanquam in centro, omnia ista, quae haecenus enumerauimus, inuenta et experimenta, concurrunt. Posset vero aliquis existimare, habere et hic, quo nostra se aetas praeferat antiquitati, nouas scilicet hypotheses et principia, quae intimos naturae recessus nobis pandant, quae uero adeo inuentis nouis, quibus exulta est doctrina naturalis, merito sint addenda. Sed hic ego secus sentio.

§. L.

Praeterquam enim quod hypotheses praecipuae, saltem vniuersales, quae passim hodie receptae sunt, neutiquam nouae sint, sed iam in veterum philosophorum scriptis inueniantur: parum haecenus suis hypothesebus eruditi profecerunt. Et sane, si dicendum quod res est, tota ista disceptatio de causis corporum naturalium in meras coniecturas abit: quarum vna equidem verosimilior saepe est altera, adeoque eidem praefenda, coniectura tamen est, in cuius gratiam, alios quocunque modo refellere, ac confutare, magna profecto, ne quid grauius dicam, imprudentia est.

§. LI.

Haec autem cum animo nostro sedeat sententia, ad eam quoque nostram dirigemus tractationem, vt proprietatibus et phaenomenis, itemque structura corporum naturalium, quantum fieri potest, diligenter indicatis, seligamus deinde causam, quae probabilior videtur, sed vt ultra coniecturae limites non progrediamur, interdum aliis quoque libertatem eligendi, quod maxime verosimile fuerit, relinquamus.

§. LII.

Quod reliquum est philosophiae theoreticae, ad doctrinam de Deo et spiritibus pertinet. Et de spiritibus quidem nihil noui excogitauit recentior aetas. Immo horum

horum natura perspectior forte veteribus quam nobis fuit. Etenim nec rationi, nec experimentis, via ad spirituum naturam explorandam patet. Quicquid de illis cognoscitur, traditioni acceptum referri debet. Ast traditio a primis parentibus, virisque sanctis, qui propius commercium cum Deo habuerunt profecta, cum recentior et certior apud antiquos esset, plura etiam de spiritibus cognoscere potuerunt. Hinc et frequentior eorum mentio apud illos philosophos, qui adhuc pretium traditioni statuebant, ut Platonici, quam apud eos, qui omnia ex ratione et experientia metiebantur, ut Aristotelici.

§. LIII.

Fuerunt equidem, qui aut operationes, aut existentiam spirituum negarent: qui aliis simul occasionem praeberunt, nouis, ut illis videbatur, rationibus et argumentis, tum hanc, tum illas, adstruendi: sed ut reuera neutra pars nihil noui attulit, ita utraque haud raro a recto tramite errauit, altera negando, quae manifesta sunt, altera pro manifestis venditando, quae nondum sunt euiecta.

§. LIV.

De Deo rebusque diuinis idem censendum. Veteres traditioni insistentes plura de iis cognita habebant, quam qui rationi
hic

hic prorsus coecutienti, vnice inhaerent. Nec immerito dicitur, veteres ita philosophatos, vt plurima de Deo, pauca de materia traderent, recentiores de materia plurimum sollicitos, diuina parum curare. Cuius rei initium, a Graecis factum, a quibus haec philosophandi ratio ad nos fuit propagata.

§. LV.

Hinc et mirum non est, quod vt Graeci haud raro Deum cum materia confunde-
bant, ita et nostra aetate reperti sint, qui idem facerent. Sunt fateor hodie nonnulli, qui veterum vestigia legendo in diuina mysteria penitus penetrasse videntur. Sed apud plerosque philosophos notitia de Deo arctis admodum limitibus includitur, satisque illis; et nimium fere est, si esse Deum, cumque a materia separatum esse, et seiunctum, clare et euidenter demonstrare valeant. Sed hac de re suo loco ex
instituto.

CAP. II. de STRUCTURA HUMANI CORPORIS.

Σύνοψις.

- | | |
|---|--|
| <i>Cur a consideratione hominis incipiendum sit?</i> | <i>Panniculus carnosus, §.</i> |
| §. I. | XXII. |
| <i>Partes solidae corporis humani similes quanam?</i> | <i>Partes corporis dissimiles, speciatim caput et eius partes, §. XXIII.</i> |
| §. II. | <i>Cerebrum, cerebellum, medulla oblongata, §. XXIV.</i> |
| <i>Quid fibrae et fibrilla?</i> | <i>Meninges tenuis et dura, arachnoides, §. XXV.</i> |
| §. III. | <i>Substantia cerebri corticalis et medullaris, §. XXVI.</i> |
| <i>Os, §. IV.</i> | XXVII. |
| <i>Cartilago, §. V.</i> | <i>Nervorum origo in cerebro, §. XXVIII.</i> |
| <i>Membranae, §. VI.</i> | <i>Glandula pinealis, §. XXIX.</i> |
| <i>Arteria, §. VII.</i> | <i>An sit sedes propria mentis? §. XXX.</i> |
| <i>Vena, §. IIX.</i> | <i>Munimenta oculi, palpebrae, cum ciliis et superciliis, §. XXXI.</i> |
| <i>De venarum et arteriarum tunicis, §. IX.</i> | <i>Musculi oculi, §. XXXII.</i> |
| <i>De venarum valvulis, §. X.</i> | <i>Tunica adnata seu conjunctiva, §. XXXIII.</i> |
| <i>Vasa lymphatica, §. XI. XII.</i> | <i>Structura ipsius oculi, §. XXXIV.</i> |
| <i>Nervus, §. XIII.</i> | <i>Tunica dura seu sclerotica, §. XXXV.</i> |
| <i>Caro, §. XIV.</i> | |
| <i>Glandulae, §. XV.</i> | |
| <i>Non omnem secretionem per glandulas fieri, §. XVI.</i> | |
| <i>Musculi, §. XVII. XVIII.</i> | |
| <i>Integumenta corporis universalia huc etiam pertinent, scilicet cuticula, §. XIX.</i> | |
| <i>Cutis, §. XX.</i> | |
| <i>Pinguedo, §. XXI.</i> | |

- Choroides seu buca, item iris, §. XXXVI.*
Retina seu amphiblestroides, §. XXXVII.
Humores oculi, speciatim aqueus, §. XXXIIIX.
CrySTALLINUS, §. XXXIX.
Vitreus, §. XL.
Auris partes externae, §. XLI.
Internae, speciatim membrana et cavitas tympani, §. XLII.
quatuor officula, §. XLIII.
duo meatus, §. XLIV.
duae fenestrae: labyrinthus, §. XLV.
Quodnam proprium sit auditus organon, §. XLVI.
Structura et partes narium, §. XLVII.
Et linguae, §. XLVIII.
De palato, §. XLIX.
De buula atque tonsillis, §. L.
De reliquis capitis partibus, speciatim pilis, §. LI.
Ad medium ventrem primo cor refertur, cuius paucis indicatur structura, §. LII.
Ventriculi et septum cordis, §. LIII.
Vasa cordis communia, §. LIV.
Auricula cordis, §. LV.
Vasa propria: item venarum et arteriarum balnulae, §. LVI.
- Situs cordis: pericardium, §. LVII.*
Pulmonum partes et substantia, §. LVIII.
Structura, §. LIX.
Partes thoracis osseae, musculi intercostales, diaphragma, §. LX.
Pleura, mediastinum, §. LXI.
Partes medii ventris externae, §. LXII.
Infermi ventris partes internae, speciatim ventriculus, §. LXIII.
Orificia ventriculi, §. LXIV.
Intestina, mesenterium, §. LXV.
Quo pacto chylus venas lacteas subeat, §. LXVI.
De intestinis crassis observatio, §. LXVII.
Omentum, pancreas, §. LXVIII.
Hepatis situs, structura, §. LXIX.
Hepatis usus: et de vesicula fellea, §. LXX.
De vasis, qui in hepate sunt, ductibus, §. LXXI.
Lien, §. LXXII.
Renes, breteres, vesica brianaria, §. LXXIII.
Partes generationi inferuantes in viris, §. LXXIV.
In mulieribus, §. LXXV.
LXXVI.
Partes infermi ventris externae, §. LXXVII.

<i>Artus humani corporis, speciatim manus, §. LXXVIII.</i>	<i>tionem, §. LXXXIII.</i>
<i>et pedes, §. LXXIX. LXXX.</i>	<i>Secretio quomodo fiat? §. LXXXIV.</i>
<i>De partibus humani corporis fluidis: speciatim spiritibus animalibus, seu succo nervoso, §. LXXXI.</i>	<i>Sanguinis substantia, §. LXXXV.</i>
<i>De reliquis liquoribus, §. LXXXII.</i>	<i>Generatio et motus, §. LXXXVI.</i>
<i>Eorum q. a sanguine secretionem, §. LXXXIII.</i>	<i>Prima partium humani corporis elementa, quatenam sint? §. LXXXVII.</i>

§. I.

Cum homo sibi ipsi notissimus esse debeat, et, si occasionem obiectum aliquod considerandi spectemus, esse possit, merito hinc nostram auspicamur tractationem. Et primo quidem corporis humani contemplantur structuram.

§. II.

Cum autem partes corporis humani vel *solidae* sint, ac consistentes, vel *fluidae*, initio quidem inter solidas illae obseruandae sunt, quae ad aliarum constructionem ubique fere requiruntur, quasue *similares communes* vocare solent, ut: fibrae, ossa, cartilago, membrana, ligamentum, arteria, vena, vas lymphaticum, nervus, caro, musculus, tendo, et vniuersalia illa corporis integumenta, pinguedo, cuticula, cutis, cum panniculo carnosus.

§. III.

Fibra est pars instar fili oblonga, sed inlati-

latitudinem et profunditatem parum extensa, ad partes contexendas motumue exercendum destinata. Si valde tenuis et exigua sit, *fibrilla* vocatur. Atque ex eiusmodi fibris, contextae velut sunt reliquae corporis partes omnes, pro quarum adeo diuersitate, diuersa etiam est fibrarum substantia.

§. IV.

Pars corporis durissima, alba et sensus expers, *os* vocatur. Cinguntur ossa, dentibus maximam partem exceptis, pellicula valde sensibili, periosio dicto, per quod circa ipsa frequenter dolor acris excitatur. In ossibus plerumque medulla conspicitur, tum vt cavitatem repleat, tum vt ossa ipsa illinat, ne propter ariditatem facile diffringantur.

§. V.

Ossibus adnascitur *cartilago*, pars ossium aemula, alba, flexilis, et lubrica. Multae cartilagines decursu temporis degenerant, in ossa, carentque etiam, aeque ac ossa, sensu.

§. VI.

Ad varias corporis partes inuestiendas, similesque vsus comparatae sunt *membrae*, hoc est partes albicantes, valde flexiles, tenues et expansae, quae compositae sunt ex fibris sibi inuicem intertextis, vt tela ex filis; ad colligandas autem iungendasque partes spectat *ligamentum*, media quadam na-

tura inter neruum et cartilaginem gaudens.

§. VII.

Arteria est vas saliens seu pulsans, sanguinem a cordis cavitare ad reliquas corporis partes deferens. Omnes autem arteriae totius corporis ad duas tandem coeunt, *aortam* videlicet, seu *arteriam* magnam, et *arteriam pulmonariam*: quarum haec ex dextro cordis ventriculo egrediens, sanguinem per pulmones ad sinistrum defert: illa (arteria magna) ex sinistro cordis ventriculo egrediens, sanguinem ad reliquas corporis partes transmittit. *Pulsus* autem, qui in arteriisprehenditur, nihil aliud est, quam motus per dilatationem et constrictionem cordis, ei impressi continuatio, ut motus sanguinis in venas eo rectius promoveatur. Qui motus cum non possit non cessare, cum sanguis per tot circuitus venas iterum subit, ratio pater, cur in venis nullus pulsusprehendatur.

§. VIII.

Vena vas est, sanguinem ex arteriis exceptum, ad cordis cavitatem referens. Tres autem praecipue sunt venae. *Vena cava*, quae lato osculo inferitur dextro cordis antro, sanguinemque illi vbertim infundit. *Vena pulmonaria*, quae sanguinem ad sinistrum cordis ventriculum adducit, cui similiter amplo trunco implantata est. *Vena portae*,

tae, quae non vti praecedentes altera extremitate in truncum definit, sed vtrinque dirimitur in varios ramusculos, quorum superiores per plurimas partes abdominis distribuuntur.

§. IX.

Ceterum tum venae tum arteriae quatuor habent *tunicas*, ex quibus maxime notatu digna est tertia, quam *muscularem* vocant, cuius quippe beneficio perfici nonnulli credunt, arteriarum systolen seu constrictionem, qua sanguis e corde in arterias expulsus, ulterius ad partes corporis varias, per ductus angustissimos vrgetur. Hunc in finem et tunica ista fibras non fluctuantes, sed firmas et stabiles naeta est, interiusque tunicae quartae, exterius secundae et primae annectitur.

§. X.

Sed nec illud praetermittendum, in cavitate venarum adesse tenues quasdam admodum pelliculas, et leues, quae *valvulae* dicuntur, quae altero extremo, quo ramulos minores respiciunt, continuantur interiori tunicae carnosae, altero prorsus sunt liberae, sic vt, cursu sanguinis non impedito, tunicae lateribus applicentur, posito autem impedimento, facile versus cavitatis medium recedant, prohibeantq; ne sanguis, ad maiora vasa promotus, retrocedat, aut

subsequentem suo pondere multum retardet.

§. XI.

Vasa lymphatica sunt exigui canales, tunica constantes admodum subtili ac pellucida, humorem limpidissimum ad massam sanguineam transferentes. Constant autem tenuissimis membranis, valvulis referta sunt, originemque e glandulis, ut nonnulli putant, ducunt, ex quibus aut in venas sanguineas, aut in lacteas liquorem limpidum vehant, quo forte crassior aequo sanguis aut chylus adtenuatur.

§. XII.

Alii autem maiori verosimilitudinis specie vasorum lymphaticorum originem ex ipsis arteriis accersunt, hancque unicam omnium vasorum, cum reuehentium venarum, tum fecernentium, atque aliorum derivantium, ductuum stirpem agnoscunt: simulque in eam ingrediuntur sententiam, sanguinem rubicundum una cum sero vel lymphæ ex corde per arterias ad partes derivari, partemque lymphæ vel seris, permixtam purpuræ, per venas rubras, partem vero solam sine sanguine, per venas lymphaticas reduci, coniunctumque deinde in vena subclavia et caua utrumque humorem cordi, unde profectus fuerat, reddi.

§. XIII.

Nervus est corpus albicans, teres et oblongum,

gum, e cerebro originem trahens, spiritibusque, vel, vt alii volunt, succo nervoso, ad reliquas partes deducendis destinatum. Est tamen probe obseruandum, quod nervus non sit vnus, isque cauus canalis, sed quod ex pluribus constituatur distinctis et gracilibus staminibus, ex medulla cerebri oblongata deductis, et diuaricatis, atque accessione meningum perinde fere ac fibrae arborum corticibus implicantur, obtectis et coniunctis, quae certis locis iterum diuisa, nervorum propagines multiplicant. Licet, autem nervorum fibrae ita tenues sint atque angustae, vt cauitas nulla in iis videri queat, experimentis tamen certis, quod cauitas in illis sit, probari potest.

§. XIV.

Carnis statui tres species solent, caro proprie dicta, caro viscerum, et caro glandulosa. Carnem proprie sic dictam vocant, partem fibrosam mollem et rubicundam. Fibrae carnosae intus cauae sunt, multis inaequalitatibus, vt nonnulli obseruant, seu cauernulis instructae, in quibus sanguis data occasione detineatur. Recentiores tamen carnem viscerum peculiarem non admittunt, experientia quippe conducti, viscera aut ex carne proprie dicta, aut glandulosa, aut membranis componi.

§. XV.

Sed per carnem *glandulosam*, seu glandulam

Iam intelligitur pars mollis, rara et spongiosa, qua mediante specialis materia, a communi massa separetur. Accuratiores obseruant, glandulas ex variis folliculis, fibris, et omni vasorum, arteriarum, venarum, vasorum lymphaticorum, ductuumque excretoriorum adparatu, componi, vt tamen, quod ad ipsam structuram etiam attinet, alia sit ratio *glandularum conglobatarum*, alia *conglomeratarum*. Glandulas autem intestinorum nihil aliud esse, quam apices arteriarum.

§. XVI.

Cum etiam hactenus creditum sit, non aliud esse in corpore humano secretionis organon, quam glandulas, obseruatum contra ab aliis fuit, in variis corporis partibus secretionem fieri, quae nullis tamen glandulis gaudent, cum ipsae quandoque extremae arteriarum propagines, vt in visceribus sit, huic vsui inserviant. Addunt iidem, multas partes pro glandulis a quibusdam reputari, quae tamen nil minus sint quam glandulae. Cuius rei exempla in sequentibus occurrunt.

§. XVII.

Musculus nihil aliud est, quam quoddam velut fibrarum motricium, coniunctarum inter se, colligatarumque systema. Fibra autem ista motrix consistit in columnella, siue fibra cylindracea molliori, interiusque porosa,

porosa, quae suis donata vasculis sanguineis et nerveis, ac transuersis quibusdam aliis fibrillis membranaceis, et sibi mutuo parallelis, in varias rugas et velut cellulas distincta, sine dolore contrahi et abbreviari, iterumque resilire et elongari potest, suisque partibus extremis, constrictis magis et coactis, in fibras graciliores et rigidiores, quas vocamus *tendines*, abit.

§. XVIII.

Speciatim extremitates musculorum, quibus mediantibus partibus vicinis annectuntur, *tendines* vocari solent, quos non ex nervis, ut plerique putant, sed ex iisdem fibris carneis constipatis magis atque in rigida abeuntibus, fila, duci et propagari recentiores observant. Solent quoque tres musculi partes principium seu caput, finem seu caudam, et denique ventrem seu mediam partem constituere: sed hoc aliis vel hoc nomine displicet, quod non omnium musculorum eadem sit figura.

§. XIX.

Denique inter partes similes corporis humani, uniuersalia ista integumenta referenda sunt, *cuticula*, *cutis*, *pinguedo* et *panniculus carnosus*. Cuticula nimirum est admodum tenuis ac translucida pellicula, sensus expers, et cutim exterius tegens, ad vaporum cutis orificia obturanda. Ei im-

(C) §

mediate

diatē subiecta est *cutis*, reliquum corpus fere totum cooperiens.

§. XX.

Contexta est cutis ex fibris albicantibus, quae iuxta quosdam a tendinibus partium subiectarum continuantur, quibus innumeri venarum, arteriarum et neruorum ramusculi interspersi sunt. Obseruantur, porro in superficie cutis exteriori sulci seu lineae profundiores, pilis haud raro utrinque ornati, et foraminula seu pori diuersae magnitudinis, transpirationi particularum superfluarum inferuientes. Subiectae quoque poris, et vasis, quae cutem constituunt, quodammodo interspersae *glandulae subcutaneae* humorem serosum a sanguine extrusum, sensim et insensibiliter per poros transmittunt: quod si tamen vberius, ob causam singularem iste humor erumpat, *sudor* inde oritur.

§. XXI.

Pinguedo, seu materia albicans, vinctuosa sensusque expers, ex parte sanguinis et chyli oleosa, in peculiaribus folliculis seernitur. Nec libere fluctuat, sed collecta continetur sacculis ovalibus membranaceis, qui propagines quaedam sunt arteriarum. Reperitur in variis corporis partibus, sed potissimum immediate sub cute, ubi cum suis inuolucris, nisi homo sit emaciatus, constituit integumentum satis crassum, toti cuti

cuti, exceptis quibusdam partibus, coëx-
tensum.

§. XXII.

Quartum denique inuolucrum vniuer-
sale est *membrana musculosa*, seu *panniculus*
carnosus, hoc est, pars membranacea pingue-
dini subcutaneae proxime subiecta, qui-
busdam in locis fibras carneas seu muscu-
losas assumens, in reliquis meram membra-
nam prae se ferens. In quibusdam anima-
libus immediate cutim sequitur, ac multo
magis quam in homine musculosa est.

§. XXIII.

Iam quod ad partes corporis humani *dis-*
similares attinet, primo *ventres*, deinde et *ar-*
tus considerabimus. Venter supremus *caput*
quoque dici solet, inter cuius partes inter-
nas eminet cerebrum, cui accedunt lingua,
palatum, vuulae, fauces, tonsillae, etc. ocu-
li autem, aures, nasus, partim ad externas,
partim ad internas referuntur.

§. XXIV.

Et ad cerebrum quidem quod attinet,
obseruandum, cavitatem cranii pro maxi-
ma parte repleti substantia quadam molli,
facile diuisibili, et secundum diuersas par-
tes magis ac minus albicante, quae nonnun-
quam vno cerebri nomine comprehendi-
tur. Hæc substantia diuiditur in globum an-
teriolem, qui maior est, et proprie cerebrum
adpellatur, et posteriorem, qui minor, et ce-
rebellum

rebellum dicitur. Hisce duobus, et maxime posteriori, subiacer pars albicantior, quae a substantia interiori vtriusque globi exorta, atque in formam caudae efformata, *medullae oblongatae* nomen accepit.

§. XXV.

Haec omnia obuoluuntur duabus membranis, quae dicuntur *matres*, et graeco vocabulo *meninges*. Harum interior, quae cerebri proxime ambit, admodum subtilis est, ideoque *meninx tenuis* seu *pia mater*, exterior a duritie et crassitudine, *dura mater* appellatur. Interposita iis est, ubi cerebellum et inferiorem partem medullae oblongatae inuestiunt, alia membrana subtilissima, multumque pellucida, quae per magnum occipitis foramen descendens, toti medullae spinalis longitudini coëxtenditur, inter duram et tenuem meningem ubique media, *arachnoides* dicta.

§. XXVI.

Substantiam cerebri accuratius rimantes duplicem eam deprehendunt, alteram coloris cinericei, quae *corticalis*, alteram candidiorem, quae *medullaris* dicitur. Substantia medullaris corticali interposita, terminatur interius in aliam medullarem, albissimam, ac duriolem, quae ideo corpus callosum nuncupatur, quaeue praecedenti pro basi seu fundamento est, omniumque anfractuum medullas in se recipit. Sunt qui sub-

substantiam corticalem nihil aliud esse, quam aceruum innumerabilium glandularum, figura ac magnitudine discrepantium, vasisque sanguineis racematim adhaerentium: substantiam vero medullarem maximam partem constare tubulosis ductibus, qui deinde in fasciculos collecti, tunicisque membranaceis inuoluti, nervorum nomen assumant, se obseruasse sibi visi sunt.

§. XXVII.

Alii vero, qui glandulas non vbique inuenire potuerunt, partem cerebri corticalem, seu cinericeam, nihil aliud esse contendunt, quam quandam arteriarum et venarum congeriem, eamque non solum exteriori cerebri ambitum et corticem cingere et complecti, sed etiam interiora penetrare, atque vltimas arteriolarum propagines succolas in fibrillas tenuissimas, candicantes, et depresso rotundas abire, hasque omnes vario ductu ac flexu vltro citroq; implicari, vt fascium modo nexae ac vinctae, alterutram, albam ac solidiusculam, seu *medullarem cerebri substantiam corpusque callosum*, componant, et vario deinde ductu vltius in fornicem arcuatae, & in *ventriculorum* cameras expansae, et tandem in fasciculum oblongum collectae iterum ac reuinctae, *medullam elongatam* efficiant, indeque porro separatim exeuntes, et suis quaeque vaginulis inclusae, atque in plures funiculos
nexae,

nexae, et congeſtae *neruorum* nomine in omnes omnino corporis partes propagentur.

§. XXVIII.

Atque hinc ſimul, quae neruorum ſit origo, conſtat. Obſeruandum autem, quod quidam neruorum rami in ipſo cerebro a reliquo trunco diſcedant, quorum paria decem, totidem videlicet ſimplices ab utroque latere, numerari ſolent, *olſactorii* ſcilicet, *optici* ſeu *viſorii*, *oculorum motorii*, *pathetici*, duo paria *guſtatoriorum*, *auditorii*, *vagi*, *linguae motorii*, et denique *vltimi*, qui certo nomine deſtituuntur.

§. XXIX.

Sed illud adhuc obſeruandum, priusquam hinc diſcedamus, cum cerebri cauitas in quatuor ventriculos diſtincta deprehendatur, qui forte ex neceſſaria fibrarum medullarium explicatione, et diſperſita in varios faſciculos colligatione oriuntur, obſeruant nonnulli, circa initium quarti ventriculi foramen aliquod rotundum eſſe, ſuper quod prope duos ramos maiores, quarti ſinus, in angulo, quem proceſſus natiformes ad ſe mutuo inclinantes conficiunt, ſuſpendatur glandula pinealis, quae et graece *conarion* dicitur.

§. XXX.

Hanc glandulam pinealem, quae membrana tenui, pia matris portione includitur,

tur, et variis venis et arteriis referta est, animae seu mentis propriam sedem esse, Renatus Cartesius sibi persuasit: ex ea quoque spiritus animales iugi effluxu erumpere, atque ad tubulos neruorum, poris istis directe oppositos, in superficie ventriculorum cerebri tendere, vel in alios magis patentibus influere, aut etiam clausos cum impetu quandoque aperire. Sed frustra haec dici, et structurae cerebri, eiusque partium repugnare, iam ab aliis naturae peritissimis est observatum. Namque et quod de poris istis dicitur, haud facile concipi potest, qui spiritus angustissimos neruorum meatus subeant, cum spatium aliorum diuertendi non desit. Immo sunt qui contendunt, conari non nihil aliud esse, quam excrescentiam quandam cerebri, quae pituita, non spiritibus animalibus, vndique adluatur.

§. XXXI.

Post cerebrum se nobis offerunt oculi, qui partim ad externas, partim ad internas capitis partes referuntur, et tum usu longe nobilissimo, tum structura prorsus sunt admirandi. Instructi autem oculi sunt certis munimentis, ne temere pars illa humani corporis, necessitate non minus, quam structurae subtilitate commendabilis, laederetur. Huc nimirum *palpebrae cum ciliis et superciliis* pertinent. Munitae nimirum
sunt

sunt palpebrae, ex cute, cuticula, et panniculo carnosio tenuioribus, et tunica interiori constantes, et suis musculis instructae, vallo pilorum duriorum ac breuium, limbum illarum cartilagineum, quem *cilium*, itemque *dorsum* dicunt, sepientium, ut eo facilius, si quid apertis oculis incidat, repellatur: quemadmodum *supercilia* a lea, quae a capite descendunt et oculis noxia esse poterant, excipienda, comparata videntur.

§. XXXII.

Regendis oculis inseruiunt musculi; quorum beneficio oculus mouetur sursum, deorsum, ad latus vtrumque, et in gyrum bifariam, siue in regiones oppositas, adeoque sex motibus diuersis, quibus ideo destinati sunt sex musculi, qui sufficienti vasorum succum et sanguinem vehentium agmine stipati, tendines suos latius in oculum explicant, tunicae scleroticae tandem innexos, et in tunicam tendineam, quam etiam innotinam vocant, expansos. Motui autem facilitando humor ille inseruit, quem glandulae, ductusque lachrymales emittunt.

§. XXXIII.

Connectitur oculus circumiectis ossibus per *tunicam adnatam*, quam et *coniunctiuam* vocant, quae extrinsecus in anteriore regione oculi candore emicat, et passim oculi *album* vocatur; in medio vero magnum foramen

tamen habet pro tunica cornea, per quam transparet oculi *iris* et *pupilla*.

§. XXXIV.

Ipse vero *globus* et *bulbus* oculi, vt ita dicam, a neruo pendet optico, atque ex tribus illis a neruo propagatis tunicis, et totidem humoribus, quorum duo sua quisque tunica amiciuntur, mirifice contextis, est conformatus. Hinc quinque tunicae in oculo obseruari solent, quarum tres *communes* dicuntur, reliquae duae *propriae*, humoribus quippe continendis destinatae.

§. XXXV.

Exterior tunica, quae ex crassa prodit meninge, visorium neruum inuolueniente, et totum oculum cingit, *dura* seu *sclerotica* dicitur: cuius pars anterior pellucida est, instar cornu splendentis, a cuius etiam similitudine *cornea* haec tunica adpellatur: sed reliquum eius tunicae opacum est, eiusdem cum dura matre coloris.

§. XXXVI.

Altera tunica *vnea* dicitur, graece *choroides*, estque longe tenuior praecedente, crassior tamen pia matre, a qua producitur, duabusque, vt recentiores quidam obserauerunt, constat lamellis. Eadem tunica in parte anteriori, quae a quibusdam *sola vnea* dicitur, pertusa est exiguo quodam eoque orbiculato foramine, et cum interposito humore crystallino pupillam constituit, cui

(D)

iris

iris tanquam latior annulus circumducitur. Hoc nomine (*iridis*) autem venit *circulus* ille tunicae vuae per corneam transparens, quia radii lucis in multiplices fibrarum vuae superficies incidentes, saepiusque reflexi, circuli variis coloribus, iridis instar tincti, speciem exhibent.

§. XXXVII.

Tertia seu infima ac vltima tunica communis *retina* dicitur, estque admodum tenuis, mollis, facile diffluens, (vnde nonnulli ei inter tunicas locum concedere nolunt) atque inter lucidum et opacum quodammodo media, neque ita candicans, vt substantia inferior nervi optici, a qua continuatur. Cumque haec tunica diducta et explicata, ob intertextam insignem arteriarum capillarium copiam, rete aliquod paruum referat, hinc *amphiblestroides* seu *tunica retiformis* dicitur.

§. XXXVIII.

Quod reliquum est cauitatis in oculo, hoc humores replent. Horum primus *aquens*, a colore et consistentia dictus, in parte oculi anteriore immediate post tunicam corneam locatus est: vnde superficiem anteriorem, quae proxime adiacet eidem tunicae, obtinuit conuexam, posteriorem, propter immersum humorem crystallinum, leuiter concauam.

§. XXXIX.

§. XXXIX.

Alter humor, qui ob diaphaneitatem et spissitudinem *crystallinus* appellatur, solidis potius quam fluidis partibus annumerandus esse videtur, et improprie humor dicitur. Obseruant nonnulli, cum ex filamentorum aliquot millibus, circumferentia ad centrum contendentibus, atque ex his apte densissimeque congestis lamellis vel squamis, cepae instar contextum esse. Figuram habet in circumferentia laterali circularem, antèrius minus, posterius magis conuexam. Obductus etiam est tenui tunica aranearum telis simili, quae ob id etiam aranea dicitur.

§. XL.

Humor denique *vitreus* consistentia aemulatur vitrum fusum, splendore superat. Sunt qui obseruant, cum ex filis pene innumerabilibus necti, ita sibi intertextis, ut plurimos efforment alueolos, quibus vinetae et irretitae liquidae particulae, habitum solidiusculi corporis induant. Tunica tenuissima totus tegitur, cumque humorem crystallinum antèrius in suum finem recipiat, obtinet ibidem superficiem valde concavam, posterius pariter ad tunicas ambientes pene sphaericam.

§. XLI.

Ad aures nunc accedimus, summo itidem artificio ita constructas, ut sonos vocesque

iisdem hauriamus. Et exterius quidem *auricula* adparet, ex cartilagine, figura ovali vel elliptica constans, exterius conuexa, interius caua, et per varios anfractus in meatum auditorium, qui initio cartilagineus est, et tandem osseus euadit, idem tamen variis flexibus velut contortus, desinens. Repletus est materia quadam viscida, quam *cerumen* vocant, per certos ductus excretorios, qui cum aliis vasis in pelle, meatum hunc vestiente, reperiuntur, huc allata, et noxiorum animalculorum in aurem ingressum impediende.

§. XLII.

Clauditur interius hic meatus, per membranam quandam tenuem, siccam, et pellucidam, circulo osseo affixam, quam *membranam tympani* vocant. Supertenditur oblique haec membrana dicto meatui, parte eius superiore extrorsum inclinante. Pone eam insignis est cauitas ossi petroso insculpta, quam *tympanum* aut *concham internam* aut *cauitatem tympani* vocant.

§. XLIII.

Reperiuntur in hac cauitate praeter *ramulum nerueum*, quatuor *officula*, duo *meatus*, et *duae fenestrae*. Priora tria officula a rebus, quibus similia perhibentur, nomen acceperunt, dicunturque, *malleus*, *incus*, *stapes*, quartum, quod minimum est, a figura dicitur *orbiculare*. Carere haec officula perostio nonnulli

nulli obseruant, quod tamen abnuunt alii. Interim ligamentis membranaceis valide inter se, simul et cum vicinis partibus, colligantur. Musculis quoque tribus instructa sunt, ex quibus duo mouent *malleum*, vnus *stapedem*.

§. XLIV.

Praeterea ex cauitatis huius lateribus duo, vti dictum, egrediuntur ductus seu meatus, quorum alter via valde tortuosa, processus inter styloidem et mammillarem exitum inueniens, partem nerui durioris in musculos capitis externos ducit, et *aquae ductus* nomine venit: alter ex ima parte tympani egrediens, et in palatum dehiscent, nouum aerem, quoties opus est, ad interiora admittit. Hinc per oris apertionem auditus defectui interdum vtcunque succurri posse, nonnulli sibi persuadent.

§. XLV.

Praeter hos meatus duo sunt foraminula, in pariete eiusdem tympani posteriore excisa, suisque pelliculis obiecta, vnum ouale superius, cui basis stapedis innititur, alterum inferius et rotundum, per quae tanquam *fenestellas* in specum intimum tympano conterminum spectatur. Haec specus intima in quodam ossis petrosi recessu excauata, pluribus constat gyris, ac tortuosis ductibus, ideoque *labyrinthus* vocatur, solentque in ea praeter introitum tres excaua-

tiones osseae in semicirculos inflexae, ex orificiis amplis in spatia angustiora, ex iisque iterum in orificia eiusdem cum prioribus diametri abeuntes, observari: itemque canalis osseus cochleae formam referens, cum lamina quadam ossea, quae istius canalis spiram in duas partes ac veluti scalas, eam a principio ad finem usque per medium secans, dirimit.

§. XLVI.

Hanc vero cavitatem, cum non solum, tenuis intus pellicula arteriis venisque instructa obducatur, sed et nervus praeterea in eam inferatur, hic recte proprium auditus organum quaeritur, istudque nervosam, istam tunicam constituere, admodum est verosimile. Aer quoque in hac cavitate, continetur, quem *congenitum* vocant, perperam quidem, cum nihil obstat, quo minus per fenestras ex tympano aer huc deferatur, sicut in tympanum per alterum istum meatum, qui in fauces dehiscit, extrinsecus introire potest.

§. XLVII.

Odoratus nares inferuire constat, quarum itidem notatu digna est structura. Praeterquam enim quod *pinnase* narium musculis suis instructae sunt, quorum beneficio constringi, et erigi, pandique possunt, *tubi ossei* hic deprehenduntur, qui ex spatiis amplioribus sensim in angustiora more tubarum

barum coacti, in plures ducunt cellulas, et tortuosas specus, quas tennes quaedam lamellae, ab osse cribroso profectae, effingunt. Ista autem tunica quaedam papillosa, venis, arteriis, glandulis et cumprimis filamentis nervorum olfactoriorum, qui per os cribrosum huc deriuantur, instructa, tegit et circumuestit, quae et proprium olfactus organon haud immerito constituere creditur.

§. XLVIII.

Ad linguam quod attinet, ei pro basi atque fundamento inseruit os illud bicornē, quod *hyoides*, itemque *os gutturis*, vocatur. Ipsa autem lingua ex pluribus musculis inter se coeuntibus, contexta est, ut ad motus varios esset longe aptissima. Accedunt nervorum ramuli quam plurimi, qui per mediam ipsius regionem in partes eius, quae sunt ab utroque latere tenuiores, atque in apicem magnam partem feruntur, et in varios congregati fasciculos, maiores et minores, in *papillis* demum non vnius magnitudinis et figurae abeunt, et his velut tuberculis linguae superficiem exasperant, et inaequalem reddunt. Praeter hasce papillas autem eminent in superficie linguae fibrae quaedam *cuspidatae*, partim etiam bifidae, extremitatibus unguium auicularum haud ab similes, et versus basin linguae se inclinantes, quibus interspersae sunt glandulae mi-

nimae innumerae, humore saliali refertae, quem pro linguae humectatione in eius superficiem deponunt. Omnia autem, ut gustus rite se habeat, ita comparata sunt.

§. XLIX.

Reliquae partes capitis internae non adeo magni momenti sunt, ut iis immorari diu necesse sit. Huc autem *palatum* pertinet, pars scilicet oris superior, leuiter, concava, dentibus quasi conuallata, ossea, tunicaque crassa inuestita, cerebri basin constituens. Cum vero papillae tales nerveae, quales in superficie linguae conspiciuntur, in palati quoque tunica, interspersis glandulis, deprehendantur, ratio patet, cur et palato insit vis quaedam gustandi, quod tamen ceteroquin et loquelae cum primis inseruit.

§. L.

Sed et *vuula* atque *tonsillae*, seu *amygdalae* adhuc hic commemorandae sunt. Et *vuula* quidem est pars corporis rotunda, oblonga, in os iuxta narium meatus dependens, et, ad irruentis in pulmones aeris frigidioris impetum prohibendum, comparata. *Tonsillae* autem sunt parua corpora glandulosa, ad linguae radicem sita, os et linguam perpetua salia irrigantes. De reliquis glandulis, ut *maxillaribus*, *sublingualibus* etc. ut quicquam dicatur, non est necesse.

§. LI.

Quæ supersunt partes capitis et quidem externae, ut *frons, genae, mentum*, cum in oculos incurrant, structuraque illorum facilis sit intellectu, ad eam etiam intelligendam, quæ hætenus allata sunt, plurimum faciant, de *pilis* saltem, qui supernam capitis partem extrinsecus tegunt, et in mento barbam constituunt, aliquid subnectemus. Habent nimirum figuram tere-tem, quidam etiam, iuxta nonnullos, quadratam, intraque caui sunt, ut vel ex *plica polonica* constat. Infiguntur radice cuidam globulo mucoso, figurae ovalis, qui illis extractis aliquando adhaeret. Per microscopium etiam exhibentur multum nodosi, multaue lanugine, seu ramusculis ornati. Atque ita comparatos esse oportebat, ut excretioni et expirationi materiae oleosæ superfluae, simul vero partibus quibusdam corporis tegendis, inferuissent.

§. LII.

Ad medium itaque ventrem progredimur, inter cuius partes internas principem locum obtinet *cor*, tendine constans satis valido, a parte eius latiori, seu *basi* oblique ad conum figura sigmatis producto, in quem fibrae carnae multiplices eleganti serie, flexuque potissimum spirali, et sibi opposito, seseque admirabili artificio decussante, inse-

(D) 5

runtur,

runtur, ut praecipuus iste corporis musculus, ad recipiendum propellendumque sanguinem, aptus hac ratione fieret.

§. LIII.

Fibrarum autem istarum, quae cor constituunt, flexus, indeque resultans structura cordis, cum stupendi artificii documentum sit, et paucis explicari nequeat, nobis quidem obseruasse sufficit, duas insignes in corde conspici cavitates, *ventriculorum cordis* nomine insignitas, quae per intermediam partem concavam, ab iisdem fibris constitutam, et versus dextrum ventriculum gibbam seu conuexam, versus sinistram autem concavam, quam *septum cordis* dicere moris est, distinguuntur.

§. LIV.

Vasa cordis vel *communia* sunt, vel *propria*. Nimirum dextro cordis ventriculo inseritur vena *cava*, quae vix duos digitos ab insertione, in superiorem et inferiorem diuiditur, quarum illa sanguinem a partibus superioribus, haec ab inferioribus ad eundem cordis ventriculum transuehit. Ex eodem dextro cordis ventriculo emergit *arteria pulmonaria*, quae sanguinem per pulmones deducit: quem inde receptum *vena pulmonaria* in sinistram cordis ventriculum reducit, ex quo per *arteriam magnam* in reliquas corporis partes defertur.

§. LV.

§. LV.

Ad latus venarum superius adiacet vtri-
que cordis ventriculo certa bursula, *auricula*
cordis dicta, quam nihil aliud quam muscu-
lum cauum, sed minorem esse, eodem fere,
quo cor, artificio, a sapientissimo rerum,
conditore constructum, obseruant: sunt-
que hae auriculae atriorum instar, in quae
sanguis cor adiens, non patente statim cor-
dis cauitate, diuertatur tantisper, donec
ipsum cor subeat.

§. LVI.

Sed praeter vasa ista communia, *propria*
quoque in corde, eiusque auriculis, depre-
henduntur: magna scilicet neruorum, sed
minimorum, arteriarum atque venarum co-
pia. Et de neruis quidem obseruandum,
quod partim ex illo pari, quod *vagum* dici-
tur, partim ex *intercostali* propagentur. In
communibus autem vasis notari adhuc so-
lent *valvulae*, quae ante orificia venarum, et
in orificiis arteriarum conspiciuntur, ac
sanguinis ex ventriculis in venas, et ex ar-
teriis in ventriculos regressum impediunt.
Quae venarum orificio adiacent, a figura
vocantur *triangulares*, item *tricuspides* et *mi-
trales*, quae autem in arteriis reperiuntur,
femilunares.

§. LVII.

Cingitur quoque cor *membrana tenui*, cui
exterius maxime ad basin adnascitur adeps,
facili-

facilitando, ut credere par est, motui. Situm praeterea obtinet cor in medio pectoris, licet cuspis aliquantum sinistrorsum inclinetur. Basi sua suspenditur a venis et arteriis, per omnes corporis partes radicatis, quod reliquum in pericardio liberum est, ut commode constringi ac dilatari queat. *Pericardium* autem est membrana cordi immediate circumducta, illudque tanquam bursula includens. Eius figura conoidalis est, conformiter ad figuram cordis, ambitus tamen laxior, quia a corde pro pulsus commoditate nonnihil distat. Continetque humorem quendam serosum, et subsalsum, et nonnihil rubescentem, qui quo pacto huc deferatur, de eo anatomici disputare solent: sed cum in eius tunica interiori nonnulli glandulas quasdam, aut arteriarum apices observauerint, quod ex his progrediatur, admodum videtur verosimile.

§. LVIII.

Sequuntur in medio hocce ventre *pulmones*, in quorum medio cor aptissime collocatum est. Constant enim duabus partibus, dextra et sinistra, quae *lobi maiores* dicuntur, suntque ita disiuncti, ut, non nisi cum partibus eos colligantibus, vnum continuum efficiant. Vterque lobus maior iterum dividitur, ad minimum in duos alios, alter non raro in tres, et quandoque in quatuor, per

per quasdam fissuras a margine anteriori versus posteriora currentes, nunc magis, nunc minus profundas. Propria autem pulmonum substantia membranacea est, efformata in varias cellulas seu vesiculas, quae non videntur aliud, quam expansiones membranarum bronchialium, seu ramulorum asperae arteriae, quibus racematim ita adhaerent, vt facile ex vnico ramo in plurimas vesiculas, rursusque ex his omnibus in illum detur aditus.

§. LIX.

Nimirum, ut aer illabi in pulmones, et sanguinem, cui in venis pars eius admisceatur, ad motum aptiorem reddere queat, *asperam arteriam* eleganti artificio sapientissimus rerum conditor extruxit. Ea ex cartilaginibus, quasi ex annulis, ope tunicarum musculorumque tenuium confecta, sed parte postica, qua fistulae cibali incumbit, plana, ac laevis, ac membranacea est, et parte superiori membranacea vtrinque rimula patens, versus os expanditur, parte vero inferiori in binos diuisa ramos varias propagines et fistulas minores, eiusdem fere cum trunco structurae, quas *bronchia* vocant, spargit. Atque hi demum tubuli finibus suis membranosis in varios abeunt lobulos et vesiculas pulmonum, mirifice inter se connexas, interspersis et intertextis vbique

vbique arteriarum atque venarum ramusculis quamplurimis.

§. LX.

Sed vt aer commode pulmones intraret, et ex iisdem rursus expelleretur, necesse erat, vt thorax dilatari posset atque constringi. Quorsum osseae thoracis partes, et *musculi intercostales* sunt comparati, cum primis autem *diaphragma* vtrique motui, adeoque et ipsi respirationi inferuit. Hoc nomine autem pars musculosa venit, lata, et expansa, distinguens ventrem medium ab infimo. Situs quidem eius transuersus est, sed multum obliquus: anteriùs enim connectitur sterno et costarum ambitui, posterius in lumborum vertebrae protenditur.

§. LXI.

De reliquis thoracis partibus vix est, vt aliquid addamus. *Pleura* ceteroquin et *mediastinum* adhuc commemorari possent. Et *pleura* quidem est membrana dura et alba, totam thoracis partem intrinsecus cingens. Est vbique duplex, duabus scilicet constans lamellis, quarum interna, thoracis scilicet cauitatem respiciens, habet superficiem concavam, laeuem et lubricam, ne pulmones in eam impingant durius: externa costis et musculis intercostalibus annectitur, eumque in finem superficiem conuexam habet, asperam et inaequalem.

A pleura

A pleura ortum ducit membrana duplex, thoracis cauitatem et pulmones in duas partes secundum longitudinem dispescens, et haec *mediastinum* adpellatur.

§. LXII.

De partibus vero medii ventris externis, qui vel leuiter eas considerauerit, fatebitur, non minus ad humani corporis ornamentum, quam praesidium partium internarum atque munimentum, sapientissime cuncta esse adornata. Per *collum* media, velut hominis pars cum suprema apte connectitur. Thoracis pars anterior seu *pectus*, quod a iugulo incipit, et in cartilagine mucronatam seu sternum pectoris definit, documento est, quanta iterum sollicitudine conditor nobilissimas illas et maxime necessarias partes humani corporis, texerit, muniueritque, ne temere laederentur. Eisdem fini, vt et fulciendo simul humano corpori *scapulae* et *spina dorsi* inseruiunt, costarum insuper structura et intercostalium, pectoris dilatationi et constrictioni inseruit, vt supra iam obseruatum est.

§. LXIII.

In infimo tandem ventre *ventriculus* primum occurrit, vna cum canali membranaceo., a faucibus in ventriculum protenso, vt esculenta et potulenta ad eum ducat, quem *oesophagum* vocant. Et ventriculus quidem, qui in sinistro hypochondrio situs est,

est, est pars membranacea caua, vel potius, ut alii loquuntur, ampla quaedam et extensa glandula, cuius interior tunica neruea non tantum acinis minimis abundat, sed *crusta* etiam, quam *villosam* vocant, quaeque ex eadem tunica neruea, propagatis in illam innumeris vasorum sanguineorum ramulis, oritur, tota ex fistulis seu tubulis constat, succum soluendis cibis aptum vomentibus. Interiorem quoque ventriculi superficiem multas habere rugas siue plicas, nonnulli obseruant, ex eo, quod tunica neruea et villosa multo sint ampliores exteriori et carnea: idque eo forte comparatum, ne contenta ventriculi ad exitum ante debitam chylicationem properent.

§. LXIV.

Duo quoque ventriculus habet orificia, *sinistrum* et *dextrum*. Sinistrum orificium oesophago continuatur, ex eoque cibum et potum recipit, ad ventriculi cauitatem transmittendum. Incumbit ventriculo ferè perpendiculariter, ob faciliorem alimentorum descensum, et ne ingesta leui de causa regurgitent. Aperitur descendentì cibo ac potui, alias clauditur, mediante fibrarum contractione. Orificium dextrum, quod *pylorus*, item orificium inferius dicitur, chylum seu alimenta digesta ad intestina transmittit, estque altero angustius, quia naturaliter non nisi liquidiora admittere debet.

debet. Nec perpendiculariter ventriculo imponitur, ut prius, sed longo et obliquo ascensu in duodenum continuatur, ne transitus chyli exeuntis sit nimis acclivis. Denique orificio dextro antrum aliquod adiacere nonnulli observant, longum et capax, in quod pars chyli iam satis elaborati discedat, donec reliqua pars crudior magis magisque digeratur.

§. LXV.

A pyloro continuantur *intestina*, hoc est, longi, anfractuosi, et membranacei canales, orbibus quamplurimis spirisque inuoluti, sine tamen confusione, *mesenterioque*, ne situs tam necessarius temere mutaretur, constricti et colligati. Ceterum cum vnicus reuera sit intestinorum ductus, quia tamen ille quoad situm, figuram et usum variat, ideo in varias partes diuiditur, pluraque intestina esse dicuntur. Alia scilicet, sunt tenuia, quae partem superiorem spectant, ut *duodenum*, *ieiunum*, et *ileon*. Alia crassa, quae ad partem inferiorem pertinent, ut *cœcum*, *colon* et *rectum*. Omnium autem, praesertim tenuium, eo comparata structura est, ut per tot gyros atque anfractus, materiae in ventriculo digestae progressus continetur, sed ita, ut tum propter transitus angustiam, tum propter motum et agitationem intestinorum, subtilior istius materiae pars, quam speciatim chylum
(E) vocant,

vocant, venas lacteas subeat, et ita porro in commune receptaculum seu cisternam, et hinc per ductum thoracicum, tandem in venam subclaviam deferatur.

§. LXVI.

De lacteis autem, quas commemoravimus, venis, observandum, eas non tantum in tenuibus intestinis, sed et crassis reperiri: quemadmodum nec illud praetermittendum, quod non per meatus quosdam, sed per poros insensibiles chylus ex intestinis in venas lacteas deferatur. Ex quo intelligitur, diu admodum commorandum huic materiae in intestinis esse, meritoque haec in varios anfractus esse disposita, ut si in vno anfractu non satis chylus expressus est, illud in altero aut tertio etc. contingat.

§. LXVII.

Atque hoc, ut diximus, etiam de crassis intestinis est intelligendum; quorum, praesertim *coli* haec est structura, ut feculentam materiam non tantum commode in cellulas suas recipiat, donec commode per intestinum rectum eiiciatur, sed ut aliquantisper hic commoretur, et per varios anfractus ducatur, ut quicquid adhuc materiae huic inest humidi, quo corpus ali queat, id pariter venas lacteas subeat, ad commune chyli receptaculum deferendum.

§. LXVIII.

§. LXVIII.

Teguntur intestina *omento*, quod alias *rete* seu *reticulum* dicitur, estque velut pan-
niculus quidam adiposus, intra duplicem
tenuissimam lamellam, totum ex cellulis et
sacculis adiposis contextum, forte vt pin-
guedine sua intestina foueret et calefaceret.
Sub fando contra, et postica parte ventri-
culi, duodeno crassiori seu extremo adiacet
pancreas, indeque versus lienem, quem ta-
men non attingit, extensa, succum quen-
dam ad intestina transmittit, quem pancre-
aticum vocant. Sunt qui pancreatem pro
glandula conglomerata habent, cum tamen
alii ex arteriarum huc coeuntium ramulis
lympham illam secerni contendunt, qualis
et ex glandulis oesophagi, ventriculi et in-
testinorum emergit, et eiusdem cum salua
indolis esse censetur, soluendi scilicet et di-
gerendi virtute praedita.

§. LXIX.

Sub diaphragmate in dextro hypochon-
drio, quod fere totum replet, positum est
hepar, indeque supra partem dextram ven-
triculi ultra cartilagine[m] ensiformem ex-
tenditur versus sinistram, euadens sensim
angustius et tenuius, ne ventriculi disten-
sionem impediat. Ad substantiam eius
quod attinet, verosimile est, ex venae
portae propaginibus in varios fasciculos
abeuntibus, atque ex iisdem egredientibus

et per vniuersum hepar tenuissime sparsis radicibus, et ductibus cholodochis, illud esse contextum. Alii et hic glandulas se inuenisse sibi visi sunt, quae vasorum propaginibus racematim adhaereant.

§. LXX.

Constructum autem videtur hepar hac ratione, ut sanguis, qui per omnes venae portae ramos, hepar constituentes, diffunditur, quandam sui partem oleosam, et cum salibus in bilem abituram, in radices porro istorum ramorum ac ductus cholodochos transmittat, ut depositis ibi istis particulis, maiori sui parte per venae cauae surculos, eiusque truncum, parte vero quadam serosa per vasa lymphatica, cor iterum conscendat. Ex quo patet, quod hepar succo bilioso secernendo sit destinatum, quorsum etiam *vesicula felle* videtur comparata, apicibus quippe ramulorum ex vena portae huc propagatorum instructa, quae tamen et recipiendae et conseruandae bisi inseruit, ut forte mora ista maiorem acrimoniam, fortio-remque vim contrahat, et per pleni ventriculi tensionem, largius materiae in chylum conuertendae bilem affundat.

§. LXXI.

Nimirum duplici via bilis ex hepate in intestina ducitur, vel immediate per *ductum hepaticum*, qui ex minoribus vasis tandem exurgit, et humorem istum biliosum in *du-*
ctum

Etum communem, quem et *cholodochum* vocant, effundit: vel eadem prius in vesiculam fellis, tum per alios ductus, tum maxime per *hepacysticum* deriuatur, ex qua rursus, per certos vesicae felleae meatus, in ductum communem deriuatur, et ita porro in intestinum duodenum, in quo ductus ille communis, prope fines pancreatis, tandem desinit.

§. LXXII.

Hepati *lienem* merito subiungimus, hoc est, vasorum plurimorum, intra duplicem membranam, apte et concinne retis instar inter se connexorum, congeriem, in sinistro hypochondrio inter costas spurias et, ventriculum collocatam, et non quidem glandulis, sed vasculorum suorum apicibus et capillamentis succum peculiarem secernentem, qui per venam portae, vna cum sanguine in hepar transferatur, vt bilis a sanguine secretio in hepate eo rectius faciliusque procedat. Non omnes equidem idem de vsu lienis sentiunt, parumque abest, quin pro parte superflua a quibusdam reputetur. Sed qui tum structuram lienis secum reputauerit, tum et illud, quod particularum salino-sulphurearum separatio eiusmodi velut sanguinis praeparationem requirat, haec non adeo a veritate abhorreere intelliget.

(E) 3

§. LXXIII.

§. LXXIII.

Musculis lumbaribus utrinque sub hepate ac liene incumbunt *renes* ad liquorem ob-
scoenum, seu urinam secernendam, com-
parati. Sunt vero et illi elegantissime ex
variis vasis contexti, ita ut ramuli arteria-
rum tandem in tubulos quosdam abeant, in
quos sanguis huc transiens certam seri
portionem, superfluum scilicet ex noxiam
futuram deponit, quae hinc porro in infun-
dibulum destillans, ulterius per *preteres*, hoc
est, ductus membranaceos ab utroque rene
in vesicam protensos, ipsi *vesicae urinae*
infertur, quae in infima abdominis parte
fita est inter duplicaturam peritonaei.
Quod reliquum est sanguinis, per venas et
vasa lymphatica, ad cor reducitur.

§. LXXIV.

Supersunt denique in infimo ventre par-
tes, quae generationi inserviunt. Nimi-
rum in viris ex vasis spermaticis continua-
tis, et in fila nervosa subtilissima deductis
et apte complicatis *testium* oriuntur *glomi*,
quorum uterque adeo totus ex exiguis et
tibiae instar musicae perforatis canaliculis,
et serpentinis quasi ductibus, constat, qui fi-
lacei instar glomi sibi superpositi sunt. In his
canaliculis secernitur *fermentum* illud *semi-
nale*, seu genitalis liquor, qui per certos
ductus, quos *epididymes*, itemque *parastatas*
vocant, exinde per eos qui *vasorum deferen-
tium*,

rium, itemque *ciaculantium* nomine veniunt, in capsulas quasdam, in penis cauitatem hiantes, quas *vesiculas seminales* vocant, vehitur, inque iis coaceruatur, donec data occasione per vrethram emittatur, genitalis ex tunica duplici, vtraque fibris variis, rectis et obliquis, ac musculis dilatoriis et erectoriis referta, structura, multum huc conferente.

§. LXXV.

In mulieribus autem cauitas vesicalis, quae sub imo ventre inter vesicam et intestinum rectum existit, *uteri* nomine venire solet, qui lateribus suis ope *quatuor ligamentorum*, quorum duolata et totidem teretia sunt, ossibus ilii et pubis, quo in recto teneatur situ, adligatur. Vtrinque porro conspiciere licet duos oblongos, teretes et nonnihil incuruos canaliculos, fibris musculosis donatos, qui *tubae Fallopianae* item, *oviductus* dicuntur, iisque appensa sunt duo corpora glandiformia, antiquis *testes muliebres*, recentioribus *ouaria* dicta, in quibus plurimae membranosae vesiculae limpido et fere pellucido latice turgidae, quae in innumeris distinctis loculis, vti granatorum semina, inclusae sunt, et ab ambientibus vasis sanguiferis succum nutritium iugiter exspuentibus paulatim aluntur, donec ad praefixam magnitudinem extumescant:

(E) 4

istae-

istaeque vesiculae ova nuncupari solent, proque seminibus humanis reputantur.

§. LXXVI.

Ad substantiam autem vteri quod attinet, fibrosa illa est et musculosa, ac duplici membrana, interiori vna, et pluribus exiguis peruia porulis, altera externa et firmiori obtegitur. Fibrarum autem vteri ea est ratio atque textura, ut illarum beneficio vterus facile in ampliorem molem extendi, et intertexta eidem vasa extensioni eius obsequi possint. Abit autem vterus in latiorrem quendam canalem per foramen illud, quod *os vteri* dicitur, qui *vaginam vteri* constituit, atque in muliebria definit.

§. LXXVII.

De partibus vero infimi ventris externis ut multa addamus, necesse non fuerit. Pars anterior *epigastrii*, posterior *diazomatis* nomine venire solet: illud iterum in tres regiones, supremam, mediam, et infimam, et quaelibet regio in partem dextram, sinistram, et mediam dispescitur: sed haec et cetera, quae hic dici possent, nota sunt, et ubiuis obuia, hinc iis non immorabimur.

§. LXXVIII.

A membris humani corporis, quae hactenus considerauimus, distinguuntur artus, siue partes dissimilares, maximae, extremae, et trunco adnatae, ut *manus* et *pedes*.

Et

Et *manus* quidem *brachio*, *cubito* et *manu* specialiter sic dicta constat, sicuti haec rursus *carpo*, *metacarpo*, et *digitis*. In *carpo* octo sunt *ossa*, figura et magnitudine multum diuersa, in *metacarpo* *quatuor* (quinque, si primum pollicis annumeres) oblonga, gracilia et fistulosa, in *digitis* *quindecim*, (si inter ea computetur primum pollicis) tribus ordinibus disposita, quae omnia tam apte sunt ligamentis inter se coniuncta, tot musculis ad mot⁹ quam plurimos aptata, vt vel sola manus, sapientiam Numinis admirandi, vberimum praebeat argumentum.

§. LXXIX.

De *pede* similiter censendum. Complectitur is *femur*, *tibiam*, et extremum *pedis*. In his omnibus *ossa* cum primis et musculi notandi sunt. Et *femur* quidem vnico constat osse, sed maximo et longissimo totius corporis, idem tamen curuum est, antrorsus cedens in gibbum, vt in parte postica maius sit spatium pro locatione musculorum. Quae autem a genu vsque ad extremum pedem protenditur pars, *tibia*, dicitur, quae perinde ac cubitus duobus ossibus in vtroque extremo coniunctis, in medio diffinitis, longitudine parum, crassitie multum differentibus, quorum interius ac maius, *tibia*, itemque *canna maior*, exterius atque minus, *fibula*, atque *canna minor* appellatur.

(E) §

§. LXXX.

§. LXXX.

Ossa autem pedis, pariter ac manus in *tarsum*, seu *pedium*, *metatarsum*, seu *metapedium*, et *digitos* diuiduntur. Tarsi ossa sunt *septem*, quae suis insigniuntur nominibus; metatarsi *quinque*, quorum interius pollicem sustinens valde crassum est, reliqua quatuor longe tenuiora, ac fere aequalia inter se, primo tamen nonnihil longiora; digitorum autem ossa, *quatuordecim* numerari solent, quae itidem ligamenti aptissime inter se connexa, et musculis diuersissimis instructa, motibus homini necessariis inserviunt, iterumque sapientissimae structurae documentum luculentissimum praebant.

§. LXXXI.

Et haecenus quidem de partibus corporis solidis, ac consistentibus, diximus, nunc de fluidis etiam aliquid est addendum. Hae autem vulgo in *liquores* et *vapores* diuidi solent: vaporumque nomine *spiritus*, quos vocant *animales*, veniunt. Et sane secerni in cerebro subtilissimam substantiam, quae nervos subeat, motusque pariter ac sensum sit organon, tam manifestum est, totque experimentis constat, ut negari nulla ratione queat. An vero haec materia sit ignea et lucida, an aetherea, an vero, quod recentiores quidam volunt, sit purior feri et lymphae portio, id nondum positum extra controuersiam est, licet vltima sententia haud
con-

contemnendis fulciatur rationibus; cuius adeo etiam patroni *succum nervosum* dicere, malunt, quod alii spiritus animales vocant.

§. LXXXII.

Ad reliquos autem liquores quod attinet, eorum nonnulli massam quandam constituunt, ex qua sanguis conficiatur, ut *chylus*, alii massam illam seu chylum recte praeparant, soluendi ideo efficacia praediti, ut *saliva*, *lympba ventriculi*, et *intestinorum*, et *succus pancreaticus*, alii ad sanguinem a putredine conseruandum, eumque magis mobilem, et a particulis grauioribus solutum, reddendum, pertinent, ut *bilis*, et *succus renum succenturiatorum*, alii ad sanguinem temperandum, ne feri sufficiens copia deficiat, comparati sunt, ut *lympba*, alii generationi hominis et foetus nutritioni inserviunt, ut *liquor genitalis utriusque sexus*, et *lac* in foeminis, alii denique, ut ceu pars superflua ex corpore secernantur, ut *liquor obsoenus*, *sudor*, *mucus narium*, etc.

§. LXXXIII.

Omnes isti liquores, praeter *chylum*, qui excibo et potu, admixtis aliis liquoribus conficitur, ex sanguine oriuntur, a quo per glandulas aut similia vasa, aut potius poros et meatus vasorum secernuntur, et, si ab iis, qui ceu superflui secernuntur, aut ad hominis generationem et nutritionem comparati sunt, discesseris, sanguini aut augendo aut con-

conseruando, ac temperando, mediate aut, immediate inferuiunt.

§. LXXXIV.

Quod vero ad modum secretionis attinet, non satis constat, an is consistat in relatione fluidi secernendi, ad figuram pororum secernentium, an vero in vario pororum diametro et continua particularum secernendarum et cohaerentium successione, an vero ex eo pendeat, quod integrantes v. g. succi biliosi partes seu molecule ex particulari suorum elementorum proportione, atque ex consimili textura et figura sibi ipsis facilius vniri possint, quam moleculis lymphae, aut alterius liquoris.

§. LXXXV.

Princeps autem et praecipuus liquor, et fons reliquorum omnium, imo totius vitae, *sanguis* est. Eius substantiam vt accuratius nonnulli inuestigarent, ope microscopii deprehenderunt, tribus velut cum constare partibus, *sero aqueo*, quod constet partibus polygonis et pellucidis, *particulis fibrosis*, et *globulis rubris*, ita tamen, vt globuli isti rubri vix duodecimam sanguinis partem constituent. Alii autem aduocata in subsidium, chemica arte, praeter lympham seu serum aqueum, materiamque terrestrem, salia, et materiam oleaginosam, in sanguine se deprehendere sibi visi sunt.

§. LXXXVI.

§. LXXXVI.

Generatio autem sanguinis ex supra dictis quodammodo iam intelligitur. Cibo enim et potu, accedentibus variis liquoribus, motuque et calore stomachi, in chylum mutatis, hic ex intestinis per venas lacteas et ductum thoracicum in venam subclaviam, et ita porro in venam cavam ducitur, ibique cum sanguine commiscetur, motuque huius, et circuitu accedente, tamdiu agitatur, et velut quassatur, donec sanguinis naturam induat. Motus autem sanguinis duplex est: namque praeter illum progressum seu circuitum, quem supra iam indicauimus; datur quoque motus intestinus sanguinis, quem nonnulli in fermentatione quadam, alii in reciproco et reflexo motu corpusculorum sanguinis, et aeris, atque aetheris collocant, ita vt motus hicce intestinus per alterum progressum multum promoueatur, et adiuuetur.

§. LXXXVII.

Et istae quidem sunt partes tum solidae, tum fluidae, ex quibus admirabilis ista humani corporis machina componitur, in quorum elementa, si vltius inquirere animus esset, Chemicorum forte in subsidium vocanda esset opera. Hi vero docent, totum tandem corpus in quatuor materiae species, certam nempe particularum terrae elementaris, aquae, salis, et sulphuris, portionem, resol.

resolui, ita vt hae particulae variis modis et in diuersa quantitate sibi adpositae, moleculas discrepantis, indolis et texturae efficiant, ex quibus strictius aut laxius inter se sociatis partes corporis, tum fluidae vt humores, tum solidae vt carnes et ossa constituentur. Et solidae quidem vt constitui possint, moleculae istae in tenuissima duplicis generis stamina abeunt, vascula nempe et vasculares fibras, ex his quippe id omne resultat, et eleganti structura efformatur, quod haecenus descripsimus. Hae autem elementares partes, an versus in alia adhuc magis simplicia corpora et elementa resolui queant, et quae harum ratio sit et conditio, id cum generatim de corporum materia agemus, explicabitur vberius.

CAP. III.

de

STATV CORPORIS HVMANI
NATVRALI.

Σύνοψις.

*Quid per statum corporis
humani naturalem in-
telligatur? §. I.*

De respiratione, §. II. III.

De nutritione, §. IV.

*De sensibus externis ex
receptis hodie senten-*

tia, §. V. VI.

De imaginariis, §. VII.

*Quot sensus externi sint?
§. II. X.*

*Visus per cameram obscu-
ram explicatur, §. IX.*

Eius

*Eius prae camera obscura,
praerogativa, §. X.*

Auditus, §. XI.

Olfactus, §. XII.

Gustus, §. XIII.

Tactus, §. XIV.

Fames, §. XV.

Sitis, §. XVI.

Somnus et Vigilia, §. XVII.

Motus localis quomodo fiat?

§. XVIII.

De discrimine motuum vo-

luntariorum, et involun-

tariarum, §. XIX.

Loquela, §. XX.

Sanitas, §. XXI.

§. I.

STatum corporis humani naturalem vo-
co, quando omnium partium corporis,
tum solidarum, tum fluidarum haec est dis-
positio, ut operationes naturales inde sequi
queant. Eiusmodi operationes licet variae
sint, praecipuas tamen hic saltem afferemus,
uti sunt, praeter ipsum aequabilem sangui-
nis motum, respiratio, nutritio, sensus, et qui
subinde ad reliquas operationes concurrir,
partium solidarum, aut integri corporis mo-
tus. Addere his generationem possem, sed
de hac ex instituto agere animus est.

§. II.

Et ad *respirationem* quidem quod attinet,
duabus ea peragitur motibus, inspiratione
et expiratione, alternatim reciprocantibus,
quorum altero aer in pulmones admittitur,
altero expellitur. In inspiratione pectus ob
contractionem diaphragmatis, et costarum,
vi muscutorum illis intertextorum, erectio-
nem, dilatur, eiusque cavitas augetur. .
Contra quando musculis intercostalibus re-
siliantibus et concidente rursus pectore, spa-
tium

tium thoracis iterum contrahitur, fit exspiratio. Quod si vero causam exquiras, cur aer pulmones subeat, non deerunt, qui illis peculiarem vim attrahendi aerem tribuant, aliis contra ad grauitatem aeris se recipientibus.

§. III.

Et hi quidem hac de re ita philosophantur, quod aër in vesiculis pulmonum conclusus, pectore dilatato se explicet atque expandat, ast aëris nos circumstantis nobisque incumbentis mole et pressione per arteriam asperam erumpere prohibitus, repellatur in pulmones, et per bronchiorum ramos sparsus, adq; vesiculas omnes deductus, vi sua elastica inflet eas atque explicet: contracto autem, per causas antea allatas, pectore, idem aër magnam partem iterum extrudatur, parte eius subtiliori, forte per poros vasorum pulmonis sanguini admista, vt hic fluidior et ad motum aptior reddatur: quanquam et ideo in corpore humano aër necessarius sit, vt aëris externi, et corpus ambientis pressioni, resistere queat.

§. IV.

De nutritione autem ita censendum videtur. Cum sanguis in corde rarior factus, & magno impetu in arterias erumpens, quaque versum egredi, et per poros, si qui patent, elabi nititur, pori vero plerumque artetiores sunt, quam vt libere per eas quaque
versum

versum particulae possint, certa duntaxat via, qua pori patent, progrediuntur, et cum alias aliae proxime sequantur, continuae fiunt, fibramque formant, aut fibrae partem. Iam cum per continuam transpirationem, pars harum fibrarum effluat atque dissipetur, *nutriri* corpus dicitur, cum, quantum vni fibrarum decedit, tantum alteri eiusdem extremitati similis materiae accedit: *augeri* autem, cum plus eiusdem materiae adiungitur, quam dissipatur; *diminui* denique, cum plus dissipatur, quam accedit.

§. V.

Quemadmodum autem sine respiratione atque nutritione, vivere nullatenus homo posset, ita morti non absimilis vita foret, si sensibus homo careret, quanquam et hi quodammodo ad corporis conseruationem sint necessarii. De his itaque, qui hominem tantum ex corpore et mente compositum esse statuunt, ita philosophantur, vt tria ad vnamquamque sensationem concurrere doceant, obiectum scilicet, eiusque in corporis nostri organon actionem, pulsionem videlicet aut pressionem, passionem seu receptionem organi, et denique mentis perceptionem. Et ita quidem se rem habere in sensibus externis, internos autem, vt vocantur, in quantum a corpore pendent, nihil aliud esse, quam continuationes sensuum externorum in cerebro.

(F)

§. VI.

§. VI.

Solent praeterea sollicitè monere, ne persuadeamus nobis, ipsis obiectis forte inesse eiusmodi quid, quod mente percipimus, obiecta nihil praeter motum organis imprimere, cumque haec variis constant partibus, extremitates neruorum in membranam, papillas, fibrillasque abeuntium, proprium demum et immediatum sensus instrumentum vocare non dubitant. Vt vero motus ille impressus continuari usque ad cerebrum queat, id vero beneficio spirituum animalium fieri, seu, ut alii vocant, succi neruosi, quo omnes neruorum fibrae repletae ita et extensae sint, ut nulla horum pars vel leuissimo motu moueri queat, ut non illi spiritus simili prorsus ratione moueantur, eumque motum ad cerebrum propagent. Varietatem autem motuum, et hinc dependentium perceptionum ex obiectorum varietate, organorumque diuersa conformatione, prouenire.

§. VII.

Et certe structura partium corporis humani, praecipue organorum quibus sentimus, mirifice huic sententiae fauet. Saltem quod ad perceptionem attinet, adeoque eum actum, qui praecipue sensum constituit, an is menti, an mediae cuidam parti, sentiendi imaginandique facultate praeditae tribuendus sit, dubitant, qui de homine eiusque

que partibus, ex quibus componatur, secus sentiunt. Sed hac de re suo loco dicetur ex instituto. Nunc in sensibus explicandis persequemur potissimum ea, quae ad corpus pertinent.

§. VIII.

Solent autem quinque externi sensus statui, *visus, auditus, olfactus, gustus et tactus*: quos alii ad vnũ reuocant, videlicet *tactum*: haëtenus quidem non male, quod in omnibus sensibus species quaedam tactus deprehendatur. Interim cum organa diuersa sint, indeque diuersae oriantur perceptiones, recte hoc discrimen sensuum admittitur.

§. IX.

Iam quod speciatim ad visum attinet, obseruatum iam pridem eruditis fuit, cum fieri per modum *camerae*, vt vocant, *obscurae*. Radii namque luminis a superficie corporum ad oculos nostros pertingentes, tunicas humoresque pellucidos varie permeant: illiue, qui ad perpendiculum, hoc est, in mediam pupillae partem recta incidunt, ii fundum oculi recta petunt: qui autem oblique pupillam subeunt, per tunicas humoresque refringuntur, vt non recte ad fundum perveniant, vnde adeo in retina radii varii, pro refractionis eorum ratione coëunt, ibique imagines quasdam rerum, quas videmus, efformant. Radii autem isti dum motu suo varias partes retinae concutiunt, fibras ner-

ni optici apte tensas et expansas, liquoremque seu spiritus in illis comprehensos in motum cient, qui hac ratione ad cerebrum propagetur, certamque ibi perceptionem efficiat.

§. X.

Est autem insignis omnino oculi prae camera obscura praerogatiua, non tantum quod ope musculorum diuersimode moueri possit, sed et quod pupilla, ope iridis musculosae, etiam sine mentis directione, solius vi appulsuque luminis, mirifica celeritate, ad moderandum radiorum ingressum, vel dilatetur, vel coarctetur et constringatur. Quibus accedit, quod ad variam obiectorum distantiam oculus velut se ipsum accomodet, tunica retina vel propius ad lentem crystallinam adducta, vel ab eadem abducta, prout obiectum propius et remotius, et ab his prodeuntium radiorum illapsus, requirit. Id quod beneficio musculorum oculi, aliis tamen oculorum partibus, cum primis tunica vnea, musculosa, huc aliquid conferentibus, fieri per ipsam harum partium, totiusque oculi structuram dubitari nequit.

§. XI.

Quid *audire* sit, ex iis fere, quae supra de structura auris, eiusque partium, dictum est, intelligitur, modo porro supponamus, quod alibi docetur, sonum nihil aliud

liud esse, quam motum tremulum aëris, ex collisione vel ictu, ac percussione corporum productum, et per aures vsque ad cerebrum, in quo percipiatur, propagatum. Sequenti itaque ratione auditus peragitur: aër tremulo motu actus cauitatem externam auris subit, iteratisque fluctibus tympanum verberat; a quo commoto ossicula intra tympanum commouentur, agiturque similiter aër antro inclusus, nerui demum optici fibras in intima auris cauitate concutit, qui motus hac ratione ad cerebrum delatus, eam ibi efficit sensationem, quam sonum vocamus.

§. XII.

Pari ratione in *olfactu* filamenta neruorum olfactoriorum, per corpusculos ex odoratis corporibus elabentes, maxime vt nonnulli volunt, salinosulphureos vna cum aëre in nares adductos punguntur, et vellicantur, et quidem varie, pro odorum varietate, qui motus per neruos ad cerebrum delatus, itidem ibidem id efficit, quod *olfactum* aut *odoratum* vocamus.

§. XIII.

Gustus organon praecipuum linguam esse, ex supra dictis constat, quemadmodum et illud, quod in superficie linguae papillae nerueae, subtilissimae scilicet nerui gustatorii propagines, emineant. Iam cum a particulis, quibus obiecta sapida constant, prae-

cipue salinis, cum aliis particulis varie mixtis, et hinc diuersas oppido figuras fortientibus, istae papillae diuersimode mouentur, vellicantur, lacerantur, idemque ille motus per dictum neruum ad cerebrum transfertur, oriri inde certam perceptionem necesse est, quam vocibus diuersis, pro ipsa perceptionis diuersitate, exprimimus, gratum, ingratum, dulcem, amarum etc. saporem rebus ipsis tribuentes.

§. XIV.

Tactus organon generatim quidem cutis est, quippe cui infiniti apices et papillae nerueae intertextae sunt, quae vel leuissimo corporum aliorum appulsu commotae, hunc motum ad cerebrum deferunt. Cum vero in volis manuum atque apicibus digitorum papillae istae nerueae longe copiosiores, quam aliis corporis partibus, existunt, ratio patet, cur acrior hic et subtilior sit tactus, vt adeo manus recte pro speciatu organo tactus habeatur.

§. XV.

Proxime ad sensus accedunt *appetitus*, vt vocantur, *naturales*, cum primis *fames* et *sitis*. Et ad famem quidem quod attinet, cum succus qui subinde ex glandulis, quibus stratum stomachum esse diximus, affluit, nullusque adest cibus, in quem vim suam soluentem exserat, nervos stomachi vellicat, molestantque adeo sensationem in mente

te efficit, cui pellendae non promptius remedium, quam cibi assumptionem esse, cum ab ipsa infantia, consuetudine et experientia edocti simus, non potest non cum ista sensatione appetitus capiendi cibum coniunctus esse. Atque hanc perceptionem cum appetitu isto, *famem* appellamus. Alii expirationi ventriculi interiori tribuunt, quod nos succo ex glandulis stillanti vindicauimus, in ceteris nobiscum consentientes.

§. XVI.

Sitis eadem fere est ratio: cum enim vapor ex stomacho ascendit, faucesque nimium exsiccat, molesta inde in mente oritur sensatio, cui cum assumpto liquore obuiam ire consueti simus, non potest non cum ista sensatione, appetitus liquorem eiusmodi assumendi, coniunctus esse. Atque hoc est quod sitim vocant.

§. XVII.

Ceterum cum sensus aliquando quiescant, homoque omnibus illorum functionibus destitutus videatur, duplex inde oritur status, *somnus* et *vigilia*. Nimirum cum nervi spiritibus animalibus seu succo nervoso tument, ut leuissimus eorum motus statim ad cerebrum deferatur, vigiliamus: somnus contra ex nervorum remissione oritur. Causam vero huius remissionis non omnes eandem assignant. Alii enim ex spirituum animalium seu succi nervosi penuria eam

contingere arbitrantur, alii ex neruorum obstructione: alii autem primam somni causam in validiori sanguinis pressione in cerebro quaerunt, cui cum fibrae cerebri non satis tensae, resistere nequeant, resultare inde diminutam succi neruosi per neruos deriuationem, adeoque somnum. Animi autem relaxatio, similesque causae, ad remotas spectant, de quibus hic non sumus solliciti.

§. XVIII.

Supereft denique *motus*, partium quidem solidarum, totiusque corporis, paucis explicandus. Et hunc quidem per fibras motrices, musculosque ex illis fibris contextos, fieri, positum hodie extra controuersiam videtur. Sed in eo quoque consentiunt, fibrarum istarum atque musculorum motum contractionemque, provenire ab influxu spirituum animalium, aut liquidi cuiusdam per neruos atque arterias aduecti. De modo autem, quo isti spiritus seu liquidum hoc efficiant, non inter se consentiunt. Recepta haecenus sententia fuit, musculos subeuntibus per neruos spiritibus animalibus, intumescere atque inflari, et ita illorum contractione partes iis coñexas moueri. Alii contra verosimilius, musculorum contractionem a tensione fibrillarum transuersalium a succo neruoso huc aduecto, et cui succus in fibra carnea conclusus, eoque per arterias

terias deductus, et elastica quadam vi pol-
lens, obnitatur, orta, deriuantur.

§. XIX.

Quod autem quidam motus voluntarii
sint, alii inuoluntarii, itidem a singulari or-
ganorum structura pendere videtur, quip-
pe quorum nonnulla ita comparata sunt, vt
lege quadam mechanica morum aliunde
impressum facile concipiant, et ad totius
machinae conseruationem continuentur,
quamdiu necesse est: alia autem eiusmodi
constant musculis, qui arbitrio mentis ob-
noxii sunt, vt ad quemlibet nutum mentis,
statim motus proportionatus spirituum
animalium seu succi neruosi sequatur, et
hinc porro musculorum contractio, ea
quidem ratione, vt antea diximus. Quo-
modo autem hoc fiat, vt statim ad motum
mentis spiritus illi seu succus neruosus mo-
ueantur, praesertim, si cogitemus, ea corpo-
ra esse per se motu destituta, et quis ea mo-
ueat, id vero explicari nulla ratione potest,
praesertim si quis praeter mechanicam
quandam rationem, nihil aliud admittat.

§. XX.

Inter motus autem voluntarios partium
corporis eminet *loquela*, cui organa varia, sa-
pientissime ad hunc vsum comparata, infer-
uiunt. Aër enim pulmonibus conceptus, la-
teque per eos diffusus, dum iterum expelli-
tur, in arteria aspera coit, ibique non pot-

(F) §

est

est non magnam subire compressionem, quae per angustiam glottidis augetur, dum per membraneam vtrinque rimulam, in internis cartilaginis thyroideae lateribus efficitur transire cogitur, ibique colliditur et velut verberatur diuersimode, variis musculis laryngi insertis, vt motus iste aeris diuersimode temperari queat, huc multum conferentibus. Atque, cum per hanc laryngis rimulam non ad nares modo, sed et ad os inter pateat, tum porro per linguae, reliquarumque oris partium, motum sonus ille quem edimus, ita modificari potest, vt articulatus euadat, infinitasque adeo sua diuersitate constituat voces, quibus ceu signis symbolisque ea, quae in mente sunt, exprimimus, vnde tandem sermo oritur.

§. XXI.

Iam vt in summam dicta conferamus, cum omnium humani corporis partium, solidarum ac fluidarum, internarum et externarum, haec est conditio et natura, vt illae quas diximus, operationes, sine impedimento, prout natura humani corporis, eiusque conseruatio requirit, inde sequantur, tunc in statu naturali corpus constitutum dicitur, seu quod perinde est, *sanitate* gaudere. Cum vero in omnibus hisce, si a partium solidarum confractione, laceratione, luxatione, similibusue discesseris, liquorum quibus humanum corpus irrigatur, praecipue

pue habenda sit ratio, hi vero a sanguine
 proueniant, haecenus illorum admitti quo-
 que sententia potest, qui sanitatem in recta
 et conuenienti sanguinis temperie,
 aequabilique motu, consistere
 asseuerant.

CAP. IV.

de

STATV CORPORIS HUMANI
PRAETERNATURALI.

Σύνοψις.

*Status corporis humani
 praeternaturalis, quid?*

§. I.

Morborum varietas, §. II.

*Ad tres reuocantur classes:
 morbi partium solida-
 rum, §. III.*

*Fluidarum, speciatim qui
 in sanguine sedem ha-
 bent, & quidem nimis
 spisso, §. IV.*

*Aut nimis attenuato et
 commoto, §. V.*

*Ex priori causa quinam
 morbi oriantur, §. VI.*

*Praesertim si salia acriora
 accedant, §. VII. IIX.*

*De morbis, qui in spiritibus
 animalibus sedem ha-
 bent, §. IX.*

*De causis morborum remo-
 tis, §. X.*

*De singulis morborum gene-
 ribus monitum: transitus
 ad doctrinam de feбри-
 bus, §. XI.*

*Februm intermittentium
 phaenomena praecipua,
 §. XII.*

*Hypothesis quorundam ad
 ea explicanda, §. XIII.*

*Qua secundum eam sit cau-
 sa frigoris, et pulsus len-
 tioris ac tenuioris, §. XIV.*

*Et caloris, sudorisque et
 pulsus vehementioris ac
 celeris, §. XV.*

*Cur statis vicibus febris re-
 curret, §. XVI.*

De februm differentiis iux-

ta eandem hypothefin,

§. XVII.

Explicis de ifta hypothefi:

aliorum de caufa febri-

um ſententiae, §. XVIII.

Ex cauſis morborum colligi-

tur, quæ ſit ratio conſer-

vandi ſanitatē, §. XIX.

§. XX.

De vita & morte, §. XXI.

§. I.

Quid ſtatus præternaturalis nomine nobis designetur, ex dictis iam quodammodo colligitur: cum videlicet partium humani corporis diſpoſitio et ſtructura turbatur, ut naturales, quas designauimus, operationes, inde non amplius edantur, aut non ita, ut decebat, edantur. Atque hic humani corporis ſtatus alias morbi nomine venit.

§. II.

Ex quo facile intelligitur, magnam morborum eſſe varietatem, ſive ipſam diſpoſitionis et ſtructurae turbationem, ſive partes, in quibus velut ſedem ſuam morbi figunt, ſive effectus diuerſos, circumſtantiasue conſideres. Namque quidam morbi uſum tantum partium laedunt, *ophthalmia*, *podagra*, alii uſum earum penitus diruunt, ut *gutta ſerena*, *ſurditas*, *paralyſis*. Quidam morbi totum corpus afficiunt, ut *febres*, *apoplexia*, *epilepſia*, *conuulſio*, alii corporis tantum partem affligunt, ut *aſthma*, *colicus dolor*, *podagra*, *hydrops abdominis*. Sic porro nonnulli ad corpus tantum pertinent, ut *paralyſis*, alii animum turbant, ut *delirium*,
melan-

melancholia, alii corpus et animum simul excruciant, vt *mania*, *phrenitis*, *soporosi* et *hysterici affectus*, etc.

§. III.

Sed totam morborum pertexere genealogiam huius loci non est. Id potius obseruandum, quod omnes ad tres classes commode reduci possint, partium scilicet *solidarum*, *fluidarum* et *utrarumque*. Solidae partes, vt *ossa* et *carnes*, laeduntur, cum aut tumore praeter modum turgent, aut vulnere inciduntur, aut a loco remouentur, vt in *herniis*, aut a contusione vel fractura dissoluuntur.

§. IV.

Partium fluidarum morbos vel in *massa sanguinea*, vel in *spiritibus animalibus*, pro quibus succum nervosum alios substituere diximus, hospitium tenere, obseruant. Et ad illos quidem morbos quod attinet, qui ex sanguinis mutatione oriuntur, ad duas eos iterum reuocant classes, quarum vna eos complectitur, qui oriuntur, cum sanguis nimis spissus est, id quod contingere dicunt, cum principia eius salina et sulphurea fixa sunt et crassa, moleculaeque grandiores sunt, multo scilicet tartaro et sale acido fixo aggrauatae, quo ipso motum eius tum internum, tum progressuum seu circuitum multum retardari necesse est.

§. V.

Altera autem classis eos morbos complectitur,

ta eandem hypothefin,

§. XVII.

*Ex his de ifta hypothefi:
aliorum de caufa febri-
um fententiae, §. XVIII.*

*Ex caufis morborum colligi-
tur, quæ fit ratio confer-
uandi fanitatem, §. XIX.*

§. XX.

Debita & morte, §. XXI.

§. I.

Quid status praeternaturalis nomine nobis designetur, ex dictis iam quodammodo colligitur: cum videlicet partium humani corporis dispositio et structura turbatur, vt naturales, quas designauimus, operationes, inde non amplius edantur, aut non ita, vt decebat, edantur. Atque hic humani corporis status alias *morbi* nomine venit.

§. II.

Ex quo facile intelligitur, magnam morborum esse varietatem, siue ipsam dispositionis et structurae turbationem, siue partes, in quibus velut sedem suam morbi figunt, siue effectus diuersos, circumstantiasue consideres. Namque quidam morbi vsum tantum partium laedunt, *ophthalmia*, *podagra*, alii vsum earum penitus diruunt, vt *gutta serena*, *surditas*, *paralysis*. Quidam morbi totum corpus afficiunt, vt *febres*, *apoplexia*, *epilepsia*, *conuulsio*, alii corporis tantum partem affligunt, vt *asthma*, *colicus dolor*, *podagra*, *hydrops abdominis*. Sic porro nonnulli ad corpus tantum pertinent, vt *paralysis*, alii animum turbant, vt *delirium*,
melan-

melancholia, alii corpus et animum simul excruciant, vt *mania*, *phrenitis*, *soporosi* et *hysterici affectus*, etc.

§. III.

Sed totam morborum pertexere genealogiam huius loci non est. Id potius obseruandum, quod omnes ad tres classes commodè reduci possint, partium scilicet *solidarum*, *fluidarum* et *utrarumque*. Solidae partes, vt *ossa* et *carnes*, laeduntur, cum aut tumore praeter modum turgent, aut vulnere inciduntur, aut a loco remouentur, vt in *herniis*, aut a contusione vel fractura dissoluuntur.

§. IV.

Partium fluidarum morbos vel in *massa sanguinea*, vel in *spiritibus animalibus*, pro quibus succum neruofum alios substituere diximus, hospitium tenere, obseruant. Et ad illos quidem morbos quod attinet, qui ex sanguinis mutatione oriuntur, ad duas eos iterum reuocant classes, quarum vna eos complectitur, qui oriuntur, cum sanguis nimis spissus est, id quod contingere dicunt, cum principia eius salina et sulphurea fixa sunt et crassa, moleculaeque grandiores sunt, multo scilicet tartaro et sale acido fixo aggrauatae, quo ipso motum eius tum internum, tum progressuum seu circuitum, multum retardari necesse est.

§. V.

Altera autem classis eos morbos complectitur,

tur, qui oriuntur, cum massa sanguinea nimis attenuatur, et dissolvitur, eiusque motus tum internus, tum progressivus, ultra quam par est, acceleratur. Et huc quidem *febres* omnesque febriles effectus referunt, de quibus tamen deinceps ex instituto aliquid dicemus.

§. VI.

Ad priorem autem classem, cum sanguis nimis spissus est, morbi quam plurimi referri solent. Etenim quando sanguis ita comparatus est, facile in angustis partium canaliculis, et tortuosis fibrarum anfractibus, quos subire tenetur, prae lentore retinetur, et consistit. Vnde *obstructiones, inflammationes, scirrhus, sarcomata, verrucas, pustulas, impetigines*, variosque alios tumores et infarctus, tum in visceribus tum in habitu corporis, iuxta partium debilitatem, et peculiarem ipsius dispositionem, prouenire necesse est. Sed ex eadem causa, sanguinis spissitudine et lentore, animi quoque corporisque *torporem, somnolentiam, hebetudinem, melancholiam*, variosque affectus hypochondriacos, deriuare haud sine ratione solent.

§. VII.

Quod si sanguis ille spissus, sale acido luxuriante, nimis fit aliunde aculeatus, non tantum segniori circuitu agitabitur, & intestino motu, sed etiam spiculis suis salinis hinc inde partium texturam dilaniabit, et in
vltus

vlcus eliquabit: idque in *ptihicis*, *scrophulosis*, *scorbuticis*, *venereis affectibus*, in *gangraena*, *carie*, *carbone*, *cancro*, aliisque tumoribus erodentibus, iuxta varios falsedinis et acrimoniae gradus, contingere, autumant. In his enim sanguinem salinis eiusmodi aculeis totum velut echinatum, non tantum molliorem carniū texturam strigilis instar paulatim dilacerare, sed et solidiorum ossium fibrosas laminas, altius erodere.

§. VIII.

Ex eadem praeterea causa, *cephalalgiam*, *cardialgiam*, *dolorem colicum*, *nephriticum*, *artriticum*, *rheumaticum*, *pleuriticum* similesue deriuare solent. Salinas enim istas particulas ob varias causas collectas, et in certas partes delatas, acicularum instar eas fodere, et stimulare, vnde atroces dolores, et exquisiti non possint non oriri cruciatus.

§. IX.

De iis morbis, qui in spiritibus animalibus, aut succo neruoso sedem habent, ita censendum nonnullis videtur, quod alii a suppresso vel retardato eorum motu, aut diminuta copia: alii autem a deuio et effero eorum orgasmo proueniant. Ad primam classem referunt *catalepsiam*, *apoplexiam*, *veternum*, *paralyfin*, *tremorem*, *lassitudinem*, *timorem*, et similes: ad alteram *maniam*, *phrenitidem*, *delirium*, *vertiginem*, *conuulsionem*, *epilepsiam* &c.

§. X.

§. X.

Atque haec quidem, quae diximus, de causis morborum proximis intelligenda sunt; ad remotas in morbis quidem a sanguinis mutatione prouenientibus, intemperantiam in cibo et potu, motum praeposterum, aut eius intermissionem nimiam, excessumque in quiete, somnumque et vigiliis, quae modum excedunt, aëris insalubritatem, retentionem excernendorum, animique affectus vehementiores et diuturniores, quippe quae omnia sanguinis temperiem et motum mutare apta sunt, referri posse et debere, nemo forte est, qui dubitet: sicut rursus spirituum affectus et defectus itidem a sanguinis intemperie, accedentibus vehementioribus animi affectibus, deriuandos esse, pariter verosimile admodum videtur.

§. XI.

Multa equidem de singulis morborum generibus diligenti rerum naturalium scrutatori inuestiganda restant, sed id huius loci non esse, facile intelligitur: accedit, autem, quod in plerisq; morborum et maxime difficillimis phaenomenis praeter coniecturas nihil se afferre posse, rerum naturalium consultissimi fateantur. Id quod, ne quid nostrae tractationi desit, vel vnico specimine de *febris*, quæ ceteroquin omnium ad-

admirationem concitant, comprobare haud abs re fuerit,

§. XII.

Magna autem licet febrium sit diuersitas, nunc de *intermittentibus* saltem loquimur: quarum licet itidem non eandem rationem esse, me non fugiat, ea tamen, in quibus fere conueniunt, et quae eruditos maxime sollicitos habent, phaenomena haec sunt: initio, cum paroxysmus accedit, frigus ac tremor totum corpus occupant, iisque durantibus pulsus tenuior, & lentior, est: deinde vero calor succedit, frequentiori et vehementiori pulsu comitatus, quem sudor excipit, pulsu mollius arteriam feriente: denique statis vicibus paroxysmi redeunt, et quandoque si longiores sint, delirium creant.

§. XIII.

Haec vt rite explicent, sequentem in modum rationes subducere solent nonnulli ex recentioribus: supponunt, quod maxime, verosimile videtur, hasce sanguinis mutationes ex materia quadam peregrina, quam non satis promte subigere potest, eidem admixta oriri, quae tamen materia, qua in parte corporis originem habeat, vnde erumpat, de eo vix certi aliquid pronunciare audent, nec vna omnino vt materiae istius sedes statuatur, videtur necesse esse. Interim eum

(G)

locum

locum, ex quo erumpere censetur, *focum febris* appellitare solent.

§. XIV.

Iam cum porro ea materia crassior chylo minusque cocta supponatur, fieri aliter non posse, quam ut motus sanguinis initio per eam impediatur, forte quod particulae ramosae aut nimis longae ad motum parum sint idoneae: ex impedito autem et retardato motu sanguinis oriri frigus, cui tremor accedat, quod eadem particulae in arctioribus meatibus haerentes, et vi adfluentis sanguinis impulsae, musculos concutiant, et tremere faciant. Atque ex eadem causa pulsus quoque reddi lentiores et tenuiores, cum hic sanguinis motui imputari debeat.

§. XV.

Tandem vero si continuo sanguinis motu particulae istae frangantur, et veluti comminuantur, simul per eas motum sanguinis augeri, cum particulae duriores semel motae maiori ferantur impetu, et hinc calorem nasci, quo cum omnes sanguinis partes ad externam corporis superficiem pellantur, tanta copia erumpere per poros cutis, ut sudor inde proveniat. Motui autem celeriori ac vehementiori sanguinis, non posse non pulsus quoque vehementiam et celeritatem respondere.

§. XVI.

§. XVI.

Ast quod statis vicibus febris recurrat, id inde fieri putant, quod materia ista peregrina subinde generetur, et de nouo sanguini infundatur, vnde eadem symptomata redire necesse sit, non eodem quidem gradu, prout maior aut minor istius peccantis materiae effunditur copia. Namque in foco ceu sede febris sanguinem, qui illuc affertur, corrumpi et in eiusmodi materiam conuerti, quae si nondum in tanta copia adest, vt istam suam sedem egrediatur, cessare paroxysmum: redire autem, si tanta adsit copia, vt sanguini laudabili admixta, nouam iterum eidem induat mutationem.

§. XVII.

Atque hinc febrium etiam diuersitatem explicare audent. Quartanam namque fieri febrem, cum portio sanguinis subsistens, febrem generans, tridui spatium ad concoctionem indiget, vt fiat idonea, quo cum reliquo sanguine transfundi queat; Tertianam, cum biduum sufficit; Continuum, cum continuo influit, et sic porro.

§. XVIII.

Sed haec similiaue licet non sine omni verosimilitudinis specie dicantur, sunt tamen nihil aliud quam coniecturae, quae suis non carent difficultatibus, vt mirandum non sit, alios aliam rationem naturam febrium explicandi ingredi: nonnullos speciatim causam

februm in eam sanguinis conditionem referre, qua is ob putredinem, cui omnia mixta corpora obnoxia sint, et per quam destruantur, vergat, et cui natura per eiusmodi sanguinis motum extraordinarium, ad materiae secretionem et excretionem spectantem, obuiam eat, licet non eodem semper, ob varia impedimenta, successu. Alii aliter de hac re philosophantur, quibus diutius non immorabimur.

§. XIX.

Ceterum quod ad causas morborum generatim spectatas, et quidem externas attinet, id ex dictis facile colligitur, imo etiam vix est, qui dissentiat, in harum censum merito ea omnia referri, quae naturalem sanguinis temperiem et constitutionem, motumque, mutare apta sunt. Quod si obseruetur, quae ratio sit morbos utcumque evitandi, conseruandique sanitatem, haud difficile inde colligitur, id quod pro fructu doctrinae naturalis longe praestantissimo recte reputamus.

§. XX.

Nimirum, ut paucis caput rei efferam, evitanda ea omnia sunt in cibo, potu, motu, quiete, quae insignem et notabilem afferre sanguini mutationem possunt. Corpus praeterea, quantum per causas tum naturales, tum morales licet, ita assuefaciendum, ut victus et aeris, aliarumque rerum exter-

narum

narum mutationem quandam ferre possit, ne si mutationem subire necesse sit, uti saepe necesse est, haec nimis sit noxia. Ex quo illud etiam sequitur, unicuique sui corporis conditionem debere esse perspectam, nec posse regulas diaeteticas speciales, quae aut omnibus, aut multis ex aequo profint, facile praescribi.

§. XXI.

Supereſt, ut quid *vita* et *mors* ſit, paucis deſignemus. Nimirum quamdiu oeconomia animalis eatenus eſt incolumis, ut operationes principales corporis, reſpiratio cum primis ſanguinisque motus, et hinc ſecuta cordis palpitatio nondum prorsus ceſſet, vivere adhuc homo dicitur. Ad hoc autem quid requiratur, ut nondum iſte motus ceſſet, dubito an ita deſiniri poſſit, ut poſitum ſit extra dubium. Quod ſi vero oeconomia animalis eoſque diſſolvitur, ut iſtae operationes prorsus et in perpetuum ceſſent, tum deſtructa diſſolutaque penitus haec machina cenſetur, id quod *mortem* vocamus.

CAP. V.
de
HIS, QUAE PRAETER CORPVS IN
HOMINE SVNT.

Σύνοψις.

- | | |
|--|--|
| <i>Ratio dicendorum, §. I.</i> | <i>motuum corporeorum directione sentiant, §. X.</i> |
| <i>Motus corporis hominis sapientissime dirigi, §. II.</i> | <i>Quid de sensibus externis, §. XI.</i> |
| <i>Esse quoque in homine, quod varios corporis motus percipiat, §. III.</i> | <i>De imaginatione et memoria, §. XII.</i> |
| <i>Eamque perceptionem quandoque continuari et resisti, §. IV.</i> | <i>De intellectu, §. XII.</i> |
| <i>Sed interdum sublimiori quadam ratione nos aliquid cognoscere, §. V.</i> | <i>De voluntate et affectibus, §. XIV.</i> |
| <i>Esse praeterea aliquid in homine, quod res corporeas appetat, aut auersetur, §. VI.</i> | <i>Altera hypothesis illorum est, qui tres hominis partes constituunt, §. XV. XVI.</i> |
| <i>Sed et alium adpetitum, qui priori velut aduersetur quandoque, §. VII.</i> | <i>Hi quid sentiant de motuum corporis involuntariorum directione, §. XVII.</i> |
| <i>Ex his phaenomenis quaedam ab omnibus admitti, quaedam tantum a quibusdam, §. VIII.</i> | <i>De sensibus externis et internis, §. XVIII. XIX.</i> |
| <i>Ad ea explicanda diuersae excogitatae sunt hypothesis, §. IX.</i> | <i>De variis imaginationis affectibus; de ingenio et iudicio, §. XX.</i> |
| <i>Prima illorum, qui duas tantum hominis partes admittunt: quid illi de</i> | <i>De appetitu sensitiuo, §. XXI.</i> |
| | <i>De mente, §. XXII. XXXII.</i> |
| | <i>De voluntate, §. XXIV.</i> |
| | <i>Quid pro utraque hypothesis afferri queat, §. XXV.</i> |
| | <i>Enigis, §. XXVI.</i> |
| | <i>Non omnia, quae in homine sunt,</i> |

*sunt, cognita nobis esse at-
que perspecta, §. XXVII.*

*De immaterialitate mentis,
secundum illos, qui duas
hominis partes statuunt,
§. XXVIII.*

*Secundum illos, qui tres ho-
minis partes statuunt,
§. XXIX.*

*De mentis cum corpore con-
iunctione, §. XXX.*

§. I.

CVM magna sit opinionum et hypothesi-
um, de iis, quae praeter corpus ad ho-
minis constitutionem pertinent, varietas,
tum demum quam rectissime hic nos incessu-
ros putauimus, si certa ab incertis separando,
effectus, quos quilibet in se deprehendit aut
deprehendere videtur, indicarem, de cau-
sis autem et principiis horum effectuum ni-
hil nisi coniecturas proferri posse, libere et
ingenue profiteremur.

§. II.

Primo itaque hoc certum est, et experien-
tia constat, motus varios partium corporis
humani, praecipue sanguinis, speciatim eos,
quos inuoluntarios dicimus, homine nesci-
ente, et nihil animaduertente et conferente,
haud raro ita institui, ut ad certum finem
quam aptissime conspirent, et sapientissimo
adeo consilio ita dirigi, censei haud immeri-
to queant. Id quod vel in morbis obseruare
quam clarissime licebit.

§. III.

Deinde et hoc quilibet in se ipso facile ani-
maduertit, esse in se aliquid, quod motus
ab obiectis externis in corpore excitatos per-

(G) 4

cipiat.

ciat. Sensibus suis et conscientiae repugnaret, qui hoc ire inficias auderet. Cum enim videmus, audimus, gustamus, olfacimus, tangimus, certe non tantum obiecta externa organa corporis nostri afficiunt, sed percipimus aliquid, et aliud quidem nobis percipere videmur, cum videmus, aliud cum audimus: imo pro obiectorum, quae visum, auditum &c. afficiunt, varietate, variam etiam atque diuersam nostram esse perceptionem, negare nullo modo possumus.

§. IV.

Sed et illud animaduertimus, illas in nobis continuari perceptiones, obiectis licet externis, quae per sensus eas efficere videbantur, remotis, adeo quidem, vt istis perceptionibus diuersimode inter se consociatis, nouae velut, a nullis causis externis prouenientes excitentur: id quod *imaginationem* vulgo vocamus. Quemadmodum rursus nec illud negare quisquam potest, post longum etiam temporis intervallum non obiectis modo remotis, sed cessantibus etiam istis perceptionibus, easdem tamen recurrere, id quod *memoriam* dicere moris est.

§. V.

Haec, quae haecenus diximus in nobis contingere, quotidie experimur. Sed si accuratius attendamus ad ea, quae in nobis geruntur, et alia deprehendere nobis videmur. Etenim non tantum percipimus aliquid

quid, sed cognoscimus etiam, hoc nos percipere, id quod de reliquis etiam haecenus allatis motibus pariter est intelligendum, quos in nobis fieri, plane conscii nobis sumus. Atque videmur et rerum a materia, abstractarum cognitionem in nobis deprehendere, ita tamen, ut, quo magis penetrare in istos sublimioris cuiusdam principii actus annitimur, eo magis hoc refugiat velut, et se occultet, et nostris ausibus subtrahat, ut cum *sancto sanctorum*, loco obscuro et occulto templi Hierosolymitani, haud inconcinne a quibusdam comparari videatur.

§. VI.

Simili ratione appetitus varios bonorum, et auersationes malorum, in nobis deprehendimus. Et ipsi quidem motus inuoluntarii corporis ad euitanda noxia, conducibilia autem comparanda, ita comparati sunt, ut parum absit, quin et hic natura hominis auersari mala, et profutura appetere videatur. Sed illud quidem non adeo clarum est. Hoc certum atque manifestum, ea quae sensibus externis percipiuntur, aut imaginatione repraesentantur, ita nos afficere, ut, quo minus grata adpetamus, auersemur ingrata, impedire nulla ratione queamus.

§. VII.

Subinde tamen exserere se in nobis alius,isque occultior fere, et sublimior adpeti-

tus videtur. Si enim clare intelligamus, quae grata nobis adparent, reuera tamen noxia esse, illa adpetere non desinimus, simul tamen velle quodammodo nobis videmur, ne talia adpeteremus, idque iterum ratione tam abstrusa, tamque recondita, ut quis ille sit adpetitus, vndeue proueniat, non satis perspicere posse videamur.

§. VIII.

Ex his quaedam ita comparata sunt, ut quilibet ea sine ullo negotio deprehendat, et rationis expers censeatur merito, si vocare ea in dubium velit. Nonnulla autem non aequae certa sunt: sed tamen, quia a nonnullis assumuntur, nec negligenda prorsus videantur, ea hic commemorare volui. Interim vel inde humani intellectus elucescit imbecillitas, cum nec in iis, quae in homine eueniunt, consentiant Philosophi, sed nonnulli deprehendere in animo suo aliquid sibi videantur, quod alii perspicere nullo modo possunt.

§. IX.

Ad haec autem, quae enumerauimus, phaenomena explicanda, non vnam rationem ingressi sunt. Et hodie quidem qui hac de re philosophantur, in duas dispescuntur haud immerito classes. Alii enim *duas* tantum in homine partes admittunt, alii *tres* constituunt. Vtrique diuersa hic ratione procedunt.

§. X.

§. X.

Qui duas tantum partes admittunt, cuncta, quae in homine contingunt, ad *mentem*, quam substantiam cogitantem vocant, et *corpus*, referri posse, putant. Atque ad motus quidem corporeos, eosque inuoluntarios quod attinet, eos ex dispositione materiae per motus leges, mechanica quadam ratione effici contendunt, ita vt praeter materiam aliud quoddam hic agnoscere principium detrectent. Sed cum tandem intellectum sit, materiam, ceu rem mere passiuam, se ipsam mouere non posse, vtut motum impressum continuare queat, nonnulli quidem ipsum Deum aduocarunt in subsidium, alii autem materiam agendi vi destitutam negarunt, quippe quae rebus creatis omnibus in prima creatione indita sit.

§. XI.

De sensibus autem quo pacto hi philosophentur, ex dictis fere intelligitur. Etenim cum organa per corpora nos ambientia pulsantur, aut premuntur, per neruorum fibras motum istum continuari ad cerebrum vsque aiunt, in quo mens hospitetur, quae adiuersis istis neruorum aut fibrarum potius motibus, diuersimode afficiatur. Etenim tam arcto vinculo atque foedere mentem cum corpore colligasse Deum, vt ad certos motus corporis, siquidem illi ad mentem beneficio spirituum animalium seu succi ner-

neruosi deferantur, non possint non sequi certi motus seu perceptiones mentis, vti vice versa ad certos mentis motus, certi quoque sequuntur motus corporis.

§. XII.

Atque hi quidem motus neruorum seu fibrarum si continuentur in cerebro, absentibus licet atque remotis obiectis, vocari tum hanc perceptionem *imaginationem*, quae si recurat, postquam iam semel cessauit, denuoque mentem afficiat, *memoriam* inde resultare. Alii autem eandem licet, quod ad caput causae attinet, sententiam sequantur, per spiritus animales, qui per neruos in cerebrum deriuentur, certa cerebro imprimi vestigia putant, quae velut symbola sint, et signa rerum, quae istum motum imprefferunt, vt eadem perceptio continuetur in mente, quae primo impressa fuit, quamdiu animales spiritus ista vestigia subeant, id quod *imaginationem* vocant: quod si vero post aliquod temporis spatium iterum spiritus animales haec vestigia subeant, vt eadem in mente idea seu perceptio iterum producat, *memoriam* inde resultare contendunt.

§. XIII.

Praeter corpus vero, vt diximus, hi ipsi mentem in homine admittunt, quae hoc ipso quod sit res cogitans, non possit non omnis materiae esse expers. In ea cum duo sibi deprehendere videantur, passionem et acti-

actionem, duas quoque hinc eidem tribuunt facultates: quarum vnā, qua scilicet omnes corporis motus percipit, et ab iis velut afficitur, *intellectum*, alteram, quae actiua est, quae bonum adpetimus, malum auersamur, *voluntatem* adpellitare consueuerunt. Atque de reliquis hinc vtriusque operationibus ita philosophantur, vt passiones omnes ad intellectum, motus autem actiuos ad voluntatem referant.

§. XIV.

Hi ergo vnā saltem, qua aliquid adpetimus facultatem, admittunt, eamque menti propriam, quam *voluntatem* vocamus. Quae cum a motibus corporeis quandoque irritetur, ad ea adpetenda, quae corpori grata sunt, intellectus vero haec noxia iudicet, in hanc inde, sed perperam, homines induci opinionem; ac si duplici adpetitu, eoque quandoque contrario gaudeant; cum tamen mentis saltem corporeis motibus resistentis haec lucta censerī debeat. Eos vero motus, quos *affectus* vocamus, nihil aliud quam mentis passiones esse, per certos eosque extraordinarios motus corporis excitatos, adeoquo ad intellectum pertinere.

§. XV.

Sed longe aliter alii de hisce omnibus philosophantur, praesertim ii, qui tres hominis partes constituunt, quanquam nec hi omnes vnā eandemque hic ingrediantur viam. Et pri-

primo quidem nonnulli tres hominis partes constituunt, *corpus, animam et mentem*, sed per animam nihil aliud quam sanguinem et spiritus, quos vocant, animales, intelligunt: adeoque in eo, quod caput est, cum iis, qui duas tantum partes admittunt, consentiunt, nec nisi loquendi modo ab iis discrepant.

§. XVI.

Alii autem per medium illud principium, quod quidam ex aethere aut substantia fidei, alii aliunde deriuant, eiusmodi quid intelligunt, quod facultate dirigendi motus corporeos, aliisque virtutibus sit instructum. Et hi quidem, ut, quae allata sunt phaenomena circa hominem, explicent, sequenti modo incedunt.

§. XVII.

Primo quidem negant, motus istos inuoluntarios, praesertim eos, quos sapientissimo consilio ad certum finem ordinatos, videmus, tantum mechanica quadam ratione fieri, sed esse in homine principium, quod animam vocant, quae ad omnes motus corporis velut attendat, eosque dirigat, prout corporis censeruationi hoc conducit, idque pro diuersa materiae dispositione, diuerso cum successu. Sic si sanguis forte particulis peregrinis, destructionem eius attracturis, repleatur, animam velut huius rei consciam motus istos, quos v. g. in febribus videmus,
ex-

excitare, vt istis electis atque expulsis pristino vigori et motui sanguis restituatur.

§. XVIII.

Deinde quemadmodum hoc principium homini cum aliis rebus creatis, speciatim brutis commune faciunt, et vero haec res obiectas cognoscendi, et appetendi pariter ac auersandi facultate polleant, in homine quidem, cum ob organorum perfectionem, aliasque causas, ipsum hocce principium perfectiores nobilioresque operationes edere queat, eam percipiendi cognoscendique facultatem, quæ in sensibus tum externis tum internis deprehenditur, eidem vindicandam esse, nonnulli pariter contendunt. De appetendi autem et auersandi facultate eo minus etiam dubitant, quod in aliis etiam rebus, mente tamen destitutis, eandem deprehendi, longe manifestissimum esse, contendunt.

§. XIX.

Quare animam speciatim a mente distinctam esse, ex horum sententia sequitur, quæ *sentit*, hoc est, motum spirituum animalium, per obiecta externa in neruorum fibris excitatum, percipit, quæ etiam facultate gaudet *imaginandi*, hoc est, continuandi eundem motum, eandemue perceptionem, absentibus licet et remotis obiectis, quæ etiam reuocare post aliquod temporis intervallum, eundem motum, eandemque per-

ce-

ceptionem potest, id quod *memoriam* dicere consueuimus.

§. XX.

Cumque ex diuersa imaginum, hoc est, perceptionum ab obiectis externis, motuque neruorum, prouenientium dispositione nouae iterum perceptiones oriantur; easque dispositiones diuersas iudiciorum et ratiocinationum nomine, insignire soleamus, huic quidem medio principio itidem eas assignare eo minus dubitant, quo maior in his omnibus diuersitas deprehenditur, quam non minus a diuersa corporum constitutione, quam ipsius istius principii forte diuersitate, aestimandam esse, arbitrantur. Eoque referunt, quod in quibusdam maior vis sit ideas componendi, quod *ingenium* dicimus, in aliis maior vis sit separandi & fecerendi oblata, id quod *iudicium* adpellitamus.

§. XXI.

Praeterea cum huic principio adpetendi vis insit, pariter ac auersandi, ex hac ipsa facultate *affectus* oriri contendunt, qui cum sanguinis corporisque motus varios efficiant, id exinde prouenire, quod in ipsum corpus magna huius principii vis sit, cuius adeo diuersos excitare motus, prout obiecto obtinendo aut eidem amoliendo conueniens fuerit, omnino aptum sit. Atque ipsum hocce principium cum facile motibus corporeis obsequatur, mirum non esse, quod tan-

tanto impetu in res corpori gratas, homines ferantur.

§. XXII.

Sed tertia adhuc pars super est, quam ad confusionem euitandam, *mentem*, vocabimus, spiritus enim vox nimis ambigua est, et tum de media, tum de suprema parte seu mente, vsurpari et potest, et solet. Mentis itaque huius velut domicilium et indumentum animam esse putant, vt animae corpus est: hinc per corpus ad animam, per animam ad mentem velut aditum patere. Et quemadmodum corpus noti⁹ nobis est anima, ita animam etiam notio⁹rem esse mentem: quae proprium velut Numinis domicilium, et quoddam quasi sanctuarium constituat.

§. XXIII.

Et mentis quidem hoc esse munus, vt non tantum corporis motus per animam cognoscatur, sed ex ea etiam hoc prouenire, quod sciamus nos hoc percipere, nos ita iudicare et ratiocinari, id quod *aclum reflexum* vocant, et in quo hominis cognitio maxime differat a cognitione brutorum. Plura de mentis cognitione non fere afferri posse, quod hic cuncta velut in abscondito agantur, quae proferri in lucem tam clare nequeant. Quibus accedat, quod mentis animaeque cognitio tam arcte inter se coniuncta videantur, vt vnā ab altera secernere difficile sit. Quemadmodum enim corporis motus cum

(H)

per

perceptionibus animae ita colligati sunt, ut vix cogitatione separari queant, adeo, ut eodem momento temporis, quo corpus vel minimum mouetur, statim etiam hoc percipiat anima: ita rursus animam et mentem pari ratione tam arcte inter se deuinctas esse, ut nihil anima percipiat, cuius non et eodem temporis momento cognitio ad mentem pertingat.

§. XXIV.

Et ita in appetitibus etiam et auersationibus se rem habere. Esse in mente immensum quendam veri boni appetitum, cui cum appetitus animae aduersetur, istam, quae aliquando in homine conspicitur, pugnam inde oriri. Sed ut anima corpori obsequitur, ita subinde mentem abripi ab anima. Et hinc fieri, ut appetitus animae ad mentem etiam eiusque appetitum, quem speciatim *voluntatem* vocant, pertingat, atque vterque haud raro coniunctus ita fit et colligatus, ut discerni fere a se inuicem nequeant. Hinc et in *affectionibus* speciatim quidem agere appetitum animae, sed concurrere haud raro voluntatem, ut adeo hoc sensu in voluntate sedes propria affectionum recte etiam constitutatur, quae appetitu per obiectorum gratorum aut ingratorum repraesentationem commoto, pariter moueatur.

§. XXV.

Ita ergo vtraque pars causam suam agit,
et

et vt neutri verosimilitudinis species deest, ita altera alteri difficultates quasdam mouet, non esse ignota eiusmodi rerum principia, qualis anima seu spiritus, introducenda, qui secus sentiunt, clamitant: ast qui huic de anima sententiae fauent, posse omnia ex secus sentientium hypothese explicari, negant, vt reliqua nunc taceam.

§. XXVI.

Mihi persuasissimum est, nec essentias rerum, nec operandi principia, posse certo ab ullo mortalium cognosci. Quare vnicuique suas coniecturas relinquentes, sufficere arbitramur, si ipsos effectus, proprietates, et operationes, quantum fieri potest, accurate indagemus. Sufficit ergo si sciam, hominem sapientissimo consilio ita conditum, vt motus corporei apte ad certum finem conspirent, vt obiecta ope sensuum percipere, perceptiones continuare, iterumque sistere, actuue reflexo hoc cognoscere homo possit, et sic porro: cetera eiusmodi esse, super quibus, praeter coniecturas verosimiles, afferri nihil possit.

§. XXVII.

Sed & hoc addo, temerarium quoque esse, si quis asserat, omnes interni principii, siue unum, siue duo sint, potentias cognitae sibi perspectasque esse. Sunt profectum in anima, tum in mente longe plura, quam cognoscimus, eaque stupenda, sed

eo magis ignota, quo frequentius negliguntur,
§. XXVIII.

De ceteris quae hic agitari solent, ut quicquam addamus, necesse non est. Possunt ea ex dictis diiudicari. Quaeritur, sitne anima materialis an immaterialis? Qua de re, qui hominem ex corpore et mente tantum componunt, ita sentiunt, ut dicant, ex eo, quod mens sit substantia cogitans, luculenter evinci posse, eam materiae esse expertem. Sed vero licet admodum verosimiliter ex cogitationibus eiusmodi quid intelligatur, pro demonstratione tamen hoc argumentum haberi nequit, cum nullam tandem inuoluat contradictionem, quo minus Deus substantiam corpoream cogitantem producere possit. Praesertim cum perperam adhuc supponatur, in cogitatione consistere essentiam mentis: cum tamen essentiae rerum nobis sint incognitae.

§. XXIX.

Qui vero ab anima mentem distinguunt, animam quidem materiale esse concedunt haud difficulter: de mente autem quaecunque aut dicunt, aut dicere possunt, eodem redeunt. Mihi certe tutissime philosophari videntur, qui ex argumentis omnibus, in summo verisimilitudinis gradu mentis et immaterialitatem et immortalitatem elucescere autumant, ἀπόδειξιν autem ex scriptura sacra petendam contendunt.

§. XXX.

§. XXX.

Sed et mentis cum corpore coniunctio interea referenda est, quae intellectus hominis capere nulla ratione potest. Proinde sufficit agnouisse, quod Deus lege veluti quadam ita statuerit, ut ad certos motus corporis, certae etiam mentis perceptiones sequerentur, et vice versa: ita quidem, ut si eos sequamur, qui duas tantum hominis partes admittunt, mens immediate motus corporis percipiat, aut mediante anima, si illorum, qui tres hominis partes constituunt, admittere quis placita velit.

CAP. VI.

de

ORIGINE HOMINVM.

Σύνοψις.

An semper homines existerint? §. I.

Idne quidem secundum rationem verosimile est, §. II.

Quomodo homines existere inceperint, ratio prorsus ignorat, §. III.

Quid scriptura sacra de hominum origine tradat, §. IV.

Corpus hominis ante lapsum baud dubie multo fuisse perfectius, §. V.

Quo pacto eiusmodi corpus,

quali hodie homines gaudent, ex terra formari potuerit, §. VI. VII.

De mentis productione, §. VIII.

Hodie homines existere incipiunt per generationem, §. IX.

Sententia de generatione ex ovo, deque ovariiis, §. X.

Hoc ulterius explicatur, §. XI.

Quo pacto generatio secundum

(H) 3

<i>dum hanc hypothesin fiat,</i>	<i>Quid ad hoc respondeant,</i>
§. XII. XIII.	<i>qui spiritum naturae ad-</i>
<i>Et natiuitas, §. XIV.</i>	<i>mittunt, §. XVII.</i>
<i>'Ενίγκρις huius sententiae,</i>	<i>Quid ceteri, §. XVIII.</i>
§. XV.	<i>Posita hac hypothesi frustra</i>
<i>Si supponatur, in feminibus</i>	<i>quaeri, quo ordine mem-</i>
<i>membra corporis iam de-</i>	<i>bram forentur, §. XIX.</i>
<i>lineata esse, quaeritur,</i>	<i>De origine mentis, §. XX.</i>
<i>quis ea delineauerit? §.</i>	
XVI.	

§. I.

CUM per generationem genus hominum hodie propagari certum sit, dubitari statim posset, extiterintne semper homines, a quibus per longam temporum seriem pro- uenerint, qui hodie orbem terrarum occu- pant, an vero aliquando generationis initi- um factum, et qua demum ratione in hocce mundi theatrum prodierint, qui generi hu- mano originem dederunt.

§. II.

Hac de re si seponamus, quae in diuina- rum litterarum monumentis tradita sunt, non videtur certi quid definiri posse. Sem- per extitisse homines, ne quidem verosimile videtur, praesertim si artium inuentionem, incrementa, et progressum, et humani ge- neris multiplicationem, consideremus. Cum enim constet, quando artes maxime neces- sariae inuentae sint, non adeo longo ante haec tempora interuallo existere coepisse ho- mines probabile est: cum, si semper extitis- sent, nulla possit dari ratio, cur non iam pri-

pridem et has et longe plures artes inuenissent. Etenim qui cogitat, quantum incrementum mille annorum spatium inuenta hominum capiant, saltem in rebus necessariis, is longe aliam ante quatuor aut quinque mille annos futuram fuisse orbis faciem, quam eam fuisse accepimus, colliget, si, non dicam semper, sed saltem ante decem mille annos homines extitissent. Sed reliqua taceo.

§. III.

Qua vero ratione existere homines coeperint, id eiusmodi est, ut nisi historiarum nobis subueniant monumenta, explicari nullo modo queat. Certe quae gentilium philosophi de prima hominum origine commenti sunt, tam inepta sunt, tam ridicula, ut nunquam turpius eos se traduxisse putem, quam cum animum ad primos hominum natales explicandos, adicerent.

§. IV.

Quae autem scriptura sacra, antiquissimisque & fide dignissimus historicus, Moses, ea de re tradit, huc redeunt: ex terra construxisse Deum hominis corpus, eique inspirasse *spiraculum vitae*. Cum vero et ceteroquin idem diuinus scriptor, *animum* homini tribuat, videtur hoc innuere, praeter corpus et animam, quam cum brutis homo communem habet, licet perfectior et excellentior sit in homine, Deum illi indidisse *spiraculum vitae*, hoc est, sublimius aliquod

principium, quod non huius modo, sed et alterius vitae post corporis destructionem particeps sit.

§. V.

Qualis autem ista terra fuerit, ex qua corpus primi hominis conditum sit, item qualis ipsius corporis conditio fuerit, non est, ut certo nos definire posse existimemus. Etenim cum sine dubio post hominum lapsum, multis magnisque hoc obnoxium factum sit imperfectionibus, non errauerit, qui longe perfectius primi hominis corpus, quam hodie hominum corpora sunt, fuisse existimauerit, licet in quo discrimen illud constiterit, nemo intellectu ita assequi possit, ut aliud quid praeter coniecturam afferre queat.

§. VI.

Interim si et eiusmodi ponamus corporis conditionem, structuramque, qualis hodie est, facile agnoscemus, ad eius ex terra productionem diuinam quandam virtutem requiri, non tamen hanc eiusmodi esse, quae rationi repugnet. Etenim si massam quandam terraqueam, variis particulis salinis et sulphureis praenagentem statuamus, ut corpus humanum inde educatur, necesse est, ut primo peculiaris terrae elementaris, aquae, salis, et sulphuris proportio formetur, tum ex hac particularum quadriga, in diuersa quantitate sibi mixta, plurimae diuersae texturae partes, tum fluidae, tum solidae, ex-
ur.

urgant. Quod si quis dubitet, qua ratione ex indigesta quadam materiae mole separari quadruplex hoc particularum genus possit, et quomodo rursus coire, ad certas humani corporis partes constituendas queant, is facile chemicis experimentis conuincetur.

§. VII.

Et certe, si quis cogitauerit, quam stupenda opera per naturae vim, accedente, materiae dispositione producantur, imo quae hominum industria quoque efficere possit, materiae indolem ad certos vsus flectendo, illi mirum non videbitur, quod Deus sapientissimus rerum conditor minutissimas horum elementorum particulas in caua stamina seu vasculares fibrillas formare, hasque fibrillas suis humoribus repletas, et multis modis sibi intertextas, in diuersa organa disponere, et ex iisdem organis, in continua quadam serie, et debito quoque situ sibi alligatis, humani corporis machinam, sapientissime constructam, efficere poterit.

§. VIII.

Iam nihil aliud supererat, quam vt spiritus director machinae huic praeficeretur, isque in hoc domicilium immitteretur hospes, qui sui conditoris imaginem, ad aeternam eius gloriam circumferret: sed haec rursus sua sublimitate mortalium oculis animisque se subtrahunt, hinc et de isto-

(H) §

rum

rum productione satius est tacere, quam temerario ausu proferre, quae ignoramus et sciri a nemine possunt.

§. IX.

Ita ergo cum semel hominum genus productum esset, generandi et se multiplicandi vim eidem indidit Deus, ut propagari posset. Et hoc modo, per generationem videlicet, hodie homines oriuntur. Est vero generatio ita comparata, ut quanto magis eius effectus admirandi sunt, eo minus ratio modusque intelligi ab ullo mortalium possit. Interim coniecturas eruditorum maxime probabiles de ea afferre, huius loci est.

§. X.

Recepta hodie plerisque est sententia, ut omnium animalium, ita hominis quoque generationem ex ovo fieri. Supra nimirum iam observauimus, utrum mulierum in duas tubas versus dextrum et sinistrum latus protuberare, quibus appendent duo corpora glandiformia, quae recentiores *ouaria* seu *feminaria* dicunt. In his ouariis continentur plurimae membranosae vesiculae, limbo et pellucido latice turgidae, quae in innumeris distinctis loculis inclusae sunt, et ab ambientibus vasis sanguiferis aluntur, donec ad praefixam quandam magnitudinem extumescant.

§. XI.

Sunt vero nonnulli, qui ipsas illas vesiculas,

culas, quae in ouario cernuntur, oua propria esse existimant, alii vero censent eas, oua non esse, sed inseruire formandae glandulae, quae ad separandum et excludendum ouum, quando maturum est, multum conducant. Quicquid huius sit, vnumquodque ouum, seu semen omnes humani corporis partes subtilissime delineatas, comprehendere putant, ita vt longe ante commercium foeminae cum viro corporis nostri stamina et rudimenta, in debitum situm disposita, in hocce prolifico liquore natitent.

§. XII.

Generationem itaque hunc in modum fieri contendunt: cum seminale illud fermentum, seu succus fermentaceus viri, quem perperam haecenus pro semine proprie dicto habuerunt, in vteri muliebris cauitatem immittitur, partim cum circumcunte sanguine, partim recta via per tubas Fallopianas ad seminaria fertur, et semina illic latitantia aerae instar prolificae subit, et penetrat, et prout vnum aut alterum ex seminibus maturum fuerit, fermenti instar rarefacit, motu expansiuo liquorem intestinum attenuat, stamina ipsa expandit et distendit, porulosque eorum aperit, vt ambiens et attenuatus liquor eos subire queat, donec tandem crescente indies feminis mole membranaceum domicilium prae magnitudine disrumpat, et per annexas tubas in vteri

teri cauitatem semen delabatur, ibique vteri parietibus, media placenta leuiter alligatum, ab appellente matris sanguine, per vmbilici vasa alimentum recipiat.

§. XIII.

Sed vt pertexant, eam quam exorſi ſunt generationis hiftoriam, ab inteſtina ſeminis turgeſcentia, torpentes antea humores in motum agitari contendunt, quo et ſolidae corporis partes, cum primis cor tandem moueatur: cor autem ſemel motum mouentem liquorem ad extrema corporis propellere, liquoremque propulſum antecedentem ad cor iterum urgere, quod initium ſit *circulationis ſanguinis*, cui, vt ſupra diximus, corporis nutritio atque accretio innititur.

§. XIV.

Poſtquam autem foetus ad tantam magnitudinem peruenit, vt contineri amplius in vtero nequeat, creſcentibusque viribus, robuſtior factus, huc illucue voluendo ſeſe et calcitrando membranea dilacerat involu- cra: vnde ruptis quaſi carceris repagulis, foras ſibi ſub auram exitum per vaginam, ſequentibus pone ſecundinis, molitur, et ita tandem in lucem prodit.

§. XV.

Ceterum haec licet magna cauſae fiducia a quibusdam ita aſſerantur, et defendantur, non alium tamen quam coniecturae omnes, promerentur aſſenſum. Et certe, ſi verum eſſet,

esset, quod nonnulli ope microscopiorum se obseruasse perhibent, in semine animalium masculorum corpuscula quaedam minutissima innotare, quae accuratius considerata, speciem embryonis referant, prior sententia quae foeminis tantum semina tribuit, et quicquid eidem superstruitur, sua sponte corrueret. Sed et hoc accuratiori adhuc indiget exploratione.

§. XVI.

In eo autem vtraque sententia conuenit, quod ipsa semina seu corpuscula minutissima iam omnes humani corporis partes, subtilissime delineatas referant, vt adeo generatio reuera nihil aliud sit, quam seminum istorum auctio, et partium ibi delineatarum evolutio atque explicatio. Id quoque facile omnes concedent, siue in foemina tantum, siue in foemina et mari eiusmodi semina deprehendantur, ex subtilissima et optima sanguinis parte, quae huc in vasa generationi inseruiencia defertur, illud ipsum semen confici et elaborari. Sed cui demum munus, rem tam admirabilem perficiendi tribuendum sit, id vero est, quod humani intellectus aciem quam longissime superare videtur.

§. XVII.

Facilius hinc se expedire videntur, qui tres hominis partes admittunt, et mediam poten-

potentia non tantum corporis motus in uoluntarios dirigendi, sed et sanguinis partem ita disponendi, ut corpus hominis inde efformetur, instruunt. Nec mirandum, inquit, quod iste spiritus tam miranda perpetrare queat, cum eadem facilitate, qua Deus creare potuerit spiritum cogitantem et ratiocinantem, etiam creare potuerit spiritum, facultate omnes corporis motus dirigendi, et corpuscula etiam menti nouae domicilium praebitura, efformandi, praeditum; fallique eos turpissime, qui omnes substantias ita sibi perspectas putant, ut non quaedam facultate quadam gaudere queant, quae quo pacto illis insit, nos capere statim non queamus.

§. XVIII.

Contra qui praeter corpus et mentem nihil in homine admittunt, illi aut ipsi Deo hanc partium efformationem et primam uelut designationem tribuere debent, aut ad vim quandam plasticam ipsi materiae inditam, quae semper, si materiae dispositio, ceteraeque causae hoc permittant, se exerat, recurrere. Quamcunque autem quis eligat sententiam, videbit esse haec arcana, in quae menti hominis aditus sit denegatus, longe tamen uerosimilius eos, quos haecenus adduximus, hac de re philosophari, quam eos, qui ex humore solo mechanicis legibus

gibus per calorem vteri, formari animalia, ipsumque hominis corpus, contendunt.

§. XIX.

Quod si ergo eam adsumamus hypothesin, iam in ipsis seminibus delineatas humani corporis partes contineri, patet, inutilem et superuacaneam esse controuersiam, tantopere inter veteres pariter ac recentiores agitatam, quo ordine membra formentur. Omnia enim simul formari verosimile est, aut si vnius prae altero praerogatiua quaedam est, dubium non est, quin cordi ea sit concedenda, in quo etiam primum motum se obseruasse nonnulli autumant, hinc et punctum saliens a nonnullis dicitur, quod primum viuat et vltimum moriatur.

§. XX.

Vt vero corporis origo magnis obscuritatibus est involuta, ita maioribus adhuc tecta est origo mentis. De anima enim, quae a mente distinguitur, cum materialis sit, res facilius expediri posse videtur: quod idem scilicet originis suae principium, ac corpus ipsum agnoscat. Mentem autem a materiali principio deriuari, aut ex materia per traducem, vel alia quacunque ratione propagari, eiusmodi est, vt vix aliquis sibi persuadere queat. Rursus a Deo eam creari itidem vix credibile videtur, si cogitemus, quas subire misérias, ex sua cum corpore con-

coniunctione debeat. Creatas autem iam
semel simulque mentes, ob lapsum suum at-
que delictum a Deo iungi corporibus, faci-
lius dicitur, quam probatur. Quare nihil
aliud super est, quam vt ingenue profi-
teamur, mentis nobis incognitam
esse originem.



PHILOSOPHIAE THEORETICAE
PARS SECVNDA

DE

ANIMALIBVS BRVTIS,
PLANTIS, ET FOSSILIBVS.



CAP. I.
de
ANIMALIBVS BRVTIS.

Σύνοψις.

*Hominum et brutorum quo-
ad corporis structuram di-
scrimen generatim, §. I.
Eorundem conuenientia ,
§. II.*

*Discrimen et conuenientia
eorundem quoad cere-
brum et sensuum organa ,
§. III.*

*Quoad structuram cordis ,
motum sanguinis , nutri-
tionem etc. §. IV.*

*Quoad generationem, §. V.
Quae praeter corpus in bra-
tis sint , deque motibus
vegetatiuis, §. VI.*

*De motibus sensitiuis, §. VII.
Bruta omnino sentire, nec
mera automata esse pro-
batur, §. VIII. IX.*

*De anima brutorum, eius-
que facultatibus, §. X.*

*De brutorum , praesertim
terrestrium , parietate ,
§. XI.*

*De volatilibus, §. XII.
Quae in iis speciatim obser-*

*uanda sint de volatu, §.
XIII.*

De cerebro, §. XIV.

De sensuum organis, §. XV.

De pulmonibus, §. XVI.

De ventriculo, §. XVII.

De vesica urinaria, §. XVIII.

De generatione, §. XIX.

Piscium varietas, §. XX.

*Quid in iis speciatim obser-
uandum de cerebro, §. XXI.*

De sensuum organis, §. XXII.

*De branchiis seu pulmoni-
bus, §. XXIII.*

*De corde et circulatione
sanguinis et quorundam
tubis apertis, §. XXIV.*

De generatione, §. XXV.

*Quod ad pisces proxime ac-
cedant reptilia, praeser-
tim serpentes, §. XXVI.*

*Quid in his speciatim obser-
uandum de cerebro, §.
XXVII.*

*De ventriculo, costis, verte-
bris, et carne, §. XXVIII.*

De veneno serpentum,

§. XXIX.

Et earum generatione,

§. XXX.

Insecta, eorumque varietas,

§. XXXI.

An corde gaudeant?

§. XXXII.

*De sensuum organis, quid in
iis observandum?*

§. XXXIII.

An pulmones habeant?

§. XXXIV.

De eorundem generatione,

§. XXXV.

§. I.

INter reliquas res creatas visibiles quam proxime a natura hominis abire videntur animalia bruta. Certe, si corporis structuram spectes, non adeo magnum inter bruta et homines intercedere videtur discrimen: nisi quod statura erecta, et elegantior forma homini contigerit: et nullum praeterea brutum nobili isto et artificiosissimo organo, quod manum vocamus, instructum sit, sicut et quoad pedes discrimen aliquod inter homines et bruta intercedit: et denique ampliori homo cerebro praeditus sit, adeo ut nullus, quantumvis magni animalis cerebrum, observata utcumque proportionem, magnitudinem cerebri humani adaequet, et quae forte alia sunt eiusdem commatis.

§. II.

Sed in plerisque tamen partibus, siue structuram, siue usum et functiones spectes, mira est inter hominis et bruti, saltem illorum, quae perfectiora vocantur, corpus con-
ueni-

uenientia: vt si singularum partium descriptionem hic tradere vellem, ea repetenda essent, quae iam de homine dicta sunt. Ad specialia autem, in quibus forte tum ab homine, tum a se ipsis bruta differunt, descendere huius loci non est.

§. III.

Hoc tamen non praetermittendum, quod bruta, saltem perfectiora, non minus *cerebro* instructa sint, quam homines, quod iisdem etiam inseruire functionibus, verosimile admodum est, vt spiritus scilicet animales, seu succus neruosus, in eo secernatur, qui et sensibus, et mediantibus nervis et musculis, motui etiam partium corporis inseruiant. Sunt etiam qui obseruant, *cerebelli* figuram in plerisque animalibus perfectioribus eandem fere esse, ast figuram *cerebri* pro ipsorum animalium diuersitate variam deprehendi. De *sensuum organis* res manifesta est, nec indiget probatione.

§. IV.

Cordis etiam structuram eandem animalia perfectiora referunt, vna cum *pulmonibus*. Cui cum eadem arteriarum et venarum dispositio accedat, dubium non est, quin et *sanguinis motus* eodem modo in illis se habeat ac in homine. Hinc vero *nutritio* pendet, de qua adeo similiter est existimandum. Cibus nimirum, quem sumunt, in ventriculo tum liquorum, tum caloris benefi-

ficio solutus, in chylum convertitur, hinc per venas lacteas in cisternam deducitur, cuius parti anteriori, seu thoracem respicienti (in homine superiori) continuatur et in brutis ductus aliquis, qui per longitudinem thoracis extensus, definit in venam, quae in quadrupedibus *cruralis anterior* dicitur, et ita cetera, eodem modo, quo in homine, peraguntur, ut ex supra dictis constat.

§. V.

Nec in *generatione* hic ullum intercedit discrimen, saltem quod ad animantia vivipara attinet, res ipsa hoc et experientia, et partium omnium structura docet. Sed eadem hic occurrunt circa generationem difficultates, quas iam in generatione hominis attigimus. Hisce ergo non immorabimur.

§. VI.

Quaenam vero praeter corpus, partesque eius, in brutis sint, id vero definire difficile admodum videtur. Et ad *motus* quidem *vegetativos* quod attinet, licet ex rationibus mechanicis eos explicare plerique aggrediantur, non desunt tamen et hic secus sentientibus rationes, quibus euincant, non posse cuncta sola materiae dispositione ita effici, ut non principium aliquod dirigens, quodcunque demum illud sit, admittendum sit.

§. VII.

Ad *motus* autem, quos vocant, *sensitivos* quod attinet, id quidem constat atque mani-

manifestum est, animalia bruta a corporum externorum contactu, lucis, aeris, halituumque odoriferorum impressione varia, diuersimode affici, afficique se diuersis corporis motibus ostendere, quibus sanguinis etiam motus plerumque respondeant: ast an haec omnia tantum mechanica quadam ac automatica ratione peragantur, an vero in iis aliquid sit, quod diuersos corporis motus percipiat, et rursus varios motus in corpore excitet, id enim uero non adeo clarum est atque perspicuum.

§. VIII.

Mihi vero posterior sententia, esse in brutis aliquid, quod motus corporis siue ab obiectis externis, siue aliunde excitatos, percipiat, et adeo cognoscendi facultate polleat, et ad cuius motus iterum certi motus in corpore bruti consequantur, longe videtur verosimilior. Idque ideo, quod innumerae sint brutorum actiones, quae ex merito mechanismo neutiquam explicari possunt, quod cum primis ex illis elucescit actionibus, quae ex naturae quodam instinctu ab illis suscipiuntur, ut sunt amor erga catulos atque pullos, solertia atque industria auium in construendis nidis, et id genus alia.

§. IX.

Et licet haud difficulter concedamus, multas et in brutis et in hominibus operationes, mechanica quadam ratione fieri, non

tamen inde sequitur, de omnibus idem esse censendum. Contra cum in brutis eadem compareant indicia externum affectuum, atque cognitionis, quae in hominibus conspiciuntur, verosimile admodum est, et similes in illis esse perceptiones, quodcunque deum in illis principium sit, quod percipiat, siue cognoscat, et appetat, etc.

§. X.

Atque hinc etiam, quatenus istius principii, quod siue animam quis vocare, siue alio nomine designare velit, perinde est, facultates sint, intelligitur. Nimirum quantum nobis verosimili quadam ratione ex motibus externis brutorum colligere licet, duae videntur eius facultates esse, *percipiendi* scilicet seu *cognoscendi*, atque *appetendi* *aversandi*que. Nec est, quod quis ideo animam immaterialem brutis concedendam existimet, (quanquam si concedatur, non adeo etiam absurdum foret, ut multi quidem existimant) cum nihil obstat, quo minus et materialis quaedam substantia cognoscendi et appetendi facultate sit praedita; falluntur et turpiter, qui dum materiam extensum quid dicunt, eius se essentiam intelligere putant, aut perspicere etiam accurate, quatenus facultates inesse substantiae materiali queant, quae eadem prorsus repugnent.

§. XI.

Iam ut ad specialia paulisper descendamus,

mus, constat, maximam esse animalium brutorum varietatem. Quare vt ad certas classes, in quibus collocarentur, quae in quibusdam inter se conueniunt, cuncta reducerentur, mox *locorum*, in quibus quaelibet degunt, habere rationem, mox *motus*, qui non in omnibus eadem se habet ratione, mox *magnitudinis*, aut *paruitatis*, mox *generationis*, quae itidem diuersa est, consultum duxerunt rerum naturalium scrutatores. Et ita quidem *terrestrium* animalium vtcunque designant varietatem, inter quae *quadrupedia* ceu perfectiora eminent, de quibus adeo praecipue intelligendum, quod generatim haectenus de brutis animalibus diximus.

§. XII.

Volatilium non minor est varietas, & innumerae fere illorum reperiuntur species, quas per victus rationem praecipue a se inuicem discernere solent. Nos de vniuersis quaedam obseruabimus, cum ad singulas descendere non liceat.

§. XIII.

Et primo quidem *volatus* se nobis offert, cuius gratia volucres pennis instructae sunt, explicandis, cum volare cupiunt. Harum autem pili ita inter se sunt complexi, vt per tenuia sua interstitia, aëri com meatum quidem sed difficulter praebeant, vnde resistentia quaedam oritur. Quod vero expansae

(1) 5 alae

alae esse debeant, in volatu, ex natura, ni fallor, aequilibrii, quam rectissime declaratur. Nimirum cum columna aëris, cui corpus incumbit, maior est quam columna ei respondens, corpus in alto suspensum tenetur; cum maior, descendit. Hinc quo amplius spatium corpus circumscribit, eo maiorem sub se complectitur materiae fluidae columnam, eoque facilius in aëre sustinetur: quod si vero corpus nimis graue sit, altera columna ei, cui corpus innititur, resistere nequit, corpusque adeo subsidet. Ut vero aues in aëre suspensae mouerietiam queant, alarum requiritur agitatio, quae pro auium diuersitate, aut per longiores vices, aut crebrius repetitur.

§. XIV.

Sed et quod ad internam corporis structuram attinet, discrimen aliud inter volatilia, et reliqua animantia, deprehenditur. Sic de *cerebro* nonnulli obseruant, deesse in auibz corpus callosum, fornicem et corpora striata, nec corticalem cerebri substantiam, ut in hominibus et terrestribus animantibus, exteriorem esse, cui substrata sit medullaris, sed inferiorem cerebri compagem, quae mole crassiori constet, corticis loco esse, membranam vero extimam et superiorem ventriculum concamerantem esse medullarem: ventriculos quoque superius, et iuxta oram superiorem, sitos esse.

§. XV.

§. XV.

Sensuum organa eodem fere modo in volatilibus sese habent, ac reliquis animantibus. Saltem de organo *olfactus* nonnulli observant, quod paulo aliter dispositum sit. Ad latera nimirum rostri nares conspiciuntur, in quarum intimis partibus praeter tubum, qui ad pulmones pertingit, cernuntur tubuli, ex membranis et substantia cerebri, usque ad initium rostri continuati, qui olfactus organon in aibus constituere videntur. Os quoque cribrosum aliter hic se habet, cum in eo duo saltem conspiciantur foramina, per quae duo nerui, sed pro mole auis, maiores, ad rostra feruntur, ne forte nimia aëris copia in cerebrum irrueret, et volatum impediret, si pluribus foraminibus cerebrum, auium perforatum esset.

§. XVI.

De *pulmonibus* pariter observant, quod non tantum in aibus, habita corporum proportionem, maiores sint, quam in reliquis animalibus, sed et quod a superiori pariter ac inferiori parte aërem admittant, unde corpora illarum multo leviora reddi necesse est, id quod ad volatum apprime est necessarium.

§. XVII.

Cum primis autem *ventriculus* auium, praefertim illarum, quae granis vescuntur, singulari ratione constructus est. Primo enim
gland.

glandulosus quidam bulbus, qui infundibuli instar est, sese offert, in quo grana aliquantisper asseruantur, et admixto liquore comminutioni praeparantur. Haec autem comminutio fit beneficio duorum muscutorum, qui cum membrana callosa ipsum ventriculum constituunt, et quorum vnus oblique deorsum, alter sursum agitur atque mouetur: qua reciproca agitatione aliquandiu durante, effracto granorum cortice medulla exprimitur, et cum liquoribus glandulis stillantibus, permiscetur. Alimenta autem eo modo comminuta et praeparata, in pylorum seu ventriculi fundum concidunt, vbi ab admixtis quisquiliis repurgantur: quem in finem pylori etiam sedes elata est, et descensus ex eo mollior, ne frumentum ex ventriculo excidat, priusquam comminutum sit, quemadmodum et septum aliquod intercedit, ne attrita cum integris commisceantur.

§. XVIII.

Notissimum equidem est, nec tamen praetermittendum, destitui aues *vesica*, adeoque loco vrinae album aliquod corporis excrementum per renes deferri in intestinum rectum, et ita foras eiici.

§. XIX.

Generatio auium quo pacto fiat, itidem notum est. Nimirum in ouario, quod situm est intra iecur et spinam dorsii, magnus nume-

numerus vitellorum continetur, quorum quisque tanto maior est, quo propior est, ut eliciatur in oviductum, per quem ad vitellum fertur, in quo ouum perficitur, albumine cingitur, testa contegitur, et certam figuram, quam inde oualem dicimus, accipit. Quo ad iustam magnitudinem perducto, et egesto, incumbunt aues, et calore suo materiam commouent, donec paulatim emergat pullus.

§. XX.

Piscium, qui aues excipiunt, itidem variae longeque diuersissimae sunt species. Discrimen tum a figura externa atque tegumentis, tum a locis, in quibus degunt, et sic porro, desumi solet. Nos pro instituti ratione de omnibus in vniuersum quaedam trademus.

§. XXI.

De *cerebro* obseruant, quod licet capita corpori collata in piscibus maiora sint, quam in reliquis animalibus, multo minus tamen in illis cerebrum sit, quam in ceteris. Duas enim tenues moles in anteriore capitis parte positas, pro cerebro esse. In medulla quoque oblongata duae insignes protuberantiae intus cauae deprehenduntur, quales & in auibz conspiciuntur, easque spirituum animalium esse receptacula, nonnulli putant.

§. XXII.

Sed *sensuum* quoque *organa*, ut in reliquis ani-

animantibus, in iis conspiciuntur. Speciatim ad odoratum faciunt gemina vtrinque foramina, quibus membranula vicina quandoque obtenditur, vt remoueri tamen possit, vt adeo et claudi queant & aperiri, quod in animalibus, quibus in aqua degendum est, plane necessarium fuisse, quilibet facile intelligit. In oculis autem piscium hoc singulare est, quod aut prorsus sphaerici sint, aut ad sphaericam figuram proxime accedant; quemadmodum et in nervis opticis discrimen aliquod deprehenditur, praesertim in eo, quod decussatim a cerebro veniant, cum in reliquis animantibus ad se inuicem saltem quodammodo sint inclinati, nec tamen prorsus coniuncti.

§. XXIII.

De *branchiis*, illis prorsus accedo, qui eas piscibus pulmonum loco esse contendunt, in quibus sanguis, qui multis vasibus eo defertur, refrigeretur. Certe vt aërem in pulmones adducimus & reiicimus, sic pisces aquam in os admissam, per branchias reuolunt. Accedit ingens in branchiis copia vasorum, quae hoc confirmare videtur egregie. Sunt tamen quidam pisces, qui pulmonibus proprie sic dictis gaudent, et hoc ipso ad naturam animalium terrestrium quam proxime accedunt.

§. XXIV.

Cordis structura in plerisque piscibus eodem

dem modo se habet, ac in reliquis animantibus, in quibusdam tamen vnum saltem, habet ventriculum, in quibus adeo circulationem sanguinis paulo aliter ac in homine, et animalibus perfectioribus fieri necesse est. Nec illud praetermittendum, quod in quibusdam piscibus loco sanguinis liquor quidam pellucidus, aquae instar deprehendatur: quemadmodum et nonnulli, praesertim, qui sunt generis testacei, praeter vasa, quae arteriarum et venarum vicem sustinent, tubos apertos habent, quibus aqua ad ultimos fere illorum recessus vehitur, forte ne aqua illis desit, quando in terra illis commorandum est.

§. XXV.

De *generatione* piscium constat, quosdam esse *viuiparos*, alios *ouiparos*. Vterus autem et ouarium plerorumque piscium, non multum abhorret ab utero et ouario auium. Foeminae innumerabilia oua, in mari, stagnis et fluuiis proiciunt, ex quibus magnam partem iterum deuorant mares, reliqua calore excluduntur, quaedam citius, alia serius, pisciculiue ex ouis elapsi magna celeritate nare incipiunt, sine vlla matrum cura.

§. XXVI.

Ad pisces proxime accedunt *reptilia*, cum haec pariter ac illi pedibus destituantur. Reptilium autem cum iterum variae sint species,

es, serpentes, quae inter reliqua eminent, prae ceteris considerare iuuabit.

§. XXVII.

De his itaque proditum fuit, quod nigro gaudeant *cerebro*, eo quod venenatae essent: itemque quod cerebrum viperarum non superet pondus quatuor granorum milii: ast vtrumque falsum esse experientia docuit.

§. XXVIII.

Ventriculus omnibus fere serpentibus laxiori intestino similis est, et vno ductu a faucibus ad caudam producitur. Sunt praeterea illis a ceruice ad extremam caudam vsque vertebrae ac costae frequentes ac solidae. Quae structurae ratio, tum ad insidiosos saltus, tum ad deglutiendam praedam multum confert, praeterquam quod earumdem vertebrarum et costarum ope multo vehementius sugant, facile quoque erigantur ac sustententur, et in gyros quosuis haud aegre se colligant. Quod autem partes serpentis dissectae licet, diu admodum tamen viuere videantur, hoc inde prouenire verosimile est, quod caro illarum compactioris et solidioris texturae sit, ex qua adeo spiritus animales non adeo cito elabantur ac diffuant.

§. XXIX.

Per *venenum*, quod serpentibus tribuitur, intelligo humorem, qui in dentium vaginis deprehenditur, et dum viperae mordent, ob

va-

vaginarum compressionem, necessario effunditur. Experientia namque constat, humorem istum, sanguini animalis affusum, eidem mortē attulisse, licet ore assumtus non noceat, efficacia sua ob aliorum liquorum admixtionem priuatus. Eum ex felle oriri, asserere non audeo, tum quod colore et sapore a felle multum differat, tum quod ductus, per quos huc aduehatur, hactenus detecti non sint. Quam autem venenum istud mutationem sanguini adferat, haud facile definiri potest.

§. XXX.

Generationis organa eodem fere modo in serpentibus ac aliis animantibus se habent: suntque pleraeque serpentes ouiparae, paucae admodum viuiparae. Fabulas, v. g. quod ex medulla spinali hominis putrefacta serpentes progignantur, non curamus.

§. XXXI.

Superfunt infimi ordinis animalia, quae *insecta* seu *έντομα* dici solent, quo nomine designantur animantia exanguia, quae parte sui vel supina, vel prona, vel vtraque incisuras habent. Horum insectorum innumerales fere dantur species, et licet earum varietas nondum ita perspecta sit, vt in certas distribui classes queant, alicuius tamen ordinis causa differentiae a loco, quantitate, figura, qualitatibus, partibus, victu, generatione, etc. desumptae, constitui solent.

(K)

§. XXXII.

§. XXXII.

Nos, vt generatim quaedam attingamus, primo obseruamus, fuisse quosdam, qui insecta corde destitui, nullumque iis inesse calorem, saltem qui aut tactu aut experimentis deprehendi posset, assererent. Quibus haëtenus suffragor, quod forte eiusmodi cor, ac in perfectioribus animalibus conspicitur, in insectis deprehensum non sit, verosimile tamen est, analogon quid, quod cordi respondeat, in illis esse.

§. XXXIII.

In *sensuum organis* hoc singulare et animaduersione dignum occurrit, quod quaedam insecta pluribus quam duobus praedita sint oculis, illa scilicet, quibus maior oculorum numerus necessarius videbatur, vti sunt alata. Et inter haec quidem alia non nisi vnam oculorum speciem gestant, alia oculos diuersae molis et situs habent.

§. XXXIV.

Insecta non *respirare* nonnullis persuasum fuit: recentiores tamen obseruarunt, nullum esse insectorum genus, quod non pulmonibus instructum sit: imo pleraque pulmones, quoad proportionem corporis, maiores habere, quam animalia perfectiora.

§. XXXV.

Ad *generationem* quod attinet, creditum fuit, ex sola putrefactione seu fermentatione insecta nasci. Idque ideo, quia animad-

aduerterunt, ex carnibus putrefactis vermes exire, deinceps muscas euolare. Sed experimentis luculentis constat, si carnes putrefactae bene claudantur, nullos ex iis generari vermes. Adeoque longe est verosimilius, per muscas semina eo deferri, quae putrescentis carnis agitatione foueantur, et excludantur, ut vermes, et ita tandem muscae inde fiant. Constat enim tum de muscis, tum de papilionibus, similibusque insectis, quod ex semine prius fiat vermis, qui postea languescens in ouum conuertitur, ex quo porro musca aut papilio prodit, qui semine, in loco ad illud excludendum apto, emisso, oritur.

CAP. II.
de
PLANTIS.

Σύνοψις

<i>Plantarum nomine quid nobis veniat, §. I.</i>	<i>De ligno eiusque structura, §. VII.</i>
<i>Partes plantarum similes liquidae, speciatim succus, §. II.</i>	<i>Medulla ejusque usus; albuminum, §. VIII.</i>
<i>Lachrymae, §. III.</i>	<i>Radix, §. IX.</i>
<i>Partes dissimilares et consistentes quatenus, §. IV.</i>	<i>Rami, §. X.</i>
<i>De structura trunci, speciatim de cortice, §. V.</i>	<i>De plantarum nutritione, §. XI. XII.</i>
<i>Usus corticis, §. VI.</i>	<i>De succi nutritiui motu et circulatione, §. XIII.</i>
	<i>Conuenientia plantarum et (K) a ani-</i>

*animalium: Ebi et de
plantarum respiratione,*

§. XIV.

*Generatio plantarum: ca-
rum gemmae, §. XV.*

Folia, §. XVI.

Flos, §. XVII.

*Propria seminum inuolu-
cra, §. XVIII.*

*Semina, eorumque varietas,
§. XIX.*

*Quod omnes plantae partes
in semine lateant, et ex
de hoc proueniat, §. XX.*

Plantarum varietas, §. XXI.

§. I.

Plantarum nomine nunc generatim designamus corpora viuientia, sensu, ut videtur, destituta, terrae inhaerentia, et succos, quibus alantur, radicibus suis inde trahentia, nec se ipsas ex loco in locum transferre apta. In his et structuram partium, et nutritionem, et generationem considerare, operae pretium fuerit.

§. II.

Partes, ex quibus plantae componuntur, vel *similares* sunt, vel *dissimilares*. Similari-um quaedam *liquidae* sunt, quaedam *consistentes*. Liquidae vulgo diuiduntur in *succos* et *lachrymas*. *Succus* per omnem plantae substantiam diffunditur, atque id plantae est, quod sanguis animali. Natura tamen huius succi non satis nota est: hoc tamen constat, varium eum esse, pro ipsarum plantarum varietate.

§. III.

Lachrymae autem sunt humores, qui a plantis emittuntur, siue sua sponte ob nimiam abundantiam exsudent, siue solis calore

lore educantur, siue arbore alia de causa dehiscente, exprimantur. Aliae quoque lachrymae manent liquidae, aliae autem viscidam quandam materiam continentes crescunt.

§. IV.

Dissimilares partes plantarum etiam consistentes sunt, adeoque de vtrisque iunctim recte dicetur. Tribus autem praecipue partibus dissimilaribus plantae constant, *ramo*, *radice*, et *caule* siue *trunco*, in quibus singulis *corticem*, *lignum*, *medullam*, quae sunt partes similes solidae, obseruare licet.

§. V.

In *trunco* itaque, vt hinc incipiamus, primo obseruare licet *corticem*, cuius externa superficies constat sacculis siue vtriculis, qui truncum annuli instar cingunt. Hi sacci, qui vt plurimum liquore quodam turgent, corticem constant tenuem et siccum, quo remoto varii occurrunt ordines lignearum fibrarum, quae retis instar inter se implicantur, & quarum aliis aliae superimpositae sunt. Interualla autem, quae inter eas fibras conspiciuntur, referta sunt vtriculis, qui praeterea solent ipsas fibras cingere.

§. VI.

Vsus corticis non tantum in eo videtur consistere, vt cutis instar lignum et medullam tegat, sed vt nutritiuo etiam succo velut concoquendo, et arboris seu plantae in-

(K) 3

cre-

cremento inferuiat. Et ad nutritionem quidem quod attinet, verosimile est, succum quendam ex radicibus, caloris et frigoris vicissitudinibus sursum propulsum, per fibras ascendere, et asperitatibus, quae in iis sunt, sustineri, tum porro ab vtriculis excipi, ut nouus ille liquor cum veteri, qui in vtriculis continebatur, mixtus et fermentatus, rariorque et subtilior factus, plantam eo modo alat nutrietque.

§. VII.

In *ligno* itidem obseruantur concavae fibrae, quasi variis vesiculis contextae, et iuxta trunci longitudinem porrectae, quemadmodum corticis fibrae. Cumque inter se relinquant intervalla, in hisce quoque cernuntur transuersi vtriculi, qui ad medullam vsque pertingunt. Nonnullae inter fibras concavae sunt, quae spirales dici possunt, et tracheae, non tanto quidem numero ut aliae, sed quae multo maiores sint, et hiare deprehendantur, quando lignum horizontaliter secatur. In quibusdam etiam arboribus cernuntur varii ordines tuborum, qui lacteum liquorem, sed crassiorem, vomunt.

§. VIII.

Medulla est in media substantia lignea, constatque variis ordinibus globulorum concavorum, et membranula tectorum. In quarundam arborum medulla peculiaris continetur succus, qui facile cernitur, cum

COR-

concrefcit, aut niger fit. Obferuatum quoque fuit, in tenerioribus furculis medullam non effe plane in centro, fed faepius hexagonam effe, et cortici propiorem, qua planta meridiei aduerfa eft. Sed nec illud praetermittendum, minui medullam, prout lignum augetur. Qui vero medullam pro corde plantarum, aut omnino anima vitali habent, vel ex eo refelluntur, quod arbores quaedam atque plantae, medulla licet exempta, efflorefcant, atque fructus ferant. In quibusdam arboribus praeter medullam materia quaedam alba et tenera confpicitur, quam *alburnum* dicunt, quam nonnulli pro adipe arborum habent, alii pro corticis parte, qua in fubftantiam ligneam abeat, ei que mifceatur.

§. IX.

Radix eadem fere vafa habet, quae truncus, aut fi quod difcrimen deprehenditur, non adeo magni illud eft momenti. Experientia etiam conftat, per radicem subire fuccos, quibus planta alitur; licet pori, per quos ingrediatur, confpici nequeant. Quarundam plantarum radices plenae funt filis, in quibus tubulos effe, qui fuccum ad partes superiores porro deferendum admittant, a vero haud abhorret: in reliquis autem, quae eiusmodi filis praeditae non funt, per poros corticis fuccum iftum intromitti, admodum verofimile eft.

(K) 4

§. X.

§. X.

Ultimam plantae partem *rami* constituent, quorum structura eodem modo se habet, ac structura trunci. Sunt autem rami praecipue fructibus sustinendis destinati: ceteroquin et planta sine ramis consistere potest.

§. XI.

De *nutritione* plantarum ita videtur censendum, cum terra hinc inde variis constet particulis salinis, metallicisque, hae, accedente liquore et calore, solutae, et agitatae radices poros subeunt, et ita porro per fibras ascendunt, et in vtriculis cum liquore plantae commixtae fermentantur, et subtiliores factae in omnes plantae partes se insinuant, ita ut pars earum per transpirationem rursus abeat, pars sensim indurescens, ad incrementum plantarum ac fructuum aliquid conferat.

§. XII.

Cum vero non omnes particulae terrestres aequae aptae sint ad subeundum poros cuiuscunque plantae, vel omnes per fermentationem mutari possint in succum ad nutriendam plantam aptum, ratio patet, cur non in quavis regione quaevis proveniat, aut conservari queat planta.

§. XIII.

Ad *motum* succi nutritivi quod attinet, sunt qui experimentis comprobari posse, con-

contendunt, quod succus per lignum ascendat, et per corticem iterum descendat, ut ita quaedam velut succi nutritiui circulatio in plantis quoque deprehendatur. Ast quibus tubis succus ascendat, quibus descendat, non facile est ostendere, licet probabile sit, non per eosdem tubos hunc succum ascendere atque descendere. Sed nec illud satis evictum est, quodnam huius motus principium sit, an in ipsis plantis aliquid sit, quod attractiua vi, et facultate, cuncta ad plantae conseruationem dispensandi, polleat, an vero ex mechanicis rationibus cuncta procedant, aere scilicet in succo latitante per calorem expanso, et cunctas succi particulas hoc ipso mouente et propellente. Et licet forte nutritio ita explicari queat, ut incognitam quandam vim aut spiritum in subsidium vocare necesse non sit, in generatione tamen plantarum hoc non, aeque facile procedit. Sed de ea re deinceps dicendum erit.

§. XIV.

Id vero ex dictis patet, et concedi haud difficulter potest, dari omnino quandam, inter plantas et bruta, tum quoad structuram partium, tum etiam quoad nutritionem, convenientiam. Nonnulli tamen ulterius hoc extendunt, et in plantis etiam aliquid, quod *respirationi* animalium respondeat, se obseruasse existimant. Fibras namque spirales

(K) §

seu

seu tracheas huc comparatas esse putant, quippe quae in plantis pulmonum loco sint. In vnaquaque nimirum trachea laminam quandam spiralem conspici, quae extendatur et contrahatur, prout arbores aut incurvantur aut eriguntur, et prout aere incluso elasticaque vi praedito pelluntur. Has fibras ex radice recta linea ascendere per truncum, et per ramos spargi, atque illinc per folia, ubi in speciem retis contexantur. Hoc autem ideo necesse esse putant, ut partes quaedam aeris subtiliores per tracheas colentur, quae fluiditatem succi plantarum conferuent, tum et ut subtilissimae forte nitri particulae fermentationem eius iuuent. Quae non sine verosimilitudinis quadam specie dicuntur.

§. XV.

Ad *generationem* nunc accedimus, eius historiam explicaturi. Primo itaque in arboribus conspiciuntur *gemmae*, quae plerumque post aliquot menses in frondes, flores, aut ramos erumpunt. In his integras contineri plantas, obseruarunt, ita ut caulis exiguus, qui ligneis tracheis fibris constet, instar medullae ex media planta, cui gemma inhaeret, prodeat, et quaedam velut fibrarum eius sit continuatio, quemadmodum et truncus gemmae corticem suppeditet, quo inuoluitur, et qui in varia folia, fibras suas ligneas et tracheas itidem ex trunco ducen-

tia

tia, et squamarum instar sibi inuicem superimposita, quandoque etiam lanugine tecta, aut liquore viscoso illita, diuidi potest.

§. XVI.

Post gemmas sequuntur *folia*, quibus extremae gemmarum partes teguntur, constantque ex fibris et vtriculis ex trunco arboris, vti dictum, continuatis; his superinducta est tenuissima pellicula, spiculis horrens et subtilissima lanugine. Qui autem aliquando in illis, praesertim dum tenera sunt folia, existit viscosus liquor, prouenit ex fasciculis fibrarum, in extremis partibus, quae inaequales sunt, prominentibus: in nonnullis autem vtriculi eodem liquore turgentesprehenduntur, sicut in aliis vasa velut lacte turgentia, inter reliquas fibras obseruata fuerunt.

§. XVII.

Flos autem est velut vterus, qui oua seu semina arborum ac plantarum complectitur, eaque suo tempore in lucem edit. Vicinus est gemmae, et per hiemem vna latet, donec aestatis calore excludatur. Plantarum simplicissimae gemmam proferunt, in qua latet semen ovalis figurae, cuius pericarpium, cum primum formantur, non apparet. A flore discernenda sunt folia inuolucris, quo gemma tegitur, quaeue ex cortice velut continuata inferius conspiciuntur: hinc enim floris folia exeunt, concoctioni succi nutritiui,

ui, aut, vt alii volunt, purgandis superfluo humore plantarum succis inferuentia, in quorum structura itidem fibras ligneas, tracheasque cum variis vtriculorum ordinibus obseruare licet. Praeterea tuberculi in iis fragorum instar, deprehenduntur, aut pili, qui viscosum liquorem vomunt.

§. XVIII.

In mediis floribus *filamenta* et *columellae* cernuntur, quae in extrema parte velut puluere quodam diuersi coloris circumdatae sunt: exigua autem ista columna, quae in medio flore prominet, concaua est, habetque vesiculam liquore plenam, ideoque principia seminis, quod ibi paulatim augeatur atque indurescit. Vbi et illud adhuc obseruandum, extremam partem tuborum, semina continentium, apertam esse, ornatamque exiguis canalibus, per quos viscosus succus manat, siue vt succus nutritivus hac ratione purgetur, siue vt insectis aditus huc praepediatur.

§. XIX.

Semen, quando maturum est, peculiari-
bus etiam inuolucris inclusum cernitur. In quibusdam plantis semen eousque crescit, vt fructus fiat, quo vesci solemus. In his fibras et vtriculos, licet non vna eademque ratione dispositos, obseruare licet. Habent et quidam fructus pericarpium, aut carnem mollem, quae semen circumdet, cum in aliis

lis paulatim indurescat et lignea euadat: ne de aliis discriminibus, quorum maxima est varietas, quicquam dicamus. Quemadmodum autem supra diximus, in structura partium quandam inter plantas et animalia dari conuenientiam: ita et si quae haecenus de generatione plantarum, earumque seminibus diximus, expendamus, et hic conuenientiam quandam inuenire possumus; sed hoc alii exequuntur accuratius.

§. XX.

Utrobique etiam in eo maxima occurrit difficultas, quae demum causa futuri animalis, ~~ae~~que ac futurae plantae, partes, tanto artificio delineet, ut ad eius generationem vix aliud quam extensio et dilatatio partium, accedere debeat. Etenim hoc tantisper supponere liceat, in ipsis seminibus ipsa plantarum rudimenta, et subtilissimas delineationes iam deprehendi. Diffusam equidem per totam arborem aut plantam vimistam esse, quae semina producat, ex eo haud difficulter colligas, quod rami etiam ex arbore resecti atque plantati fructus ferant, seminaque emittant. Succus autem iste, qui in iis deprehenditur, quo pacto se ipsum, licet omnes mechanicorum leges in subsidium vocentur, in hanc formam disponere queat, vix ac ne vix quidem videtur intelligi posse, nisi alia quaedam vis, quacunque

cunque demum ista fit, aut quocunque nomine veniat, simul admittatur.

§. XXI.

Ceterum plantarum, non minus quam animalium, infinita est varietas. Diuidi illae in *herbas* solent et *arbores*. Illarum pro vsu, quam praestant, vario, variae itidem classes constitui solent. Quaedam alimentis, quaedam medicamentis, nonnullae vtrisque, aliae neutris inseruiunt. De arboribus pariter censendum. Frugiferae aliae sunt, aliae infrugiferae, et sic porro. Sub herbis flores comprehenduntur, qui pro colorum, figurae, virium diuersitate, in infinitas iterum species abeunt.

CAP. III.

de

METALLIS, MINERALIBVS, ET COGNATIS CORPORIBVS,

Σύνοψις.

Fossilium Varietas, §. I.

Metallorum proprietates
generatim, §. II.Causa earum, speciatim
liquefactionis, §. III.Duttabilitatis et gravitatis,
§. IV.De metallorum nutritione,
§. V.

Et generatione, §. VI.

De semine metallorum.

§. VII. VIII. IX. X.

Posito, quod semen metallo-
rum detur, quo pacto se
habeat

habeat generatio, §. XI.

Eadem quo pacto sine semine fieri dicatur, §. XII.

Quid de transmutatione metallorum censendum, §. XIII.

Aurum, argentum, aes, §. XIV.

Ferrum, stannum, plumbum, §. XV.

De specialium, quibus haec metalla gaudent, proprietatum causis, §. XVI.

Chalybs, §. XVII.

Hydrargyrum, §. XVIII.

Altera fossilium classis continet salia, quorum varia sunt genera, §. XIX.

Salis communis proprietates, §. XX.

Earumque causae, §. XXI.

Huc et lapides pertinent, quorum proprietates eo causae indicantur.

§. XXII.

De calce, §. XXIII.

Lapidum varietas, §. XXIV.

De lapidibus pretiosis, eorumque proprietatibus: esse eos liquores concretos, §. XXV.

Quod ulterius probatur, §. XXVI.

Vnde colorum varietas in iis? §. XXVII.

Magnetis proprietates, §. XXVIII.

Speciatim eius directio ad polos, §. XXIX.

Et vis attractiva, §. XXX.

Horum effectuum causa, §. XXXI.

Haec ulterius illustratur, §. XXXII.

Ultima fossilium classis, eorum scilicet, quae flammam concipiunt, §. XXXIII.

§. I.

INter reliqua corpora, quae adhuc consideranda sunt, cum plantis maximam convenientiam habere videntur *fossilia*, de quibus nobis nunc ex instituti nostri ratione dicendum est. Possunt autem cuiuscunque ordinis causa fossilia in tres classes diuidi. Quaedam enim vi ignis liquefiunt, quaedam in calcem rediguntur, quaedam denique flammam concipiunt.

§. II.

§. II.

Ad primam classem *metalla* pertinent, cuiusmodi sunt: *aurum, argentum, aes, ferrum, stannum, plumbum, hydrargyrum*. Et haec quidem corpora licet in plurimis a se inuicem differant, in eo tamen conueniunt, quod liquefiant, malleoque duci in laminas queant, grauiora sint aliis corporibus nobis notis. A chemicis planetarum nominibus insigniuntur, quod in vtrisque quaedam proprietatum conuenientia deprehensa sit.

§. III.

Ex communibus autem, quas indicaui-
mus, metallorum proprietatibus, recte col-
ligitur, in certa quadam corporis textura et
materiae dispositione, ea inter se conuenire,
per quam simul ab aliis corporibus diffe-
runt, quae eiusmodi proprietatibus praedi-
ta non sunt. Sed qualis ista structura vel
textura sit, si a coniecturis philosophorum
discefferis, vix definiri potest. Nonnullae
tamen coniecturae valde videntur esse vero-
similes. Sic ex eo, quod metalla *liquefiant*,
videtur haud inepte colligi, constare ea ex
particulis longe grauissimis, quippe quae vi
ignis neutiquam ita diuelli queant, vt plane
dissepantur, aut circumagi ita, vt flammam
conciplant, licet motum concipiant, et hac-
tenus soluantur, vt corpori duriori non re-
sistant, id quod liquefactionem vocamus.

§. IV

§. IV.

De *ductilitate* et *gravitate* metallorum eadem ratione censendum. Ductilia nimirum sunt corpora, quorum ita comparatae sunt partes, vt partibus vicinis cohaerent, nec facile ab iis diuelli possint, cui rei eas particulas, quae oblonga et quadrangulari figura praeditae sunt, aptissimas esse, nonnulli existimant. Gravia contra dicuntur, quorum ita comparatae et consolidatae sunt partes, vt paucissimi et valde angusti, inter eas existant pori. Qua ratione et metalla constructa esse verosimile est: siue ipsarum particularum, siue totius corporis, siue tum huius, tum illarum haec sit ratio, vt quam paucissimi pori, et meatus, qui aere repleri queant, in iis deprehendantur.

§. V.

In animalibus et plantis praeter partium structuram, nutritionem etiam atque generationem obseruauimus: quae an in metallis etiam deprehendantur, non aequè euidens est, atque perspicuum. Et ad *nutritionem* quod attinet, ea in accretione saltem, hoc est, partium homogenearum cum corpore metalli coniunctione, si quidem supponamus, eam dari, consistere videtur. Quem in finem, aut vim quandam ingenitam, aut spiritum, aut simile principium aduocare nonnulli solent, quo homogeneae particulae a reliquis
(L) sepa-

separentur, et cum substantia metalli coniungantur.

§. VI.

De *generatione* autem metallorum in tanta opinionum varietate vix videtur certi quid definiri posse. Namque an omnino generentur, an vero omnia metalla in primo rerum ortu a Deo condita, atque producta sint, nonnulli dubitant. Est autem, generari metalla, quodnam illorum semen fit? et quo pacto hoc existere incipiat? rursus impeditum valde est atque obscurum.

§. VII.

Statim vero hic reiiciendi illi videntur, qui eiusmodi metallorum semina fingunt, quae nemo mortalium, et forte nec illi ipsi, qui ea defendunt, vnquam vidit, vti liquor ille soluens catholicus, quem *Alcabeſt* vocant, aut *ſal* illud *catholicum* et vniuersale, quod nonnulli comminiscuntur, et quo cuncta se, quae fidem superant, in regno minerali effecturos pollicentur. Haec enim similiaue semina cum ignota sint, et nulloibi extent, nihil certi quoque de iis pronunciari potest, donec experientia illorum vis comprobata fuerit. Id quod etiam de *mercurio* illo *philosophico*, quem alii iactant, est intelligendum.

§. VIII.

Nec audiendi sunt, mea opinione, qui ad ſalia communia et vulgaria, aut ad tria ista chemi-

chemicorum principia, sal, sulphur, et mercurium, aut ad vapores subterraneos, aut aquam, aut simile quidpiam prouocant. Namque ad salia quod attinet, manifestum quidem est, magnam esse nitri, vtrioli et salis communis in divellendis corporibus metallicis efficaciam: sed quo pacto ex eo sequatur, quod semen metallorum constituent, non video,

§. IX.

Reliqui autem materiam et elementa metallorum confundere videntur cum semine. Etenim potest vel aqua, vel vapor, vel simile quid esse materia metallorum, saltem ex sale, sulphure et mercurio ea constare, concedendum est, sed ideo haec non sunt semina. Semen enim vocatur, quod iam futuri corporis delineationem quandam, et velut rudimenta continet, saltem vi pollet, sine alterius corporis admixtione, illud, cuius semen est, producendi, modo motus debitus accedat, quod an de illis metallorum elementis dici queat, dubito.

§. X.

Supereft *antimonium* atque *argentum viuum*, quorum aut alterutrum, aut vtrumque pro semine metallorum nonnulli reputant. Et certe qui argentum viuum pro semine metallorum habent, nihil dicunt, quod non magna verosimilitudinis specie se commendet, cum non tantum miro amore

(L) z

au-

aurum complectatur, eique per intima se veniat, sed et prae reliquis metallis humor tantum aliquis et rudimentum metalli videatur. In antimonio aliquid purioris sulphuris nonnulli deprehenderunt, quod adeo si rite cum mercurio coniungatur, in quo maximum chemicae artis arcanum nonnulli constituunt, forte ad perfectiora metalla progignenda inde aliquid conferetur.

§. XI.

Iam si supponamus, aut argentum vivum, aut aliud quoddam metallorum semen, huius tamen origo non minus ignota erit, quam seminum in plantis et animalibus. Vt autem ex hoc semine metalla fiant, in eo forte caloris subterranei magna vis est. Nec repudianda prorsus illorum sententia, qui et astra huc aliquid conferre existimant. Mira sane astrorum vis est, nec satis nobis perspecta, vti in sequentibus explicabitur; et vel gemmae documento sunt, quarum nonnullas aequales cum luna subire mutationes, observatum fuit.

§. XII.

Qui vero haec omnia explodunt, et non aliud admittunt metallorum principium, quam calorem subterraneum, qui ex interiori et metallico terrae quasi nucleo, abrasas et exsolutas a succis acribus particulas, posteaque oleaginosas et mercurialibus involutas, in superiorem et porosiores eius
terrae

terrae partem evehat, proprio pondere deinde, dum interim paulatim caloris impetus minuitur, iterum colligendas, et cum aliis solidioribus massis concrecentes, non certius hac de re philosophantur, et multa supponunt, quae nondum sunt evicta.

§. XIII.

Celebris interim hic occurrit quaestio, et maximopere agitata, quid de metallorum transmutatione sit sentiendum? De qua mihi ita videtur: ex rationibus philosophicis probari non posse, quod ejusmodi transmutatio fieri nequeat. Si enim supponamus quod verosimile est, diuersam metallorum texturam, ex diuersa mercurii, sulphuris et salis commixtione oriri, nihil obstat, quo minus mutata ista permixtione, ipsa quoque textura metalli mutetur, aliumque adeo colorem, pondus et reliquas proprietates induat. Praeterea si diuersos modos, quibus istam transmutationem contingere aiunt, consideremus, nihil in illis videtur occurrere, quod rationi prorsus repugnet, siue ex auro concentrato massa quaedam conficiatur, quae iterum se expandat, et aliud metallum tingat: siue mercurius cum antimonio coniunctus aequabili calore ad maturitatem perducatur: siue catholicum aliquod principium statuatur, ista vi admirabili praedictum. An vero facta sit eiusmodi transmuta-

mutatio, alia quaestio est, de qua hic dicendi locus non est.

§. XIV.

Ad specialia descendere superuacaneum fere fuerit. Pauca tamen eaque praecipua attingemus. *Aurum* namque a reliquis metallis in eo differt, quod sit fului coloris, licet aliquando ad rubicundum propius accedat; estque etiam omnium grauissimum, non tamen durissimum, et summae ductilitatis. *Argentum* tum quoad ductilitatem, tum quoad pondus et facultatem igni resistendi, proxime ad aurum accedit: eo autem modo, quo ab auro differt argentum, ab argento rursus differt *aes*.

§. XV.

Ferrum antea memoratis metallis multo durius est, minusque ductile et scoriis plenius. Praeterea facile ferruginem situ aut humido coelo contrahit, quod ante dictis metallis non aequae facile contingit. Inter *stannum* et *plumbum* non aliud intercedit discrimen, nisi quod illud durius sit et leuius, hoc vero mollius et grauius.

§. XVI.

Quae harum proprietatum rationes vulgo afferri solent, ex supra dictis, ni fallor, quodammodo intelligitur. Coloris diuersitatem a diuersa sulphuris, quod admixtum est, copia deriuant: grauitatis, ex arctiori aut laxiori partium inter se distantia; duritiei

ex

ex rigiditate aut flexibilitate particularum; puritatis aut impuritatis, ex particularum heterogeneorum admistione, et sic porro. Sed sunt saltem haec coniecturae.

§. XVII.

Si ferrum in liquefactione accurate a scoriis purgatum, et in laminas deductum, candensque, in aquam frigidam coniiciatur, durius fit, et *chalybs* vocatur: idem duritiem quodammodo exuit, si igni extractum, aeri-que expositum sensim frigescat. Cuius rei hanc afferunt rationem, quod crassiores particulae et irregulari figura praeditae, in motum ab igne concitatae, ad se inuicem magis accedant, amisso rigore, minoresque meatus inter se relinquunt, quo in statu permaneant, si aqua frigida affusa subito motum amittant; priorem autem situm et figuram recuperent, si sensim motus ille cesset.

§. XVIII.

Hydrargyrum seu *argentum viuum* in eo a reliquis metallis differt, quod et liquidum est, et igni impositum facile in vapores abit, qui si clauso vase excipiantur, in candidum puluerem abeunt. Conuenit cum reliquis metallis in eo, quod plumbo admistum aut aliis artibus solidum fiat, aut ductile, tum etiam, quod omnium liquorum grauisimus sit. Haec quo pacto ex figura et nexu particularum, ex quibus constat, explicari et possint et soleant, ex dictis facile intelligitur.

§. XIX.

Altera clasfis fossilium eorum est, quae in calcem rediguntur. Huc primo salia pertinent, quo nomine omnia veniunt fossilia, in quibus aut salus aut acris deprehenditur sapor, quanquam diuersus. Diuidunt salem in *communem et proprium*, et illum in *naturalem et artificialem*. Proprius est, qui ad peculiare et proprios vsus adhibetur, vt *sal ammoniacus, sal gemmae, nitrum, vitriolum, alumen* etc.

§. XX.

De singulis hisce salium generibus agere, nostri non est instituti. De *sale* itaque *communihoc* obseruasse satis fuerit, quod non tantum acutissimi sit saporis, grauior quoque aqua, quod ea diluatur, et quod aeri expositus liquefiat, modo omni materia heterogenea probe purgatus sit, praeterea quod aqua, cui admixtus erat, excocta, et in vapores euecta, in fundo vasis remaneat, quod etiam non corrumpatur, sed carnes, quibus aspersus est, a putrefactione conseruet, et denique quod vi ignis in calcem redigatur, et non nisi difficulter admodum liquefiat.

§. XXI.

Ad hasce salis proprietates explicandas figuram et nexum particularum, ex quibus constat, iterum vulgo in subsidium vocant, supponentes ex particulis rigidioribus eum esse

esse compositum. Hasce enim linguam pun- gere et poris carnis infixas motui putredi- noso resistere, et difficulter admodum peni- tus dissolui, et ab igne circumagi, vt eiusmo- di motum concipiant, qui liquefactionem constituit, licet ex situr ratione facile aditum concedat particulis aqueis, per quas adeo sal aeri expositus siue aquae admixtus soluatur; et sic de reliquis eodem modo esse censen- dum.

§. XXII.

Practerea huc pertinent *lapides*, quip- pe qui duri sunt, et rigidi, et malleo commi- nui in puluerem, et ignis ope in calcem redi- gi possunt, saporeque omni sunt destituti. Componi itaque eos ex particulis rigidis, sed solito crassioribus putant, quippe quae et rigiditatem et duriem lapidum efficiant, et in causa sint, vt et in puluerem commi- nui, et redigi in calcem queant. Cum enim istis particulis nulli ramusculi sint, nec co- haerere eas, vt ductile inde corpus, aut quod flecti queat, vel liquefieri, euadat. Ve- ro simile ceteroquin est, ex succo quodam postea lapidescente, remanentibus videlicet particulis rigidioribus, ceteris abeuntibus, lapides progigni, id quod et de salibus, et plerisque fossilibus est intelligendum.

§. XXIII.

Ex lapidibus vi ignis in puluerem re- ductis *calx* exsurgit, cuius in eo mirabilis na-

(L) 5

tura

tura videtur, quod si aqua frigida eidem affundatur, subido incalescat et efferuescat. Cumque etiam in aqua cum calefit, similis ebullitioprehendatur, verosimile videtur subtiliorem quandam materiam in poris calcis latitare, quae quando aqua affusa calcem premit, seque in omnes eius poros insinuat, vi atque impetu erumpit, vt quaedam ebullitio et efferuescentia inde oriatur.

§. XXIV.

Diuidi lapides solent in *vulgares* et *pretiosos*, qui et *gemmae* dicuntur, et *mediae naturae*. Et vulgarium alii solidi sunt, alii porosi, vt *tophus*, *pumex*, nonnulli etiam nitent, vt *alabastrites*, *ophytes*, *porphyrites* etc. Lapidum pretiosorum magna est varietas: omnesque illorum indicare species, huius loci non est. Ad lapides mediae naturae referuntur *crystallus*, *haematites*, *aetites* etc.

§. XXV.

De *lapidibus* tamen *pretiosis* generatim notandum, quod plerique splendore et diaphaneitate sese commendunt, quod viuidissimis etiam et variis coloribus spectantium oculos capiant, et denique, quod magna et mirabilis vis in variis morborum generibus curandis illis tribuatur. Quae si quis secum expendat, haud difficulter in eam ingredietur sententiam, plerasque forte gemmas lapidesque medicinales olim fuisse corpora fluida, aut saltem compositos esse ex
parte

parte ex eiusmodi substantiis, quae fuerunt aliquando fluidae. Potuisse etiam illis haud difficulter admisceri succos minerales et metallicos varii generis, vnde mira illa efficacia diuersaeque virtutes originem trahant.

§. XXVI.

Atque hoc porro videtur probari posse, quod minus probabile sit, corpora, quae nunquam fuere fluida, tam ordinata gaudere particularum dispositione, qualem pelluciditas requirit. Accedit externa quarundam gemmarum figuratio. Etenim experientia constat, quaedam corpora, quae ex liquoribus concreuerunt, coagulari in crystallis concinnae et determinatae figurae, cuiusmodi cum et in gemmis quibusdamprehendatur, idem de his quoque censendum videtur. Sed et interna textura respondet. Sunt enim qui in multis gemmis acies et commissuras, tenuium bractearum aut planarum ex quibus constiterint, luculenter se deprehendisse contendunt; cuiusmodi quid in mineralibus et liquoribus concretis etiam prorsus conspicitur.

§. XXVII.

Ad *colores* autem *gemmarum* quod attinet, eos in multis aduentitios esse, et cum illis a quodam succo minerali colorato comunicari, verosimile, siue a quadam minerali exhalatione tingendi virtute praedita, cum gema seu lapis medicinalis adhuc in solutis principiis

piis esset, vel constaret ex textura satis aperta, vt per eam vapores minerales penetrare possent. Id quod inde etiam videtur probari posse, quod multae gemmae colore suo priuentur, si nimis diu in igne iacuerint, itemque quod plurimis in locis, in quibus reperiuntur gemmae coloratae, vicinae sint fodinae minerales, seu venae metallorum.

§. XXVIII.

Inter lapides mediae naturae cminet *magnes*, qui cum colore et pondere ferrum referat, et in fodinis etiam ferrariis deprehendatur, in eo tamen differt, quod malleo tusus comminuatur, et vi ignis in calcem redigatur. Reliquae eius proprietates ad duas referri classes possunt, conuersionem videlicet ad polos, et ferri attractionem.

§. XXIX.

Et ad illam quidem quod attinet, obseruatum fuit, quando *magnes* libere et sine obstaculo moveri potest, cum partem sui alteram septentrioni, alteram meridiei constanter obuertere, at cum quadam tamen aut ad occasum, aut ad orientem declinatione. Sed et si duo *magnetes* intra certum interuallum sibi inuicem admoueantur, ea pars quae polum septentrionalem telluris spectat, fugit, admota parti alterius eundem polum spectantis; accedit contra, si polum meridianus vnus *magnetis* obuertatur alterius polo septentrionali. Ceterum
licet

licet ut plurimum vni magneti duo sint poli, in quibusdam tamen plures obseruati sunt: quemadmodum nec illud praetermittendum, acum nauticam cis lineam aequinoctialem, cuspidem, quae septentrionem spectat, depressiorem habere: sed vbi linea superata est, altera cuspidis depressior esse incipit, sub ipsa vero linea situm suum non seruat, nec vsui esse potest.

§. XXX.

De vi autem, quam attractiuam vocant, magnetis constat, quod non tantum magnetes se inuicem sustineant, modo septentrionalis polus vnius opponatur alterius meridionali, sed quod magnes etiam ferrum attollat, minoris quandoque aut maioris ponderis. Constat quoque, si scobs ferri superiniiciatur magneti, eum ita disponi, vt particulae eius recte ad polos dirigantur, inde vero paulatim inflectantur in orbem, vt sint axi magnetis parallelae. Vis praeterea magnetis cum ferro communicatur, vt ex acu nautica patet, quemadmodum rursus si ferro munitus sit, efficacia eius multum intenditur: eadem rursus, tum per ignem tum hac quoque ratione destruitur, si duo magnetes diu iuxta se inuicem iaceant, ita vt polus septentrionalis vnius oppositus sit eidem alterius polo, et vice versa.

§. XXXI.

Harum proprietatem vt investigarent
cau-

causam eruditi, non vnā quidem ingressi sunt viam, nonnullis ad consensum quendam inter magnetem et ferrum, et terrae polos, aut etiam ipsas stellas polares, aliis ad spiritum quendam, attractiua quadam vi pollentem, aliis ad alia prouocantibus. Hoc admodum verosimile videtur, non sine interuentu subtilioris cuiusdam atque inconspicuae materiae hoc fieri, id quod ex eo, quod de scobe ferrea diximus, videtur comprobari posse: cuiusmodi materia cum ex vtroque forte polo et vicinis tractibus erumpat, meatibusque et poris magnetis accommodata sit, videtur vtcunque ratio conuersionis magnetis ad polos inde reddi posse.


§. XXXII.

Sic et quod magnes magnetem aut ferrum suspendat, id eiusdem materiae subtilioris beneficio fieri, vel ex eo verosimile fieri posset, quod in aliis quoque corporibus electricis simile quidpiam deprehendatur, praesertim post frictionem quandam. Quo pacto autem materia hoc efficiat, an per aëris ex interualli medio per horum corporum effluuia vi pulsi, forinsecus autem vndique prementis, pulsum, an alia ratione, item quatenam particularum, quae materiam istam subtilem constituunt, sit figura, et quae reliqua sunt eiusdem commatis, id vero definire, si a meris coniecturis discesseris, non tam facile potest.

§. XXXIII.

§. XXXIII.

Supereſt denique vltima foſſilium claſſis, eorum ſcilicet, quae flammam concipiunt, inter quae eminent *ſulphur* et *bitumen*. Vtrumque in eo conuenit, quod facile inflammari queat, bituminiſ tamen materia pinguior eſt et tenacior, cum ſulphur frangi poſſit facile, et in tenuiſſimum puluerem comminui. Ex quo nonnulli coniiciunt, horum corporum eiſmodi eſſe ſtructuram, vt partibus tenuibus et flexilibus conſtet, quae non aegre diuellantur, porosque illis eſſe, quos particulae ignis haud difficulter ſubeant, omnemque adeo circumagant materiam; in bituminofiſ autem corporibus ramoſas particulas eſſe, quod aut liquida ſint, aut igne liquefacta viſcida euadant, facileque aliis corporibus adhaereant. Diuidi ceteroquin bitumen ſolet in *liquidum* et *ſpiſſum*: illius ſpecies ſunt *naphtha*, *petroleum*, *ambra gryſea*, ſeu *arabica*, huius, *aſphaltus*, *piſſaſphaltus*, *succinum*, etc.



**PHILOSOPHIAE THEORETICAE
PAR TERTIA**

DE

**TERRA, AQVA, IGNE, AERE,
ET METEORIS.**





CAP. I.

de

TERRA ET AQUA.

Σύνοψις.

*Terrae nomine quid nobis
veniat, §. I.*

Geogonia quae sit ratio, §. II.

*Secundum Cartesium, §. II l.
IV.*

*Secundum Thomam Burne-
tium, §. V. VI VII.*

*Geogoniae Burnetianae et
Cartesianae discrimen, §.
VIII. IX. X.*

De straque iniquis §. XI.

De montibus, §. XII.

Aquae proprietates, §. XIII.

Earum causae, §. XIV.

*De aquae in glaciem concre-
tione, §. XV. XVI.*

*Cur guttae aquae rotundae
sint? §. XVII.*

*De fontium et fluviorum
origine, §. XVIII.*

*An aqua ex mari per ductus
subterraneos ad loca ter-
rae superiora ducatur?
§. XIX.*

*An ex pluvia fontes oria-
tur? §. XX.*

*An ex vaporibus circa cacu-
mina montium condensa-
tis? §. XXI.*

*De mari eiusque origine, §.
XXII. XXIII.*

De salsugine maris, §. XXIV.

*Cur mare per flumina non
augeatur? §. XXV.*

*Phaenomena de fluxu et re-
fluxu maris, §. XXVI.*

*Hypotheses aliorum ad ea
explicanda, §. XXVII.*

*Quid nobis verosimile vide-
atur, §. XXVIII.*

§. I.

Terrae nomine et peculiaris quaedam
massa, et congeries quoque multo-
rum corporum, quae in ea conti-
nentur, venire solent. Namque in
terra arena, argilla, terrae variorum colo-

(M) 2

rum



rum, lapides multorum generum, salia plurima, sulphur, bitumen, mineralia innumera, metalla, aliaque a fodientibus inveniuntur. Supra terram denique aquae deprehenduntur, et in suprema eius superficie vegetabilia, et cuncta animantium genera.

§. II.

Terrae ipsius, prout massam a reliquis corporibus distinctam constituit, quae sit natura indolesue, satis notum est. Quo pacto autem totum istud corpus, tum quoad superficiem, montibus, vallibus, maribus, fluminibus, insulis constantem, ortum sit, id vero explicare cum primis recentiores quidam philosophi aggressi sunt.

§. III.

Et Renatus quidem Cartesius supponit, terram olim fuisse instar solis, ast maculis contactam proprium amisisse motum, et una cum maculis et aere quo inuoluebatur, a vortice solis fuisse absorptam, tandemque in corpus aliquod opacum degenerasse. Naturam autem et motum particularum, ex quibus terra composita est, accuratius considerando, sibi deprehendere visus est, in intima terrae regione seu centro flammam quandam seu ignem contineri, alteram vero regionem valde opacam atque densam esse, et velut stratum aliquod metallicum constituere, nullosque alios meatus, nisi materiae primi elementi peruios habere, tertiam



pereſt et ſupernatat, in duos ordines corporum neceſſario abire, vnum *liquidum*, alterum *volatile*, ſiue *aquam*, et *aerem*. Partes namque tenuiſſimas et leuiſſimas ſuperiora petentes, ex perpetua mobilitate huc illuc agitataſ, regiones aëreas conſtituere, vti minus tenues, languidiores motu, et leuitate mediocres, vniuerſam liquidorum maſſam componant.

§. VI.

Ceterum cum in ea maſſa contineatur omne genus liquorum terreſtrium, hi vero ad duo praeſcipue genera reducantur, *pingues*, et *macroſ*, ſiue *tenues*; quae in omni ſere liquido compoſito exiſtant, eadem etiam et hic reperiri. Cumque liquores macri et pingues commixti, data occaſione vel libero aëri expoſiti, ſecedant ab invicem, et ſeparentur, pingueſque innatent tenuibus, verofiſmile eſſe, quod etiam haec maſſa liquida in duas maſſas abierit, parte ipſius pinguiori ſupernatante reliquae.

§. VII.

Et haëtenus quidem aërem conſiderari, vt craſſum et tenebricoſum, et radiis ſolis impenetrabilem, aquas vero vt turbidas ac impuras: vt vero aquarum maſſa feces ſuas vel partes terreſtres et craſſiores ſenſim demiferit ad fundum, vbi terrae interiori ſe adiunxerint, ita et qui ſupererant in regionibus aëris puluiſculos et craſſiores partes deſcen-

scendisse iterum, delapsoque sensim in superficiem liquidorum, ubi occurrentes primum liquori illi pingui et oleaginoso haeserint irretitae, ibique aggregatae atque commixtae cum materia illa, pinguem quendam limum seu terram limosam constituerint, faciem abyssi seu massam liquidorum obvoluentem. Quae quidem superficies sensim aucta et consolidata, terram primigeniam, atque primum orbem habitabilem constituerit.

§. VIII.

Licet autem hic ignis centralis, seu intimae regionis, nulla facta sit mentio, eum tamen itidem Burnetius admittit, consensu omnis, ut putat, antiquitatis fretus: et hactenus cum Cartesio consentit. In eo tamen abit, quod primigeniae telluris situm initio rectum ad solem fuisse contendit, cum Cartesius talem semper fuisse supponat, qualis hodie est, obliquum. Ex eo vero cum sequatur, nullas fuisse in prima tellure tempestatum vicissitudines, sed velut perpetuum aliquod, placidumque et tranquillum telluris yer, hanc quidem telluris faciem primo rerum huius orbis ortui, et generationi, longe accommodatiorem fuisse putat: posito contra obliquo telluris situ, et tempestatum vicissitudinibus, nullas rimas et fissuras, quas Cartesius supponit, fieri potuisse, cum

hibernis pluuiis praecedentis aestatis fissurae refarcitae fuissent.

§. IX.



Praeterea in eo differunt, quod regionem materiae oleagineae supponit Burnetius, o-mittente eam Cartesio, quam ille necessari-am fuisse putat, quia nisi liquor aliquis le-uis et lentus superficiei abysfi supernataffet, particulae terrestres, quae ex aëre cadebant, subsedissent ad imum abysfi, neque orbem exteriorum vnquam composuissent, cum terra macra non facile concre scat cum liquo-re macro, nihil admixto, quod glutinis ra-tionem habeat.

§. X.

Sed praecipue in eo dissentiunt, quod Car-tesius orbem illum primigenium non fecerit habitabilem, donec rupta et fracta suprema superficiei, maria, flumina, montes, valles, orirentur: cum Burnetius contra existimet, eum habitatum vsque ad diluuium fuisse, quo tempore demum et mutato eius ad so-lem situ, et fracto exteriori cortice, ea pro-dierit facies, quam hodie aspicimus.

§. XI.

Sunt vero et alii, qui aliam geogoniae rati-onem commenti sunt, quibus tamen, cum res ad meras coniecturas redeat, non immo-rabimur. Sunt vero hic duo probe a se in-uicem discernenda capita: primum an tellus ea ratione facta sit? alterum: an ea ratione fie-



dubium posita sit, dicendum videtur, productos statim ab initio montes quoque fuisse, siue ut metallorum generationi inservirent, siue ad alios usus, nobis haud perspectos exploratosue.

§. XIII.

Offerunt se porro in tellure *fontes, flumina et maria*, quorum tamen consideratio simul nos ducit ad ipsius *aquae* considerationem, de qua adeo aliquid praemittendum est. Obseruari namque in aqua solet, quod sit pellucida et liquida, ita tamen, ut concreescere possit, item quod calefiat et frigeat, et quod in vapores ignis efficacia dissolvatur: praeterea aquam aëre grauiorem esse constat, eandem tamen insipidam et sine odore, putredinique obnoxiam; quibus accedit, quod corporum quorundam poros penetret, et ut facile dilatari potest, ita non aequè comprimi, et quae alia sunt eiusdem commatis.

§. XIV.

Ad hosce effectus, quin ipsa partium figura et textura multum conferat, dubium ferre non est, licet, qualis ista figura sit, certo definiri nequeat. Sunt qui particulas aquae cubicas esse contendunt, sunt qui globulosas: alii contra oblongas eas particulas supponunt, teretes, glabras, et flexiles, ad instar anguillarum, nec eas immediate et arctius esse contingentes, sed ab interfuso aethere sub-

subleuatas, ut in eo natent, et super inuicem quasi repant, quorum prae ceteris verosimilis admodum sententia videtur.

§. XV.

Quod ad aquae in *glaciem* concretionem attinet, in eo consentiunt plerique, concrefcere aquam in glaciem, si motus, quo particulae, quae aquam constituunt, agitantur, cesset. In causam, cur iste motus cesset, porro inquirenti, verosimile esse dicunt, a particulis nitrosis hoc prouenire, quae, cum aër frigidus est, decidant, ac particularum aquearum motum rigiditate sua impediant. Sed non omnia glaciei phaenomena hinc dissolui possunt.

§. XVI.

Namque id cum primis obseruatione dignum, quod aqua in glaciem concrefcens magis dilatetur, simulque leuior fiat, cum contra videatur glacies grauior esse debere aqua, si particulae motu amisso arctius inter se cohaerere incipiant: praeterea quod glacies non tam pellucida sit, quam aqua, cum ratio videatur postulare, vt pellucidior sit, liberio remque transitum permeantibus particulis concedere, cum magis dilatetur et extenuetur, quam aqua. Quae quidem, praesertim prius, ab expansione particularum aërearum in poris aquae latitantium, prouenire videntur.

§. XVII.

§. XVII.

Quaeri quoque solet, cur aquae guttae decedentes rotundae sint? ad quod nonnulli respondent, hoc ab aëre prouenire, qui partes vndique ex aquo premat, et in figuram rotundam necessario cogat, quia omnes particulae aquae aequaliter prementi aëri resistent. Alii vero, particulas aquae rotundas et laeues, et materia quadam viscida mixtas esse autumant, quae cum plurimas particulas rotundas complectatur, fieri ut guttae ita in orbem cogantur, quia particulas aqueas seorsim cadere non sinat. Vtraque coniectura non omni prorsus verosimilitudine destituitur.

§. XVIII.

Iam quod ad *fontium, fluuiorumque*, originem attinet, in eo plerique conueniunt, fontes et quidem perennes, esse aquae collectiones, ex superioribus terrae locis in inferiora defluentes, et porro ex multis eiusmodi fontibus componi flumina, in mare aquas suas deuoluentia. Sed quo pacto aquae in loca ista terrae superiora euehantur, id vero est, quod non aequè facile expediri potest.

§. XIX.

Sunt, qui per tubos quosdam subterraneos aquam marinam ad fontes deferri contendunt, ea quidem ratione, ut si aqua incidat in loca subterraneis ignibus vicina, in vapores rarefiat, qui per subtiliores terrae meatus

atus, dilabantur, et ad eius superficiem ferantur, adeoque ad ipsorum montium cacumina, in quibus propter frigus iterum in aquam condensentur, et guttatim ex superioribus montium aut collium locis, in interiora receptacula, qua terra patet, defluentes, et per rimas erumpentes, fontes efficiant. Salinas praeterea aquae marinae particulas, cum longae sint ac rigidae, in terrae arctioribus meatibus haerere, aut etiam quia in vapores euehi nequeant, separari, ut adeo aqua fontium ideo dulcis reddatur.

§. XX.

Sed cum vix intelligi queat, quomodo per subterraneos meatus, ad loca usque adeo remota a mari tanta aquae copia peruenire queat, praesertim cum loca mari proxima fontibus fere destituantur, qui in longe remotis magna copia scatent, alii pluviae fontium originem tribuere maluerunt, quae profundius montium latera ingrediatur, ac penetret; ac proinde tardius effluat, cui accedat humor, qui ex liquatis subinde affluit niuibus.

§. XXI.

Et sane videntur pluviae et niues liquefactae aliquid huc conferre, sed tamen an ad tantam aquarum copiam, quantam flumina quotidie in mare exonerant, sufficiant, dubitari potest. Quare nonnulli vapores, quos quotidie ingenti copia sol ex mari euehit,

hit, quive non modo per pluuias, sed et ro-
ris instar quotidie in terram recidunt, in sub-
sidium vocant. Nimirum isti vapores, vt
isti contendunt, ad montium cacumina la-
ti, haerent, ibique frigore densati, terrae et
lapidum rimas subeuntes in interiora quae-
dam receptacula confluunt, quae cum semel
plena sunt, quicquid praeterea affluit, effun-
dunt.

§. XXII.

In *mari* multa se nobis consideratu di-
gna offerunt, quorum praecipua delibabi-
mus. Et ad originem quidem eius quod
attinet, aquas maris telluri coeuias esse, ne-
mo temere dubitauerit. Ast qui Cartesii et
Burnetii geogoniam sequuntur, tum demum
apparuisse mare putant, cum superior tellu-
ris superficies rupta est. Ingens itaque haec
vorago, quae mare complectitur, iuxta
Burnetium nihil aliud est, quam antiquae a-
byssi portio, et spatium fragmentis terrae non
impletum, adeoque aqua aut aere, pro ratio-
ne situs, inferioris, aut superioris, replen-
dum.

§. XXIII.

Quod autem vorago ista, quae alueum
maris constituit, aperta sit, et latissime hians,
cum ceterae cauitates subterraneae plerum-
que coopertae sint, id a fragmentorum situ
prouenire putat: quemadmodum fortuitum
sit, quod oceanus totam terram cingat, nec
ad

ad eius constitutionem requiratur. Magnitudinem autem istius voraginis apprime consentire cum capacitate magnae istius abyssi, cuius velut pars quaedam sit. Non, inepte haec ita dicuntur, si modo hypothefis, cui innituntur, posita esset extra controuersiam.

§. XXIV.

Salsugo maris videtur ex fodinis salinis, quae forte plurimis in locis mari subiectae sunt, prouenire, ne dicam, quod et per flumina eiusmodi particulae aduehi queant, quae ibi remanent, reliquarum particularum aquearum insigni copia in vapores abeunte. Cumque rursus ingens copia particularum salinarum mare in littora egerat, industria quoque humana sal ex mari hinc inde educatur, ratio reddi potest, cur *salsugo maris* nec augeatur, nec imminuatur, saltem vt hoc sentiri queat.

§. XXV.

At quod aqua marina non augeatur, tot fluminibus, qui aquam suam in mare exonerant, id nonnulli inde prouenire putant, quod aqua marina per subterraneos ductus atque meatus ad fontes et flumina relabatur. Sed qui istos ductus non admittunt, contendunt per vapores, qui quotidie ascendant, tantum aquae exhauriri, quantum per flumina aduehitur.

§. XXVI.

§. XXVI.

Supereſt, vt de *aeflu* ſeu *fluxu* et *refluxu* maris aliquid adhuc addamus. Nimirum aquae marinae videntur certis temporibus a meridie in ſeptentrionem decurrere, per ſex horas, quod fluxum vocare ſolent, quo tempore paulatim mare ad littora attollitur, fluuiorum oſtia altius ſubit, et eorum fluentia retrogredi cogit: ſex autem horis elapſis per quartam horae partem videtur aqua eadem altitudine eſſe, et tum per ſex alias horas a ſeptentrione in meridiem regreditur, id quod refluxum uocant: fluxu iterum poſt quindecim minuta incipiente. Hoc itaque bis intra viginti quatuor horas contingit, ſed vt quotidie circiter quinquaginta minutis aeflus ſerius incipiat: idque in omnibus Europae littoribus, quae oceanus adluit, (mare enim mediterraneum, balticumque, pariter ac caſpium, nullum aeflum pati conſtat) obſeruatur; ita tamen vt eo maior aeflus ſit, eoque ſeuerior, quo littus ſeptentrioni ſeu polo noſtro propius eſt.

§. XXVII.

Hic qui aut terram animal eſſe contendunt, in qua fluxus et refluxus maris reſpondeat reſpirationi, aut angelum quendam terrae, vel maris potius, motorem introducunt, aut ad motum telluris copernicanum ſe recipiunt, eiſmodi quid aſſerunt, quod parum videri queat verofiſimile. Pro-
pius

pius ad veritatem accedere videntur, qui ex lunae motu causam aestus marini deriuant,

§. XXVIII.

Nimirum cum luna subiecta corpora pre-
mat, dum a centro recedere nititur, aer a
luna pressus, terrae quoque aut maris par-
tes, quibus luna imminet, premit: cumque
inter tropicos iuxta eclipticam amplissima
sint maria, et vero luna hisce locis perpen-
diculariter immineat, non potest non media
pars maris ita deprimi, vt extremas versus
littora tamdiu se extollant, quamdiu ista
pressio durat: idque quotidie bis continge-
re necesse est, quia luna bis est in meridiano,
supra nimirum et infra horizontem, id quod
ex eo porro comprobari luculenter potest,
quod inter aestum maris et motum lunae ac-
curata sit conuenientia, dum eodem tempo-
re, quo luna in meridiano est, aestus maris
incipit, synodica quoque vtrobique sit
periodus, et quae reliqua sunt,
aliis iam obseruata.

CAP. II.

de

IGNE ET AERE.

Σύνοψις.

Diversi ignis effectus, §. I. Quenam sit materia ignis?
Arguunt vehementem par- §. III. IV.
sicularum motum, §. II.

(N)

Cur

Cur ignis luceat? §. V.

Ignis generatio, §. VI.

Nutritio, §. VII.

Quomodo ignis extinguitur? §. VIII.

De fumo, §. IX.

De cinere, §. X.

De ignibus subterraneis, §. XI.

Speciatim montibus ignivomis, §. XII.

Et terrae motibus, §. XIII.

Diuerſi terrae motuum effectus, §. XIV.

Aeris proprietates, §. XV.

Grauitas aeris quibus argumentis comprobari ſoleat, §. XVI.

Itemque ſis elastiſca, §. XVII.

Horum effectuum cauſa, ſi ne natura aeris, §. XVIII.

§. I.

Ignis diuerſi notari effectus ſolent, quod calefaciat, quod luceat, quod expandat, quod corpora quaedam ſoluat, et quidem diuerſimode, aut eadem reddendo fluida, vel in cinerem ea redigendo.

§. II.

Et quidem omnia, ſi a luce, de qua deinceps, diſceſſeris, arguunt motum quendam particularum vehementiorem, qui obieſta quaeuis diuellat atque diſſoluat, hinc enim calor pro motus iſtius varietate maior aut minor, et cetera ante indicata.

§. III.

Quibus omnibus probe conſideratis, non reiiciendam puto illorum ſententiam, qui ignem materiam quandam tenuiſſimam eſſe contendunt, quae ex poris et interſitiis aeris in vnum locum maiori copia cogatur, et coaſta illic ſeruetur, particulis variarum materiarum, praefertim ſulphuris, vehementiſſime commotis.

§. IV

§. IV.

Id ergo quod ignem proprie constituit, est materia illa subtilissima, vndique dispersa, quae forte a sole ipso originem ducit. Sed hæc cum diu subsistere non possit, quin iterum dilabatur, accedant necesse est particulae sulphureae, ad motum istum concipiendum longe aptissimae, cum et, suffragante experientia, corpora, quae plurimum sulphuris secum vehunt, quam facillime inflammari queant. Motus autem non quilibet efficit ignem, sed circularis, cum si recta linea particulae moueantur, nullus inde generetur ignis.

§. V.

Atque vt ex motu isto facile intelligitur, quod istae particulae facile se in alia corpora insinuent, et eorum texturam dissoluant, ita quod ignis lucem quoque de se spargat, id ex subtilissima ista materia, quae ex sole emissæ videtur, forte prouenit. Cum vero quaedam corpora lucida sint, quae non sunt calida, cum alia, quae calida sunt, non sint lucida, aut vnum altero lucidius, eius rei hæc videtur esse causa, quod aliquando plus, aliquando minus materiae istius coelestis adsit, nec semper satis vehementi motu concitetur, vt luceat adeo quidem, sed non vrat.

§. VI.

Confirmari ea, quae diximus, insigniter videntur ex *generatione ignis*. Duplici enim

potissimum modo haec peragitur, si aut radii solares speculo concauo colligantur, aut corpora quaedam duriora vehementer inter se collidantur, aut diuturno vehementique modo se terant: haec enim omnia demonstrant, ad ignem necesse esse, vt ista materia subtilissima hinc inde colligatur, et cum sulphurea in motum circularem concitetur.

§. VII.

Intelligitur vero etiam ex dictis, cur *nuriri* ignem necesse sit. Etenim vt incumbens vis aeris disiici, et ignis adeo conseruari queat, necesse est, vt sufficiens copia particularum crassiorum, quae motu suo aeri resistere queant, adsit, quam corpora inflammabilia suppeditant; sed comminutae istae particulae vi ignis hinc inde sparguntur, flammaque necessario imminuitur, et aere oppressa tandem deficit, nisi nouae particulae in illarum locum succedant. Ad hasce autem subministrandas vnum corpus alio esse aptius, res ipsa docet.

§. VIII.

Non tantum autem ignis pabuli defectu extinguitur, sed aeris etiam inopia. Namque subtilissima ista materia solaris continuo motu dissipatur tandem et consumitur, cui si non alia ex aere substituatur, ignis conseruari nequit. Aqua autem aut similis liquor si igni affundatur, itemque si puluis iniiciatur, flammam itidem suffocari necesse est

est. Haec enim corpora mole et grauitate sua, tenuissimas particulas ex aere collectas, facile dissipant.

§. IX.

De *fumo* ita philosophari solent; cum particulae corporis inflammandi nondum ita commotae sunt, vt disiiciendo vicinum aërem cum materia subtiliori circumagi in ignem queant, haëtenus tamen motum conceperunt, vt insigni quadam copia elabantur, fumum constituunt.

§. X.

Praeterea, cum in corpore, quod comburitur, subtiliores particulae in motum concitatae auolent, crassiores et quarum contextum ignis non prorsus confringere potuit, remanent, *cineremque* constituunt, quem adeo valde porosum esse oportet, cum quicquid exedi potuit, absumptum sit, vi ignis.

§. XI.

Ceterum vbicunque datur eiusmodi materia subtilis, quae cum particulis sulphureis in motum concitetur, ibi etiam reperiri ignis potest. Id quod etiam in locis subterraneis quandoque contingere, ex montibus *igniuomis* atque *terrae motibus* constat.

§. XII.

Et ad illos quidem quod attinet, est probe obseruandum, ex plerisque locis, vbi sunt montes *igniuomi*, sulphur aut bitumen

peti solere, et teterrimum eorum odorem circumquaque spargi, praesertim cum maius incendium imminet. Ast ut materia ista ignem concipiat, id videtur variis modis contingere posse. Mihi quam verosimillimum hoc videtur: deprehendimus, plerisque montes igniuomos haud procul a mari sitos esse. Aqua autem maris cum in continuo quasi motu sit, huius fluctus impulsu, aerem ei contiguum quaquaversum, maxime vero et subterraneum, concitato admodum motu ob terrae porositate propellunt. Si ergo terrae pori materia inflammabili careant, haud adeo intentum edunt calorem, sed talem, qualis in subterraneis fere ubique locis obseruatur, si vero praesto est materia inflammabilis, in ignem ista facillimo negotio concitatur. Et hinc etiam quodammodo, quatenam sit *thermarum* origo, diiudicari potest.

§. XIII.

Sed et de *terrae motibus* quid sentiendum sit, hinc utcumque intelligitur. Nimirum quando evenit, ut in vastis cavernis vapores aut spissior etiam materia subito magna copia incendatur, non potest aer crassus specularum tanto impetu undiquaque disici atque pelli, quin fornicem seu superiorem partem cauernarum subito concutiat, totumque simul impositum terrae pondus tremefaciat, quo tempore terrae motum sentimus.

§. XIV.

§. XIV.

Quo autem profundior est cauerna, in qua eiusmodi quid contingit, et quo maior copia materiae, quae simul flammam concipit, eo terrae motus vehementior est, et latius patet. Si vero superficiei terrae propior sit cauerna, erumpunt etiam saepius ex terra ignes, exesque inferioribus locis subsidunt terrae, et pro magnitudine effractarum caernarum, hauriuntur magnae arbores, integraque aedificia, vrbes etc. Atque haec ex eo quoque confirmari possunt, quod cum magnis montium igniuomorum incendiis, coniunctus etiam semper sit aliquis terrae vicinae motus.

§. XV.

Nunc et de *aere* dicendum, quo nomine venit corpus illud pellucidum, quod vndique terram ambit, et in quo viuimus. Nec pellucidus tantum aer est, sed liquidus etiam, vt neutiquam instar aquae coagulari queat, idem etiam grauis esse creditur, licet aqua multum sit leuior, praeterea condensari potest, et rareferi, quemadmodum et elasticam vim multi eidem tribuunt.

§. XVI.

Speciatim quod ad *gravitatem aeris* attinet, multis experimentis eandem comprobare viri docti allaborarunt, dum v. g. vitrum quadratum antliae pneumaticae orificio applicatum, retractione emboli aliquoties fa-

Etā, cum fragore in minimas particulas diffringitur, quod minime tamen contingit in vitro sphaerico: item quod marmora exactissime polita, vel duo hemisphaeria cuprea rite sibi inuicem adaptata, fissuris cera occlusis, aere extracto, tam firmiter cohaereant, ut non sine insigni robore diuelli queant, et quae alia sunt eiusdem commatis.

§. XVII.

Pari ratione et ad *vim elasticam aeris* comprobendam varia afferri experimenta solent, vesicae v. g. in qua paucus aer existat, quaeue si filo firmiter constringatur, et suspendatur in recipiente vacuo, aere extracto, et eo, quae in vesica est, se expandente, mirum in modum infletur et extendatur, et quae alia sunt eiusdem generis.

§. XVIII.

Haec itaque ceteraque si supponamus ita se habere, scilicet quod non aliunde quam ab aeris grauitate et elasticitate proveniant, illorum videtur verosimilis sententia, qui aerem corpus subtilissimum quidem, sed valde porosum, et adhuc alia materia subtiliori seu aethere repletum statuunt: addunt nonnulli, figuram particularum aerearum irregularem esse, easque per interfusam istam materiam subtiliorem instar plumularum velut volitare, latiusque ob leuitatem suam sparsas esse.

CAP. III.

CAP. III.
de
METEORIS.

Σύνοψις.

<i>Meteororum quid et quotu- plex ? §. I.</i>	<i>Quae astrorum circa haec meteora sic efficacia, §. XVII.</i>
<i>Vapor, nebula, nubes, §. II.</i>	<i>Fulminis mirandi effectus, §. XVIII.</i>
<i>Phaenomena varia nubium, §. III.</i>	<i>Quas eorum sit ratio, §. XIX.</i>
<i>Ros, §. IV.</i>	<i>Cur quaedam loca his mete- oris magis exposta sint, quam alia, §. XX.</i>
<i>Pluvia, §. V.</i>	<i>Ventus quid et quotuplex, §. XXI.</i>
<i>Nix, grando, §. VI.</i>	<i>Ventorum causae, §. XXII.</i>
<i>Meteora emphatica, §. VII.</i>	<i>§. XXIII.</i>
<i>Iridis phaenomena, §. VIII.</i>	<i>Circa eas difficultates, §. XXIV.</i>
<i>Eorum ratio, §. IX.</i>	<i>Speciales ventorum propri- etates quo pacto explica- ri queant, §. XXV.</i>
<i>An iris ante diluvium exti- terit ? §. X.</i>	<i>XXVI.</i>
<i>Halo, §. XI.</i>	
<i>Parhelius, paraselene, §. XII.</i>	
<i>De meteoris ignitis genera- tim, §. XIII.</i>	
<i>Tonitru, §. XIV. XV.</i>	
<i>Fulgur, §. XVI.</i>	

§. I.

Meteororum nomine ea omnia designan-
tur, quae in aerem sublimem euehun-
tur, ibique suspensa sunt. Eaque vel *aquea*
sunt, quorsum et *emphatica* pertinent, vel
ignita, vel *aerea*. Aquea seu quae ex vapo-
ribus aqueis formantur, sunt *nebulae*, *nubes*,
pluviae, *nives*, *grandines*.

(N) 5

§. II.

§. II.

Nimirum particulae aqueae, quae motu aeris ab aliis diuelluntur, et in eo ad varias partes feruntur, *vapores* appellantur. Hi si terrae incumbant, vel in infima aeris regione haereant, tantaque sint copia, et eousque condensati, ut conspici queant, *nebulae* dicuntur: *nubes* autem, si supra montium sylvarumque cacumina euehantur.

§. III.

Cum vero materia nubium magis aut minus condensari queat, facile patet, quod quaedam radios solis transmittant, quos interceptiunt aliae. Fluida quoque cum haec materia sit, mirum non est, quod in figuras varias transformari queat, et imaginatione defectum partium supplente, varias haud raro imagines in nubibus conspiciere nobis videamur. Color autem diuersus nubium a vario situ solis, et modo, quo lucem eius respectu nostri nubes excipiunt, prouenit. Ast quod in aere pendulae haereant, id partim ventis, qui sub regione nubium hinc inde feruntur, partim nouis exhalationibus et vaporibus, qui subinde ex terra submituntur, tribuere solent.

§. IV.

Praeterea si vapores terrae incumbentes, aut in infima aëris regione haerentes condensentur, oritur inde *ros*: quorsum haud dubie aura occidentalis, quae solet sentiri
sole

sole occidente, et orientalis, quae sole oriente sentiri solet, nisi venti vehementiores aliaeque causae obstant, multum confert. Hac enim dum aer refrigeratur, verosimile est, dictos vapores refrigerari et condensari, et ita generari rorem.

§. V.

Quod si nubes ita condensentur, ut aqua guttatim descendat, *pluvia* inde oritur. Varias autem ob causas condensari nubes possunt, ut pluat. Namque et ob aëris frigus hoc contingere potest, et venti etiam, qui insignem vaporum copiam secum vehunt, possunt nubem ita condensare et constringere, ut aquae particulae maiores guttas conflent, quam ut pendere in aëre diutius queant: quemadmodum rursus ventus calidus gelidas nubes calefacere, et ita in guttas coagere potest, quae postea in terram decidunt.

§. VI.

Cum partes nubis nondum ita condensatae, ut pluviae instar decidunt, vi frigoris concrescunt, *nix* inde nascitur, quae pondere suo in terram decidit: cum vero guttae pluviae cadentes incidunt in regionem aëris frigidiorum, saepe iterum in glaciem concrescunt, atque in terram sic delapsae *grandinem* conficiunt. Ex quo ratio patet, cur nix leuior sit, quam pluvia et grando. Diversitas autem grandinis ratione quantitatis et figurae, ex vaporibus, quibus miscetur,

ex ventis, calore frigoreue aëris, multisque horum omnium varietatibus, prouenire videtur.

§. VII.

Ad aquea meteora, vt diximus, merito etiam referuntur, quae *emphatica* audiunt, eo quod faciem realem, qua apparent, non obtinent: vt *iris*, *halo*, *parheli*, *parascelene*, etc. Haec enim omnia ex certa nubium dispositione, et ad solem positu, indeque orta lucis reflexione oriuntur.

§. VIII.

Et ad *iridem* quidem quod attinet, constat eam nunquam cerni nisi in regione soli opposita, adeoque vt spectantibus sola tergo sit, semperque alicubi pluere, quando iris apparet: constat hunc perpetuum esse colorum ordinem: vt extimus sit croceus aut ruber, proximus flauus, tertius viridis, quartus et intimus violaceus aut caeruleus, licet non semper hi colores aequè sint viuidi: cum duae irides apparent, quod quandoque contingit, altera quae superior et amplior est, eosdem colores refert, ast contrario ordine et multo pallidiores. His porro addere solent, iridem semper quidem apparere accurate rotundam, et aequè latam, sed non semper aequè integram: ex planitie spectatam nunquam dimidia circuli parte maiorem, saepe minorem, apparere: eo autem minorem circuli portionem in iride cerni

ni, quo altior est sol supra horizontem, et vice versa.

§. IX.

Horum omnium phaenomenorum dari haud difficulter ratio potest, si supponatur, sedem propriam iridis esse guttas pluias, in quas cum radii solares incidunt, post refractionem et reflexionem non vnā, iterum oculum spectantis subeunt, diuersasque istas colorum sensationes in nobis efficiunt. Atque ita rem se habere confirmari luculenter ex eo potest, quod in prismatico vitreo iidem colores, eodemque ordine cernantur, item in aqua, quam fontes per tubos descendentes in aërem eiaculantur, eodem obseruato situ.

§. X.

Posito eodem telluris situ, eademque conditione, necesse est, ante diluuium quandoque iridem extitisse. Adeoque tempore diluuii, aut potius terra restituta, Deus nouam significandi vim rei iam ceteroquin existenti, imposuisse censendus est. At si cum Burnetio aliam supponamus telluris antediluuianae faciem, recte asseritur, post diluuium demum iridem extitisse. Sed hic eadem recurrunt difficultates, quas iam supra attigimus.

§. XI.

Halones sunt circuli variorum colorum, qui circa solem aut lunam quandoque cernuntur.

nuntur. Nimirum sol aut luna in centro est, halo autem solem aut lunam sequitur. Spatium vero quod illis continetur, praefertim prope partes viuidiori colore tinctas, obscurius est aëre eas continente. Et denique halones nunquam pluuio coelo conspiciuntur, in quo alia illorum ratio est, quam iridis. Quorum omnium ratio reddi potest, si supponatur, aërem plenum eo tempore esse glacieculis complanatis et lenticularibus, in quas incidentes radii solis aut lunae, post vnam alteramue refractionem ad oculum spectatoris transmittantur, ibique eiusmodi sensationem efficiant, qualem percipimus, cum halonem videmus.

§. XII.

De *parheliis* atque *paraselenis* idem prorsus est censendum. Nimirum ad illos quod attinet, constat, animaduerti quandoque ingentem circulum candentem, parallelum horizonti et transeunti per solem: in cuius variis partibus cernuntur parhelii, non omnes aequalis, nec aequae viuidi coloris, nec eodem semper numero, imo nec iisdem coloribus. Iam cum haud raro etiam vna cum parheliis halo conspiciatur, verosimile est, oriri parhelios ex materia simili ei, ex qua halones constant, hoc est, glacialibus particulis, quae per aerem e regione solis, seu inter eum et oculos spectantium volitant, in quibus tamen forte quaedam figurae

rae est diuersitas, adeo vt ex radiorum solis a particulis illis reflexione gignatur circulus ille candens, per cuius certas partes, cum iidem radii gemina refractione et reflexione ad nos veniunt, imaginem solis, quandoque iridis coloribus tincti, exhibent. Cetera ex dictis facile colliguntur, vt et quae de paraselenis, et reliquis meteoris emphaticis, afferri possunt.

§. XIII.

Ad ignita meteora referuntur *tonitru*, *fulgur*, *fulmen*, *ignis fatuus*, *ignis lambens*, *draco volans* etc. Quorum omnium ratio ex particulis sulphureis et bituminosis similibusque, quibus aer quandoque repletur, petenda videtur. Harum namque particularum cum satis magna praesto est copia, facile aut calore aeris, aut alia causa contingere potest, vt quaedam circumagantur, flammamque concipiant. Vnde et aestate haec meteora frequentius conspiciuntur. Pro materiae autem varietate, et conditione ventorum, aliarumque circumstantiarum ratione, variare quoque magnopere haec meteora necesse est.

§. XIV.

In *tonitru* fragor ingens in summo aere auditur, et quidem talis, vt quasi per fornices ferri videatur, et varie frangi: flamma quoque, quae cum eo coniuncta est, prius conspicitur, quam sonus auditur. Quorum omni-

niūm rationem vix commodè satis a nubibus, quarum vna magno impetu in aliam delabatur, nonnulli repetunt, cum longe facilius auri fulminantis exemplo declarari queant.

§. XV.

Ex eo namque constat, flammam, quae magna vi aerem disiicit, ingentem quandoque excitare sonitum: cumque per nubes varias iste sonitus haud raro saepius frangatur, mirum non est, quod velut per fornices ferri videatur: illa autem materia, quae lucem constituit, cum longe etiam celerius moueatur, ut suo loco ostendetur, quam aer, qui aures nostras percutiendo sonitum efficit, flammam quoque prius conspici necesse est, quam tonitru exaudiatur.

§. XVI.

Hinc vero etiam quid *fulgur* sit, intelligitur, inflammata scilicet exhalatio sulphureo-nitrosa, aut simili materia constans, aut variarum mixtura. Quod vero fulgur interdum conspicitur sine tonitru, inde euenire potest, quod exhalatio constet materia molliori, aut non tam arctis connexa atque contracta vinculis, quam, si accendatur, tam ingenti impetu diuelli necesse sit, ut ista aeris concussio sonitusque inde oriatur. Pluvia autem quod plerumque post tonitrua aut fulgura sequitur, inde euenire potest, quod forte eodem tempore propter aeris calorem

lorem et concussionem, vicinae nubes liquefiant, et ita in pluuiam soluantur.

§. XVII.

Licet ergo pro causa proxima horum meteororum materiae dispositionem habeamus, non tamen tanquam causam remotam, ut omnis tempestatis, ita et tonitruum, excludimus astrorum influxum. Huic enim tribuendum videtur, quod hoc aut alio tempore aër magis repletus sit eiusmodi particulis aut materia, ad certa meteora producenda, apta.

§. XVIII.

A tonitru atque fulgure discerni solet *fulmen*, seu rapidissima flamma, quae ex nubibus ad terram usque defertur, et obuia quaeuis prostermit aut consumit. Obseruant, autem, loca excelsa exposita potius fulmini esse, quam depressa: miramque omnino eius esse efficaciam, quandoquidem vestes interdum hominum vrat, illaeso corpore, quandoque ossa confrangat, illaesis vestibus et carne, interdum gladium in vagina hac illaesa liquefaciat, aut frangat, et quae his sunt similia.

§. XIX.

Quae commode explicari posse videntur, si supponatur, fulmen esse eiusmodi exhalationem, qualem in fulgure designauimus, quae subito accendatur, et a vento pulsa oblique ad nos feratur. Eiusmodi enim

(O)

mo-

motum venti, qui plerumque transuersim per aerem feruntur, postulant. Ex eo enim intelligitur, cur fulmina frequenter loca excelsiora feriant. Quod vero quaedam corpora fulmen adurit, frangit, liquefacit, illaesis aliis, id ex materiae diuersitate videtur prouenire, quandoquidem et aquam fortem videmus quaedam corpora soluere, cum aliis nullam inferat destructionem.


§. XX.

Intelligitur etiam ex dictis, cur quaedam loca his meteoris magis exposita sint, quam alia: in quibusdam enim maior adest copia materiae, quae exhalationes suppeditat, ex quibus tonitrua et fulgura procreantur. Contingere etiam potest, ut loca, in quibus vi ventorum eiusmodi exhalationes non commode disiici queant, magis eis obnoxia sint, quam alia: quemadmodum nec id de nihilo est, quod nonnulli obseruant, esse in quibusdam fluminibus vortices aquarum, qui aerem incumbentem etiam velut in gyrum agant, ut hic adeo haereant facile eiusmodi particulae et colligantur, nec tamen dissipari queant.

§. XXI.


Superfunt denique *meteora aerea*, quorum *venti* pertinent. Videtur autem ventus nihil aliud esse, quam aëris vaporumque in aëre existentium agitatio. Quandoque ex certa et definita mundi plaga oriuntur, et

SYSTEMA PTOLEMAICVM. 5



SYSTEMA COPERNICANVM.





et eos *regulares* dicere moris est: quandoque vndiquaque cum impetu oberrant, et hi *erratici* vocantur. Regulares vel statim sunt, qui certis stasisque anni temporibus spirant, vel *indefiniti*, qui quouis tempore spirant, et hi iterum in *cardinales*, et *collaterales* diuidi solent.

§. XXII.

Ceterum ut in eo fere conueniunt, ventum esse aëris vaporumque in eo contentorum agitationem, ita vnde motus ille oritur, id non tam facile expediri potest. Videntur autem complurimae hic concurrere causae. Namque et sol vapores in aerem euehendo, a quibus postea inaequalis pressio pulsioque atmosphaerae oritur, hic incensum venit: certe vaporum accessionem huc aliquid conferre, ex eo videtur colligi posse, quod haud raro iis in locis venti exsurgant, in quibus magna est aquae et vaporum copia.

§. XXIII.

Quandoque etiam ventus oriri potest, cum vna grandior et adstrictior nubes super alteram aequetensam, celeri cadit impetu: ita enim compressus et inter has angustias excussus aër, ventos eiusmodi irregulares producit, qui puluerem in plateis circumagere solet.

§. XXIV.

Ex hisce causis explicari quodammodo

natura ventorum potest: neutiquam autem omnibus difficultatibus expediendis sufficiunt: cur v. g. hoc vel illo die hic vel ille ventus oriatur, unus alterum excipiat, cur certa anni tempestate aquilonares et occidentales largissime spirent venti, hieme autem australes, calidi, teporem et insalubritatem afferentes, et quae his sunt similia. Quare nonnulli haud immerito in eam ingressi sunt sententiam, in tempestatibus omnibus producendis, earumque vicissitudinibus, inque meteoris, speciatim ventis progignendis, singularem plane esse efficaciam siderum coelestium, eorum maxime, quae planetae vocantur. Qua de re in sequentibus ex instituto.


§. XXV.

Speciales ventorum proprietates ex vaporum, qui eos componunt, varietate, explicari magna verosimilitudinis specie possunt. Sic septentrionales venti cum ex terris, gelu rigentibus, et a sole valde remotis spirent, multas haud dubie particulas nitrofas aut glacieculas secum aduehunt, adeoque et frigus pariter ac siccitatem inducunt. Australes ex calidioribus regionibus delati ad nos, calidasque exhalationes secum vehentes, temperant frigus, vaporesque condensant, ideoque humidi audiunt. Orientales ex calidis quidem regionibus proficiuntur, sed maria non transeunt: hinc sic-

ci sunt et calidi, nisi per loca niuibus conte-
cta aut aliis de causis frigidiora, transeuntes,
naturam suam mutant: occidentales ex oce-
ano atlantico insignem vaporum copiam
plerumque aduehunt, adeoque frigidi sunt
et humidi, et sic porro.

§. XXVI.

Facile hinc etiam colligitur, ventos, qui
ex maribus oriuntur, tanquam ex constanti
fomite, statos esse atque constantes, et fere
vniuersales seu pluribus regionibus commu-
nes, particulares contra qui ex niuibus,
stagnantibus aquis, similibusue causis pro-
gignuntur. Sed nec illud obscurum esse
potest, quod si duo venti inter se coniun-
gantur, ex diuersa vtriusque materia et eius
combinatione, non possint non noui plane-
que alii effectus oriri. Haec vero ac-
curatius definire, nostri insti-
tuti non est,



PHILOSOPHIAE THEORETICAE
PARS QUARTA
DE
SYSTEMATE HUIUS VNI-
VERSI, CORPORIBVSQVE
COELESTIBVS.





CAP. I.
de
SYSTEMATE HVIVS VNIVERSI.

Σύνοψις.

<i>Ordinis ratio, §. I.</i>	<i>dum, §. X.</i>
<i>Mundus est plurium orbium congeries, §. II.</i>	<i>Delineatio systematis Copernicani, §. XI.</i>
<i>Phaenomena generalia lunae, §. III.</i>	<i>Et Cartesiani, §. XII.</i>
<i>Solus, §. IV.</i>	<i>Quo patto secundum hoc phaenomena antea allata explicari queant, §. XIII.</i>
<i>Mercurii et Veneris, §. V.</i>	<i>Quid in eo laudandum, §. XIV.</i>
<i>Iouis et Saturni, §. VI.</i>	<i>Quid eidem fulgo obicitur, §. XV.</i>
<i>Cometarum et stellarum fixarum, §. VII.</i>	<i>Quomodo ad haec responderi queat, §. XVI.</i>
<i>Delineatio systematis Ptolemaici, §. IIX.</i>	<i>Incommoda systematis huius, §. XVII.</i>
<i>Quo patto phaenomena antea allata secundum istud systema explicari soleant, §. IX.</i>	<i>De systemate Tychoonis Braheii, §. XVIII.</i>
<i>Quid in hoc systemate laudandum, quid vituperan-</i>	

§. I.

ELeuanda tandem mens est ad coelestia, cumque haectenus tellurem nostram, et quae in ea sunt, corpora, consideraverimus, nunc ea quoque, quae nostram tellurem circumstant, contemplanda veniunt,

§. II.

Nimirum mundus nihil aliud esse videtur quam maxima orbium innumerabilium congeries, quorum multi magnitudine orbem nostrum superant, aut adaequant. Plerique autem ex his cum remotiores sint, multi etiam forte inconspicui, de propioribus saltem, illorumque ad nostrum orbem habitabilem, respectu, aliquid dicendum est.

§. III.

Post *tellurem* itaque, quam rotundam esse variis rationibus et experimentis probari potest, se offert *luna*, quae intra certum di-
erum ambitum ab occasu in ortum circa ter-
ram circumagitur, quotidie autem ab ortu
ad occasum circa eam rapitur, variasque pa-
titur phases, quarum deinceps reddenda
erit ratio.

§. IV.

Omniū autem corporum, quae circa ter-
ram sunt, maxime oculos nostros ferit *sol*,
qui ab ortu ad occasum delatus, intra viginti
quatuor horas totum terrae globum illu-
strat: praeterea intra anni spatium ab oc-
casu ad ortum ita ferri videtur, ut interea
oblique secet terram accedendo ad septen-
trionem, usque ad certos, quos nunquam
transgreditur terminos, deinde a septentrio-
ne ad austrum progrediendo.

§. V.

Hisce accedunt *sidra*, quae nobis *minora*
viden-

videntur, quorum nonnulla eundem inter se semper tenent situm, et *fixa* dicuntur, alia autem huc illuc, licet motibus certis, errare videntur, ideoque *planetae* siue *erratica* audiunt. Et horum quidem duo sunt, qui inter terram et solem quandoque intercipiuntur, *mercurius* et *venus*, quorum ille soli propior, eiusque radiis tectus, rarius apparet: *venus* vero remotior facillime cernitur: terra nostra nunquam est inter eos et solem: ipsi vero circa solem ita mouentur, ut aliquando inter nos et illum sint, postea vero sol inter nos et illas interpositus sit, et ita non vna eademque semper facie apparent.

§. VI.

Remotiores a sole *planetae* sunt, *mars*, *iupiter*, et *saturnus*: inter quos quidem et terram sol certis vicibus intercipitur, nunquam vero illi inter solem et terram. *Mars* diuersa facie apparet, prout propius ad solem accedit, aut ab eo recedit longius, sed *iupiter* et *saturnus* semper plena facie conspiciuntur, in eo rursus singulare quid habentes, quod alii *planetae* minores circa illos feruntur. Et omnes quidem isti *planetae* certis temporibus circa solem rapiuntur, praeterquam quod quotidie nobis orientur, et occidunt.

§. VII.

Praeter haec fidera, alia adhuc sunt, quae *cometae* dicuntur, quod coma quadam ornata

ta sint. Hi nullo certo motu accedunt ad solem, cumque fugiunt, ignotis temporum vicibus. Ea autem sidera, quae *fixa* dicuntur, ingenti numero sunt, luce coruscanti praedita, eundemque inter se semper situm seruant, ac eodem semper motu nobis obuersantur, nisi quod intra annum spatium ab ortu in occasum moueri lentius omnes videntur, quemadmodum viginti quatuor horarum spatio circa terram celerius rapiuntur, cum reliquis omnibus sideribus. Sunt tamen quaedam, quae nunquam occidunt, nempe quae e regione partium terrae maxime australium et septentrionalium, prospiciuntur.

§. VIII.

Haec, quae haecenus memorauimus, phaenomena, vt explicarent philosophi, varia excogitarunt huius vniuersi systemata. Inter quae eminet, primoque se nobis offert, *ptolemaicum*, quod Aristotelici quoque et scholastici retinuerunt, et cuius haec est dispositio: tellus in mundi centro fixa, et pondere suo immota est, cum reliqua omnia, quae a luna vltcrius porrecta sunt corpora, circa illam agantur: praeterea sidera sphaeris solidis affixa esse contendunt, et cum illis moueri: eas autem sphaeras hoc ordine collocant, vt prima sphaera *lunae* fit, altera *mercurii*, tertia *veneris*, quarta *solis*, quinta *martis*, sexta *ionis*, septima *saturni*, octaua *fir-*
mamen-

mamenti seu stellarum fixarum. Hisce tres adhuc alias superiores addiderunt, quarum duas *crystallinas* vocarunt, vltimam autem seu omnium supremam, *primum mobile*.

§. IX.

Iam de motu harum sphaerarum et siderum ita philosophantur; omnes scilicet, sphaeras et stellas suprema sphaera, quam primum mobile vocant, diurna eius seu viginti quatuor horarum vertigine, ab ortu in occasum rapi: quod dum fit, planetas cum suis orbibus alio motu retrogrado sibique proprio contraniti, moueri que ab occidente ad orientem (vnde et stellas fixas planetis citius motum suum absolvere, quia non habeant similem motum retrogradum:) praeterea cum haec nondum sufficerent, ad explicandos varios planetarum motus, et deuiationes sub zodiaco, modo versus septentrionem, modo versus austrum, ideo duas istas sphaeras *crystallinas*, antea memoratas, excogitarunt, quarum altera ab ortu in occasum, altera a septentrione in austrum, et vice versa moueatur, quos motus *librationis* et *trepidationis* vocare solent, docentque, hasce motus omnes cum planetis communicare. Ne quid nunc de circulis *excentricis*, *concentricis*, et *epicyclis* dicamus, quos excogitarunt, vt ostenderent, quo pacto planetae interdum a terra recedere longius, aut propius ad eam accedere possent.

§. X.


§. X.

In hoc ergo systemate illud quidem laudandum, quod secundum illud ratio longitudinis et brevitatis dierum, et ceterorum, qui ex solis motu oriri videntur, effectuum, haud difficulter reddi queat. Non desunt tamen rursus, quae et in eo desiderari possint. Praeterquam enim, quod non omnibus phaenomenis, e. g. *mercurii* et *veneris*, satisfiat, soliditatem coelorum prorsus evertunt cometae, qui libere ab altissimis spatiis coeli descendunt ad solem, et rursus ascendant: difficillimi etiam conceptu sunt tot circuli excentrici, concentrici, etc. praesertim in coelis solidis: praeterea nulla ratio reddi potest diuersorum istorum motuum, quos sphaeris tribuunt, ne dicam, quod incredibile illa rapiditas sphaerae supremae, ne quidem verosimilis videatur: sic et nulla ratio reddi potest, qui fiat, ut sphaerae crystallinae motum hunc trepidationis et librationis communicent cum planetis, nec tamen cum stellis fixis eundem communicent, cum tamen firmamentum, in quo sint stellae fixae, inter sphaeras planetarum, et hasce crystallinas interpositum sit. Paucis: est haec hypothesis insufficiens, impedita, certo respectu falsa, certo modo etiam ne quidem verosimilis.


§. XI.


Copernicani systematis haec est facies;
cen-

SYSTEMA TYCHONIS ABRAHE. 4



SYSTEMA CARTESII.





centrum huius mundi sol occupat, eumque manere immotum totius molis ratione contendunt, ex respectu aliorum siderum, licet circa centrum suum moueatur. Circa solem planetas moueri eo ordine, quo distantiae, quae inter eos intercedit, ratio hoc postulet, vt proximus soli sit *mercurius*, hunc *venus* excipiat, postquam sequatur *tellus*, et sic reliqui planetae; *luna* autem moueatur circa terram, vti nec ioui, nec saturno, suae lunae defunt.

§. XII.

Retinuit hoc Copernici systema quoad siderum dispositionem Cartesius, accuratius tamen in causas omnium, quae hic accidunt, phaenomenorum inquisiuit. Supponit itaque, solem et stellas fixas constare ex materia admodum fluida et mobili, quae cum sit in perpetuo et concitatisimo motu, non possit non coelorum circumiacentium partes secum abripere, vnde tot existant *vortices*, quot sunt soles seu stellae fixae, quarum quaelibet centrum sui vorticis occupet; supponit praeterea, in maiori aliquo vortice posse esse alios minores, in quorum centro sint stellae a quibus vortices illi raptantur.


§. XIII.


Hinc itaque eiusmodi mundi faciem animo concepit Cartesius: soles innumerabiles, quos et stellas fixas vocamus, hinc inde esse disseminatos, quorum vnusquisque suum
circa

circa se gyret vorticem: adeoque et nostrum solem sua rapiditate totum suum coelum seu vorticem circa se mouere, vt corpora reliqua eidem innatantia, quae planetae vocantur, et in hunc statum deuenerunt, postquam soles esse desierant, vna abripiantur, ita vt quo quodlibet corpus a centro vorticis seu sole remotius est, eo tardius circuitum suum absoluat: quaedam autem ex his corporibus suos iterum peculiare habere vortices, qui motum peculiarem, a motu vorticis communis diuersum, retineant, vt de *terra, ioue, et saturno* manifestum sit. Inter saturnum autem et stellas fixas immensa esse spatia, in quibus cometae vagentur, qui a planetis in hoc maxime differant, quod non ea ratione moueantur, sed interdum in nostri solis vorticem descendant, seque conspiciendos praebeant, interdum rursus ascendant, nostrisque se subtrahant oculis.

§. XIV.

In hoc systemate hoc maxime laudandum, quod eius dispositio simplex sit, et valde naturalis, et plerorumque etiam phaenomenorum verosimilis admodum ratio reddi queat. Sic vt alia taceamus, ratio patet, cur stellae fixae, licet immotae sint, nobis tamen moueri quotidie videantur, ab oriente in occidentem: hoc enim inde fit, quod terra cum suo vortice motu contrario feratur ab occidente in orientem, vnde necesse est, vt corpora,
cir-





circumiecta quae non vna mouentur, contrarium circulum nobis describere videantur.

§. XV.

Nec magni adeo momenti sunt, quae vulgo contra hanc sententiam obiiciuntur, repugnare v. g. sensuum testimonium; nisi terra in centro statuatur mundi, integrum coeli hemisphaerium nobis non appariturum; esse terram infimum elementum, quod ima petat, adeoque centrum mundi constituat; non fieri posse, vt partes terrae in tam vehementi motu non dissoluantur, ventisque perpetuis aer concutiat, et quae alia sunt eiusdem commatis.

§. XVI.

Ad haec enim, qui hanc tuentur sententiam, regerunt, quantum sensibus hic tribuendum sit, vel nauis patere exemplo, in qua qui vehantur, terras et littora moueri putant; in tanta etiam distantia discrimen semidiametri orbis magni, aut etiam multo maius, in censum non venire; perperam supponi, terram esse infimum elementum, adeoque necessario in centro orbis collocandum esse; partes terrae non dissolui, quod motus eius sit aequabilis, et ab ambientibus praeterea corporibus contineatur; acrem vero, qui terrae incumbit, una cum illa rapi, adeoque ventum telluris motui contrarium non efficere, sed in eandem partem defluere.

(P)

§. XVII.

§. XVII.

Nihilo fecius ne quid dissimulemus, vix ex hac hypothese explicari potest, qui fiat, ut eadem partes planetarum semper easdem coeli partes respiciant, quae causa sit tam aequabilis et constantissimi motus, praesertim si consideremus, vel ex leui causa contingere posse, ut motus corporis, fluidae materiae innatantis, turbetur, et cometae etiam quam altissime in vorticem nostrum immergantur, et eundem iterum deferant. Quibus omnibus accedit, quod scriptura sacra etiam iis in locis, ubi velut ex instituto de corporum coelestium natura loquitur, quietem telluri et soli motum tribuat. Ad quod qui hoc regerunt, in rebus naturalibus scripturam quandoque loqui secundum opiniones vulgi, aliis non satis praeclare de sapientia et ἀνεξίτηλα scriptorum sacrorum sentire videntur.

§. XVIII.

Qui ergo systematis ptolemaici incommoda intelligunt, et ob scripturae sacrae auctoritatem, copernicanum approbare religioni sibi ducunt, aliud eligunt, quod mediam velut viam inter haec tenet, et Tychonem Braheum autorem agnoscit. Illud verum ptolemaico terram mundi centrum statuit, et solem circa terram moueri, aut reliquos planetas circa solem, et hactenus copernicanum assumit. Quo ipso magis equidem impeditum, nec naturae adeo conueniens, quam

quam copernicanum videtur, illis tamen inferuit, qui de scripturae sacrae autoritate aliquid detrahi, sibi persuadent, si dicatur, cam ex opinione vulgi de rebus naturalibus loqui.

CAP. II.
de
CORPORIBVS COELESTIBVS
SPECIATIM.

Σύνοψις.

<i>Specialis consideratio solis,</i>	<i>Cometarum, § XV. XVI. XVII.</i>
§. I. II.	XVIII.
<i>Mercurii, §. III.</i>	<i>De stellis fixis, earumque natura, §. XIX.</i>
<i>Veneris, §. IV.</i>	<i>numero, schematismis, varietate, §. XX.</i>
<i>Telluris, §. V.</i>	
<i>Lunae, §. VI. VII. VIII. IX.</i>	<i>De mutationibus, quae circa corpora coelestia contingere videntur, §. XXI.</i>
<i>Martis, §. X.</i>	
<i>Iouis, §. XI. XII.</i>	
<i>Saturni, §. XIII. XIV.</i>	

§. I.

INter coelestia corpora eminet sol, de quo, quae observari solent, huc redeunt. Deprehendimus in eo eosdem effectus, quos quotidie in igne animaduertimus. Lucet, namque, urit, et calefacit. Imo verosimile est, quod et supra observauimus, ignem constare ex materia quadam subtili, quae ex sole effluxit. Exhibet autem se sol illum o-

culo rite armato intuentibus, instar maris cuiusdam ignei, aut metallici, metallo liquido et feruido constantis, et vehementissimo motu agitati. Vnde recentiores quidam omnino in eam ingressi sunt sententiam, solem metallicum esse, seu metallum longe solidissimum, liquefactum, quod scorias quasdam egerat, quae instar macularum recurrant: certe tum maculas, tum faculas solis, eruditi iam pridem obseruarunt.

§. II.

Solem terra nostra multo maiorem esse, omnes astronomi fatentur, licet in magnitudine eius definienda inter se non conueniant. Ad eclipsin autem, quam sol pati nonnunquam dicitur, quod attinet, illa contingit, quando luna inter nos et solem ita posita est, vt radios eius intercipiat, id quod tempore nouilunii contingit, cum luna soli coniuncta est, quia eo duntaxat temporis articulo inter solem et terram transit: nec tamen quouis nouilunio hoc contingit, quia interdum ad boream aut austrum declinando, luna radios nobis non intercipit, saepius etiam non omnes radios intercipit, vnde aliam eclipsin *totalem*, aliam *partialem* constituere solent.

§. III.

Inter planetas, si eo ordine, quo se inuicem excipiunt, eos enumeremus, primo se nobis offert *mercurius*, soli quippe proximus,

mus, idemque omnium planetarum minimus, terra quippe, si astronomis credimus, duodecies minor. Hinc etiam intra minimum tempus, tres circiter menses, suam circa solem periodum, absoluit. Eum ex materia grauissima densissimaque compositum esse, ex eo iudicant, quod quam altissime in vorticem solis demersus sit. Ceterum ita situs est, vt interdum inter terram et solem interpositus sit, terra vero nunquam inter eum et solem interiaceat: varias quoque habet phases, ex quo certissime colligitur, propria eum luce destitui.

§. IV.

Quod de situ et phasibus mercurii diximus, id pariter de *venere* est intelligendum. Eam terra vicibus tribus cum dimidia minorem esse, obseruant: a sole tamen paulo amplius distat quam mercurius, suamque circa solem periodum septem circiter mensibus absolvere creditur. Materiam eius densiorem reliquis planetis, rariorem mercurio, ex eius a sole distantia colligunt.

§. V.

Post venerem *terram* collocant, qui copernicanum systema sequuntur: de cuius motu hoc praecipue obseruant, quod intra viginti quatuor horas ab occasu in ortum, circa centrum et axem suum moueatur, et intra trecentos sexaginta quinque dies, quinque horas, et minuta prope quadraginta no-

(P) 3

uem,

uem, duodecim zodiaci signa obeat. Reliqua de tellure iam supra tradita sunt.

§. VI.

Circa tellurem *luna* rapitur, suamque periodum viginti et octo circiter diebus absoluit, simul tamen vna cum terra intra anni spatium circa solem voluitur. Circa terram autem ita mouetur, vt eandem faciem perpetuo eidem obuertat, vnde et eadem semper in ea obseruantur inaequalitates: circa proprium tamen centrum non mouetur, in quo inter lunam et planetas maiores discrimen aliquod intercedit.

§. VII.

Esse lunam corpus opacum, nemo temere hodie dubitauerit. Deprehensae etiam in illa constanter sunt inaequalitates quaedam et maculae, quae montium, vallium, lacuum et marium imaginem exhibent, et maria quidem nostris similia esse, ex macularum istarum pelluciditate, planitie, figura, montosis marginibus, non sine ratione astronomi celebriores coniiciunt: sed coniecturae sunt, a verosimilitudine tamen non prorsus abhorrentes.

§. VIII.

Nos id potius obseruamus, cum luna corpus opacum sit, et perpetuo situm inter nos et solem mutet, partem quidem eius dimidiam, aut plus quam dimidiam semper a sole illustrari, partem tamen integram illustra-
tam

tam non perpetuo nobis obuersam esse, ideoque sub variis figuris, quas *phases* vocant, luna se nobis conspiciendam praeber. Nimirum quando luna a coniunctione cum sole recedere incipit, et ex eius radiis emergit, exigua admodum eius portiuncula illustrata apparet, et velut corniculata videtur: quo magis autem a sole recedit, eo maior ea pars illustrata euadit, et velut crescere videtur, donec circa diem decimum quartum ad oppositionem perueniat, tum enim integrum lunae hemisphaerium illustratum cernitur. Eodem etiam modo ad solem recedendo, decrescere videtur.

§. IX.

Eclipsin luna pati dicitur, quando terra inter eam et solem interposita, solis radios intercipit: id quod tempore plenilunii fit, quandoquidem tum luna a sole maxime est remota, nec tamen quouis plenilunio hoc contingit, cum luna mox ad austrum, mox ad boream declinando, umbram terrae haud raro euitet. Nec semper totam lunam terra tegit, sed interdum saltem partem eius, unde alia eclipsis totalis, alia partialis. Quod vero terra totam quandoque lunam tegat, mirum non est, cum quadraginta quinque vicibus luna minor terra existimetur, quam leuioris etiam materiae esse ex eo colligunt, quod non tam alte ad centrum vorticis descenderit.

§. X.


Mars cum luna in eo conuenit, quod diuersas itidem habeat phases, pro vario situ, quem respectu solis et terrae obtinet, itemque quod maculae quoque in eo obseruatae sint; ex quorum motu constantissimo astronomi collegerunt, martem circa axem suum ab occidente in orientem moueri, intra viginti quatuor horas, et quadraginta minuta. Tanta eius a sole est distantia, vt motum suum periodicum intra duos demum annos absoluat, ex qua eius distantia etiam materiam eius admodum raram esse, colligitur. Ad magnitudinem autem eius quod attinet, eum terra nostra octies minorem esse, perhibent.


§. XI.


In *Ioue* etiam lucis quaedam inaequalitas animaduertitur. Sunt enim duae vel tres zonae, seu fasciae quaedam lucidiores, nec semper sibi ipsis aequales, quibus cingitur ex occasu in ortum; praeterea constans quaedam macula in vna ex iis fasciis deprehenditur. Cumque illae fasciae vna cum macula constanter ab occidente in orientem progredi animaduertantur, vt intra certum tempus altera facies iouis cerni definat, succedente altera, eaque reuolutio intra nouem horas et quinquaginta sex minuta fiat, collegerunt inde astronomi, Iouem circa axem suum intra memoratum tempus circumagi.

§. XII.



REPRESENTATIO SATVRNI. 6.







REPRÆSENTATIO IOVIS. 7.



§. XII.

Praeterea obseruantur circa iouem quatuor planetae minores, lunae nostrae similes, quorum vnusquisque intra certum temporis spatium, suum circa iouem motum periodicum absoluit: imo suas hi iouis satellites patiuntur eclipses, et iterum ipsi ioui faciunt. Vna cum ioue ipso autem circa solem mouentur, periodumque suam intra duodecim annos aut circiter describunt. Ad magnitudinem huiusplanetae quod attinet, asserunt astronomi, eum viginti quinque vicibus terra nostra maiorem esse.

§. XIII.

Supremus omnium planetarum *saturnus* est, de quo etiam mirabilia quam de ceteris ab astronomis sunt obseruata. Nimirum interdum ab utroque latere aliquid eminere deprehenditur, quae protuberantiae quandoque ansarum instar se exhibent: mox rursus sine vlla protuberantia, limbo quodam in medio disco apparente, se exhibet. Atque hae saturni phases constanti ordine redeunt, vt postquam sine protuberantiis seu brachiis conspiciendum se praebuit, paulatim ea vtrinque existere incipiant, quae vbi paulatim ad certam magnitudinem perueniunt, rursus in ansas mutantur, et sic porro. Nec reiicienda videtur illorum coniectura, qui hasce phases oriri putant a corpore quopiam instar annuli medium saturnum

num ambiente, et axem planetæ secante, ita vt annulus iste non sit globo contiguus, sed pari intervallo ab eo remotus, vt veluti integer annulus circa saturnum suspensus sit.

§. XIV.

Praeter hunc annulum quinque planetæ minores circa saturnum obseruantur, qui motum suum periodicum certo temporis spatio absoluunt, vt ipse saturnus triginta circiter annorum spatio circa solem voluat, quemadmodum et instar reliquorum planetarum maiorum circa axem suum agitur, sed quanto temporis spatio, nondum satis constat, licet intra paucas fere horas hoc contingere, ex motu infimi eius satellitum astronomi colligant. Ad magnitudinem autem saturni quod attinet, sunt qui contendunt, diametrum saturni quindecies circiter maiorem esse, quam terræ nostræ: ex maxima autem eius a sole distantia colligunt, eum ex materia admodum leui et rara compositum esse.

§. XV.

Cum planetis hætenus conueniunt *cometæ*, quod horum corpora itidem opaca sint, et eodem modo per telescopia se exhibeant, nisi quod maiori fumo videantur inuoluta. Quotidie etiam æque ac planetæ oriuntur et occidunt, et motu telluris vel conspirante, vel contrario, vel celerius vel
tardi-

tardius moueri videntur. Sed in eo differunt, quod cometae radios amplissimos emittere videantur, quorum varius quidem situs est, quia quandoque in eam partem coeli, in quam cometa tendit, proiciuntur, quandoque antecedens cometae corpus sequuntur, quandoque in orbem circa cometae corpus sparsi sunt. Motus quoque in eo maxime diuersus est, quod cometae in solis nostri vortice descendunt, quem mox deserunt, iterum ascendendo, eoque, ut quandoque supra spatia, quae saturni orbitam ambiunt, visi sint.

§. XVI.

Haec autem omnia si probe considerentur, non reiicienda videtur illorum sententia, qui cometas eiusmodi fere corpora esse contendunt, ac planetae sunt, sed non tam solida, verum laxioris omnino texturae. Imo sunt, qui existimant, ex cometa fieri posse planetam, et cometam nihil aliud esse quam planetam imperfectum, seu chaos, vel molem eiusmodi materiae, quae, si ad consistentiam redigatur, planetam seu orbem habitabilem constituat.

§. XVII.

Quicquid huius sit, id valde verosimile est, radios cometae nihil aliud esse quam vapores ex corpore cometae egredientes, a quibus lux solis versus oculos nostros reflectatur. Hinc et pro diuerso situ, in quo
sumus

sumus ratione cometae, diuersimode hosce radios sese nobis exhibere necesse est. Nec vlla ratio, obstat, quo minus tantam vaporum copiam in cometis supponamus, quanta ad radios hosce formandos requiritur. Haec omnia vero et inde videntur egregie confirmari, quod quo propius cometae ad solem accedunt, eo magis radii isti crescere et augeri nonnullis visi sint, decrescere contra & imminui, quo longius a sole recedant: aucta vero cauda corpus cometae minus apparuisse, quod forte nimis per vapores exhauriatur.

§. XVIII.

Atque hinc nonnulli vltcrius progressi sunt, contendentes, cometas ex astrorum effluuiis collectis progigni, et dissipatis istis vaporibus, rursus euanescere: alii ex stellis fixis seu solibus, si maculis atque vaporibus obducantur, cometam fieri putant, qui aut in planetam tandem euadat, aut si maculae atque vapores tandem iterum dissipentur, pristinam recuperet naturam: alii denique semper cometarum corpora existere credunt, et aequae ac planetas motibus suis periodicis ferri, sed eos non semper a nobis animaduerti, praesertim quod multo ampliores ellipses describant, quam planetae, ferius periodos suas absoluant, nec tam facile obseruari queant. Sed haec eiusmodi sunt, vt nihil, quod certum sit, et extra dubitationem positum, hac de re affirmari queat.

§. XIX.

§. XIX.

Supersunt denique *stellae fixae*, quae cum eadem ratione ac sol, flammae nimirum aut materiae metallicae liquefactae instar cernantur, non videtur a ratione abhorrere illorum sententia, qui eiusdem cum sole nostro naturae eas esse contendunt. Quod enim non calefaciant, id immensae illorum distantiae tribuendum esse videtur. Haec immensa illarum distantia exinde etiam probatur, quod per optima etiam telescopia conspectae maiores tamen non appareant, imo minores potius, cum radii, quibus ceteroquin cinctae videntur, rescentur, nec coruscatio, qua tremula luce oculos nostros percellunt, et cuius causa tum ex oculis nostris, tum ex aeris tremore petenda videtur, in illis deprehendatur.

§. XX.

Numerus stellarum fixarum determinari non potest, licet nonnulli cum Ptolomaco MXXII. alii cum Plinio MDC. Rabbinii duodecim millia, Kabalistae longe adhuc plures numerent. Solent etiam hasce stellas variis asterismis seu constellationibus, ordinis cuiuscunque causa designare, cumque imagines istae et denominationes ex gentilium mythologia petitae sint, nonnulli in illarum locum alias, ab omni superstitione alienas substituere conati sunt, labore haud quidem vituperando, superuacaneo tamen,

tamen, cum istae imagines et denominationes vix apud quenquam superstitionis causa hodie esse queant. Sed et illud constat, quod pro diuersa magnitudine in sex classes diuidi stellae fixae soleant: sed haec vbiuis sunt obuia.

§. XXI.

Denique nec illud praetermittendum, nouas quandoque stellas in coelo deprehensas fuisse, quas inter memorabilis maxime est, quae A. M. D. LXXII. in constellatione Cassiopeae apparuit, et post biennium iterum euanuit, ex quo haud absurde nonnulli colligunt, in magnis illis spatiis, quae stellae occupant, varias subinde contingere mutationes. Saepius tamen et astronomi nouas stellas sibi videre videntur, quae tamen nullibi existunt, vt Antonio Mariae de Reyta contigit, qui quinque novos iouis comites se detexisse sibi visus est, experientia deinde conuictus, quod stellas fixas pro erraticis habuerit. Vbique ergo circumspeditione opus est.

CAP. III.
de
EFFICACIA ET INFLUXU SIDERUM.

Σύνοψις.

*De siderum efficacia, quid
hactenus censuerint eru-
diti, §. I.*

*Natura illorum non obstat,
quo minus quidam eorum
effluxus ad haec subluna-
ria pertingant, §. II. III.*

*Tempestatum mutationes
hinc dependere, verosimi-
le est, §. IV.*

*Non obstante, quod istae mu-
tationes tam accurate
hactenus praedici non po-
tuerint, §. V.*

*Hinc et singularis siderum
in corpora animalium et
plantarum efficacia deri-
uatur, §. VI.*

*Notantur quorundam cor-
porum, pro variis lunae
phasibus, mutationes,
§. VII.*

*Simile quid de maculis in
quibusdam lapidibus ob-
servatur, §. VIII.*

*An et quousque sideribus in
animum hominis efficacia
quaedam competat, §. IX.*

*Temperamenta praecipua
hominum ad septem clas-
ses reducuntur, §. X.*

*Quibus septem planetae re-
spondent, §. XI.*

*De temperamento saturni-
no, iouiali, martiali, §. XII.
Solari, §. XIII.*

*Mercuriali, Venereo, lunari,
§. XIV.*

*Hanc convenientiam inter
planetas et temperamen-
ta hominum non posse ca-
sui fortuito tribui, §. XV.*

*Coniecturae, unde haec con-
uenientia proueniat? §.
XVI XVII.*

*An et quousque homo fortu-
nae munera siderum in-
fluxui imputare debeat? §.
XVIII.*

*Quid de astrologia iudicia-
riacensendum sit? §. XIX.*

*Quid pro eius defensione di-
ci queat, §. XX.*

*Concluditur, rem omnem
redire ad experientiam,
§. XXI.*

§. I.

§. I.

DE siderum efficacia et influxu magnae semper inter viros eruditos extitere dissensiones, aliis omnia fere sideribus tribuentibus, aliis omnia iisdem denegantibus, paucis mediam tenentibus viam, paucioribus firmas et iustas suorum assertorum rationes afferentibus. Nos remoto procul partium studio, quid verosimile nobis et hic videatur, paucis exponemus.

§. II.

Si ergo vel maxime supponamus, quod plerisque hodie probatur, planetas esse corpora opaca, telluri nostrae similia, stellas fixas esse soles, nihil tamen obstat, quo minus materiae cuiusdam subtilioris effluxus ab iis, praesertim planetis, in haec inferiora seu tellurem nostram propagetur. Si enim nec distantia, nec aliae causae obstant, quo minus lux istorum siderum ad nos perveniat, nihil quoque obstabit, quo minus similis materia ad orbem nostrum pertingat, variarumque in ea mutationum causa existat.

§. III.

Eo magis autem hoc videtur admittendum esse, si porro supponamus, materiam, ex qua planetae compositi sunt, forte longe aliam esse, quam ex qua tellus nostra constat. Possunt enim corpora esse opaca, quae tamen ex diuersa admodum materia consent. Atque

que ad planetas quod attrinet, vel ex ipsa grauitate et leuitate illorum hoc nonnulli colligunt, quae inde porro, vt supra obseruatum, constat, quod quidam altius vortici nostro immerfi, solem propius contingant, alii ab eodem magis sint remoti.

§. IV.

Iam si materiae istius, ex qua planeta constat, portio per influxum non impeditum, in atmosphaeram nostram descendat, non possunt non in aëre nostro, ob peregrinae materiae admixtionem variae et insignes existere mutationes, vt certi generis, v. g. venti excitentur, ex quibus deinceps porro omnis illa tempestatum varietas, et subitanea mutatio, haud inepte deriuatur. Et hac ratione siderum, praecipue planetarum influxus, recte pro causa variarum tempestatum in nostro orbe habetur.

§. V.

Nec obstat, quod praedictiones tempestatum, ex aspectibus et coniunctionibus planetarum desumptae, haud raro fallant. Huius enim rei causa est, quod istius influxus ratio specialis nondum nobis satis cognita sit, et vulgares regulae, quae circumferuntur, ipsi naturae huius influxus nondum satis sint attemperatae. Enimvero potest omnino fieri, vt si plures planetae concurrant, vnus alterius influxum aut impediat, aut mutet, aliterque determinet, aut etiam

(Q) iuuet

iuvet quandoque et excitet, ut planeta novam hac ratione virtutem acquirere videatur, quam non habet, si solus agat. Haec autem omnia, si diligentibus observationibus, ut iam a nonnullis factum, ulterius indagentur, accuratiores imposterum de efficacia planetarum concinnari regulae possunt, ex quibus de tota ista tempestatum varietate securius pronuncietur.

§. VI.

Cum vero pro tempestatum et ventorum varietate, corpora quoque hominum, brutorum, imo plantae et arbores magnam mutationem subeant, quod aer, quem attrahunt, cum ipso sanguine et succo nutritio permisceatur, ipsa quoque experientia hanc mutationem comprobet, rursus in haec quoque fidera, praesertim planetae, vim suam et efficaciam exerere censendi sunt, in quantum illam tempestatum ac ventorum varietatem producant, quae in corporibus hominum, et brutorum, istam mutationem efficit.

§. VII.

Nec est praetermittendum, quod ostrearum, conchyliorum, et concharum corpora luna crescente augeri, minui vero ea decrescente dicantur; cuiusmodi quid et de animalium quorundam ossibus a nonnullis observatur, quod luna crescente medulla repleantur, inania contra reddantur luna decre-

crescente. Haec enim et similia contingere possunt, si supponamus, augeri quaedam corpora et succulentiora fieri per humoris communicationem, quam faciliore ratione percipiunt, cum luna crescit, hoc est, propius ad nos accedit retedendo a sole; eadem imminui per humoris subtractionem, luna propius ad solem accedente, adeoque a nobis recedente longius.

§. VIII.

Quod vero maculae in quibusdam lapidibus pretiosis, easdem prorsus cum luna mutationes subire videntur, ut nonnulli asserunt, id arctiorem quandam et occultam horum lapidum cum luna coniunctionem arguere videtur. Nec ideo hoc negandum, quod ratio huius rei nobis non pateat. Id enim magnae foret temeritatis, cum plurima in rerum natura occurrant, quarum nullam possumus reddere rationem, nec tamen ideo statim vocari in dubium possint.

§. IX.

Quod vero ad hominem attinet; corpus eius itidem vim et efficaciam siderum, speciatim planetarum, experiri, ex haecenus dictis, puto, manifestum est. Cum vero animi propensiones utcumque a corporis constitutione pendeant, simul et in animum quodammodo hanc mutationem corporis, quae siderum efficaciae imputanda, redundare, haud inepte forte asseritur. Ex-

istimo tamen et specialiori quadam ratione hominum animos efficaciam planetarum experiri, qua de re meam paucis aperiam sententiam, quam tamen ut coniecturam saltem, a verosimilitudine non prorsus abhorrentem, nemini obtrudam.

§. X.

Constat quod hominum mores atque inclinationes a quatuor remperamentis, sanguineo, choleroico, melancholico, et phlegmatico, derivari soleant, quae rursus a diuersa sanguinis constitutione pendent, ut iam supra obseruatum est. Sed ista quidem temperamenta diuersa ratione inter se permixta, magnam propensionum produciunt varietatem. Quaedam tamen commixtiones prae ceteris insigniores sunt, et frequentiores, ut quae inde progignantur propensiones, primitiuis fere aequiparandae veniant, ut temperamentum melancholico-choleroicum, choleroico-sanguineum, et sanguineo-phlegmaticum.

§. XI.

Hinc itaque septem temperamenta praecipua constitui possunt, quatuor primaria, et tria secundaria, quae ex mixtis sunt praecipua, cum maxime insignes varietates, quae in hominum propensionibus deprehenduntur, ad totidem revocari capita praecipua queant, quibus adeo etiam septem planetae respondent.

§. XII.

§. XII.

Nimirum melancholico temperamento respondet *saturnus*, planetarum omnium supremus, quem frigidum et siccum vulgo dicunt, quae etiam est indoles materiae terrestris, in hoc temperamento praeponderantis. Melancholico choleric temperamento respondet *iupiter*, medio loco inter martem igneum, et saturnum melancholicum positus, adeoque de vtriusque velut natura quodammodo participans. Choleric *mars* respondet, quem et ceteroquin calidum et siccum dicunt, cum et in homine ex materiae oleaginosae, et facile inflammabilis abundantia, hoc temperamentum oriatur.

§. XIII.

Martem sol excipit, benigno suo calore omnia fouens et mouens, eoque ipso respondens temperamento *choleric-sanguineo*, quo qui praediti sunt, omnium censentur praestantissimi, et ad maxima quaevis negotia longe aptissimi, vt planetarum omnium perfectissimus sol est, quamuis non tam planeta, quam centrum potius omnium nostri vorticis planetarum, et fons ac scaturigo lucis omnis est.

§. XIV.

Hinc *mercurius* sequitur, versatilis atque mutabilis, quod sanguinei temperamenti est documentum: vti *venus* contra respondet, *phlegmatico-sanguineo*, cum eam temperate

(Q) 3

cali-

calidam et humidam omnes faciant, adque omne voluptatum genus procliues maxime sint atque proni, qui inter mortales eiusmodi praediti sunt temperamento. Luna vero sua natura frigida et humida, quod *phlegmatico* temperamento respondeat, quilibet per se statim intelligit.

§. XV.

Atque ita intelligitur, quid sibi velint, qui homini complexionem saturninam, iouialem, martialem, solarem, mercurialem, veneream, lunarem tribuunt. Hanc vero, quae inter hominum temperamenta et naturam horum siderum intercedit, conuenientiam, fortuito quodam casu euenire, vix sibi persuadebit, qui secum reputauerit, etiam inter metalla et planetas, itemque alia corpora, iam pridem simile quid obseruatum esse.

§. XVI.

Nec absolum videbitur, si dicamus, eo forte tempore, quo semen hominis moueri incipit, vt explicetur in corpus iustae magnitudinis, planetae, cuius tum maxima est efficacia, vim atque influxum in eo ita se exserere, vt quantum aliorum concurrentium causarum ratio permittit, constitutio sanguinis et corporis talis euadat, qualem natura planetae postulat, vt hac ratione magna inter liberos, ab iisdem parentibus natos, haud raro intercedat diuersitas.

§. XVII.

§. XVII.

Quod si istud displiceat, ad minimum tamen hoc admitti potest, cum temperamenta hominum respondeant planetis, haec ipsa temperamenta per planetas, eorumque diuersimode determinatum influxum, posse etiam diuersimode affici, augeri videlicet, imminui, excitari, mutari, et haecenus quidem operationes hominis naturales, imo certo modo morales, dependere quodammodo ab influxu et efficacia siderum.

§. XVIII.

Quae extra hominem posita sunt, ut honores, diuitiae, et quicquid fortunae aut infortunii nomine venit, haud raro ab hominum propensionibus pendet. Sic qui temperamento sunt cholero, ad functiones militares; qui melancholico-cholero, ad ecclesiasticas, haud sine ratione, praeter ceteris aptos dixeris. Ast qui apti sunt ad certum vitae genus, si illud eligant, plerumque prosperos successus et commoda, quae hoc comitantur, sibi pollicere possunt. Vnde rursus quousque et ad haec planetarum vis et efficacia concurrat, facile intelligitur.

§. XIX.

Quod vero ad astrologorum scita attinet, dum coelum in certas domos disponunt, et ex siderum positu, qualis eo tempore fuit, cum quis natus est, futura singularia praedicunt, etiam talia, quae a causis naturali-

bus non dependent, lubens fateor, me nullam huius instituti inuenire posse rationem. Imo cum infans, quando nascitur, talem iam sanguinis temperiem et constitutionem habeat, qualem semper retinet, non video, cur singularis tum siderum efficacia se exercere debeat: taceo, quod talis siderum positus quam citissime mutetur, et momentum temporis, quo quis natus est, non semper accurate constet, ut reliqua praetermittam quae illis vulgo obiici solent.

§. XX.

Quicquid autem pro defendenda astrologia dici posset, huc ni fallor, redit: Deum velut foedere se alligasse certo naturae ordini, quo cuncta etiam minutissima per sidera eorumque positum praesignificanda sint, ut necessario eo quisque tempore in lucem edatur, quo talis siderum positus est, qui cuncta eius etiam in minutissimis indicare fata possit: hanc siderum-significationem ex traditione a primis parentibus antiquissimos Chaldaeorum accepisse philosophos, a quibus ad Graecos, et per hos ad nostram usque aetatem haec disciplina propagata sit, eo quidem successu, ut hinc inde sit deprauata, cumque applicatio non aequè circumspècte ab omnibus instituat, mirum non esse, quod fallere nonnunquam astrologorum praedictiones videantur, cui tamen vitio et iusta circumspèctione, et auctis indies per-

dili-

diligentem obseruationem artis regulis, succurri vtcunque queat. Haec sunt, ni fallor, quae aliqua probabilitatis specie pro astrologia dici possunt.

§. XXI.


Sed cum et haec causam nondum conficiant, tota tandem disputatio ad experientiam redit. Ea vero, si dicendum quod res est, rem facit adhuc obscuriorem. Multa sunt exempla, fateor; quæ artis vanitatem arguere videntur, sed quod in hisce multa, aut per fallaciam, aut per imperitiam artificis, aut per applicationem minus circumspectam, peccari possint, quae tamen arti ipsi fraudi esse nequeant, nemo puto inficiatus fuerit. Sunt vero insuper et exempla quamplurima, in quibus pradiçtio euentui tam accurate respondit, vt istud casu fortuito contigisse, vix sine impudentia asseri queat. Quare in eam ingredimur sententiam, licet astrologia iudiciaria per omnia probanda non sit, et ea forte, quam hodie habemus, vbi-que sibi non constet, posse tamen ei aliquid solidi subesse.



PHILOSOPHIAE THEORETICAE
PARS QUINTA

DE
CORPORVM NATVRALIVM
PROPRIETATIBVS, ATQVE
CAVSIS, GENERATIM.





CAP. I.

de
IIS, QVAE OMNIBVS CORPORI-
BVS COMMVNIA SVNT.

Εὐνοψία.

<i>Proprietates communes omnium corporum generatim indicantur, §. I.</i>	<i>Ἐπίκεισις, VII.</i>
<i>Extensio, §. II.</i>	<i>Corporum soliditas et impenetrabilitas, §. VIII.</i>
<i>An detur spatium vacuum? rationes affirmantium, §. III. IV.</i>	<i>Soliditatis causa, §. IX.</i>
<i>Negantium, §. V.</i>	<i>Diuisibilitas, §. X.</i>
<i>Ad has quid responderi queat, §. VI.</i>	<i>Motus et quies, §. XI.</i>
	<i>Motus quid? §. XII.</i>
	<i>De causa motus sententiae aliorum, §. XIII. XIV.</i>
	<i>Nostra ἐπίκεισις, §. XV.</i>

§. I.

Postquam itaque initio ab ipso homine facto, omnia corporum genera, quantum nobis licuit, perlustrauimus, nihil aliud superest, quam vt de corpore generatim agamus. Licet autem maxima corporum omnium, qua structuram, qua operationes, sit varietas, quaedam tamen omnibus communia esse,prehendimus, scilicet quod sint extensa, diuisibilia, solida, figura praedita, motumque recipere apta.

§. II.

§. II.

Extensionem vocant, qua corpus habet partes extra partes, adeo vt nullum intelligere possimus corpus, extensione siue partibus destitutum. Non tamen inde sequitur, quicquid est extensum, hoc esse corpus, quia plura adhuc ad corpus requiruntur, quam extensio. Multo minus essentia corporis generatim spectati seu materiae, in extensione consistit, quia corporum saltem proprietates nobis notae sunt, essentia ipsa non constat.

§. III.

Extensio sine corpore vocari solet *spatium vacuum*; quod an detur, acriter disputari solet. Qui affirmant, hoc cum primis vrgent, quod maximum discrimen sit inter *spatium* et *corpus*, vt adeo necessario distinguenda sint, quod abnuunt, qui secus sentiunt. Etenim corpus diuisibile esse et separabile in partes, ex quibus constat, idemque et moueri posse, quorum neutrum tamen de mero spatio dici queat. Hoc indiuisibile esse, cum intra partes spatii aliud spatium interesse, asseri non possit, adeoque et immobile, cum intelligi non possit, quo pacto spatium situm suum, cum indiuisibile sit, mutare queat, quod tamen ad motum requiritur.

§. IV.

Solent praeterea et hoc vrgere, quod si omnia corporibus plena ponantur, nullus dari

dari possit motus, ad quem quippe requiritur, vt quaeuis particula locum suum vacuum relinquat, quem alia occupet. Parum autem proficere secus sentientes, si dicant, omnem motum esse circularem, vt prima ad eo pars corporis, quod mouetur, statim occupet locum vltimae partis, et sic porro. Diuersum namque admodum esse corporum motum, et experientiae repugnare, qui vbi-que motum circularem supponere velint.

§. V.

Contra, qui spatium a corpore non differre contendunt, hoc vrgent, nullum posse concipi corpus sine extensione: praeterea aut accidens fore spatium, si a corpore discernendum esset, aut substantiam: accidens non esse, quia alteri subiecto non inhaereat: si substantia dicatur, aut corpus fore aut spiritum: si spiritus esse dicatur, id quidem probandum esse: ergo hoc superesse, vt concedatur. spatium et corpus esse vnum idem-que.

§. VI.

Sed non desunt secus existimantibus, quae ad haec régerant. Ex eo, quod nullum corpus sine extensione concipi queat, hoc demum sequi, aiunt, omne corpus esse extensum, neutiquam autem, extensionem seu spatium non esse posse sine corpore. Negant praeterea, classes rerum omnium tanta certitudine esse constitutas, vt nihil sit, quod
non

non ad receptas istas classes referri queat. Adeoque si quaeratur, sitne spatium accidens an substantia, dici posse, neutrum esse, sed esse spatium: nihil etiam absurdum esse, si concedatur, esse substantiam simplicissimam, cuius vnica nobis nota sit proprietas, quod in infinitum extensa sit. Si pergant quaerere, sitne corpus an spiritus, respondent, posse iterum neutrum esse, cum nihil repugnet, dari substantiam mediam; quae nec proprie loquendo corpus nec spiritus sit, sed spatium, licet ad naturam corporis propius accedat.

§. VII.

Nihil ergo obstare existimo, quo minus spatium a corpore distinctum admittatur, quod cum ideam admodum simplicem menti nostrae exhibeat, definitione explicare velle superuacaneum duco. Eos autem, qui in variis naturae phaenomenis soluendis vbique fugam vacui crepant, ridendos et explodendos censeo, tum quod obscurum per aequae obscurum explicent, tum quod in plerisque ratio multo clarior, et verosimilior afferri queat.

§. VIII.

Altera corporis proprietas est *soliditas*, quo nomine resistantiam intelligunt, quam sentimus in corpore, qua obstat alteri corpori loco id dimouenti. Non multum ab ea differre videtur *impenetrabilitas*, qua corpus excludit

cludit aliud corpus ex loco, in quo est. Non confundenda autem est soliditas cum duritie, cum illa omnibus, haec quibusdam tantum corporibus conueniat. Discrimen autem in eo consistit, quod corpus, quia solidum est, omnia alia corpora ex loco, in quo est, excludat, durities autem ex firma partium cohaesione, vt aegre diuelli, ac dimoueri queant, aestimanda venit.

§. IX.

Hæc ipsa vero soliditas corporum cum ex natura et indole materiae fluat, frustra sunt, qui de eius causa disputant, eamque aut in particularum figura, aut in quiete, aut in pressione aëris, vel materiae cuiusdam subtilioris, quaerunt. Praeterquam enim quod hi duritiem cum soliditate haud obscure confundere videantur, nihil afferunt, quo res explicari queat, nouisque difficultatibus se ipsos implicant.

§. X.

Sequitur *diuisibilitas*, quam si recte calculum ponimus, non possumus non in omni corpore admittere. Sunt enim qui corpus ex punctis velut mathematicis componunt, quae quod omnibus partibus destituta sint, etiam sint indiuisibilia: pro quibus atomos substituunt alii, hoc est, particulas tantae soliditatis, vt quamuis partibus non careant, prorsus tamen sint indiuisibiles. Verum cum nullum corpus cogitari queat sine

(R)

ex-

extensione, quod omnes fatentur, extensio autem supponat partes, sequitur, omne corpus, quantumvis paruum, esse tamen saltem potentia diuina diuisibile. Nec obstat, quod hac ratione corpus diuidi in infinitum queat. Hoc enim cur admittendum non sit, ego nullam rationem video: licet infinitam diuisionem, aequae ac numerum infinitum, intellectus noster capere nequeat.

§. XI.

Vltima proprietas generalis corporis est *motus et quies*. Constat enim, omne corpus aut in motu esse, aut quiescere. Et de motu quidem quae disputari solent, ad tria reuocari capita possunt, quid motus sit? quae eius sit causa? et quibus legibus peragatur? Sed de vltimo in sequenti capite ex instituto dicetur, nunc de duobus prioribus tria verba subiungemus.

§. XII.

Motus idea cum sit longe simplicissima, plane illis subscribo, qui eum definiri non posse contendunt. Quilibet per se quid motus sit, longe euidentius cognoscit, quam si omnes philosophorum definitiones in subsidium vocet. Quando autem a nonnullis motus describitur, quod sit translatio vnius corporis ex vicinia aliorum corporum, quae illud proxime contingunt, et tanquam quiescentia spectantur, in viciniam aliorum, tū potius quid motus efficiat, seu eum consequatur

quatur, innuitur, quam quid ipse sit. Et idem de reliquis definitionibus censendum.

§. XIII.

Quod ad causam motus attinet, primam, seu vniuersalem, a secunda seu particulari discernendam esse, merito nonnulli monent. Illius nomine Deus venit, a quo vt omnia, ita etiam motus, et illud ipsum principium mouendi, quodcunque demum illud sit, quod immediate motus causa existit, prouenit. An autem omnino praeter Deum alia motus causa agnoscenda sit, disputari vehementer inter eruditos solet. Qui negant, aliam praeter Deum motus causam dari, hoc vrgent, quod intelligi nequeat, quo pacto res extensa, vt materia, et res cogitans, vt spiritus, mouere aliud corpus queat. Hinc si corpus ab alio corpore aut spiritu moueri videtur, reuera Deum eius motus auctorem et causam esse, spiritum autem et corpus, quod aliud corpus mouere videtur, tantum *occasionem*, qua posita, motus, cuius certa, quantitas ab initio rerum materiae immissa sit, diuersimode determinetur.

§. XIV.

Ast, huic sententiae varia opponi et possunt et solent. Certam motus quantitatem ab initio rerum materiae insitam esse, facilius dicitur, quam probatur. Nec verosimile est, varios, quos quotidie conspiciamus motus

tantum vnius motus esse determinationes; Deum immediatam aut motus omnis, aut determinationum motus causam facere, periculo non caret, cum ita facile Deus cum natura confundatur; cui accedit, quod ita causa motus non magis nobis innotescat, cum aequae obscurum sit, quo pacto Deus moueat, ac quo pacto spiritus creatus, aut corpus aliud corpus mouere queat.

§. XV.

Ego hac de re ita sentio. Causa immediata motus aut spiritus est, aut corpus. Corpus, quod motum ab alio corpore acceptum rursus cum alio communicare possit, dubio caret. An vero per se facultas mouendi materiae insit, non aequae clarum, saltem ab illis, qui materiam pure passiuam esse statuunt, admitti nulla ratione potest. Ad spiritus quod attinet, cur facultas mouendi corpora illis denegari queat, nullam rationem video. Et licet modum ignoremus, ideo res ipsa in dubium vocanda non est. Falluntur quoque, qui, quod spiritus sit res cogitans, concludunt, eum facultate mouendi corpora destitutum. Cum enim essentiam spirituum ignoremus, negari non potest, praeter cogitationem iisdem etiam inesse facultatem mouendi corpora. Sed hac de re suo loco ex instituto.

CAP. II.

de

LEGIBVS MOTVS EARVMQVE
SVSPENSIONE.

Σύνοψις.

*Cur et quomodo hoc loco de
legibus motus agendum,*

§. I.

*Tres praeicipuae motus leges
indicantur, §. II.**Quid sit operatio naturalis,
quid supranaturalis, seu
miraculum, §. III.**Non quilibet effectus stupen-
dus est miraculum, §. IV.**Miraculum Ende agnosci
queat? §. V. VI.**Miracula fieri omnino posse,**per suspensionem legum
motus, §. VII.**Prima lex triplici ratione
suspenditur, §. VIII.**Prima ratio, §. IX.**Secunda, §. X.**Tertia, §. XI.**Secunda motus lex, quopa-
cto suspendatur, §. XII.
XIII.**Itemque tertia, §. XIV.**Hactenus dicta certis limi-
tibus circumscribuntur.
§. XV.*

§. I.

VI naturam motus accuratius indaga-
rent philosophi, diligenter ad modum
rationemque motus in singulis corporibus
attenderunt, et hinc tandem intellexerunt,
certis legibus velut ac regulis omnem mo-
tum adstrictum esse. Harum legum notitia
magnam lucem rerum naturalium conside-
rationi affundit, cum omnes rerum natura-
lium operationes secundum eas instituan-
tur, quemadmodum rursus, quid miraculum

(R) 3

fit,

fit, non videtur luculentius intelligi, et diiudicari posse, quam ex istarum legum suspensione. Adeoque praecipuas istas leges hic indicare, et quo pacto ex illarum suspensione miracula fieri censeantur, edisserere, non abs re fuerit.

§. II.

Omnes autem motus leges ad tres praecipuas, ex quibus reliquae commodè deriuantur, videntur revocari posse, scilicet: *corpus, quod mouetur, ab alio mouetur; corpus in motu positum, motum obuiis corporibus, si molis non sint ingentis, communicat; corpus in motu positum, in motu semper persistit, donec motum alteri corpori communicat.*

§. III.

Hae ergo motus leges cum vigent, et ad producendos varios effectus concurrunt, operatio naturae conformis esse censetur. Contra quando aliquid contingit, in quo suspensas esse hasce motus leges, clare intelligitur, id merito pro miraculo reputatur. Cum vero Deus vtpote naturae auctor solus hasce leges dederit, manifestum est, et ab eo solo hasce leges suspendi posse: ex quo consequitur, a Deo solo perpetrari posse miracula. Deo vero hanc vim abiudicare, perinde esset ac negare, eum naturae auctorem esse. Nec enim vlla ratio apparet, cur non suspendi naturae leges ab eo possint, a quo sunt constitutae.

§. IV.

§. IV.

Interdum tamen causarum naturalium efficacia ita dirigi potest, ut effectus inusitatus inde sequatur, sed iste nondum est miraculum. Ex quo manifestum est, ab hominibus magiae naturalis peritis stupendos quidem per singularem causarum naturalium directionem, edi posse effectus, non autem perpetrari posse miracula.

§. V.

Difficile equidem est, fateor, discernere, an effectus aliquis admirandus et insinuatus tantum ex singulari causarum naturalium directione, an vero ex legum naturalium suspensione procedat, ut pro vero miraculo sit habendus, idque eo magis, quando spirituum opera intercedit, quippe quorum quantitas in rerum naturam efficacia sit, nobis plane non constat.

§. VI.

Qua in re, ne temere decipiamur, ita procedendum, saluo aliorum iudicio, existimo: primo dispiciendum, an manifesto indicio constet, effectum istum stupendum non ex singulari causarum naturalium directione, sed ex legum motus suspensione ortum esse. Hoc enim si certo constet, ut constare quoque ex quibusdam indiciis potest, manifestum est, hunc effectum nec hominem, nec spiritum, sed solum Deum agnoscere auctorem, adeoque pro vero miraculo habendum

esse. Quod si hoc liquido non constet, ex circumstantiis saltem colligendum, an hominum opera intercedat, et quem in finem effectus iste stupendus edatur. Si tum rursus constet, omnem hominum fraudem ac malitiam abesse, eiusmodi contra adesse finem, qui malum genium auctorem habere nequeat, tum ad minimum pro effectu extraordinario istud, quod nobis offertur, est habendum, qui aut immediate a Deo, aut mediate per angelum bonum, sed iussu et consensu Dei, ad maiestatem diuinam manifestandam, et hominum fidem confirmandam, edatur.

§. VII.

Sed quanta spirituum vis sit in naturam, alibi inquirendum, hic illud saltem ostendendum, quo pacto in miraculis naturae leges suspendantur, ut inde constet, quae in scriptura sacra subinde narrantur, esse vera miracula, hoc est, ordinariam naturae operationem prorsus excedere, eadem tamen fieri potuisse, cum, ut fierent, legum tantum motus necessaria fuerit suspensio, quam Deo naturae auctori nemo facile abiudicauerit. Et ita, tum illis obuiam ibitur, qui hasce operationes pro naturalibus venditant, ne miraculum agnoscere cogantur, tum illis, qui ea prorsus in dubium vocant, contendentes, naturam rerum obstare, quo minus eiusmodi quid contingere potuerit.

§. VIII.

§. VIII.

Prima itaque lex motus suspenditur, quando corpus mouetur sine occasione motus alterius corporis irruentis: id quod rursus multiplici ratione contingere potest. Vel enim corpus motu sui totius vniformi, et cum tota sua mole, mouetur: vel singulae minutissimae eiusdem particulae non tantum communi totius, sed etiam proprio motu agitantur: vel singulae etiam exilissimae particulae non tantum mouentur, sed etiam figuras suas deponunt, nouasque velut assumunt.

§. IX.

Iuxta primum mouendi modum videtur concipi posse, quo pacto mundi aspectabilis materia in partes tam diuersas, in tam miras formas, in tot orbes ac vortices, si cum Cartesio hac de re philosophari lubeat, disposita sit et coagmentata, itemque quo pacto omnes mundi partes denuo dissolui, situmque mutare, inuicem confundi, et in pristinum chaos reduci queant. Intelligi potest, quo pacto corpus, sine vlllo alio corpore impellente, tolli in aerem, et in loca remotissima transportari queat, et quae his sunt similia.

§. X.

Iuxta secundum mouendi modum, exigua omnium corporum elementa dissolui possunt, dissoluta diuidi ulterius, diuisa per totum mundum dissipari, et dissipata de-

(R) §

mum

mum in vnum cumulum iterum coaceruari, per exilissimos omnium corporum poros transmitti, imo omnium corporum partes et particulae situm mutare possunt. Non ergo *ἀδύνατον* est, resuscitare iterum mortuum, si modo motus principiorum sanguinis restauretur, si quidem integrae adhuc corporis sunt partes, et mors ex defectu motus intestini in fluidis corporis partibus orta sit. Imo et quo pacto varia morborum genera subito curari, ea etiam subito oriri possint, hinc facile intelligitur.

§. XI.

Iuxta tertium mouendi modum omnia cuiuscunque naturae corpora in alia quacuis corpora transformari queunt, praesertim si supponamus, particulam vnus corporis non discrepare vllatenus a particulis alterius cuiusuis, nisi quoad molem, texturam, figuram, et proportionem. Hoc enim posito, mutata particularum figura, et mole, et textura, nihil v. g. obstat, quo minus aqua mutari in vinum queat, saltem diuina potentia, (creatam enim ad hoc non sufficere palam est) quam tantam esse, vt subito mutatis particulis, earumque figura, textura, proportionem, vnum quoque corpus in alterum mutare queat, dubitare nefas esset. Eo minus autem hac de re ambigendum, quod ipsa natura eiusmodi mutationis exempla suppeditat, dum v. g. cibus
et

et potus in chylum, chylus in sanguinem, et sic porro, mutatur.

§. XII.

Sed ad secundam motus legem accedimus, quae suspenditur, cum posita licet alterius corporis irruentis occasione, corpus tamen non mouetur. Potest itaque diuina potentia contingere, vt corpus aliquod contra quamuis violentiam illaefum sit, et resistat, et aliorum corporum, per quae ceteroquin destrueretur, vim eludat. Et cum ignis certeroquin tanta vis sit, vt humanum corpus motu suo destruat, ac dissoluat, pariter ac ligna, legis huius suspensione fieri potest, vt illaefum corpus humanum permaneat in medio igne, neue rubus, aut aliud quodlibet corpus inflammabile, ardentissimo licet igne vndique cinctum, comburatur, aut redigatur in cineres.

§. XIII.

Secundum eiusdem legis suspensionem contingere potest, vt corpus humanum, quam diutissime sine cibo et potu conseruetur, siquidem corpus humanum reparatione ideo indiget, quod continuo motu sanguis tandem consumatur, et qua subtiliorem sui partem velut exhalet, et per poros abeat. Hunc itaque motum si sistat eatenus Deus, vt nihil sanguinis, seu particularum sanguinem constituentium, dilabatur, fieri potest, vt corpus sine alimento tamdiu subsistat, quam

quamdiu Deo illud hac ratione conseruare
placet.

§. XIV.

Tertia lex motus suspenditur, cum corpus in motu positum, motum suum subito deperdit, nec eundem cum altero corpore, in quo forte irruit, communicat. Hoc Deum efficere posse, ecquis est, qui dubitare ausit? Nihil ergo etiam obstabit, quo minus flumen ad mare properans in cursu suo fisti queat; aut solis, vel telluris, vel alterius corporis coelestis motus supprimi. Potest etiam hac ratione motus sanguinis, ceterarumque partium fluidarum, in corpore humano, velut in vno temporis momento fisti, vt statim mors hominem inuadat: vt reliqua nunc taceam, quae commodè hac ratione explicari possunt.

§. XV.

Dum vero contendimus, posse hac ratione miracula explicari, non id volumus, ac si hac et non alia ratione miracula fuerint edita: hoc enim definire velle, summa esset temeritas: id saltem innuimus, posse verosimili quadam ratione ostendi, miracula nullam inuoluere contradictionem, et licet supra naturam sint, suspensasque eius leges supponant, non tamen esse *admirabilia*, cum nihil obstat, quo minus Deus naturae leges suspendere possit. Paucis: non dicimus, miracula hac ratione facta esse, sed fieri potu-

tuisse. Et rursus tamen hoc ex hypothesi
asserimus, si scilicet hanc philosophandi ra-
tionem, quae ex particularum mole, figura,
proportione, textura, multa naturae phae-
nomena explicari posse supponit, sequamur,
quae quousque admittenda sit, ex di-
cendis liquebit.

CAP. III.
de
ELEMENTIS CORPORVM NA-
TURALIVM.

Σύνοψις.

- | | |
|--|--|
| <i>De elementis corporum na-
turalium, cur tam variae
extent philosophorum o-
piniones? §. I.</i> | <i>Quid illis obiiciatur, §. VIII.
Theosophicorum elementa,
§ IX.
Quid de illis censendum, §. X.
Cartesii elementa, §. XI.
Quo pacto probari soleant,
§. XII.
Sententiarum haec al-
latarum iniquis, XIII.
Elementa primi ordinis.
quousque admitti ele-
menta Cartesii queant,
§. XIV.
Elementa secundi ordinis;
quousque admitti queant
principia Chemicorum,
§. XV.</i> |
| <i>De Empedocleis, ab Aristote-
le et scholasticis reboca-
tis, quid censendum? §. II.</i> | |
| <i>Geogonia in non fauet, §. III.</i> | |
| <i>Quid de illorum sententia
censendum, qui pro igne
aetherem substituunt,
§ IV.
aut unum ex quatuor illis
Empedocleis assument,
§. V.</i> | |
| <i>Chemicorum principia, §. VI.
Vtius declarantur, § VII.</i> | |

§. I.

Quae de proprietatibus materiae genera-
tim haecenus diximus, eo spectant, ut
pri.

prima corporum naturalium stamina, seu elementa, eo rectius innotescerent. Sed cum haec oculis mortalium ob nimiam subtilitatem se subtrahant, merisque adeo coniecturis et hic locus saltem concedatur, mirum non est, quod in diuersas admodum sententias philosophi abeant. Perlustrabimus praecipuas, et quid nobis verosimile videatur, paucis exponemus.

§. II.

Empedocles nimirum, vt hinc ordiamur, quatuor excogitauit elementa, ignem, aerem, aquam et terram, quam sententiam et Aristoteles comprobauit, et secuta est tota fere scholasticorum cohors. Enimuero cum quo quid est simplicius, eo rectius nomen titulumque elementi promereatur, manifestum est, non satis commode quatuor hisce corporibus elementi nomen tribui, quippe quae maxime composita sunt. Nec proficiunt, qui regerunt, haec elementa vbi ea cernimus, impura esse, sed loca tamen existere in quibus pura sint: cum haec loca, in quibus pura sint, nunquam commonstrata sint, nec ostendi queant.

§. III.

Equidem si geogoniam accuratius consideremus, in quatuor partes materia, ex qua orbis noster compositus est, abiisse videtur, quarum quae grauissima est, terram constituit, altera, quae grauitate proxime
ad

ad terram nostram accedit, *aquam*, tertia leuior *aerem*, quibus quarta forte accedit, materia omnium subtilissima seu *aether*. Empedoclea tamen elementa hinc exsculpi nequeunt, cum pro aethere ignem isti substituant, quem tamen ea, quae supra aërem sunt, spatia occupare, ab omni verosimilitudine abhorret, nec vlla hactenus probatum est ratione.

§. IV.

Sunt ergo, qui eiecto ex numero elementorum igne, quaternarium tamen numerum retinent, terram, aquam, aerem, aetherem, hoc nomine designantes. His licet geogonia telluris vtcunque faueat, iisdem tamen quas antea attulimus, praemuntur difficultatibus. Namque licet ex hisce corpus vnum leuius sit altero, omnia tamen valde composita sunt, nec demonstrari potest, quod haec corpora in se spectata reliquorum corporum compositionem ingrediantur, id quod tamen ad elementum requiritur.

§. V.

Qui vnum ex istis vulgo sic dictis elementis seligant, et illud pro vniuersali omnium corporum elemento venditant, vt Heraclitus Ephesius ignem, Anaximenes aërem, Tales Milesius aquam, cuius sententiam magno apparatu in scenam reuocasse constat Io. Baptistam Helmontium, Pherecydes Syrus terram, iisdem iterum premuntur diffi-

difficultatibus. Et si hoc vrgere velint, quod istud tamen, pro quo militant, elementum, in omnibus aut in plerisque corporibus reperiatur, regei potest, non tamen solum existere, sed et aliam materiam, quae necessario ei adiungi debeat. Aqua tamen hoc habet praecipui, quod longe plurima in illam resolui corpora queant, et semina quoque multorum corporum constituere videatur: sed cum semper aliud quid ad aquam concurrat, et insuper aqua, si expandatur, aer fiat, nondum videntur rem acu tetigisse, qui aquam primum et vnicum elementum constituunt.

§. VI.

Alia via rem aggressi sunt chemici, qui non ratiociniis, sed igne et experimentis, ad naturae recessus viam sibi munire conati sunt. Hi ergo quinque constituunt elementa, quorum tria nobiliora sunt, et κατ' ἐξοχήν principiorum chemicorum nomine veniunt, ut sal, sulphur et mercurius, quae tamen ab aliis ad duo, acidum et alcali reuocantur: reliqua duo ignobiliora vix in censum veniunt, aqua videlicet siue phlegma, et terra damnata seu caput mortuum.

§. VII.

Quaecunque enim destillatione resoluuntur, ea primum emittunt vaporem sapidum et spirituosum, qui frigore cogitur in liquorem, quem mercurium vocant: deinde
alem-

alembico in igne manente, exit liquor insipidus, qui *phlegma* dicitur: postea liquor acidus, qui etiam mercurius adpellatur; tunc liquor crassior et similis oleo, qui, quia facile incenditur, *sulphuris* nomen nactus est; exinde quod superest, in alembico vritur, et aqua adfusa diluitur, quo fit, vt aqua salis euadat, et tandem *sal* emissus, aqua percolata, deinde in vapores acta, quantum est elementum; quintum vero insipidum, quod superest, *caput mortuum* dicitur.

§. VIII.

Haec licet multorum adplausum promeruerint chemicorum principia, nondum tamen per ea res ita confecta est, vt nullum superfit dubium. Non afferam, quod nonnulli contendunt, non omnia corpora vi ignis in haec elementa resolui posse, sed id tantum vrgeo, quod incertum adhuc sit, annon ipse ignis hic mutationem quandam afferat, et materiae qualitatem inducat, quae ceteroquin in ea non erat. Quibus accedit, quod haec ipsa elementa iam ex aliis elementis composita videantur, cum v. g. salia et olea pro varietate corporum, ex quibus extrahuntur, varient, nec vnus sint generis.

§. IX.

Qui Mosaicam philosophiam se sequi putant, solent itidem tria rerum principia constituere, *spiritum*, *lucem* et *materiam*, terrestrem scilicet, seu crassiorem. Atque haec

(S)

cum

cum tribus chemicorum principiis prorsus conuenire nonnulli putant, vt lux respondeat sulphuri, spiritus mercurio, sal materiae crassiori. Quare si quis per haec principia idem intelligat, quod chemici per sua principia intelligunt, iisdem etiam vrgebitur difficultatibus. Si aliud quid, tum aliter etiam hac de re censendum.

§. X.

Nimirum spiritus nomine ab aliis aliquid actiui designari solet, et tum quidem spiritus inter principia materialia seu elementa minus recte refertur. An autem pro principio actiuo corporum naturalium habendus sit, deinde ex instituto disquiretur. Lucis autem nomine si subtilior illa materia, quae ex sole effluit, nec tamen semper conspicua est, omnibus autem aut plerisque corporibus admixta est, intelligitur, haecenus quidem pro elemento haberi posset, si primo constaret, omnibus corporibus lucem admixtam esse, nec lucem ex alia materia simpliciori esse conflata. Sunt tamen qui lucem ad spiritum potius quam ad materiam referunt, et sic sua sponte constat, quod ad elementa non pertineat. Et si reliqua etiam recte se haberent, de materia, prout a luce et spiritu distinguitur, multa adhuc moueri dubia possent. Sed cuncta ex dicendis facilius diiudicabuntur.

§. XI.

§. XI.

Renatus Cartesius cum intelligeret, in eo haftenus peccatum, quod elementa constituerentur, quae tamen composita, adeoque minime pro elementis habenda essent, sequenti ratione huic incommodo mederi voluit: nimirum ex motu materiae in particulas innumeras diuisae hoc contigisse docet, vt quaedam particulae ab aliis occurrentibus contusae, sphaericae euaderent, quae apud ipsum materiam *secundi elementi* constituunt, et globulorum etiam coelestium nomine illi veniunt. Inter horum spatia, quae haeserunt particulae subtilissimae, *primi elementi* materiam illi suppeditant, quae inter se connexae, et cohaerentes, *tertii elementi* particulas, paulo scilicet crassiores, conficiunt.

§. XII.

Ex his elementis omnia constare corpora, ita probare solent; corpora aut lucida sunt, siue lucem emittunt: cuiusmodi sunt sol et stellae fixae, et haec ex *secundo elemento* componuntur; aut pellucida sunt, hoc est, lumen a sole et fixis receptum transmittunt, vt coelum, et haec ex *primo elemento* constituuntur; aut denique opaca sunt, siue in se vibratos radios reflectunt, vt planetae, cometae, et haec ex crassioribus istis particulis conflata sunt, quae *tertium elementum* constituunt. Quae equidem satis ingenio-

se sunt excogitata, sed quo loco habenda sint, ex dicendis constabit.

§. XIII.

Nimirum ut ego, in tanta sententiarum diuersitate, dicam, quod sentio, ita arbitror, posse varia elementa, sed diuersi ordinis constitui, adeoque inter plerasque ex his sententiis, tantam pugnam non esse, quanta initio videtur. Sunt enim elementa nihil aliud, quam prima stamina, ex quibus corpus componitur, quae aut simpliciora, aut magis composita esse possunt.

§. XIV.

Primum itaque et simplicissimum elementum est ipsa materia, cum communissimis suis proprietatibus considerata, prout videlicet extensa est, diuisibilis, et quae reliqua sunt, supra indicata. Huius materiae particulae minimae, prout diuersa figura fuere praeditae, haud dubio alias maiores magisque compositas constituerunt, quae ad stamina maiorum corporum iam essent aptiores. Et eousque admitti sententia Cartesii potest, modo reliquae, quae speciatim de tribus particularum generibus differit, tantum pro coniectura, non autem pro certa et euicta veritate habeantur.

§. XV.

Sed hae particulae cuiuscunque demum conditionis sint, nondum aptae sunt, ut immediata stamina corporum maiorum constituent,

tuant, sed id demum per varia salia, olea, et succos diuersos, in quos istae particulae coalescunt, effici potest. Et hinc demum exsurgunt chemicorum ista principia, quae eatenus itidem pro elementis saltem eorum corporum, in quibus reuera deprehenduntur, habenda sunt. Sunt namque elementa, aut non prima, sed secunda seu composita, forte nec vniuersalia, sed saltem particularia, quia istae particulae etiam in corpuscula alterius indolis abire possunt, ex quibus alia corpora maiora componantur. Reliqua vero corpora, vt aque, terra etc. nimis composita sunt, quam vt pro elementis haberi queant, aut si habenda sunt, erunt elementa secundaria, quae iterum in sua elementa simpliciora et primaria resolui possunt. Et

haec quidem mihi de elementis maxime verosimilia videntur.

CAP. IV.

de

IIS, QUIBUS CORPORA NATVRALIA A SE INVICEM DIFFERVNT.

Σύνοψις.

<i>Proprietates speciales corporum vel apertae sunt</i>	<i>Lux quid? §. III.</i>
<i>vel occultae, §. I.</i>	<i>Lucis reflexio, transmissio, et refractio, §. IV.</i>
<i>Apertarum Varietas, §. II.</i>	<i>Colorum ratio, §. V.</i>

(S) 3

Va-

Varietas vnde? § VI.*Quae circa sonum contin-
gant.* § VII.*Eorum ratio,* § VIII.*Varietas soni,* § IX.*Circa odores quae obseruen-
tur,* § X.*Eorum ratio, Varietas odo-
rum,* § XI.*Saporum phaenomena,*
§ XII.*Ratio et Varietas,* § XII.*Humiditas et siccitas,* § XIV.*Calor,* § XV.*Frigus,* § XVI.*Granitatus Phaenomena,*
§ XVII.*Ratio,* § XVII.*Reliquae corporum proprie-
tates speciales summatim
indicantur,* § XIX.

§. I.

I Vuat nunc etiam speciales corporum pro-
prietates, quibus a se inuicem differunt,
considerare, et in causam earum, si quae
inueniri potest, inquirere. Istaе autem
proprietates duplicis generis sunt: quaedam
enim aperte constant, quaedam autem secre-
tiori quadam ratione se exerunt, vt, quo
pacto corporibus insint, vix intelligi que-
at. Et has quidem *occultas qualitates* vocare
solent, de quibus in sequenti capite ex in-
stituto dicemus.

§. II.

Istaе itaque proprietates speciales, quas
corporibus inesse nemo dubitat, sensibus ex-
ternis percipiuntur, adeoque et pro sensu-
um diuersitate in varias classes abeunt. A-
liae enim adficiunt visum, aliae auditum,
aliae gustum, aliae odoratum, aliae ta-
ctum.

§. III.

Ad eas, quae visum adficiunt, *lux* pertinet,
quo

quo nomine hic id intelligimus, quod in nobis sensationem lucis excitat. Vt vero intelligatur, quodnam demum istud sit, observandum, lucidam potissimum esse flammam seu materiam quamvis ignitam, quam in perpetuo motu esse constat, ut supra iam observauimus. Si autem supponamus, ad sensationem requiri corporis externi ad organon sensorium appulsum, necesse quoque erit, ut a corpore lucido materia quaedam subtilis ad oculos nostros porrigatur, quae neruum opticum moueat. Hoc autem cum intelligi nequeat, de ipsa illa materia, quae ignem aut lucem constituit, cum in parvis ignibus materia illa ad hoc non sufficiat, et concipi non possit, quo pacto sine insigni temporis interuallo materia ista ad oculos nostros pertingat, verosimilius esse recentiores iudicant, moueri materiam igni vicinam, quae vndique dispersa est, eaque aliam pelli, atque hac aliam, donec ad oculos nostros perueniat.

§. IV.

Putant etiam hinc commodè explicari posse, quid sit lucis *reflexio*, *transmissio* et *refractio*. Reflecti namque lux dicitur, cum incidit in corpus, per cuius texturam ei non licet ulterius progredi, ut adeo particulae aetherae regredi cogantur. Cum autem radii lucis oblique ex pellucido corpore in pellucidum, aut rarius, aut densius,

(S) 4 trans-

transeunt, oritur inde *refractio lucis*. Transmissio vero lucis est, quando radii lucis nulum impedimentum inveniunt, quo minus recta linea per corpus aliquod transire queant. Atque hinc intelligitur, quatenus corpora sint *lucida*, *opaca* et *pellucida*.

§. V.

Lucis beneficio *colores* producuntur, de quibus adeo obseruandum, colores nunquam apparere, nisi cum radii lucis in corpus coloratum cadunt, eosdem tamen pro varia superficiei asperitate varie colligi atque dissipari, et ad oculos spectantium refilire, cum corpus coloratum permeare nequeant, ex quo oculos diuersimode affici, et variorum colorum sensationes in mente produci necesse est. Ex hisce autem colligunt, colorem, qui corporibus inesse creditur, nihil aliud quam certam lucis, quae a corpore colorato reflectitur, esse modificationem. Id quod exemplo iridis, atque prismatis, luculentum esse putant.

§. VI.

Ad varietatem colorum quod attinet, id quidem, si haecenus dicta admittantur, generatim verosimile videtur, ex superficiei, quae in corporibus est, diuersitate, indeque orta diuersa lucis reflexione eam provenire, sed speciatim qualis corpusculorum ratio et textura requiratur, ut certi colores inde orientur, definiri certo non potest. Si conie-

cturas

Eturas saltem suas nobis narrant, qui alborem in eo fitum putant, quod superficies corporis albi lucem quaquaversum reflectat, prout eam accepit, sine vlla mutatione: quod ut fieri queat, requiri superficiem asperam. Sed cum non vna ratione superficies aspera dici queat, et ipsius coloris albi diuersae quoque sint species, definiendū porro esset, qualis asperitas requiratur, ut singulae albi coloris species progigni possent, id quod fieri non posse, quilibet facile intelligit. De reliquis coloribus eodem modo censendum.

§. VII.

Ad qualitates, quae aures afficiunt, *sonus* pertinet, quo nomine nunc id, quod sensationem, quam eadem voce appellant, in nobis producit, designamus. Quod ut innotescat, obseruandum, varia corpora varie quoque sonum edere; cum primis tamen aërem ad sonum concurrere, cum non tantum eo minor sonus sit, quo remotius est corpus sonorum, sed per ventum corpori sonoro aduersantem, per nebulas, et crassiores, quibus aër quandoque repletur, vapores, similibusque causis aut impediri, aut immiui sonus, aut promoueri etiam atque adiuuari soleat.

§. VIII.

Ex quo videtur recte colligi, sonum produci per certum motum corporis sonori, quo subito et solito vehementius mouetur, et concitatur aër. In concussio autem aëre pu-

tant excitari circulos, aut veluti fluctus, quorum vnus alterum pellat, donec ad aures nostras perueniat, easque certa ratione adficiat. Quod si aër hac ratione motus, et in orbem velut extensus, incidat in corpora dura et concaua, a quibus repulsus denuo aut aliquot vicibus, aures nostras eodem modo adficiat, *echo* inde oritur.

§. IX.

Varietas soni ex corporum, quæ sonum producunt, varietate, indeque proneniente varietate motus procedere videtur. Sic v. g. sonus acutus videtur ex celeritate, et subita concussionis iteratione, aut arctissima aëris compressione oriri: grauis autem ex ratione contraria. Cumque per arteriae asperae structuram supra delineatam, homo aëri laxiorem aut angustiozem transitum concedere possit, ratio patet, cur vocem ista flectere possit, vt modo graues modo acutos tonos emittat.

§. X.

Ad olfactum *odores*, ad gustum *sapores* pertinent. Vt odorem sentiamus, necesse est, vt adsit corpus odoratum, non nimis remotum, et vt aërem naribus attrahamus. Quæ vero odorem emittunt corpora, non vna eademque ratione sese habent: namque nonnulla hoc faciunt, cum humore turgent, quo exsiccato, aut abeunte, odor etiam cessat aut imminuitur. Quaedam prout aut soli
ex-

exposita sunt, aut eidem subducuntur, iidem odorem spargunt aut amittunt, quemadmodum calor haud raro odorem grauem excitat, qui cessat aut imminuitur, si frigeat.

§. XI.

Haec aliaque facile aliquem inducunt, ut credat, ex corporibus, quae odorata vocantur, nunquam non tenuissima corpuscula elabi, quae cum aëre per nares attracta, promotus, et figurae, et magnitudinis diuersitate, neruum olfactorium diuersimode adficiunt, et ita odorem progignunt. Vnde et intelligitur, quid de odorum diuersitate sit sentiendum. Nimirum generatim dici potest, quod ex particularum diuersitate ea proveniat. Sed qualis particularum figura aut magnitudo, aut motus requiratur, ut certus odor producat, definiri nequit.

§. XII.

De *saporibus* eadem fere ratione censendum. Nimirum non omnia corpora sapida esse constat, praesertim ea, quibus nulla salia admixta sunt, quemadmodum rursus multa corpora, quae insipida sunt, saporem contrahere possunt, eumque acutissimum, ut metalla, si in puluerem tenuem solvantur. Sed et si alia mutatio corporibus accadat, saporem aut contrahunt, quem antea non habebant, aut is augetur vel imminuitur, aut mutatur etiam, quod quotidianis experimentis constat.

§. XIII.

§. XIII.

Haec eiusmodi sunt, ut verosimilis videatur illorum sententia, qui a salibus omnem saporem provenire arbitrantur. Haec nimirum salia quandoque impedita sunt, quominus vim suam exercere possint, si autem per ignem aut liquores solvantur, tum nervorum extremitates in lingua & palato existentes diuersimode afficiunt, indeque saporis oriuntur. Horum diuersitas, a particularum equidem, ex quibus salia constant, diuersitate provenire videtur, sed qualis figura, aut magnitudo, aut motus particularum requiratur, ut certus sapor producat, definiri iterum nequit, praesertim si infinitam saporum varietatem consideremus, cum vel solus dulcis sapor in innumeras fere species abeat, quibus quae respondeant, invenire velle particularum figuras, inutilis prorsus et superuacaneus labor est.

§. XIV.

Superfunt denique istae proprietates quas *iactu* percipimus, quarum quatuor primariae constitui solent, *humiditas, siccitas, calor, et frigus*. *Humor* ex eo fere intelligitur, quod particulae corporis humidi aliis corporibus facile inhaerescant, ex quo et constat, liquidis tantum corporibus hoc convenire. Eiusmodi autem particulae si iterum ex corpore, cui adhaerent, dilabantur, tum
cor-

corpus *ficcum* dicitur, quo nomine adeo nihil aliud, quam absentia humoris indicatur.

§. XV.

Calor quid sit, ex iis fere intelligitur, quae supra de igne diximus, cum nullus calor sine igne sit, aut saltem sine materiae quadam ad ignem concipiendum dispositione. Illud itaque corpus, quod calorem producere aptum est, in motu positum sit, necesse est, et quidem motu particularum eiusmodi, qualem igni supra vindicauimus. Quod si ergo istae particulae, celerrimo et rapidissimo motu agitatae, in aliud corpus incidant, illud vellicant, soluunt, destruunt: cuiusmodi quid si corpori hominis aut animalis accidat, non potest non inde certa oriri sensatio, quam itidem calorem vocamus, qui vel intensior est, vel remissior, pro vehementia motus, qui in particulis istis, calorem in nobis excitantibus, deprehenditur.

§. XVI.

De *frigore* nonnulli dicunt, quod situm sit in *quiete*, scilicet istius motus particularum, a quo calor proueniebat. Sed hoc nondum sufficere videtur, cum acutissimus ille dolor, quem ex frigore corpora nostra quandoque sentiunt, non videatur ex sola quiete particularum prouenire posse. Quare alii existimant, ex corporibus, quae frigus inducunt, profluere particulas continuo motu, sed *rectilineari*, qui motui circulari calo-

caloris oppositus est, et hinc non tantum frigus si fortius sit, calorem destruit, sed cum in intimas corporum partes, nervorumque extremitates facile penetret, dolorem istum acutum, quem sentimus, excitare aptum est.

§. XVII.

Addi his nunc et aliae proprietates solent, quas sensibus, praesertim tactu, percipimus, inter quas adhuc eminent *grauitas* et *leuitas*. Et ad grauitatem quidem quod attinet, constat, corpora terrestria ad centrum terrae tendere, illudque, nisi impendantur, petere; constat etiam, hanc actionem grauitatis, seu nisum tendendi ad centrum terrae illis semper inesse, adeoque si alia corpora, quo minus descendere queant, obstant, eadem premere: constat denique, per partium variarum accessionem hanc grauitatem augeri, & quo quodlibet corpus grauius est, eo celerius etiam ad terram descendere.

§. XVIII.

Ex hisce id quidem manifestum est, nullum corpus absolute leue dici posse, cum generatim materiae proprium sit grauitas, sed comparate quod minus graue est altero, id leue dicitur. Vnde parum abest, quin in eam ingrediar sententiam, grauitatem ad eas potius proprietates referendam esse, quae omnibus corporibus sunt communes. Cumque istae proprietates immediate ex natura materiae fluant, haec autem nobis intime

me perspecta non sit, frustra eos esse patet, qui causas harum proprietatum afferre volunt. Sunt equidem qui causam gravitatis ex motu petunt, supponuntque terram nostram moveri, quo motu cum id efficiatur, ut omnes particulae materiae a centro ad peripheriam tendant, quo sensu omnis materia levis vocari possit, eas tamen, quae minori motu agitantur, minorem habere vim ad recedendum a centro, ideoque ab aliis celerius agitatis velut deturbari, et semper ad centrum pressione quadam cogi. Sed supponunt hi, quod nondum est evictum, sensibusque et experientiae repugnare videtur, materiam semper a centro ad peripheriam ferri, et violenta saltem quadam pressione, ne sursum auolet, cohiberi.

§. XIX.

Reliquae proprietates sunt, *durities, mollietates, firmitas, siue stabilitas, fluiditas*, et quae hinc porro descendunt, *fragilitas, friabilitas, fissilitas, secabilitas, viscositas, etc.* item *asperitas, laeuitas*, et quae huius quasi species est *lubricitas*, porro, *densitas, raritas, tensibilitas, et compressibilitas, tenuitas et crassities, rigiditas, flexilitas, vis elastica*, et quae alia sunt eiusdem generis. Sed cum ex dictis fere constet, quid de hisce omnibus et dici possit et soleat, non est, quod iis diutius immoremur. Nimirum generatim quidem verosimile est,
ex

ex figura, situ, et textura partium, ex quibus corpora constant, haec prouenire: ast cum specialius definiendum, qualis figura aut textura partium ad hanc aut illam proprietatem requiratur, res ad meras coniecturas redit.

CAP. V.
de
CORPORVM QUALITATIBVS, QVAE
OCCVLTAE VOCARI SOLENT.

Σύνοψις.

<i>Qualitatum occultarum nomine quid veniat? § I. II.</i>	<i>mo phaenomenorum veritas constare debet,</i>
<i>Huc pertinet sympathia,</i>	<i>§. XIV.</i>
<i>§ III.</i>	<i>Non statim in dubium vocanda, quorum rationem reddere nequimus, §. XV.</i>
<i>Exempla sympathiae, § IV. V VI.</i>	<i>Si ratio reddi queat, non amplius qualitas pro occulta habenda, § XVI.</i>
<i>A sympathia quo pacto differat magnetismus, §. VII.</i>	<i>Neutiquam autem omnium rationem reddi posse: quo sensu qualitates occultae admittendae, §. XVII.</i>
<i>Exempla magnetismi, § VIII.</i>	<i>Quid magis naturalis? §. XVIII.</i>
<i>Antipathia et antimagnetismus, quid? §. IX.</i>	
<i>Exempla antipathiae, §. X. XI. XII. XIII.</i>	
<i>De his ut rite iudicetur, pri-</i>	

§. I.

Diximus in praecedenti capite, esse quasdam proprietates, quae sensibus facile depre-

deprehenduntur, alias autem, quae immediate in sensus nostros non agant, sed ex effectibus suis rationis interuentu cognoscantur, et has quidem *qualitatum occultarum* nomine venire. De prioribus itaque cum hactenus actum sit, nunc de his pauca etiam afferemus,

§. II.

Vbi statim id probe obseruandum, non dici has qualitates ideo occultas, quod modum, quo corpora talia operentur, aut ignoremus, aut nonnisi per leues coniecturas cognoscamus, hac enim ratione etiam pleraeque ex prioribus proprietatibus pro occultis habendae essent, sed uti diximus ideo, quod immediate in sensus nostros non agunt, cum apertarum seu manifestarum contra proprietatum effectus, sensibus immediate haud difficulter percipiamus.

§. III.

Ad has itaque occultas, ut vocantur, qualitates referri primo solet *sympathia*, seu mutua quaedam consensio inter res aliquas, per quam vna aliquid sentiente, altera quantumuis distans, idem sentire videtur; vna mota, moueri altera, patiente vna, pati altera. Eaque sympathia duplex est, alia, quae fieri videtur cum actione alterius attractiua, et vocatur *magnetismus*, de quo deinceps: alia quae fit sine vlla sensibili ac notabili actione rei vnus in aliam sympathetice affectam, et in nudo rerum consensu confi-

(T)

stere

stere videtur, et haec proprie et speciali quadam ratione, sympathia vocari solet.

§. IV.

Exempla eiusmodi sympathiae varia circum fieri solent: vinum e.g. in cellis dicunt turbari, florentibus vineis, cereuisia in cadis, florente hordeo, pisa difficulter coqui, florentibus in agro pisis: cepas siccas in granario denuo germinare, dum aliae in hortis fatae ex terra prodeant: mantile vel strophium colore mori, cerasi vec rubri vini maculatum, facile maculam dimittere, sijlauetur, dum illae arbores aut vites florent, alio quouis tempore et operam, et lixiuium in eluendis eiusmodi maculis perdi.

§. V.

Praeterea si quis morum vel fragum in grauidam proiciat, pars in foetu respondens, parti matris attactae, eodem signo saepe notatur. Talia mora vel fraga per matris imaginationem cuti prolis impressa, visa sunt quandoq; quotannis reuirescere, flauescere, rubescere, cum moris, arboribus, et fragis terrestribus, subsidere autem et velut euanescere, tempore mororum aut fragorum praeterlapso. Sic et territis ab inopinato lunæ aspectu mulieribus, foetus quaudoque macula luniformi signati sunt, lunae incrementa et decrementa ad amussim sequente, quod et de lapidibus quibusdam pretiosis dicitur, vt supra

p̄ra obseruauimus. Contingit quoque aliquando, vt si consanguineis nostris procula nobis degentibus triste quid eueniat, id cordis quadam grauitate et anxietate, nec non aliqua corporis alteratione nobis prodatur. Haec et similia innumera fere sympathiae exempla circumferri solent, quae omnia hic recensere instituto nostro repugnat.

§. VI.

Cum primis tamen huc pertinet *puluis ille sympatheticus*, cuius vis et efficacia pasim celebratur, et per quem curari dicunt vulnera et vlcera maximis etiam locorum spatiis distantia, non modo partium externarum, sed etiam internarum, ad quas nulla interdum vis medicamenti alterius valeat pertinere, quantumcunque etiam sint periculosa, et vulgo pro desperatis habeantur. Nihil nunc de *unguento sympathetico* dicam, cuius eadem est ratio, vt et de *morborum transplantatione*, qua omnes morbos ex humano corpore in alia animalia deriuari posse, dicunt, et quae his sunt similia.

§. VII.

A sympathia, vt iam antea dictum, differt *magnetismus*, quo nomine qualitates occultas defendunt, intelligunt vim quandam attractiuam, qua res vna aliam determinatae tantum speciei, ad se allicit, atque attrahit. Si omnia promiscue attrahat, vocant *vim electricam*, qualem habeat electrum,

(T) 2

fuc-

succinum, vnicornu, cornu cerui, et alia eiusdem generis corpora, quae praesertim attrita, corpora leuiora, vt chartulas, micas, frustula lignorum attrahere solent.

§. VIII.

Exempla magnetismi varia vulgo afferre solent, quamquam pauca forte sint, quae huc quadrent. De ipso magnete res nota, et supra iam abunde de eo dictum. De ferro, praesertim si in fila ferrea ducatur, aut stylos ferreos, quorum vna pars cuspidata sit, altera obtusa, itidem nonnulli tradunt, quod semper cuspis in austrum conuertatur. Concelebrant quoque nonnulli, nescio quam herbam, quam si quis manu teneat et foueat, donec intepe scat, mox alterius manum detineat, donec et illa tepe scat, statim eum in alterius inflammare amorem, perhibent. Sed et heliotropion et varia florum huc referunt genera, quae solem perpetuo, summa capita ad eius motum inflectendo, sequi dicuntur, vt et de globo ligneo exacte rotundo, autumant, si is in aquam demergatur, supernatare eum illa parte, qua dum esset in arbore, coelum aspexit, et quae alia sunt eiusdem commatis longe plurima.

§. IX.

Quid *antipathiae* nomine designetur, iam ex dictis constat, inimica videlicet rerum erga se inuicem affectio, qua se inuicem ex natura sua auersantur, et impugnant, mutuoque destru-
stru-

struunt: posset et *antimagnetismus* dici, quem ab antipathia distinguere non necesse est. Huc autem omnia venena referri solent, quippe quae noxia sunt illis, quorum sunt venena, eaque destruunt. Infinita autem est venenorum varietas. Namque quaedam omnibus ex aequo animalibus nocent, quaedam tantum hominibus aut certo animalium generi, quaedam etiam plantis. Et ad ea rursus, quae hominibus nocent, quod attinet, sunt ex animalibus quae venenum, quod hominem perimat, emittunt, ut bufo, scorpio, tarantula etc. sunt et inter vegetabilia, quae hoc censu veniunt, ut napellus, aconitum, cicuta, etc. sunt denique et inter mineralia, quae necem homini afferunt, ut arsenicum et sic porro.

§. X.

Dantur etiam, si hos porro audias, venenorum venena, hoc est, antipathetice venenis opposita. Sic multi homines venenatis animalibus venenum esse perhibentur. Saluam ieiuni hominis serpentibus lethalem esse autumant. Constat etiam, dari loca, in quibus venenata animalia nulla degere possint, sed statim, si eo afferantur, moriuntur. Et generatim huc quaevis alexipharmaca referuntur, quae abunde tum in animalibus, tum in plantis, tum etiam in mineralibus reperiuntur. Imo et in hunc censum quaevis medicamenta, singulari vi certa morborum

genera pellendi praedita, merito referuntur, de quibus in medicorum scholis multus sermo.

§. XI.

Solent porro animalium plurimorum exempla circumferri, inter quae singularis eiusmodi antipathia intercedat. Sic leonem dicunt galli cantu terreri et igae: gallum gallinaceum timere accipitrem nunquam antea visum: agnum modo enixum, lupum et vulpem: chordam agninam cum lupina nunquam concordare, et quae id genus alia sunt.

§. XII.

Simile prorsus quid in regno vegetabili sibi deprehendere videntur: dari namque antipathiam aiunt, inter brassicam et rutam, adeo ut illa arescat, si simul ferantur: vitem quoque, si ei adplantetur brassica, exsiccari, et flectere se in aduersum, quemadmodum et vitis abhorreat laurum: cucumeres cum olea inimicitiam habere: quercum et oleam iuxta se positas arescere: quercum iuglandi vicinam mori, ut reliqua, quae fere innumera sunt, taceam.

§. XIII.

Narrantur et multa alia naturae miracula, in quibus absconditam quandam vim, et occultas, ut vocant, qualitates deprehendere sibi videntur. Inter innumera, quae et hic adferri solent, observatu maxime dignum est,

est, quod magno consensu de tarantulis dicunt, eas diuersi coloris esse, alias virides, alias rubras, omnes etiam audita musica saltare, non tamen omnes eodem musicae tono delectari: hinc et illis, quos morfu laeserunt, a sola musica remedium quaeritur, ea quidem ratione, ut tarantulae eiusdem coloris, a qua ictus fuit, quaerantur, et tum, quo illae tono delectentur, exploretur, et tum idem tonus infirmo adhibeatur, donec et ille saltando sanitati restituatur: nec praetermittendum, quod qui a viridi tarantula morfi sunt, viridia appetant, qui vero a rubra laesi sunt, rubicundis delectentur.

§. XIV.

De his itaque similibusque occultarum qualitatum exemplis, quid censendum sit, acriter disputatur. Ego ita existimo, non posse rem ad disputationem prius trahi, quam certo constet, eam ita, ut narratur, se habere. Prorsus enim mihi persuadeo, et experientia etiam suffragatur, multa naturae miracula a multis per nimiam credulitatem deceptis, magna fiducia praedicari, quae tamen, si accuratius in ea inquiratur, nullibi existunt, aut non ita, ut vulgo ferunt, se habent. Atque hoc interdum etiam oculatis-
simis et eruditissimis viris contingere potest.

§. XV.

Alii rursus in contrarium currunt, et quicquid ex philosophiae, quam profitentur, hy-

pothesi soluere nequeunt, aperte impugnant, et audacter reiiciunt, res manifestissimas haud raro pro ludicris commentis reputantes. Nimirum ne nescire quicquam videantur, aut hypothesin elegisse, quae suspecta videri posset, breuissima hæc et compendiosissima illis via videtur, statim negare aut vocare in dubium, ad quae ex sua hypothesi respondere nequeunt. Atque hos sibi ipsi viam ad veritatem occludere manifestum est.

§. XVI.

Haec si rite se habeant, vt de phaenomenis, quae narrantur, res certa sit et explorata, tum tentandum, an istae qualitates occultae iuxta recepta principia explicari commode atq; solui queant. Si queant, tum quidem non amplius hoc respectu pro occultis qualitatibus erunt habendae. Ego sane existimo, multa ex iis, quae attulimus, haud incommode ex illorum etiam sententia, qui omnia ex certa materiae dispositione deriuant, solui posse, et adeo hætenus perperam pro occultis qualitatibus venditari: sicut rursus alii, qui spiritum naturae asserunt, itidem haud infeliciter multa ex sua hypothesi explicare queunt.

§. XVII.

Quaecunque autem assumatur hypothesis, remanebunt tamen semper multa arcana naturae, quae explicari nulla ratione
que-

queant. Est hoc supra humanae naturae conditionem positum, in intimos naturae recessus penetrare posse. Et eo quidem sensu omnino occultas admittere qualitates necesse fuerit. Scholastici autem, et qui eos secuti sunt, non in eo peccarunt, quod occultas qualitates statuerint, sed partim in eo, quod existimauerint, se rationem et causam effectus asserre, si dicerent, ex occulta eum procedere qualitate partim in eo, quod multas qualitates pro occultis habuerint, quarum tamen verosimilis omnino reddi ratio potest.

§. XVIII.

Atque ex dictis etiam intelligitur, quid sit *magia naturalis*. Ego enim hoc nomine nihil aliud designari puto, quam notitiam eiusmodi proprietatum, quae non omnibus patent, quibus tamen res naturales reuera gaudent, et quas dirigere illi ita, atque determinare, coniungenda coniungendo, et separanda separando, aliisque modis possunt, ut admirandi prorsus atque stupendi effectus inde sequantur. An vero etiam rerum naturalium in spiritus vis quaedam sit et efficacia, ut et eos voto suo obsequentes reddere homines, per magiam naturalem possint, alia quaestio est, de qua suo loco ex instituto.

CAP. VI.
de
IMMEDIATO PROPRIETATUM
SPECIALIUM ET OPERATIONUM NATURA-
LIUM PRINCIPIO, SEU CORPORUM NA-
TURALIUM FORMIS.

Σύνοψις.

- De immediato isto operationum et proprietatum naturalium principio, non consentiunt inter se philosophi, §. I.*
- Aristotelici formam substantialem hic ingerunt, §. II.*
- Quam per naturam quidam explicant, §. III.*
- Quo pacto haec a nonnullis describatur, §. IV.*
- Quae moveri contra eam descriptionem difficultates queant, §. V.*
- Cartesius ad materiae dispositionem se recipit, §. VI.*
- Quam hypothesin ut defendant, nonnulli Deum omnium motus causam immediatam faciunt, §. VII.*
- Non sine incommodo quodam, §. VIII.*
- Hinc alii ipsi materiae vim agendi tribuerunt, §. IX.*
- Quid et his opponi soleat, §. X.*
- Alii denique spiritum quendam naturae accersunt, §. XI.*
- Nec illi tamen omnes inter se satis conveniunt, §. XII.*
- Nec iisdem semper utuntur nominibus, §. XIII.*
- Summa, in quibus plerique spiritus assertores inter se consentiunt, capita, §. XIV.*
- Quid accuratiores per spiritum naturae intelligant, §. XV. XVI.*
- Discrimen inter spiritum masculinum et foematinum, seu lucem et aerem, §. XVII.*
- Quod secundum hanc hypothesin detur vis attractiva corporum: multaque adeo phaenomena aliter explicari queant, §. XVIII.*
- Applicatio huius hypotheseos cur speciminibus quibusdam ostendenda, §. XIX.*
- Spiritus naturae pro corporum*

- rum varietate, diversitas, §. XX.*
In animalibus quo pacto se habeat, §. XXI.
Speciatim in homine, §. XXII.
In plantis et mineralibus, §. XXIII.
Terrae, aquae, aeris, ignis, ex hac hypothefi explicatio, §. XXIV.
Corporum pro diuerfa lucis, aeris, et materiae crassioris mixtura, differentia, §. XXV.
Hinc meteora explicantur, §. XXVI.
De coelo sideribusque secundum banc hypothefin, §. XXVII.
Itemque de siderum influxu, §. XXVIII.
- Corporum proprietates et elementa quo pacto hinc explicari queant, §. XXIX.*
Speciatim qualitates occultae, §. XXX.
De spiritu naturae specialitè seu Archæo, itemque de ideis, §. XXXI.
Omnes istae hypothefes, quas hactenus enumerauimus, sua habent et commoda et incommoda, §. XXXII.
Refocantur omnes ad quatuor praecipuas, §. XXXIII.
De prima quid censendum §. XXXIV.
De secunda, §. XXXV.
De tertia, §. XXXVI.
De quarta et vltima, §. XXXVII.

§. I.

Quemadmodum proprietates corporum naturalium communes ex ipsa conditione materiae et inde profluentibus elementis recte deriuantur: ita quodnam specialium, quibus corpora gaudent, proprietatum et operationum principium immediatum sit, quod et formae nomine designari solet, id vero est, de quo iterum philosophi prorsus inter se non conueniunt.

§. II.

Et Aristotelico-scholastici quidem *formas substantiales* pro altero principio interno corporo-

porum naturalium venditant: et quemadmodum ceteroquin dici solet, quod forma det esse rei, distingui, et operari, ita affectiones pariter ac operationes corporum naturalium, a propria cuiusque corporis forma deriuant. Ast quaesiti, quid demum forma ista substantialis sit, ipsi hoc explicare nequeunt, multo minus discrimen ostendere possunt, quod inter formam substantialem arborum, v. g. huius aut illius speciei, & aliorum corporum naturalium intercedat.

§. III.

Alii itaque, ad corporum naturalium phaenomena explicanda, *naturam* ipsam in subsidium vocant, hoc nomine principium internum mouendi et quiescendi eius rei, in qua primo et per se inest, designantes. Cumque principium mouendi vel actiuum, vel passiuum sit, per actiuum ipsam formam intelligunt. Solent etiam *naturam* in *vniversalem* et *particularem* dispecere, per hanc illud ipsum principium, a quo in singulis corporibus omnes motus, proprietates et operationes fluunt, designantes.

§. IV.

Ast cum et hoc nimis obscurum quibusdam videretur, clarius ad mentem ipsius Aristotelis, quid natura sit, designare voluerunt, aeternam scilicet legem hac voce significari contendentes, ex voluntate diuina, immutabili pariter ac sapientissima ortam,
ab

ab eoque promulgatam cunctis existentibus in vniuerso, cum primum eadem conderet atque constitueret, qua vnumquodque iustum est agere conuenienter ad finem.

§. V.

Verum nec istud rem omnem conficere, aut positum supra omnes difficultates, videtur. Etenim vt illud quidem certum est, et negari nulla ratione potest, Deum omnia secundum leges certas sapientiae suae conuenientes condidisse, et hodiernum motus omnes corporum naturalium secundum leges sapienter a Deo constitutas fieri, quas leges si quis naturae nomine designare voluerit, nemo credo adeo repugnauerit, ita superest tamen hoc dubium, quodnam istud principium sit, quod omnes motus corporum naturalium ad hasce leges dirigat?

§. VI.

Renatus quidem Cartesius, et qui eum sequuntur, materiae dispositioni hic omnia tribuunt. Formam enim singulorum corporum et partium, ex quibus composita sunt, figura, situ, motu, textura, quae omnia infinitis modis variant, deriuant. Et ex eadem etiam materiae dispositione, non modo proprietates speciales, imo specialissimas corporum naturalium, sed omnes etiam eorum operationes fluere.

§. VII.

Huic vero hypothese qui refragantur,
id

id quidem concedunt, multum materiae istam dispositionem ad corporum proprietates et effectus conferre, ast cum, ipso fatente Cartesio, materia sit saltem extensum quid, omnique facultate aut se ipsam, aut aliud quid per se mouendi, destitutum, admittendum necessario aliud adhuc principium esse, quod motus, qui in materia conspicitur, causa sit. Nec id diffitentur nonnulli, qui eandem scholam sequuntur, et Deum ipsum, ut salua hypothesis sua sit, aduocant, ab eodemque immediate omnem motum produci contendunt, aut ad minimum semel productum continuari.

§. VIII.

Displicuit autem et hoc magnopere aliis, qui vix sine impietatis suspitione Deum pro immediato motus omnis auctore, venditari posse, arbitrati sunt. Imo si Deus omnia agat, materia tantum patiatur, facile aliquem in eam posse deuenire sententiam, Deum et materiam coniunctim ceu causas internas totum hoc vniuersum constituere, qui est ille ipse error, quem in Spinoza suo loco notabimus, & confutabimus.

§. IX.

Eum itaque errorem ut euitarent, negarunt materiam mere passiuum quid esse. Sed Deum omnibus causis secundis vim peculiarem agendi indidisse, quam semper conseruent, et secundum quam se multiplicent,
et

et alias operationes naturales edant. Ita enim commodè cunctos corporum naturalium effectus ex materiae dispositione varia posse explicari, quae dispositio a diuerso motu proveniat, ad quem omnia corpora, per insitam illam vim, apta sint.

§. X.

Sed hanc ipsam quoque hypothesin, vel ex hoc capite, admittendam non esse censuerunt alii, quod non satis clare, quid vis illa sit, intelligi queat, cum si accidens sit, effectus causa sua longe nobilior futurus esset, si substantia, pro materia aut spiritu habenda esset, quorum vtrumque difficultate non caret. Accedere aiunt, quod omnium philosophorum consensu, ideae materiae repugnet, agere, cum hoc nomine passiuum quid omnes designent; unde necessario praeter materiam, aliud principium actiuum, quodcunque demum istud sit, admittendum esse.

§. XI.

Quare in eam haud pauci ingrediuntur sententiam, omnem motum, et quicunque hinc pendent, corporum naturalium effectus, a spiritu quodam naturae provenire, qui in omnibus & singulis corporibus illud ipsum sit, quod vulgo formam appellitant. Et sane antiquissima est haec sententia, si placida et decreta philosophorum excutiamus, illis quoque tribuenda, qui totum
hoc

hocce vniuersum ex anima et corpore, seu spiritu et materia, constare, arbitrabantur, istudque adeo instar animalis cuiusdam concipiebant.

§. XII.

Non omnes tamen, quod probe observandum, et hic eadem ratione sentiunt, aut eodem modo loquuntur. Nonnulli ex veteribus, vt Stoici, ipsum Deum pro anima mundi venditabant, Deum cum natura confundentes, nec alieni adeo ab illa impietate, quam Benedictus Spinoza iterum in lucem produxit. Alii autem, vt Platonici, substantiam quandam a Deo distinctam fungi hoc officio contendebant. Inter illos autem, qui christiana doctrina imbuti sunt, quidam ipsum Spiritum sanctum, pro spiritu naturae habent, cum alii distinctam rursus a diuina essentia substantiam hoc nomine designent.

§. XIII.

Rursus alii diuersis quidem vtuntur appellationibus, idem tamen sentiunt, vt cum de *principio hylarchico*, *Archaeo*, similibusque verba faciunt, quae omnia tamen eodem tandem redire, iam pridem viris eruditis obseruatum fuit. Nec excludendi sunt, qui diserte equidem eiusmodi principium aeternum non asserunt, tale quid tamen docent, ex quo illud necessario consequatur. Sic qui sensum rebus omnibus, etiam simpli-

cissi-

cissimis corporibus inesse contendunt, vix aliter hoc explicare possunt, quam vt spiritum seu animam mundi admittant.

§. XIV.

Hi omnes itaque, licet in quibusdam forte a se inuicem dissentiant, in eo tamen conuenire videntur, quod spiritus ille in hoc vniuerso idem praestet, quod anima ceteroquin praestare creditur in corpore: quod idem spiritus sit principium, a quo actiones et operationes corporum huius vniuersi procedant, siue propriae illae sint, siue communes: quod ille spiritus in se spectatus indifferens quidem sit, habens potentiam remotam ad eliciendas quascunque operationes, sed quod idem tamen per materiae dispositionem determinetur, et tum non tantum specialem velut naturam induat, sed simul eam vnique corpori, quoad structuram partium, omnesque proprietates, conciliet formam, quae eidem conueniens esse videtur.

§. XV.

Alii paulo accuratius naturam spiritus huius indagantes, generatim quidem per spiritum id, quod actiua quadam virtute praeditum est, intelligunt, et in quo omnes res corporeae moueantur, immo quod vnice materiam moueat, extendat, diuidat, vniat, comprimant, attrahat, repellat, illuminet, calefaciat, frigefaciat, penetret, et omnium,

(V)

quae

quae in materia conspiciuntur, motuum, et operationum, causa existat. Etenim cum isti materiae nomine nihil nisi ens mere passuum designent, non possunt non omnes actiones, motus, ac operationes rerum naturalium, ad spiritum referre.

§. XVI.

Et actum quidem purissimum, summamque, quae omnes virtutes complectatur, virtutem, ipsum esse Deum, spiritum supremum, omnis expertem imperfectionis: ab eo vero conditum alium spiritum, qui immediate materiam moueat, et causa naturalium operationum existat: eumque duplicem esse, vnum, qui non modo materiam, sed spatium etiam, in quo materia mouetur, penetret, cunctaque illuminet, et calefaciat: alterum imperfectiorem, qui materiam complectatur, penetret, frigefaciat, lucemque et colorem ab altero spiritu acceptum cum ea communicet. Priorem spiritum *lucem*, item *masculinum*, posteriorem *aerem*, item *foemininum* appellant.

§. XVII.

Vtriusque istius spiritus hoc porro discrimen statuunt, quod lux et in aerem expandendo, et calefaciendo eum, agat, et per aerem in aquam, et per hanc in terram: aerem autem actionem a luce recipere, sed agere tamen in aquam et terram. Priorem spiritum

ritum esse causam omnis expansionis, posteriore omnis attractionis, et sic porro.

§. XVIII.

Ex quo sequitur, quod secundum hanc hypothesin multorum corporum, in quibus scilicet spiritus iste libere et sine impedimento se exerere potest, detur vis attractiua, proprie sic dicta, quae si admittatur, patet etiam, aliter multa corporum phaenomena, praesertim quae ad eorum magnetismos pertinent, explicanda esse, quam ex corporum speciatim aëris grauitate, elasticitate, pulsione, pressione, similibusque, vt supra ostensum est, explicari solent.

§. XIX.

Et sane, cum in speciali tractatione ostensum sit, quo pacto corporum naturalium phaenomena ex materiae dispositione explicari soleant, operae nunc pretium esset, commonstrare, quo pacto eadem ex hypothesi, de spiritu vniuersi, solui queant: sed cum facilis admodum applicatio sit, modo ipsam hypothesin quis rite teneat, hoc superuacaneum fuerit. Interim vnum alterumue speciminis causa afferre, haud abs re fuerit.

§. XX.

Nimirum omnia corpora, si hos audias, de hoc spiritu participant, vel ex spiritu hoc et materia composita sunt, licet in quibusdā magis facultas eius masculina seu lux, in ali-

is facultas foeminina seu aër, sese exerat. Idemque spiritus, cum et sentiat, et mouendi facultate praeditus sit, et appetat quoque aliquid, et auerferur, in omnibus quidem corporibus, sed diuersimode pro materiae conditione, has spiritus facultates deprehendi, contendunt.

§. XXI.

Sic in animalibus satis manifesto has spiritus istius facultates conspici, cum et sentiant, et se moueant, et grata appetant, auerferentur ingrata. Praeterea autem eundem spiritum in animalium generatione, omnia formare organa, cor, cerebrum, pulmones, ventriculum, conseruationi animalis inseruitura. Et licet vnus sit spiritus, diuersas tamen eum edere operationes, pro organorum diuersitate, ita vt in corde appetat, per ventriculum nutriat, et semen hominis generationi inseruiturum, praeparet, in cerebro cognoscat. Diuersae, inquiunt, sunt hae vnus eiusdemque spiritus operationes, cuius praecipua sedes in corde est.

§. XXII.

De homine eadem ratione philosophantur, eum haëtenus eiusdem cum animalibus esse naturae, postquam per lapsum in hanc conditionem peruenit, nisi quod propter organorum conditionem, nobiliores operationes spiritus hominis edere queat. Interim vnum et in iis esse spiritum,, qui in corde

de itidem sedem habeat, et postquam corpus commodum sibi formauit, in corde appetat, in cerebro cogitet, in ventriculo nutritionem peragat, et sic porro. Esse tamen hunc spiritum in homine, saltem certo respectu, nobiliorem spiritu cum in brutis est, cum et in brutis alio respectu operationes non minus mirandas edat, non tantum corpora brutorum formando, sed et perpetrando ea, quae ad illorum cōseruationem pertinent, vt cum aranea plane geometricè telam texit, cum aues nidos exstruunt etc.

§. XXIII.

In plantis atque mineralibus quo pacto hic se habeat spiritus, nunc facile intelligitur. Nimirum ad illas quod attinet, spiritus qui in iis est, ex horum sententia, et succum nutritium attrahit, eumque expandit, et per omnes arboris partes rite dispensat, semina quoque format, futurae arboris aut plantae partes in iis delineando. In mineralibus autem non tantum partes omnes, pro cuiusque metalli, aut similis corporis, indole disponit, sed attrahit quoque succum, nutritioni et incremento mineralium inferuientem. Namque secundum hanc hypothesin, quin vita, generatio, nutritio, incrementum mineralibus, metallis, lapidibusque tribui queat, dubio caret.

§. XXIV.

De terra, aqua, aëre, igne, quo pacto

secundum hætenus tradita philosophandum fit, itidem obscurum esse nequit. Nec dubitant, qui hæc placita sequuntur, certo sensu hæc corpora pro elementis assumere, si pura sint, sed ea ratione, ut pro igne (qui ex luce concentrata demum oriatur) lucem substituant, eamque cum aëre pro principio actiuo habeant, quemadmodum aqua et terra materiam constituent, ut tamen eiusmodi discrimen inter terram et aquam intercedat, quale inter lucem et aerem, videlicet ut utrumque corpus, aqua et terra, eundem tantum passuum quid sit, magis tamen terra quam aqua. Quod si hæc corpora vero ut mixta et composita considerentur, quicquid in iis est actionis, ad spiritum, quicquid passionis, ad materiam spectat.

§. XXV.

Sunt tamen, ut ex eorum mente hoc porro addamus, corpora hæc, ut et reliqua omnia, diuersimode mixta, ut in aliis plus sit lucis, in aliis plus aëris, in aliis plus materiae, aut aqueae aut terrestres, licet generatim corpora, in quibus materia præponderat, terrestria vocari soleant. Sic in aqua lux, aër, et materia, aequali fere proportionem commixta videntur, ita tamen, ut si modo hæc, modo alia pars præponderet, magna inde *aquarum* et adeo *vaporum*, hinc vero et meteororum, oriatur varietas.

§. XXVI.

§. XXVI.

Et ad meteora quidem quod attinet, constat iam ex supra dictis, quaedam aquea, quaedam aërea, quaedam autem ignita esse. Ignita scilicet sunt, in quibus plus est materiae sulphureae, seu lucis, aërea autem, in quibus plus est aëris; et sic porro. Aër autem cum per se seu spiritus mouendi vi polleat, ad ventos producendos nihil amplius ex horum sententia requiretur, quam ut aer istam suam vim exerere queat.

§. XXVII.

Coeli siderumque haec erit ratio: ut in coelo multum sit lucis nec parum aëris, multo minus materiae, licet lux hanc multum superet, diuersa tamen rursus proportionē, cum ratio dictitet, in sole et stellis fixis, si quidem supponamus, has eiusdem cum sole conditionis esse, longe plus lucis esse debere, et minus materiae, quam in planetis, quae corpora opaca sunt, et propria luce destituuntur.

§. XXVIII.

Sunt vero nonnulli, qui, ut siderum etiam influxus in haec inferiora ex hac hypothese explicant, supponunt, huncce totius vniuersi spiritum, qui in sideribus est, etiam facultate cognoscendi praeditum esse, quae pro astrorum diuersitate diuersimode se exerat, cumque sublunaria haec sint velut partes inferiores mundi, non posse non et

haec diuerſas ſubire mutationes , p^{ro} diuerſa ſpiritus iſtius, qui ſidera coeleſtia animat , diſpoſitione.

§. XXIX.

Iam quod ad proprietates corporum naturalium tum communes , tum ſpeciales , attinet , cunctas facile tum ex conditione materiae , tum ex natura ſpiritus ſe explicare poſſe confident. Et ſane cum principium actiuum illis in promptu ſit , videlicet ſpiritus , felicius videntur in nonnullis ſe expedire , quam ceteri. Nec elementa , ex quibus proprietates communes deriuant , reſpuunt , ſed ex ſua hypothefi explicant. Quo pacto terrae , aquae , aeri , luci , locum hic concedant , iam dictum. De tribus autem chemicorum principiis ita ſentiunt , vt materiam , cui multum ineſt lucis , *ſulphur* , cui multum ineſt aeris , *mercurium* , cui multum materiae aquae et terreſtris ineſt , *ſalem* , dicant. Atque iſta materiae ſpiritusque diuerſitas , cum eas corporum proprietates , quas ſenſibus percipimus , vt colores , ſapores , odores , etc. conſtituit , quae de his omnibus horum ſit ſententia , haud difficulter intelligitur.

§. XXX.

In iis autem proprietatibus et operationibus , quae qualitatum occultarum nomine veniunt , praecipui quid habere haec ſententia videtur , cum eius aſſertores planiſſime
cas

eas se explicare posse confidant. Enimvero, cum iuxta supra dicta, omnia corpora sentiendi facultate, diuerso tamen gradu, praedita sint, hinc mirum non est, quod ea etiam, quae inanimata credimus, vim alterius corporis, aut amicam gratamque, aut ingratham et inimicam sentiant, & hinc cum illo aut vñiri cupiant, aut remoueri atque seiungi. Et hinc omnes *sympathias* et *antipathias* fluere. Magnetismus autem ex natura spiritus aërei procedere videtur, qui si vim suam exerere possit, attrahit corpora, id quod magnetismi nomine designatur. Si quae ergo corpora sunt, in quibus hic spiritus abundat, et facili negotio vim suam attractiuam exerit, illa, magnetica gaudere virtute, dicuntur.

§. XXXI.

Vñicum hoc, priusquam hinc discedamus, addendum, quod nonnulli ex spiritus naturalis assertoribus, eundem spiritum, prout ad certam corporis speciem determinatus est, *Archaeum* appellitant, cui proinde speciales, imo specialissimae corporum operationes adscribendae sint. Nec repugnat, vñum esse spiritum, et multos archaeos, cum vñus idemque spiritus saltem diuersimode determinetur. Hanc autem determinationem fieri per *ideas* contendunt, quas adeo pro tertio, praeter materiam et spiritum, corporum naturalium principio venditant. Istas vero ideas ab ipso Deo rerum naturae infi-

(V) 5

tas,

tas, ipsa semina rerum constituere, quae deinceps per spiritum euoluantur, et expandantur, ut corpora debita inde fiant: hinc et operationes spiritus ideae esse adstrictas. Sed qui spiritum naturae cognitione instrunt, et facultate formam corpori, pro conditione tamen materiae, aliarumque circumstantiarum ratione, inducendi, non videntur opus habere ideis.

§ XXXII.

Haec ideo prolixius edisserere visum fuit, quod hodie si a mechanica philosophia discesseris, ea hypothesis de spiritu mundi valde concelebretur. De omnibus autem, quas haecenus recensuimus hypothefibus, quid nobis videatur, dicendum sit, fatendum quidem, habere omnes et commoda sua et incommoda, ut quam quis reliquis praeferrat, merito anceps dubiusque haereat.

§. XXXIII.

Possunt autem omnes hypothefes recentiorum philosophorum ad quatuor praecipue reuocari. Prima illorum est, qui cuncta ex mechanica materiae dispositione deriuant; altera illorum, qui prioribus equidem haecenus consentiunt, sed materiae Deum, ut motus auctorem adiungunt; tertia illorum, qui materiae ipsi vim mouendi atque agendi tribuunt; quarta illorum, qui spiritum vniuersi asserunt.

§. XXXIV.

§. XXXIV.

Prima facilitate et perspicuitate se commendat. Sed haud dubie insufficiens est, cum si aliud principium mouens et dirigens non admittatur, multa corporum phaenomena nullo modo ex solo mechanismo explicari queant. Interim recte illos facere puto, qui ea, quae explicari ex materiae dispositione possunt, ex ea explicant, et corporum structuram quam diligentissime rimantur. Quamobrem et nos in ipsa tractatione huc praecipue respeximus.

§. XXXV.

Altera hypothesis nodum non soluit, sed secat, Deum vt Poëtae ex machina aduocans, nec periculo, vt iam supra dictum, carens, cum per eam facile in hanc sententiam duci quis possit, vt Deum cum natura confundat, quo nullus perniciosior excogitari error potest.

§. XXXVI.

Tertia hypothesis tutior est, Deumque a creatura distinguit, primae etiam praefenda, quod per eam recte intelligitur, solam materiae, absque tali vi consideratae dispositionem, ad explicanda naturae phaenomena non sufficere. Sed eadem tamen paulo obscurior videtur, cum fere plerosque, quid vis ista sit, lateat, nec satis cum plerorumque philosophorum conceptu de materia, ceu remere passua, conueniat.

§. XXXVII.

§. XXXVII.

Vltima hypothesis simplicitate se commendat, immo et facilitate, et videntur per eam multa explicari posse: iste tamen, quem supponit, spiritus nondum satis probatus est; in multis videtur etiam materiae dispositio sufficere, vt ad inusitatum eiusmodi principium se recipere superuacaneum sit: longe aliam etiam spiritus notionem, eamque non satis claram, sed subobscuram, quam reliqui hactenus de eo sibi formarunt, inuehere videtur, vt reliqua nunc, quae vulgo contra hanc hypothesin afferri solent, praeteream. Ita quaelibet sententia sua et commoda et incommoda habet, et hactenus rerum natura latet, oculisque nostris se subducit: id quod erat demonstrandum.

CAP. VII.

de

MUNDI ASPECTABILIS ORTV,

RERVMQVE A DEO CONDITARVM

FINIBVS.

Σύνοψις.

De mundi origine duo in disputationem veniunt capita, §. I.

Dari omnino causam efficientem mundi, ratio ipsa docet, §. II.

Eum etiam habuisse initium, rationibus aamodum serosimilibus probari potest, §. III.

Circa sacram creationis historiam

*storiā, quae moueantur
dubia, §. IV.*

*Rationes illorum, qui non
totius mundi, sed nostri
saltem orbis originem ibi
describi contendunt, §.
V. VI.*

*Quid secus sentientes ad has
respondeant, §. VII.*

*An Mosaica historia intelli-
genda sit de creatione ex
nihilō, §. VIII.*

Considerandum quoque esse

*finem rerum creatarum,
§. IX.*

*Finis specialis singulorum
corporum et partium, ex
quibus constant, §. X.*

*Ex quibus colligitur vniuer-
salis totius mundi, §. XI.*

*Duo hic extrema, ne ex fine
incerto definiamus natu-
ram corporum, aut fi-
nium considerationem
prorsus eliminemus, se-
dulo euitanda sunt, §.
XII. XIII.*

§. I.

SVpereſt vt diſquiramus, extiteritne ſem-
per mundus hicce aſpectabilis, an ortus
ſit, cum antea non eſſet, et quo pacto hoc
contigerit. Qua in re duo ſtatim probe a ſe
inuicem diſtinguenda, ſecernendaque ſunt:
alterum, an mundus a ſe ſit, et nullam cau-
ſam efficientem agnoſcat? alterum, an reue-
ra tempus aliquod fuerit, quo mundus hic a-
ſpectabilis non extitit.

§. II.

Ad prius quod attinet, omnis rationis ex-
pertem eſſe oportet, qui non ſupremam
quandam cauſam, quae haec omnia effece-
rit, agnoſcat. Alterutrum enim neceſſe eſt,
vt affirmetur, aut fortuito quodam caſu haec
omnia extitiſſe, et quae quotidie videamus,
peragi: aut a cauſa quadam, ſapientiſſime
cuncta dirigente, procedere. Prius ſibi
perſua-

persuadere, absonum : cum plane secum pugnet, fortuito casu contingere, et sapientissime tamen legeque perpetua et constanti, quae nunquam migretur, fieri. Quod si posterius sit, eam causam summam sapientia et perfectione praeditam, adeoque separatam a materia esse oportet, qualis praeter Deum nulla alia est.

§. III.

Interim videtur, posse mundum a Deo ceu causa dependere, ut tamen semper extiterit, id quod alterum inquisitionis nostrae caput est. Et sane si discedas hic a scriptura sacra, et solam rationem audias, multis quidem admodum verosimilibus rationibus, ut ex hominum multiplicatione, artium inuentione et progressu, similibusque, probari potest, saltem cum, quem inhabitamus orbem, et ea quidem forma, qua hodie gaudet, non semper extitisse : apodiectice tamen hoc demonstrari non potest. Vnde et multi philosophorum gentilium in ea fuere opinione, mundum hunc aeternum esse, seu semper extitisse.

§. IV.

Ad scripturam sacram ergo si accedamus, haec satis quidem laculenter docet, *initio coelum et terram a Deo creatam*, sed duo tamen hic occurrunt capita, de quibus hodie eruditos acriter inter se disceptare videas. Primum illud est, an omnino ex nihilo mundum

dum factum esse Moses hic doceat, an vero ex praeexistente quadam materia: alterum, an ista creationis historia intelligenda tantum sit de nostri orbis seu telluris productione, an vero de productione huius vniuersi. De posteriore primo loco dicemus; ut tum pateat, quid de priori sit existimandum.

§. V.

Nimirum qui nostri saltem orbis historiam ibi describi existimant, in eam se inductos sententiam profitentur, quod plurima absone uitari non possint, si supponatur, sermonem facere Mosen de productione huius vniuersi. Namque telluri, v. g. tres dies destinari, reliquis planetis omnibus vnum, scilicet quartum: maxima illa corpora, quae nostram tellurem multis modis superant, ut solem et stellas fixas, cum planetis, a quibus tamen admodum differant, in vnam classem conii- ei, oaque paucis verbis attingi, cum proluxa contra de tellure nostra instituat narratio, et quae alia sunt, eiusdem commatis.

§ VI.

Contendunt praeterea, *creare* in scriptura sacra, haud raro idem esse, ac *perficere*, *exornare*, *ad debitum statum perducere*, voce autem *mundi*, itemque *coeli* ac *terrae*, haud raro nostrum tantum, quem inhabitamus orbem, atque tellurem designari. Unde nihil in Mosaica narratione occurrere concludunt, quod non de nostri tantum orbis

bis efformatione intelligi queat. Quando autem sol et luna, et reliqua sidera creata itidem dicuntur, hoc ita intelligendum esse, quod subsidente tum crassiore materia, quae aerem replebat, ab incolis huius orbis primum conspici potuissent. Et ita rationem reddi posse, cur tam paucis verbis horum corporum iniciatur mentio, sicut et reliqua incommoda, antea indicata, tum sua sponte cessent.

VII.

Qui autem secus sentiunt, non sine ratione sequentia vrgent: multa hic fingi absona, quae animo praeiudicatis opinionibus vacua talia non videantur: coelestium corporum ideo paucis saltem iniici mentionem, non quod eo tempore producta non sint, sed quod diuinus scriptor ad scopum suum, qui erat cum primis nostri orbis originem docere, hoc non iudicaverit esse necessarium: temerarium esse, primo sibi ipsi certam comminisci hypothesin, et tum scripturam sacram obtorto ad eam rapere collo, et quicquid cum ipsa hypothesi non convenit, ut absonum reiicere: vocem *creare* significare quidem interdum, *perficere* et *exornare*, per *mundum*, itemque *coelum* et *terram*, denotari quandoque hunc saltem orbem, sed inde nondum euiectum esse, quod hic quoque ea significatio obrineat: audaciam esse non ferendam, historicas narrationes in tropos, allego-

legorias, et improprias locutiones conuertere, saltem vt cum nostra hypothefi consentiant, et quae reliqua sunt eiusdem generis.

§. VIII.

Constat autem ex dictis, illos, qui historiam Mosaicam, de nostri tantum orbis productione intelligunt, simul contendere, quod Moses neutiquam loquatur de tali creatione, quae productionem ex nihilo infert. Sed et hisce, qui ita existimant, opponi potest, Mosen primum materiae, et tum rerum ex materia productarum, originem describere. Materiae ergo productio aut ex nihilo facta est, aut ex realiqua praeeistente: posterius absonum, materiam ex materia creari, ergo prius admittendum, velle Mosen innuere productionem materiae ex nihilo.

§. IX.

Et ita quidem causa efficiens huius vniuersi, Deus optimus, maximus, sapientissimusque conditor, constat. Eum vero sine sapientia summa quicquam constituisse, dubitare nefas. Nostrum ergo officium est, vbique sapientiam hanc rimari et venerari. Id vero non commodius fieri potest, quam si ad fines rerum conditarum sedulo diligenterque attendamus.

§. X.

Nimirum ex tota hac tractatione abunde patet, omnia, etiam minutissima corpora ita comparata esse, vt ad conseruationem natu-

(X)

rac

rae suae conuenientem sapientissime sint aptata. Vel singula membra corporis humani, singulae animalium, plantarum, mineralium partes, hoc loquuntur aperte. Immo tanta sapientia cuncta sunt constructa, vt si quis serio ea expendat, deprehensus sit, imperfectum quodlibet corpus futurum fuisse, si aliter, quam est, pronaturae et finis conditione, constructum fuisset.

§. XI.

Ex specialibus autem singulorum corporum, et partium, ex quibus singula corpora constant, finibus, merito colligitur generalis, qui est gloriae, et potentiae, et sapientiae diuinae manifestatio. Et cognoscitur sane ex diligenti rerum creatarum consideratione, esse Deum bonitatis omnis fontem, eundem tamen vt longe potentissimum, ita longe etiam esse sapientissimum. Quare isti demum recte in rerum omnium contemplatione versantur, qui huc omnia referunt.

§. XII.

Est tamen et hic quaedam adhibenda cautio. Sunt namque nonnulli, qui finem incertum nec dum satis exploratum, pro certo assumentes, naturam corporum ita debere esse comparatam, inde collegerunt, ut hic finis obtineri posset. Ex quo cum non possent non grauissimi errores sequi, alii in hanc ingressi sunt sententiam, intermittendam et proscribendam prorsus esse finium considerationem.

rationem, immo non posse nos cognoscere vllum finem Dei, in creatione naturarum corporearum, nisi Deus eum ipse reuelaerit.

§. XIII.

Sed et hic media incedendum est via. Non est temere finis assumendus, sed ex corporum structura et conditione finis est eruendus. Et sane cum experientia doceat, corporum structuram aptissimam esse, ad eum effectum edendum, quem ista corpora edere debebant, cumque haec Deum sapientissimum auctorem agnoscat, quis dubitare ausit, finem seu scopum Dei in corporis huius efformatione fuisse, quem et partium structura, et ipse effectus luculentissime prodit? Vnde nulla hic opus est speciali reuelatione Dei, sed mentis saltem attentione, vt finem corporum intelligamus, et per eius considerationem, ad sapientiam Dei et agnoscendam, et concelebrandam, manuducamur.



PHILOSOPHIAE THEORETICAE
PARS SEXTA

DE

SPIRITIBUS, TUM CREATIS,
TUM INCREATO, SEU DEO.



CAP. I.

de

SPIRITIBUS CREATIS.

Σύνοψις.

Traſſationis ratio et ordo,

§. I.

De ſpiritu humano, §. II. III.

*Praeter humanum et alios
dari ſpiritus, probatur ex
experientia, §. IV.*

*Vis et efficacia huius argu-
menti ulterius cdiſſeri-
tur, §. V.*

*Quaenam horum ſpirituum
ſit natura, §. VI.*

*An iſti ſpiritus ſint imma-
teriales, §. VII.*

*An eſſentia illorum conſiſtat
in cogitatione, & hinc
probari queat, eos omnis
materiae eſſe expertes,
§. VIII.*

*Quid ſcriptura ſacra de
ſpiritibus creatis doceat?*

§. IX.

*Hinc quae illorum ſit natu-
ra, colligitur, §. X.*

*Speciatim quod intellectu et
ſoluntate gaudeant, §. XI.*

*Et potentia mouendi corpo-
ra, licet, quanta haec ſit,
non conſiſt, §. XII.*

*Eſſe eos ſed bonos, ſed malos,
§. XIII.*

*De ſerorumque libertate et
praeflationibus, §. XIV.*

*De malorum ſpirituum ope-
rationibus reliquis, ſpeci-
atim de hominum obſeſſi-
one, §. XV. XVI.*

De magia, §. XVII. XVIII.

*An ſpiritus per res corpore-
as, itemque certas figuras
et characteres moueri
poſſit? §. XIX. XX.*

*De ſpectris quid cenſen-
dum? §. XXI. XXII.*

§. I.

CVM praeter mundum hunc aſpectabi-
lem et alius iuuifibilis detur, nec hic
philopho praetermittendus eſt. Spi-
ritu-

(X) 4

ituum autem cum duo sint genera , creati alii , atque finiti , alius autem increatus atque infinitus , idemque vtriusque mundi et visibilis et inuisibilis auctor atque causa , primo de illis , tum et de hoc , quantum licet , proferemus.

§. II.

Quod ad creatos itaque spiritus attinet , ad eos ipsum hominis spiritum , seu mentem , referre nullus dubito. Etenim esse in nobis aliud quid praeter corpus , ipsaemet cogitationes nostrae docent nos , atque conuincunt. Certe longe alias in eo , quam in corpore , operationesprehendimus. Istud ipsum vero , quod vult , intelligit , cogitat , cum nemo oculis vsurpauerit , aut vsurpare possit , recte pro substantia inuisibili , seu spirituali habetur.

§. III.

Praeterea cum nobis conscii non sumus ullius existentiae , priusquam corpore vestiti , in hoc mundi theatro comparuimus , nec spiritum istum antea extitisse , credibile est. Ergo spiritus iste ab alio originem habet , estque creatus. Naturam autem et essentiam huius spiritus , id quod maximopere mirandum , prorsus ignoramus. Post accuratissimam enim inquisitionem nihil aliud dicere possumus , quam spiritum nostrum esse substantiam inuisibilem , facultate volendi , hoc est , appetendi atque auersandi , cognoscendi , fortassis etiam mouendi corpus , praeditam. Istae autem facultates , cum non prorsus repugnet ,

gnet, quo minus in substantia materiali sint, ratio quidem non demonstrare potest, eum spiritum materiae esse expertem, aliunde tamen abunde constat, eum et immaterialem esse et immortalem,

§. IV.

An vero praeter hunc, qui in homine est, spiritum, adhuc alii dentur, disquiri solet. Ego illis accedo, qui omnino dari contendunt. Potest autem hoc quam rectissime probari ex illorum testimoniis, qui ipsa experientia hoc edocti sunt, oculis suis, sensibusque externis reliquis, eiusmodi operationes percipientes, quae non potuerunt non a substantiis a se distinctis, inuisibilibus, mouendi corpora aptis, facultate cognoscendi seu intellectu et voluntate praeditis, proficisci.

§. V.

Hoc argumentum, licet multis leve videatur, si tamen recte expendatur, est longe efficacissimum. Namque testimonium tot hominum, tanto temporis spacio, tot locorum interuallis, a se inuicem remotorum, qui nullo modo omnes falli, multo minus ut alios fallerent, conspirare potuerunt, summum merito apud omnes praeiudicatarum opinionum vacuos verosimilitudinis obtinet gradum, imo quam proxime ad demonstrationem accedit, ut alibi ostensum. Esto ergo, deceptos alios, alios esse deceptores;

(X) §

esto

esto falli oculos, aures, manus, omnesque sensus et internos et externos posse; nihil hoc nobis nocet. Non enim sequitur: falluntur saepe homines, ergo semper: falluntur multi, ergo omnes.

§. VI.

Ast ad naturam horum spirituum quod attinget, fatendum est, eam rationi neutiquam perspectam esse. De ea enim nihil nobis constat, nisi quod ex testimoniis illorum, qui horum spirituum operationes perceperunt, videatur colligi posse, eos aequae ac homines intellectu ac voluntate esse praeditos, et vi insuper gaudere corpora mouendi, et hoc ipso varios effectus, etiam tales, qui supra hominum vires positi sunt, edendi.

§. VII.

An vero spiritus isti materiae omnis sint, expertes, an non? aut si credatur, quosdam expertes esse, an omnes eiusdem sint naturae? denique, si corpore inuisibili praediti credantur, an ipsa illorum essentia sit materialis an vero corporibus subtilioribus sint adiuncti, ut mentes humanae corpori crassiori? id vero est, quod difficulter admodum, sola praesertim ratione duce, definiri potest. Chaldaei quidem veteres, et Platonici, pariter ac Pythagorei, videntur omnibus spiritibus, excepto Deo Deorum, ut loquuntur, corpus tribuisse, sed tenuius multo, quam nostrum est, ea ratione, quod corpus tenuissimum

issimum mentibus istis per se incorporeis semper adesset, quemadmodum et mentes humanas, hoc crasso corpore destitutas, subtiliori tamen, *ὄχημα* vocant, seu vehiculum, semper indutas esse, docebat. Quam quidem sententiam, quae praecipue traditione niti videtur, multi ex veteribus scriptoribus christianis secuti sunt.

§. VIII.

Multi contra ex recentioribus, intimam spirituum naturam se penitus perspexisse, fidenter satis arbitrati sunt, cum dixerunt, ipsam spiritus essentiam consistere in cogitatione. Quae ipsa tamen sententia multis obnoxia est incommodis, ut ex sequentibus patebit. Enim vero, licet omnes spiritus, quantum nobis constat, cogitent, ex eo tamen non sequitur, ipsam illorum essentiam consistere in cogitatione. Essentia et spirituum, et corporum, nobis incognita est. De utrisque nihil nisi proprietates quasdam et operationes cognoscimus. Ergo temerarium est, si quis dicat, naturae materiali repugnare, si cogitet. De re enim nobis incognita, quid ei repugnet, aut non repugnet, nullo modo asserere possumus. Nullo itaque minus inferre licet: spiritus cogitant, ergo sunt immateriales. Cetera, quae eidem hypothese superstruuntur, sua sponte nunc corruunt.

§. IX.

Ceterum cum pauca admodum sint, quae
ex

ex ratione et experientia de spiritibus nobis innotescant, frequentissima contra in scriptura sacra eorum iniiciatur mentio, non abs re faciunt, qui hanc, cum de iis sermo est, in subsidium vocant. Ex scriptura itaque sacra constat; spiritus istos a mentibus hominis esse distinctos, imperio tamen diuino subiectos: eosdem corporibus interdum sub humana specie indutos apparuisse, quae tamen corpora iterum subito euanuerint: et quae reliqua sunt, his similia.

§. X.

Ex quibus id quidem manifestum est, dari spiritus, nec eos corpora nostris similia habere, et licet in se materiae omnis sint expertes, posse tamen eos corpora assumere. Ex eo etiam, quod spiritus isti sermones cum hominibus conseruere, et iussu Numinis varia obierunt ministeria, recte colligitur, illos in eo mentibus humanis similes esse, quod intellectu pariter ac voluntate praediti sint.

§. XI.

Et intellectus quidem vel ex sermonibus, quos habuerunt, euidenter colligitur. An vero eodem se habeat modo, quo intellectus humanus, definiri nequit, et quicquid haec de re vulgo dicitur, merae coniecturae sunt, eaeque admodum incertae, quibus immorandum non est. Intellectus autem seu cognitio cum sit voluntatis gratia, quin
haec

haec etiam angelis competat, dubitari nequit. Id vero etiam testantur affectus, quos scriptura sacra illis tribuit, sed *mentales* ut intelligamus par est, siquidem supponamus eos materiae omnis esse expertes.

§. XII.

Quemadmodum autem natura spirituum, ita et operandi potentia, qua gaudent, nobis ignota est. Hoc constat, posse eos agere in corpora eaque mouere. Videtur etiam ex iis, quae scriptura sacra de iis tradit, colligi posse, multo maiorem spirituum circa materiam vim esse, quam hominum, quandoquidem ipsi corpora sibi formare queant, quibus se conspiciendos praebeant, id quod positum est supra vires hominum. Interim quousque haec potentia illorum se porrigat, et annon per singularem Numinis dispositionem ea quandoque aucta sit, ut non semper perpetrare possint, quae aliquando perpetrasse leguntur, id vero iterum nostri intellectus captum multum superat.

§. XIII.

Docet vltcrius scriptura sacra, spiritus vel bonos, vel malos esse. Qui materiales omnes spiritus esse contendunt, in bonis, optimam materiae lucidissimae harmoniam et proportionem, in malis, inaequalem materiae crassioris diuersi generis mixturam, statuunt. Sed scriptura hoc saltem ostendit,
bonos

bonos angelos nihil cupere aliud quam quod Deo placeat, eiusque ubique obedire voluntati, malos in alia omnia ire, et pravis semper agitari propensionibus.

§. XIV.

Atque hinc, cuiusmodi sit spirituum libertas, diiudicari potest, praesertim si huc aduocentur, quae alibi de hominis libertate disputantur. Mali, postquam mali facti sunt, necessario naturae impetu, in mala feruntur, boni in bona: quo ipso tamen hi longe liberrimi censendi sunt. Haec enim vera libertas est, non posse ruere in mala. Bonos insuper hominum quoque, maxime piorum curam custodiamque, iussu Numinis gerere, ex diuinis itidem discimus litteris: an vero unicuique hominum suus assignatus sit angelus seu genius, affirmari non facile potest, licet multi ex ecclesiae quoque veteris christianae doctoribus, in ea versentur opinione. Malorum vero haec est indoles atque natura, ut hominibus non possint non, si quidem vires illorum huc pertingant, nocere.

§. XV.

Inter reliquas vero malorum spirituum operationes, quibus hominibus nocent, tres cum primis celebrari solent, *obsessio*, *pacta cum magis inita*, et *spectrorum tumultus*. Et ad *obsessionem* quod attinet, caute hic incedendum esse, omnino existimo, cum non in-

cogni-

cognitae modo sed prorsus stupendae sint animae humanae, melancholico motu agitatae, vires. Facile itaque credo, nonnullos pro energumenis seu obsessis haberi, qui tamen furore saltem, aut alio morbo melancholico laborant.

§. XVI.

Quod si tamen eiusmodi effectus praesto sint, qui nullo modo per vim humanae mentis, quantacunque sit, produci possunt, v. g. si lapides, oua, vitra, et id genus alia, e pectore, aliisque corporis partibus egerantur, id quod factum subinde fuisse, historiarum monumentis fide dignis constat, tum quin eiusmodi homo pro vero obsessio haberi debeat, dubitari nullo modo potest. Idque eo minus, quod nihil obstat, quo minus spiritus aliquis eiusmodi quid perpetrare possit, cum secundum nostram sententiam ei omnino vis agendi in materiam, et mirabilia perpetrandi, competat.

§. XVII.

Ac *magiam* quod attinet, supponimus, eam consistere in pacto expresso inter hominem et spiritum malignum inito. De eo itaque quaeri possit, an eiusmodi pacta sint possibilia? deinde, an reuera vnquam facta sint? De priori non videtur esse dubium, cum, ut supra obseruatum, spiritus intellectu et voluntate gaudeant: id quod cum et de homine constet, consentire in certum placitum pos-

possunt, adeoque pacta inire. Quod si vero quaeratur, an facta sint? rursus ad testimonia illorum, qui se eiusmodi pacta iniisse confessi sunt, recurrendum. Ad haec si regeras, posse eiusmodi homines falli, saepius etiam tales confessiones metu esse extortas, sciendum, hinc nihil aliud sequi, quam non temere confessionibus istis fidentum esse, omnes esse reiiciendas, non sequitur.

§. XVIII.

Quae moueri ceteroquin hic dubia solent, cur mali spiritus eiusmodi pacta ineant, cur non in omnibus magorum voluntati obsequantur, cur plerumque per media naturalia id efficiant, quod magi cupiunt, et quae sunt id genus alia, eiusmodi sunt, ut si ad ea responderi non posset, ideo tamen pactorum eiusmodi certitudo non labefacteretur. Interim cogitandum, naturam spirituum non satis cognitam esse, frustra-que adeo illos esse, qui operationes spirituum ita sibi explicari volunt, ut nihil dubii superfit.

§. XIX.

Idem censendum, cum quaeritur, an per res corporeas, aut per figuras, vel characteres occulta quadam vi in spiritus agentes, isti spiritus moueri, et ad certas actiones determinari queant. Sane cum natura spirituum nobis prorsus sit incognita, non videtur

tur absolute negari posse, nullam corporum quorundam in spiritus efficaciam esse: temerarium tamen est, hoc affirmare, praesertim cum vix analogia inter figuras, seu characteres, et spiritum excogitari possit. Impium vero et nefandum scelus est, huius rei experimentum capere, cum isti homines iuratos Numinis hostes, seu malignos spiritus, in subsidium vocando, palam voluntatem abnegandi Deum ostendant.

§. XX.

Hic vero experientia, ad quam forte miseri isti prouocant, vt probent, dari naturalem modum flectendi ab obsequium suum spiritus, eos parum iuuabit. Namque id saltem per experientiam sciunt, modo sciant, ad certos characteres aut ritus, certos sequi spiritus motus. Sed inde non sequitur, quod isti characteres, aut, ritus istius rei causa sint, agantque in spiritus. Possunt enim spiritus sua sponte, ad homines in sua superstitione confirmandos, illorum votis obtemperare, vt illi hoc magicae disciplinae efficacia factum putent, et fallacia non causae vt causae, se aliosque turpiter decipiant.

§. XXI.

De *speculis* ita censendum, hoc nomine ipsos venire malignos spiritus, prout operationibus in sensus externos incurrentibus se manifestant. Qua in re multos, sensuum et imaginationis fallaciis, iterum decipi, lubens

(Y)

con-

concedo, ut videre, ac audire se quid putent, quod tamen non vident, aut audiunt. Nonnunquam tamen istae operationes spirituum tam manifestae sunt, ut nullo modo aut sensuum deceptionibus, aut aliorum hominum fraudibus imputari queant.

§. XXII.

Quod si quaeras, cur certa loca spectris infestentur, cur certis hominibus appareant, reliquis non item, et quae id genus alia, ingenue profiteor, eius rei me nescire causam, quia ignoro essentiam et naturam horum spirituum. Ideo vero non omnia, quae narrantur, in dubium vocanda sunt. Verosimile videtur, in natura spirituum esse aliquid, quod ad certa loca magis eos attrahat, quam ad alia, posse etiam in certis locis aut hominibus plura aut pauciora impedimenta, quominus in eos agere queant, per causas naturales, sed nobis absconditas, poni, sed certi quid hac de re affirmare, temerarium foret.

CAP. II.

BEKKERIANISMVS REIECTVS.

Σύνοψις.

*Institutum Balsbazaris Bekkeri, §. I.
Hypothesis eius praecipua;*

essentiam spiritus consistere in cogitatione, adeoque

oque mouere corpora non posse, §. II.

Existentiam spirituum creatorum ex ratione probari posse negat, §. III.

Quid scriptura sacra secundum Bekkerum de spiritibus doceat, §. IV.

Plerasque spirituum operationes, quae illis in sacra scriptura tribuuntur, metaphorice esse intelligendas, §. V.

Speciatim quae de operationibus angelorum narrantur, §. VI.

Quid intelligat per angelos, qui apparuerunt Abrahamo, qui Deo praefati fuerunt, cum legem promulgaret, ita per eum, qui genti Israeliticae praecituit in deserto, §. VII.

Quid per diabolus? §. VIII.

Quid sentiat de lapsu primorum parentum, de seductione Davidis, de lite Michaelis angeli cum Satana, §. IX.

Quid per magos et veneficos intelligat? §. X.

De obsessis quid censeat? §. XI.

Itemque de spectris, §. XII.

Praecipua Bekkeri hypothesi reuocatur, §. XIII.

At, qui asserit essentiam

spiritus consistere in cogitatione, negare teneatur vim eius operandi in corpora, §. XIV.

De existentia spirituum, quae tradidit Bekkerus, quouque admitti queant, §. XV.

Quae ex scriptura sacra de spiritibus admittere videtur, an recte se habeant, §. XVI.

Perperam supponit, spiritus malos post lapsum statim in orbem aëtriosos, nec tamen id probat, §. XVII.

Nec iustitiae diuinae rationis quid postulat, §. XVIII.

Perperam praeterea contendit, quae in scriptura sacra de spirituum operationibus traduntur, metaphorice esse intelligenda, §. XIX. XX.

Nec ad generationem Deo conciliandam hoc pertinet, §. XXI.

Quod Deus angelorum ministerio ad bonos custodiendos utatur, licet interdum et aliis rebus creatis ad eundem finem utatur, §. XXII.

De exemplis §. VII. allatis, quod perperam existimet, §. XXIII.

*Sententia Bekkeri de diabolo
refellitur, §. XXIV.*

Exempla ex eius mente §. IX.

*allata vindicantur, speciatim de lapsu primorum
parentum agitur, §. XXV.*

*De tentatione Christi, §.
XXVI.*

*De Magic, quae docuit, pro-
figantur, §. XXVII.*

Itemq. de obsessis, §. XXVIII.

Vi et de spectris, §. XXIX.

*Commoda, quae ex sua sen-
tentia fluere putat, fru-*

*stra ab eo iactantur,
§. XXX.*

§. I.

Consopitas quodammodo eruditorum concertationes, de existentia et operationibus spirituum, resuscitavit, denuoque in scenam produxit nostra aetate Balthasar Bekkerus, qui magno eruditionis apparatu, nec minori ingenio hoc egit, ut si non existentiam, saltem operationes, quas magno consensu plerique mortalium spiritibus tribuerunt, in dubium vocaret. Atque haec eius sententia cum passim hodie ab aliis propugnetur, ab aliis reiiciatur, operae pretium fuerit, nec a nostro instituto alienum, quid de ea sentiendum sit, paucis explicare.

§. II.

Primo itaque observandum, quod cum Renato Cartesio essentiam spiritus constituat in cogitatione. Id quod ipse diserte profitetur Bekkerus *Mund. Fascin. lib. II. cap. VI. §. XI.* Hinc vero facile in eam est ingressus sententiam, non posse spiritus aut in corpora, aut in alios spiritus agere; (quanquam posterius concedere videri velit Bekkerus) cum

cum nemo facile hoc concipere possit, quo pacto res mere cogitans, sola cogitatione aut mouere corpus, aut cogitationem in alia substantia excitare queat. Atque hoc *πρῶτον* videtur esse totius systematis Bekkeriani *ψῦδός*.

§. III.

Atque hoc cum de mente humana certum esse concedat, ita an praeter eam alii adhuc sint spiritus, nondum satis illi euictum videtur. Immo ex sola ratione probari existentiam eiusmodi spirituum posse, diserte negat, *l. c. lib. II. cap. VI.* Adeoque quicquid secundum Cartesium de natura spirituum disputat, id ex hypothese disputat, si scilicet ponatur, eiusmodi spiritus dari, ut ibidem ipse fatetur.

§. IV.

Quod tamen ex ratione non constat, id ex scriptura sacra innotescere dicit: haec vero quae de spiritibus testetur, huc redire: praeter mentem hominis dari alios spiritus, corporis expertes, quos scriptura angelos, id est nuncios adpellit: eos partim bonos, partim malos esse: bonos angelos esse ministros Dei, et custodes fidelium: caput malorum angelorum diabolum et satanam dictum, seduxisse hominum genus: eundemque cum hominibus improbis aeternis cruciatibus a Deo destinatum esse. *lib. II. cap. VIII. §. IV.*

(Y) 3

§. V.

§. V.

Reliqua autem , quae de spirituum tum bonorum, tum malorum operationibus scriptura sacra docet, vulgo minus recte intelligi. Nimirum non proprie, sed metaphorice haec intelligenda esse, ita ut, quae Deus ipse aut immediate aut per causas naturales efficit, scriptura angelis tribuat, tum ut hominum se accommodet captui, tum ut Θεο-πεποιώς loquatur, atque diuinæ maiestatis opinionem, hac ratione apud homines excitet, augeatque. Atque hoc generatim asseritur, confirmaturque *lib. II, cap. X. XI.*

§. VI.

Hinc quae circa hominum custodiam, aut alia commercia, quae angelis cum hominibus intercedere dicuntur, illis in scriptura sacra tribuuntur, ita explicat, ut per angelos aut homines alios, aut creaturas, quorum opera Deus utitur ad mala ab hominibus auertenda, aut beneficia illis conferenda, intelligi doceat. Saepius etiam, cum Deus per angelos hominibus aliquid reuelasse dicitur, aut indicasse, hoc aut per visionem, aut alia ratione factum fuisse, scriptura more humano cuncta angelis tribuente, ut Deum semper ceu Regem, multis ministris et satellitibus stipatum, mortalibus sisteret. *lib. II. cap. XIII.*

§. VII.

Speciatim per angelos, qui Abrahamo apparue-

paruerunt, homines intelligi docet, *lib. II. cap. XIV.*, per eos, qui Deum cum legem suam genti Israeliticae promulgaret, comitati dicuntur, tonitrua, fulgura, et cetera naturae phaenomena, quibus Deo maiestatem suam reuelare tum placuerit, intelligenda contendit; vt contra angelus, qui genti Israeliticae praeiuit, nihil aliud quam nubem iis praemissam significet, *cap. XV.* eiusdem libri, et sic porro. Angelos autem tutelares tum integrarum gentium, tum singulorum hominum, prorsus explodit et pro commentis habet, *cap. XVI.*

§. VIII.

Per diabolum nihil aliud intelligit, quam homines prauos nobis inimicos, qui aut vi aperta, aut consiliis callidissimis, nos perdere annituntur, itemque prauas nostras cupiditates, quibus ad crimina, et varia peccatorum genera sollicitamur. Et id quidem generatim edisserit *lib. II. cap. XVII. XVIII.* sequentibus.

§. IX.

Hinc porro de lapsu primorum hominum docet, non aliter eum intelligendum esse, quam quod ad exemplum diaboli, suis cupiditatibus obedientes peccauerint. *cap. XX.* De Christi seruatoris nostri tentatione ita existimat, non quidem a diabolo eum tentatum, sed re praesentasse eum sibi prauas cupiditates, ac si per eas tentaretur, vt in omni-

bus nobis similis fieret *cap. XXI.* De Dauide, quem satanas instigasse dicitur ad numerandum populum, idem pronunciat, de prauis nimirum huius Regis cupiditatibus, quibus succubuit, hoc esse intelligendum *cap. XXII.* De lite autem diaboli et Michaelis super corpore Moſis, cuius Iudas apoſtolus mentionem iniicit, ita arbitratur, per diabolum, forte pariter ac per Michaelem intelligi doctores eccleſiae aut ſacerdotes, quorum vnus corpus Moſis proferri idololatriae cauſa voluerit, cui alter reſtiterit, aut quorum vnus pro legis Moſaicae obſeruantia pugauerit, renitente et reclamante altero, *cap. XXIII.*

§. X.

Iam quid de iis, quae quotidie narrantur, ſpirituum operationibus Bekkerus ſentiat, quilibet facile coniectura aſſequi poteſt. Omnes negat. Speciatim ad *magos* atque *veneficos* quod attinet, hoc nomine in ſcriptura ſacra non venire homines, qui ex pacto diabolum ad mirabilia perpetranda ſibi habuerint obnoxium, ſed philoſophos, arcana naturæ edoctos, et hac notitia ſua ad talia perpetranda, quae captum vulgi ſuperant, abutentes, daemonum tamen comērcia praeſeferentes, tum vt eo maiorem ſibi conciliarent auctoritatem, vt quibus ad ſemideos, tam facilis aditus eſſet, tum vt homines in ſuperſtitione ac idololatria, philoſophis iſtis ple-

plerumque magna commoda afferente, continerent. Hoc fere auctor per integrum *librum* III. operis agit, maxime tamen *cap.* XIII. quae ad caput causae pertinent, in summam colligit.

§. XI.

Quae de obsessis vulgo narrantur, maximam partem pro fictis habet, aut, si quid veri subsit, a morbis melancholicis aut occulta quadam absconditaque naturae efficacia proficisci. Et morbos quoque certos in scriptura sacra daemonum nomine venire, a quibus liberati dicantur, qui sanitati fuere restituti. Et hoc in quarto praecipue libro sibi euincendum sumsit, praesertim *cap.* VI.

§. XII.

Quae de *speculis* traduntur, false ridet, penitusque explodit. Omnia nimirum aut hominum fraudibus, aut sensuum internorum et externorum erroribus tribuit. Foecundus admodum est in congerendis rationibus et exemplis, quibus euincat, putasse homines saepissime, se videre, se audire aliquid, quod nunquam viderint, nunquam audiuerint. Hoc passim in opere vniuerso inculcat, cum primis tamen in vltimis etiam quarti libri capitibus, videlicet XVI. et sequentibus.

§. XIII.

Haec summa est scripti Bekkeriani, quod nunc paucis sub examen reuocabimus, in quantum hoc ad nostrum institutum perti-

net. Et primo quidem quod ad fontem erroris attinet, cum iam supra velut obturauimus, demonstrando, quod essentia spiritus neutiquam consistat in cogitatione. Et licet non negemus, inter praecipuas spirituum proprietates hanc a nobis deprehendi, ex eo tamen non sequitur, quod cogitationes naturam essentiamque spiritus constituent. Afferimus porro praeter cognitiones, multas alias posse spiritibus competere proprietates, et inter illas etiam facultatem mouendi corpora. Quo posito, statim totum *systema Bekkerianum* corruit.

§. XIV.

Sunt equidem etiam ex discipulis Renati Cartesii, qui hanc consequentiam quouis modo a se amoliri annuntiantur. Quos suo equidem facile abundare patior sensu. Praesertim si afferant, praeter cogitationem spiritibus competere facultatem operandi in corpus, res salua est: licet fatear, me non capere, quo pacto res, cuius essentia in cogitatione consistit, agere in corpus queat. Quicquid huius sit, si quis supponat, mentem hominis mouere corpus, cui iuncta est, ita ut ipsa mens, non Deus, motus istius causa sit, licet modum ignoremus, is ex eo statim conuinci potest, non esse *εδύνατον* ut, spiritus agere in corpus queat. Sed quicquid huius sit, nobis sufficit, principem Bekkeri errorem demonstrasse.

§. XV.

§. XV.

Iam quod ad existentiam spirituum attinet, non magnopere cum eo contendemus, an illa ex sola ratione demonstrari possit. Cum enim scripturam aperte non reiiciat, sufficiet, ex ea hanc certissime probari posse. Interim quod ex ratione omnino clarissime euinci queat, iam supra a nobis ostensum est.

§. XVI.

Bene quoque facit, quod nonnulla, quae scriptura sacra de spiritibus tradit, admittit, modo serio admittat. Dubitari enim omnino hac de re posset, cum inter ea, quae scriptura de spiritibus doceat, referat, caput malorum spirituum, diabolus, seduxisse hominum genus: deinceps tamen contendat, hoc improprie esse intelligendum, quia primi homines ad exemplum satanae peccauerint. Qua in re si sibi ipsi contradicere nolit, fateatur necesse est, se, cum asseruit, ex scriptura sacra constare, quod satanas hominum genus seduxerit, improprie hoc intellexisse. Eademne itaque ratione, annon etiam cetera, quae ex scriptura sacra constare affirmat, intelligat, merito dubitatur.

§. XVII.

In eo autem male agit, quod cum hanc ipsam de spiritibus notitiam, quam scriptura suppeditat, satis arctis limitibus circumscribat, rursus tamen aliquid scripturae obtrudat, idque ceu principium assumat, quod tamen nullo modo in ea continetur: scilicet

angelos malos statim post lapsum in orcum detrufos, in hoc mundo nullibi exiftere. Huic hypothefi cum multa fuperftruat auctor, debuiſſet eam firmis et inuictis rationibus demonſtrare. Iam vero incerta, dubia, immo plane falſa aſſumit, vt inde euertat certa, clara et ſcripturae ſacrae auctoritare luculentiffime ſtabilita, confirmataque. In quo, veri philoſophi eum prorsus neglexiſſe officium, palam eſt.

§. XVIII.

Nec obſtat, quod, vt regerit, iuſtitiae diuinae fuerit conueniens, ſtatim petulantiam horum ſpirituum punire, eosque in orcum detrudere. Namque exemplo hominum diſcimus, iuſtitiam diuinam omnino poenae dilationem admittere. Et licet in homine cauſa dilationis manifeſta ponatur, ſpes conuerſionis, poteſt tamen Deus aequae graues ac ſanctas habere rationes, cur poenam maiorum ſpirituum differat. Quanquam reuera poenam non differat, cum iam ipſi mali ſpiritus ſua natura ſatis miſeri, poenam ſuam et infernum, ſecum circumferant. Quod autem illos manet ſupplicium, eſt poenae velut complementum, quod differre, in libera Dei voluntate poſitum erat. Pertinet autem hoc ad oeconomiam regni diuini, in qua ad ſolam voluntatem diuinam, iuſtis tamen, aſt nobis haud raro incognitis, rationibus, ſuffultam, reſpiciendum eſt: quamque

que qui ad rationem suam audacter exigunt, magnae temeritatis crimen incurrunt.

§. XIX.

Sed pergit Bekkerus noster, praeter ea quae ipse posuit, reliqua, quae in scriptura sacra de spirituum operationibus traduntur, vulgo minus recte intelligi. Non enim proprie, sed metaphorice esse intelligenda. Nulla facilior via est, ad evertenda quaevis scripturae sacrae testimonia, quam ad allegoricas se recipere interpretationes. Incautus autem valde est, qui eiusmodi quid statim sibi persuaderi patitur. Nimirum cum in testimoniis scripturae fere innumeris, si Bekkeri credimus, vox *angeli* in sensum improprium flectenda sit, merito quaeritur, an hoc genio et indoli linguae, an instituto et consilio auctorum tribuendum sit? Posterius tamen forte dici posset, si vnus scriptor hac loquendi ratione vteretur. Ast scriptores, tanto temporis et locorum interuallo remotos, conspirare inter se potuisse, ut semper voce quadam improprie vterentur, vix aut credi, aut capi potest. Facilius hoc fuerit, si dicamus, genio et indoli linguae, hoc esse tribuendum. Ast tum repugnabunt peritissimi linguae sanctae magistri, qui docent, voce *angeli*, si vsum, non etymologiam, spectes, in gente Ebraea spiritum designari, et si ab hac significatione recedendum sit, praegnantes praesto esse debere rationes.

§. XX.

§. XX.

Et sane consentiunt in eo omnes, et ipsa ratio dictitat, ab usitata et recepta vocis significatione non esse recedendum, sine summa necessitate. Qualis autem hic necessitas? Scilicet quia ceteroquin scriptura cum hypothefi Bekkeriana, incerta, dubia, et falsa, non conuenit. Nec vlla scriptores sacros inducere causa potuit, ut tam constanter, hanc vocem improprie usurparent. Quod enim dicit, hoc ideo factum, ut hominum captui se accommodarent, ridiculum et ineptum est. Magis enim ad populi se accommodat captum, qui proprie loquitur, quam qui res clarissimas obscura metaphora inuoluit. Quid homines sint, quid fulgura, quid tonitrua, exercitus, omnes norunt. Ast si quis de angelis loqueretur, et intelligeret homines, fulgura, tonitrua, etc. quis hunc intelligeret? num is ad hominum captum se accommodaret?

§. XXI.

Ast ad augendam, inquit, maiestatis opinionem, venerationemque, scriptura sacra de Deo ita loquitur, ut instar regis multis satellitibus stipati, eundem exhibeat. Scilicet non poterat scriptura sacra maiestatis opinionem Deo conciliare, nisi eiusmodi fictionibus. Non indiget maiestas diuina istis commentis, nec indigere, satis intellexerunt viri sancti. Quis autem crederet, voluisse scrip-
ptores

ptiores istos ita loqui, vt homines non possent non in grauissimos induci errores, vt Numinis apud eos excitarent venerationem? Poëtae hoc faciunt: de scriptura sacra hoc cogitare nefas est.

§. XXII.

Ceterum licet Deus ad homines pios custodiendos, aut beneficia illis conferenda, interdum et aliorum hominum opera, aut aliis etiam rebus creatis vtatur, ex eo tamen non inferendum, quod nunquam vtatur ministerio angelorum. Cumque nulla ratio obstat, quo minus eodem vti possit, non quoque necesse est, vt ea scripturae oracula, quae angelis hasce functiones tribuunt, de aliis hominibus aut creaturis interpretemur.

§. XXIII.

Ad specialia descendere huius loci non est. Ostendi ceteroquin posset, in plerisque scripturae sacrae oraculis exponendis, valde a recto tramite auctorem aberrare. Sic per angelos, qui Abrahamo apparuerunt, homines, forte prophetas, intelligit Bekkerus. Ast angelos fuisse, docet Paulus, hospitalibus praemia ex eo commendans, quod inscius etiam Abrahamus angelos conuiuio exceperit. Si vero homines sancti ab eo excepti fuissent, quid quaeso eximii illi contigisset? In legislatione Mosaica angelos quoque praesto fuisse, itidem in nouo foedere docetur luculenter. Cumque tubarum clangores

res in scriptura sacra angelis tribuantur, et a tonitru atque fulgure in historia istius promulgationis, discernantur, angelorum officia cum phaenomenis naturae confundi non debent. Angelum autem, qui genti Israelicae praeiuit, scriptura a columna nubis toties, tamque luculentis signis discernit, ut mera impudentia sit, et petulantia, ad nubem trahere, quod de angelo isto dicitur. Id quod res ipsa docet.

§. XXIV.

Per diabolum, seu satanam, quandoque homines improbos vi aut fraudibus nos opprimentes, aut nobis aduersantes, intelligi posse, non nego. Concedo etiam, in tentationibus, cum prauis nostris cupiditatibus plerumque concurrere infernalem genium. Ast ubicunque in scriptura sacra diaboli mentio iniicitur, sine vlla praegnantia causa statim homines improbos, aut prauas cupiditates intelligere, oppido temerarium est.

§. XXV.

Quod autem ad lapsum primorum parentum attinet, multa obstant, quo minus eum ita explicare queamus, ut ad exemplum saltem diaboli eos peccasse putemus. Scriptura sacra seductionem humani generis diserte veteri serpenti tribuit, diabolumque ideo homicidam ab initio fuisse asserit, ut quae alia sunt eiusdem generis, taceam. Iniquum autem profecto est alicui imputare effectum, cuius

cuius tamen ipse causa non est. Nunquam in foro humano feretur, qui alteri ideo effectum imputauerit, quod ad istius exemplum alii peccauerint. Equidem ad augendam delicti grauitatem hoc aliquid faciet: ex hoc solo autem capite, nemo pro causa delicti principali, et praecipua, declaratur. Et si diabolus statim post lapsum ad orcum relegatus fuit, nihil de eius vitiis rescuere homines. Qui ergo peccare ad eius exemplum potuerunt? qua fronte Adamus culpam in serpente transferet?

§. XXVI.

De Christi tentatione non hoc vrgebo, quod variae historiae istius circumstantiae obstant, quo minus per nudam repraesentationem internam hoc factum fuisse, asseri queat: sed istud tantum, quod talis repraesentatio sine peccato fieri non potuerit. Sibi ipsi aliquid animo exhibere aut concipere, quo ad superbiam, temeritatem, similiaque crimina aliquis incitari possit, num hoc vitio caret? Siue ergo a Deo illi hanc repraesentationem immissam dicas, siue ab ipso Christo excitatam, peccati cuiusdam culpam aut in Deum, aut in ipsum Christum, transferes, id quod absurdum. Si a tercio, aut ab homine hoc factum, aut a spiritu: prius dici non potest, cum hominis non sit, posse eiusmodi repraesentationem in animo alterius producere; si posteriùs dicas, habeo quod volo,

(Z)

Chri-

Christum a satana tentatum. Quod si ergo concedas, satanam per internas repraesentationes tentasse Christum, nihil obstabit, quominus et per actus externos, in scriptura sacra memoratos, illud facere potuerit.

§. XXVII.

Reliqua exempla vindicare cum superuacuum sit, de *magis* saltem subiungo, non posse semper per eos aut philosophos, aut arcanorum naturae peritos intelligi, licet quandoque hi in vnam cum magis classem referantur: idque ideo, quod veteres magi sapientiae peculiarem partem constituebant, habere commercia cum daemonibus, eosque ad nutum & obsequium suum flectere posse. Interim si Bekkerus demonstrauerit, omnia, quae de magis narrantur, per arcanorum naturae notitiam peragi potuisse: si ostenderit, quo pacto homo suis viribus perpetrare queat, quae v. g. magi Aegyptiaci tempore Mo-
sis perpetrasse leguntur, victas dabo manus. Pro praestigiis autem venditare, quae spiritibus imputare nolumus, et a nobis tamen explicari non possunt, hoc est secare nodum, non soluere. Taceo, quod non deceat, ad praestigias ea referre, quae reuera contigisse scriptura sacra docet.

§. XXVIII.

In *obsessis* magnam quandoque vim morbi melancholici esse, iam supra monui, fateorque, circumspeditione opus esse, vt a
morbis

morbis melancholicis veri obsessi discernantur. Sed nullos dari vere obsessos, rursus falsum est. Sic de obsessis quibusdam in scriptura sacra dicitur, quod daemones, tum ante, tum post eiectionem cum Christo locuti sint, quod eum pro filio Dei agnouerint, quod ab eo quaedam petierint, et impetrauerint, et illa, quae sunt substantiarum intelligentium, perpetrauerint. Num ergo morbi loquuntur, num ratiocinantur, num ipsi corpora, quae inuadant, seligunt? Quorsum tandem ruit Philosophia Bekkeriana?

§. XXIX.

Contra *spectra* denique quae disputat, ea fere solui ex iis possunt, quae iam supra ipsi obseruauimus. Multa hominum fraudibus, multa sensuum erroribus, tribuenda esse, non abnuo. Magnaque opus est cautione, vt vera distinguantur a falsis. Haec vero omnia, quantacunque sunt, ad omnium fidem labefactandum non sufficiunt: praesertim cum ex documentis fide dignis constet, occurrere eiusmodi spectrorum exempla, vbi nullo modo aut fraudibus, ac imposturis, aut sensuum erroribus, ac fallaciis, locus esse potuerit.

§. XXX.

Nec commoda denique, quae Bekkerus ex sua sententia fluere putat, tanta sunt, vt ideo assensum promereatur: quanquam ge-

neratim hypothefis aliqua non ex commodis, aut incommodis, aestimanda veniat. Falfum enim eft, quod fibi perfuadet, per receptam fententiam euerti monarchiam Dei, cum fpiritus voluntati et prouidentiae diuinae fubiiciantur, eiusque faltem fint adminiftri. Cur autem Deo placeat, vti miniftris, cum folo nutu omnia peragere poffit? inquirere velle, abfonum eft, cum Deus nullam ordinis a fe inftituti, aut fuae oeconomiae, rationem reddere teneatur. Falfum eft, per receptam doctrinam fcripturae facrae dignitati, aut religionis chriftianae certitudini quicquam detrahi, cum fecundum eam vera miracula, ab operationibus mirandis daemonum, diftingui nequeant. Non enim folis miraculis, fed longe aliis fundamentis, et religionis chriftianae veritas, et fcripturae facrae auctoritas nititur: et faluum etiam manet inter miraculum, et operationem daemonis difcrimen, vt fupra demonftrauimus. Falfum eft, quod per eam hominum animia vanis terribilamentis liberentur: pii enim nullos fpiritus metuunt, etiam fi illorū potefatem non ignorent, improbi eos metuere debent. Sed haec, et reliqua eiusdem generis, huius loci non funt: proinde aliis ea difcutienda relinquimus.

CAP. III.
de
DEO, SPECIATIM DE EIVS EXISTENTIA.

ΣΥΝΟΨΙΣ.

- | | |
|--|---|
| <p><i>De Numinis existentia cur hic agatur, §. I.</i></p> <p><i>De ea statim convincitur, qui serio ad mentem suam attendit, §. II.</i></p> <p><i>Quippe in qua etiam intime Dei existentiam sentimus, §. III.</i></p> <p><i>De diuersis huius perceptionis gradibus: deque doctrinae huius usu, §. IV.</i></p> <p><i>Demonstratio Cartesii ex idea Dei omnibus innata, §. V.</i></p> <p><i>Quid in hac sententia desideretur, §. VI. VII.</i></p> <p><i>An idea entis perfectissimi, necessario includat eius existentiam? et quid inde pro sententia Cartesii sequatur, §. VIII.</i></p> | <p><i>Quod existentia Dei ex consideratione rerum creaturarum etiam probari possit, §. IX.</i></p> <p><i>Speciatim ex structura corporum, quibus homines, aliaque animalia gaudent, §. X. XI.</i></p> <p><i>Item ex totius mundi aptissima dispositione, §. XII.</i></p> <p><i>Non posse haec casu fortuito euenire, §. XIII.</i></p> <p><i>Frustra quoque Atheos ad naturam recurrere, siue per eam continua causarum secundarum successio intelligatur, §. XIV.</i></p> <p><i>siue leges motus, §. XV.</i></p> <p><i>siue aliud quodcunque rerum naturalium principium, §. XVI.</i></p> |
|--|---|

§. I.

ITa tandem ad causam supremam, fontemque vtriusque mundi, et visibilis, et inuisibilis, peruenimus. Huius maiestas cum vbique se prodatur, mirandum maxime, homines tanta tamen proteruita et animi leuitate

te multa de eo disputare , vt omnem venerationem eius exuisse animo , videri queant. Et horum quidem hominum stultitia nobis necessitatem imponit talia , docendi , de quibus tamen nemo , nisi omnis mentis expers , dubitare potest.

§. II.

Vix sine pudore hoc scribo , quæsitum esse , vnde existentia huius Numinis demonstrari possit ? cum tamen statim aliquis convinci evidentissime possit , si modo attendat ad ea , quæ in sua mente peraguntur , et quorum non potest non intime esse conscius. Hanc itaque consulentes , deprehendimus , ita eam comparatam esse , vt quamprimum de supremo Numine aliquid audimus , aut eius cogitatio mentem nostram subit , statim velut impetu abripiamur , et impellamur , huic asserto , quod omnino existat , assensum præbendi.

§. III.

Neque id modo : est in mente nostra intima quaedam facultas , qua percipimus , et velut gustamus , quæ bona sunt. Per eam perceptionem quilibet homo , si modo serio ad se attendat , ita convincitur , vt , licet certissime persuasus sit , ea se videre , quæ videt , audire , quæ audit , intelligere , quæ intelligit , longe tamen certior esse possit , se percipere et sentire occultam quandam entis summe boni , summeque perfecti operationem.

§. IV.

§. IV.

Negari tamen non potest, hanc perceptionem suos habere gradus, et quo magis per vitam sanctam augetur, eo magis per improbitatem supprimitur, non tamen vnquam penitus suffocatur. Interim in hominibus piis eiusmodi vim exerit haec numinis perceptio, cui resisti nulla ratione queat. Nec tutior ratio, omnibus circa existentiam Numinis, dubiis, aut se ipsum aut alios eximendi, est, quam si quis serio animum omnibus vitiis purget, aliosque, qui in se ipsis hanc veritatem percipere cupiunt, purgare doceat, quippe quae sola obstant, quo minus clarissime summum hocce bonum percipiamus. Fateor tamen, quod in disputationibus contra Atheos hoc argumento utendum non sit, quia etiam ea, quae in se ipsis sentiunt, negare strenue consueverunt. Et dubito omnino, an multum disputationibus contra hocce hominum genus proficiatur, et annon morbus illorum pro desperato habendus, si ipsi operam dare nolint, vt remotis obstaculis, vim efficaciamque Numinis in se ipsis sentiant.

§. V.

Patet autem, quod multum sententia nostra differat a sententia Renati Cartesii, ex idea quadam innata existentiam Numinis demonstrare annitentis. Etenim omnes homines habere in se ideam, autumat, entis in-

finitis perfectionibus praediti. Haec idea ita pergit, opera intellectus produci non potuit, quia intellectus nec in ipsa mente hominis, nec extra eam, in obiectis, quae nobis obuersantur, quicquam deprehendit, ex quo ideam istam perfectissimi entis, quae menti eius insidet, formare potuerit. Ergo a Deo ipso hanc ideam nobis impressam esse, concludit.

§. VI.

Verum licet id facile concedam, omnes homines serio secum agentes, vehementissimam propensionem ad assentiendum huic veritati, *Deus est*, in se deprehendere, licet etiam, ut antea dictum, modo ipsi velint, sentire in se atque percipere possint vim, efficaciam, bonitatem Numinis, clarissime eos conuincentem; dubito tamen, an ista idea, quam vult Cartesius, quaeue in intellectu consistit, necessario, nulla accedente institutione, omnium mentibus infideat.

§. VII.

Praeterea iam ab aliis obseruatum fuit, si talis idea hominum mentibus insit, nihil ob stare, quo minus eam ipsi sibi formare possint. Quid enim facilius, quam ex istis perfectionibus, quae in nobis et aliis rebus creatis depraehendimus, abstrahendo, componendo, imperfectiones, separando, eiusmodi tandem fingere atque efformare ideam, quae quicquid humana mens cogitare potest,

est, perfectionum contineat. Fallitur ergo, qui ita concludit: quicumque habet ideam entis perfectissimi, illi ea idea innata est.

§. VIII.

Nec obstat, quod dicunt, quod idea entis perfectissimi includat existentiam necessariam. Est enim haec mera fallacia ambiguae cuiusdam locutionis. Etenim eousque hoc verum est, quod ens perfectissimum, si quidem existat, necessario existat, seu quod perinde est, existentia entis perfectissimi est necessaria, ceteroquin enim non esset ens perfectissimum. Ex eo autem neutiquam sequitur, quod et tale ens existere debeat. Aliud enim est, cum dico: hoc ens necessario existit, siue non potest non existere; aliud, posito quod existat, necessario existit, siue existentia eius est necessaria. Posterius ex conceptu entis perfectissimi fuit, neutiquam autem prius. Hanc vero ambiguitatem cum non observaret Cartesius, incidit in hunc errorem, ac si ex idea entis perfectissimi, eius quoque existentia demonstrari possit.

§. IX.

Vt autem ea, quae hactenus disputauimus, ad *notitiam Dei innatam* pertinent, ita ne ea, quam *acquisitam* vocant, praetermittenda est. Efficacissima sane existentiam Numinis demonstrandi ratio mihi semper visa est, qua ea consideratione rerum creaturarum orbisque huius vniuersi, procedit.

(Z) §

Et

Etenim cum eundo per omnes rerum ordines atque classes, structuram earum admirabilem, ut et ex ordine, et omnium rerum ad certum finem luculentissima directione, summam prorsusque stupendam sapientiam elucescere, deprehendamus, necessario inde concludimus, dari ens aliquod sapientissimum, adeoque et perfectissimum, quod haec omnia effecerit, constitueritque.

§. X.

Descendere ad singula, prolixum nimis, et contra instituti rationem foret. Namque vel singulae corporis humani partes, euidentissimum nobis ad hoc demonstrandum, supeditant argumentum. Quis oculi structuram, humoribus et tunicis suis cameram obscuram stupendo artificio exhibentis, ad motus necessarios tot musculis, quot requirebantur, instructi, valloque velut, ne facile laedi possit, muniti, non admiratur? Quis existimet, potuisse aurem sapientius, ad motum aëris, sensumque adeo auditus, confici? Et ut generatim de sensibus internis atque externis dicam, quis aptiora illorum excogitare organa potest? Et nonne eiusmodi cognoscendi facultate praeditus est homo, qualis ad eius salutem et conservationem est necessaria? Fidenter dico, tam perfecta sunt, pro praesenti vitae statu, omnia, ut nihil perfectius cogitari possit. Pluribus, aut acutioribus sensibus, non indigebat homo, qui-

quã hi, quibus gaudet, si iis recte vtatur, ad eius conseruationem sufficiunt: paucioribus aut hebetioribus si fuisset instructus, non fuisset homo. Ergo omnia Deus sapientissime fecit.

§. XI.

Si porro consideremus: in quibus homines, bruta, plantae inter se conueniunt, et in quibus a se discrepant, rursus fatendum, nihil hic ad summam sapientiam deesse. Nutritio in hominibus, et animalibus perfectioribus, eodem modo peragenda: eadem ergo vtrobique organa. Quis vero hic aut cordis, aut venarum, aut pulmonum, aut ceterarum partium stupendum artificium satis miretur? Bruta pastum in terra quaerere debebant, itaque corpora illorum in terram prona efformata sunt: oculi insuper tunica cornea duriori muniti, ne temere laederentur. Aues cum volare deberent, non alio modo instructae, sed tota corporis compages sapientissime huc accommodata est, capite in acutum rostrum desinente, ne aer resisteret, atque volatum impediret. Et vt paucis dicam, nullum est animalculum, nullum insectarum genus, cuius corpusculum non partibus necessariis, et ad eius vitam et conseruationem sapientissime accommodatis, instructum sit.

§. XII.

Atque vt de reliquis nunc nihil dicam, ec-
quis

quis totam orbis machinam contemplans, de summa conditoris sapientia non plenissime conuincitur? Quis tam vasta corpora sine summa sapientia tam apte disposita crederet, vt vnum alteri lucem suppeditaret, temporum mensuram et rationem describeret, vicissitudines tempestatum, sine quibus, nulla terrae fertilitas, nulla vitae, qua homines, qua bruta et plantas, opportunitas, efficeret, et infinita in alterum deriuaret commoda. Sed satis haec per se patent, et repetenda tota de rerum natura doctrina esset, si, quae hic dici possent, dicere vellem.

§. XIII.

Quid vel perditissimus Atheorum ad haec regerere possit, non video. Num dicet, *fortuito* haec euenire *casu*? Ast casus fortuitus omnem sapientiam excludit, cum ordine, constanti consistere nequit. Magna ergo cum vbique sapientia deprehendatur, constantissimus cum vbique elucescat ordo, nescit profecto quid dicat, qui hic casum fortuitum crepat.

§. XIV.

Naturam forte in subsidium vocant? Nesciunt iterum, quid hic sibi velint. Num causas secundas intelligunt? Ast quis causas secundas ista vi instruxit? Si dicant, per continuam successionem has causas propagari: nondum cessat quaestio, cum res ipsa doceat, quamcunque vim causae secundae hab.

habeant, quocunque etiam modo eam propagent, hanc ipsam tamen efficaciam non ab illarum potestate et arbitrio dependere, sed a potestate superiore iis concessam esse. Accedit, quod luculenter probari possit, homines v. g. semper non extitisse. Posito ergo per causarum successionem, vim generandi ab vno homine in alium propagari: vnde primi homines eandem acceperere? Forte vt fungi ex terra nati sunt. Hoc sanae mentis homini persuadebitur. Scilicet!

§. XV.

Num leges motus forte naturae nomine designant? Ast vnde ortae sunt istae leges? Quis res creatas certa efficacia instruxit, vt secundum hasce leges agant, seque moueant? Quicquid dicant, aut absurda dicant, aut Deum admittant, necesse est.

§. XVI.

Aut generale forte principium dirigens per naturam intelligunt? Quaero iterum, quodnam istud principium sit? Si sit a materia abstractum, et a nullo alio dependens, ipse erit, quem admittere nolunt, Deus. Sin cum materia coniunctum principium intelligant, in hoc neutiquam ista sapientia, istae perfectiones cadunt, qualis rerum omnium natura postulat, vt in sequentibus porro demonstrabitur. Quod si vero principium separatum, sed dependens, intelligant, necesse

cesse est, ut simul aliud admittant, a quo
dependeat, et sic, nisi in infinitum pro-
gredi velint, vnum independens,
quod iterum ipse erit
Deus.

CAP. IV.

de

ATTRIBUTIS DIVINIS, ET PRO-
VIDENTIA.

Σύνοψις.

*Rerum divinarum cognitio
in nobis valde imperfecta
est, §. I.*

*Attributa, quae Deo cum
omnibus rebus communia
sunt: nihil perfectionis
in rebus creatis est, quod
non Deo recte tribuatur,
§. II.*

Existencia Dei, §. III.

Aeternitas, §. IV.

Immensitas, §. V.

Unitas, §. VI.

*De duplici Manichaeorum
principio, observatio,
§. VII.*

*De iis, quae Deo cum spiri-
tibus communia sunt,
§. VIII.*

*An Deus sit substantia cogi-
tans? §. IX.*

*Deus intelligit, sed non eo
modo quo homines, §. X.
XI.*

*Intelligit praeterita §. XII.
Praesentia, §. XIII.*

*Futura, etiam contingentia,
§. XIV.*

Possibilia, §. XV.

Voluntas Numinis, §. XVI.

Eius actiones, §. XVII.

Omnipotentia, §. XVIII.

*Quod in his omnibus inter
Deum & spiritus creatos
intercedit discrimen, in
eo consistit, quod Deus
independens est, et infi-
nitus, §. XIX.*

*De attributis divinis opera-
tium et moralibus, §. XX.*

*Per virtutes divinas quid
intelligatur, §. XXI.*

*Illae fiunt ex amore divi-
no, §. XXII.*

*Quo scilicet se ipsum amat,
hinc sanctitas et iustitia
Dei, §. XXIII.*

*Et res a se conditas, bine
gratia, misericordia, be-
nignitas, §.XXIV.*

*De operibus diuinis, specia-
tim de creatione, §.XXV.*

*Providentia diuina proba-
tur: ea se ad omnes res
creatas extendit, §.XXVI.*

*Providentiae diuinae modi:
speciatim de rerum con-
seruatione, §.XXVII.*

De concursu Numinis ad re-

*rum creaturarum actiones,
§.XXVIII.XXIX.*

*An Deus etiam ad actiones
hominum malas concur-
rat, §.XXX.*

Gubernatio, §.XXXI.

*Speciatim circa hominem,
et vitae humanae termi-
num sese exerit, §.XXXII.*

*Monita quaedam generalia
de providentia diuina,
§.XXXIII.*

§. I.

QUOD de substantiis materialibus pari-
ter ac spiritualibus haecenus subinde
inculcauimus, earum essentiam nobis neu-
tiquam perspectam esse, id multo magis
de Deo intelligendum est, cuius infinita per-
fectio, finiti intellectus captum, infinitis mo-
dis superat. Sed et attributa eius non ni-
si per comparisonem cum rerum creaturarum
attributis cognosci possunt, quibus cum in-
dem infinitis modis perfectiora sunt, patet,
imperfectam admodum nostram de rebus
diuinis esse cognitionem. Id quod eo per-
tinet, ut non sine summa mentis nostrae sub-
missione, et nostrae imbecillitatis conscien-
tia, de Deo loquamur et cogitemus.

§. II.

Primo itaque ea attributa, quae omnibus
entibus communia sunt, Deo quoque tribui
possunt: cum enim ipse omnium entium
causa sit, nihil eximii de his dici potest, quod
non

vnde nec iunior, nec senior, vnquam dici potest, a nobis tamen non sine partium successione concipi potest, qui consueti sumus eiusmodi durationis ideam nobis formare.

§. V.

Ex eadem collatione patet, Deum quoque esse *immensum*. Absolum enim eiset, cum materia omnis, et quicquid vspiam est, a Deo pendeat, partes extensionis ultra divinae potentiae limites porrigere velle. Si autem quaeratur, quid sit immensitas Dei? responderi equidem vtcunque potest, quod sit praesentia, qua Deus omnibus rebus adest, seu, vt alii, quod per immensitatem Deus in infinita totius materiae extensione, per se et immediate agere possit. Sed fatendum, absorberi et hic intellectum hominis, et neminem perspicere vlla ratione posse, quid immensitas Dei sit. Sunt qui omnipraesentiam ab immensitate ea ratione distinguunt, quod illa semper vna supponat res creatas, quibus Deus praesens sit. Non male quidem: ast ita longe adhuc difficilius fuerit, vllam immensitatis ideam sibi formare.

§. VI.

Praeterea inter entium attributa referri *unitas* solet, qua quodlibet ens in se est indivisum. Ceteroquin rerum creatarum haec est indoles, vt multas eiusdem generis esse, non repugnet. Ast Deo contra aduersatur

(Aa)

omnis

omnis multitudo ac diuisibilitas, et non modo *vnus*, sed et *unicus* est, et quidem necessario. Idque ideo, quod summa Numinis hoc exigat perfectio. Certe quod multum est, perfectum absolute dici nequit. Omnes praeterea effectus ab vna causa facile derivari possunt, multa contra absurda secutura essent, si duo suprema et aequalia principia statuerentur.

§. VII.

Videtur equidem Manichaeorum de duplici principio systema, quod a Zoroastre acceperunt, hoc habere commodum, quod per illud causa malorum et naturalium et moralium, quae nos premunt, reddi queat; quod non aequè facile licet, si hoc non assumatur, sique ex solius rationis praescripto res sit decidenda. Quae de re nobis, et originem mali, et medelam, ceteraque ex scriptura sacra edoctis, non adeo laborandum est: interim licet ex sola ratione hoc explicari nequeat, satius tamen est, suam hic profiteri ignorantiam, aut simpliciter hoc asserere, causas graues esse, cur Deus hoc permittat, etiam si, quae istae causae sint, nos fugiat, quam ad hoc quaecunque incommodum euitandum, hypothesin rationi e diametro repugnantem, et non minora incommoda secum trahentem, admittere.

§. VIII.

Reliqua entium attributa pari ratione ad
De-

Deum applicare, facile foret; sed cum inde non multum lucis ad nostram de Deo cognitionem accedat, iis immorari diutius; superuacaneum fuerit. Perfectissimae autem cum omnium consensu inter substantias creatas censeantur spirituales: harum adhuc cum primis hic habenda ratio, sed ut et hic probe obseruetur, quod generatim de attributorum, quae rebus creatis competunt, cum attributis diuinis comparatione diximus: perfectiones scilicet rerum creatarum Deo equidem inesse, sed modo longe perfectiori.

§. IX.

Sunt qui spiritum substantiam cogitantem dicunt. Quod si ita intelligatur, quod essentia spiritus consistat in cogitatione, falsum est, et admitti nequit. Multo autem minus de Deo dici potest, quod eius essentia consistat in cogitatione. Sin ita, quod praecipua spiritus proprietas in cogitatione consistat, non male hoc dicitur. Ad Deum autem cum hoc applicatur, addendum, eum tamen neutiquam eo modo cogitare, quo spiritus cogitare nobis notum est, quippe quod magnam in eo argueret imperfectionem.

§. X.

Nimirum intellectus Deo quidem tribui potest, tum quod in spiritibus hic maxime perfectionis sit documentum, tum quod

summa, quae ubique ex admirabili mundi dispositione elucescit, sapientia, a nobis sine intellectu concipi nequit: ast eas, quas in homine observamus, intellectus operationes, idearum videlicet perceptionem, compositionem earum, divisionemque, et ratiocinationem, Deo tribuere, absolum foret, ob summam, quam secum vehunt, imperfectionem. Ideas enim v. g. percipimus praecedente aut sensuum internorum, aut externorum motu, aut meditatione. Neutrum de Deo dici potest, cum et sensus corpus supponant, et meditatione opus non esset, si statim omnium rerum ideae menti nostrae obversarentur. De reliquis autem operationibus id multo magis patet, omnibusque manifestum est.

§. XI.

Praeterea in humana cognitione has animadvertimus imbecillitates, quod homo nec suam, nec rerum extra se positarum naturam intime perspectam habeat, sed quasdam saltem operationes et proprietates cognoscat, quarum notitia ad felicitatem homini convenientem sit necessaria. Quin vero et in hoc capite divina cognitio longe aliter se habeat, dubitari nullo modo potest. Si autem quaeratur, qua ergo tandem ratione Deus intelligit? ingenue profiteamur, hoc nos ignorare. Hoc scimus, Deo intime cuncta perspecta esse: nec quicquam il-

lo-

lorum, quod cognitionis imperfectionem arguit, illi posse tribui, cetera nobis non constant.

§. XII.

Solent autem omnia, quae sub cognitionem naturae intelligentis cadunt, ad quatuor referri classes, *praeteritorum, praesentium, futurorum, et possibilium*. Ad praeterita quod attinet, nos ea ope memoriae, ne effluant, retinemus, sed ita, ut menti nostrae eo tantum tempore obiciantur, quo actu de iis cogitamus; praeterea innumera aut non attendentibus, aut inuitis, elabuntur: quae omnia Deo neutiquam tribui possunt, cum praeterita aequae ac praesentia semper illi obuersari merito censeantur.

§. XIII.

Praesentia hominum valde est limitata, diuina contra omnes limites respuit, praesensque est non modo corporeis actionibus, sed etiam spiritualibus, seu mentis cogitationibus. Neque enim corpora minus quam spiritus fecit, adeoque non illa magis quam hos nouit.

§. XIV.

Futura duplicis generis sunt, vel *necessario euentura*, quae interuenientibus meris corporibus aguntur; vel *contingentia*, quae a libertate spirituum pendent. Illa quin Deus omnia accuratissime cognoscat, nemo dubitat. Ast de contingentibus, magna

(Aa) 3

inter

inter eruditos est contentio. Certe si contingentia sunt, non videntur praecognosci posse, etenim si certo praenoscantur, non amplius sunt contingentia, incerta autem eorum cognitio Deo indigna est. Rursus si haec cognitioni divinae subtrahantur, summae eius aliquid detrahatur perfectioni. Quae eiusmodi sunt, ut sola ratio hic vix quicquam definire queat: ast ex scriptura sacra constat, Deum utique futura quoque contingentia praecognoscere.

§. XV.

Posibilium quoque cognitio Deo recte tribuitur. Haec vero cognitio Dei, quae circa res posibles versatur, vocari in scholis solet, *scientia simplicis intelligentiae*, itemque *naturalis*, uti etiam quae circa futura occupatur, eaque quasi in certo tempore considerata, *scientiam visionis*, itemque *liberam* vocant; futurorum autem conditionatorum, ubi conditio cum effectu, seu re futura, non nisi contingentem habet connexionem, *scientiam mediam* appellant. De his omnibus multa disputari subtiliter et vane solent, quibus, ne tempus perdamus, non immorabimur.

§. XVI.

Altera spiritus facultas, est *voluntas*; quae itidem, sed remota procul omni imperfectione, recte Deo tribuitur. Cumque vix in homine satis pateat, quid sit *voluntas*,
sal-

saltem rectius hoc percipiatur, quam verbis exprimatur, multo minus, quid voluntas Dei sit, explicari vlla ratione potest. In homine autem cum voluntas tum demum recte se habeat, cum id vult, quod eum velle debere ratio dicitur, facile animadvertitur, diuinam voluntatem semper rationibus sapientissimis iustissimisque suffultam esse.

§. XVII.

Utiusque facultatis effectus sunt *actiones*. Deum ergo agere etiam certum est. Modus autem, quo Deus in res creatas agat, non constat. Nonnulli quodam virtutis effluio, quod ab illo in has transiret, hoc fieri censuerunt: alii Deum agere voluntate sua dicunt, adeo, ut ad solam volitionem, sine vlla alia ratione, res quam fieri vult, peragatur. At ut prior sententia obscura est: ita postrema ea nititur hypothesi, essentiam spiritus in mera consistere cogitatione, quam supra reiecimus.

§. XVIII.

Posito autem quod Deus agat, recte illi etiam *potentia* agendi tribuitur, non eo quidem sensu, ac si vllum ei obstaculum poni posset, quo minus statim actu sint, quae vult, sed quod ipse pro summa sua sapientia, observato recto ordine, peragit, quicquid peragere decreuit. Haec autem potentia cum se extendat ad omnia, quae fieri possunt, seu quae nullam inuoluunt contradictionem,

nem, ideo *omnipotentia* dicitur. Sed id addendum, quod Deus, cum mundum conderet, certum velut ordinem sibi praescripserit, iuxta quem si agat, potentia Dei *ordinata* dicitur, sin ab eo discedat, *absoluta*, et huc miracula spectant, de quibus tamen iam supra egimus.

§. XIX.

Sunt praeter haec et alia spirituum attributa, quae secreta omni imperfectione transferri ad Deum solent; ut *inuisibilitas*, *immaterialitas*, *simplicitas*, *immutabilitas*, et alia, ea autem cum per se pateant, et a quovis facile intelligantur, nulla explicatione, aut prolixiori commentatione indigent. Quare id saltem observamus, quod licet in his aliisque quaedam Dei et spirituum videatur esse convenientia, discrimen tamen, quod inter hos et Deum intercedit, sit maneatque maximum. Idque ex eo maxime fluit, quod Deus *independens* est, quia ceterorum entium omnium causa est, ideoque et *infinitus*, quia id, quod finitum est, terminos essentiae suae circumscriptos habet, ab eo, a quo pendet. Et hinc cetera fluunt, quae in iis etiam, in quibus cum rebus creatis convenire videtur, longissime tamen ab harum conditione eum remouent, quae iam suo loco notauimus.

§. XX.

Solet quoque hoc discrimen inter attributa

ta diuina constitui, quod quaedam summam infinitamque Numinis perfectionem in se designent, quaedam autem quandam Numinis erga res creatas operationem connotent, vt *omnipotentia*, *omniscientia* etc. et huc etiam pertinent proprietates Dei *morales*, vt nonnulli vocare solent.

§. XXI.

Hae autem *morales proprietates*, seu *virtutes*, si accuratius eas consideremus, in homine nihil aliud sunt, quam sanctissimae, perfectissimaeque voluntatis diuinae adumbrationes, seu Dei quaedam imitamenta. Consistit enim, vt alibi docuimus, vita beata hominis virtutibus dediti, in imitatione Dei. Ergo omnis, quae in isto conspicitur, perfectio proprie et originaliter in Deo est, et qualis illa sit, in vmbra virtutum humanarum quodammodo cognoscitur.

§. XXII.

Quemadmodum itaque summa et centrum virtutum humanarum est *amor*, scilicet ordinatus, et rationi conueniens, ita qui dixerit, Deum esse summum amorem, omnia dixerit. Ex hoc enim fonte omnes virtutes, perfectissimo tamen modo Numini tribuendae, fluunt.

§. XXIII.

Hominis amor tendit partim ad superiores, praesertim ad Deum, partim ad seipsum, partim ad alios, aut aequales, aut inferiores.

(Aa) 5.

res.

res. Superiorem quem amet, Deus non habet. Se ipsum modo perfectissimo, sanctissimo, et ineffabili amat, hinc *sanctitas* Dei: simulque a se remouet, quicquid summae suae et infinitae perfectioni repugnat et aduersatur, id quod *iustitiam* diuinam, quae ex eius sanctitate fluit, vocamus.

§. XXIV.

Non minus tamen res a se conditas tenerimo amore prosequitur: ast pro diuersa obiectorum conditione, et effectuum etiam varietate, diuersas amor hicce diuinus sortitur denominationes. Si enim nostram indignitatem spectemus, *gratia*, si miseriam nostram, *misericordia*, si bona ipsa, quae accepi-
mus, *benignitas*, si promissionem bonorum, falli nesciam, *veracitas*, si promissionis certissimam expletionem, *fides*, vocari solet, et sic porro.

§. XXV.

Supersunt denique opera diuina, quorum duo commemorari solent, *creatio et providentia*. Sed de creatione quantum satis est, iam supra dictum. Namque quod de corporibus ibi disputauimus, id pari ratione de spiritibus est intelligendum. Hoc saltem addo, modum prorsus esse imperuestigabilem, operamque et oleum perdere, qui eum se affecuturos sperant. Siue enim quis dicat, cuncta per emanationem ex essentia diuina, aut per productionem extitisse, nihil tamen di-

dicít, quod capere clare et perspicue mens humana posfit.

§. XXVI.

Providentia diuina cuncta regi clare convincimur, si admirabilem et constantem naturae ordinem, si omnium euentuum, etiam maxime particularium, sapientissimam ad certum finem directionem, et id genus alia documenta, serio nobiscum reputemus. Nec generatim modo ad totum hocce vniuersum, sed speciatim ad singulas res a Deo conditas, haec se providentia extendit: tum quod omnes ac singulae diuina providentia indigeant, tum quod in illis diuinae directionis vestigia euidentissime haud raro conspiciantur. Nesciunt autem, quid dicant, qui hanc rerum minimarum curam Deo indignam putant: quod enim dignum fuit, vt ab eo produceretur, cur non et dignum esset eius providentia? Et illud insuper dignitatis inter res naturales discrimen, magis ab opinione erronea hominum, quam a re ipsa procedit.

§. XXVII.

Solent autem tres providentiae diuinae modi constitui, *conseruatio*, *concurfus*, seu *cooperatio*, et *gubernatio*. Quod Deus res omnes conseruet, manifestum est, cum res creatae non magis seipsas conseruare, quam creare queant. De modo nihil definiri potest, quippe qui est supra captum hominum.

Non-

Nonnulli volunt, semel creatis rerum naturis eam inditam stabilitatem, ut suae naturae vi esse pergant, nisi a Deo destruantur: alii conseruationem veluti perpetuam quandam creationem esse contendunt, adeo ut vi voluntatis diuinae in esse suo semper perseuerent; alii praeter voluntatem influxum quendam Dei in res creatas admittunt, cuius vi conseruentur. Quaelibet harum sententiarum suas habet difficultates.

§. XXVIII.

De *concurso* Numinis ad actiones rerum creatarum nonnulli ita sentiunt, non edidit illis ullam actionem, ad quam Deus non concurrat. Alii contra a Deo semel datam rebus creatis operandi facultatem duntaxat conseruari contendunt, sine cooperatione in singulis actionibus. Quidam denique rebus creatis omnem agendi facultatem detrahunt, atque actiones, quae causis secundis vulgo tribuuntur, proprie Dei esse autumant, qui ex occasione earum agat.

§. XXIX.

Vltimam autem sententiam iam supra refutauimus. Secunda, cum prima, dubia velut inter se contendunt palma. Interim nullam video rationem, cur prima, quae recepta haecenus passim fuit, admitti non possit. Etenim quod nonnulli dicunt, maioris potentiae indicium esse, producere machinam, quae ipsa aliquid agere possit, quam quae
fem.

semper opificis concursu indigeat, parum probat. Non enim quaeritur, qualem machinam Deus producere potuerit, sed qualem produxerit. Iam si constet, eum produxisse machinam, cum qua ipse concurrat, concludendum, hoc sapientiae ipsius fuisse conuenientius. Decet enim, sapientiam divinam non ex nostris conceptibus, sed ex ipsis operibus diuinis aestimare.

§. XXX.

Nec obstat, quod per hanc sententiam Deus etiam ad malas hominum actiones concurrere videatur. Concurrit enim saltem ad motus physicos, qui in se sunt indifferentes: horum autem motuum determinatio cum omnino ab hominis voluntate pendeat, manifestum est, quicquid actioni inest prauitatis, id recte homini tantum imputari.

§. XXXI.

Tertius diuinæ providentiae actus est *gubernatio*, quae cum in rerum mere corporarum, tum humanarum maxime, sapientissima directione et administratione sita est, et interdum ordinario, interdum extraordinario modo procedit. Aliter etiam causae liberae a Deo flectuntur et disponuntur, aliter necessariae: in utrisque modus non satis constat. Sic ad homines quod attinet, difficile est definire, an Deus immediate cogitationes animis ingerat, an utatur tantum obiectis externis, an alia ratione hoc peragat.

§. XXXII.

§. XXXII.

Speciatim tamen gubernatio haec prouidentiaque diuina, circa homines, totamque vitam illorum, maxime autem circa vltimum vitae terminum, sese exerit. Quod tamen non ita capiendum, ac si vnique decreto immobili terminus vitae constitutus sit, sed causis naturalibus plerumque diuina prouidentia se accommodat, interdum tamen singulari quadam ratione, aut in poenam, aut in commodum hominum, illum aut prolongat Deus, aut abbreviat. Id quod, si modo ad res nostras attendamus, quotidiana quemvis docebit experientia.

§. XXXIII.

Ast vero hic, immo generatim de prouidentia diuina, hoc probe obseruandum, ne aut cum Epicuro prouidentiam diuinam tolamus, aut fatalem necessitatem inducamus; tum porro: vt a causis ordinariis non facile discedamus, semper vero diuinam iis adesse prouidentiam, supponamus, nec tamen Deum iis ita alligemus, vt eum nihil sine ordinariis causis agere nobis persuadeamus: denique vt probe teneamus, Deum cuncta modo simplicissimo ceu sapientiae diuinae conuenienti agere, cui cum repugnet multiplicare motus, mirum non est, quod quaedam occurrant, quorum ratio statim non pateat, cum tamen simplicissimus ille agendi

di modus simile quid requirat. Atque haec si probe obseruentur, facile occurri omnibus difficultatibus potest, quae contra diuinam prouidentiam moueri solent.

CAP. V.

SPINOZISMVS PROFLIGATVS.

Σύνοψις.

Per Spinozismum quid intelligatur, §. I.

Eius fundamenta ordine indicantur, § II. III. IV. V.

Summa erroris paucis exhibetur, §. VI.

Systema Spinozae apertam inuoluit contradictionem, §. VII.

Deus enim est ens summe perfectum, §. VIII.

Materia autem, ens summe imperfectum, §. IX.

Ergo qui asserit, Deum esse

materiam, concedit, ens perfectissimum esse imperfectum, §. X.

Deus quoque a spiritibus creatis distinctus est, §. XI.

id quod probatur, §. XII.

Nec cum materia necessario coniunctus est, §. XIII.

Fundamenta Spinozismi supra allata euertuntur, §.

XIV. XV. XVI. XVII.

XVIII. XIX.

Conclusio, §. XX.

§. I.

CVM illa impietas, quam Spinoza in scenam iterum produxit, nota hodie passim sit, operae pretium fuerit, paucis eius fundamenta hic conuellere, vt eo maius robur iis addatur, quae de Deo haecenus disputauimus. Summa autem impii erroris in eo consistit, Deum et mundum esse vnum idemque

que: seu mundum nihil aliud esse, quam Deum expansum. Deum nihil aliud esse, quam mundum contractum, ut alii hoc extulerunt, in re ipsa idem cum Spinoza sentientes.

§. II.

Spinoza autem hunc errorem suum sequentibus superstruxit fundamentis: *Ad naturam*, inquit, *substantiae pertinet existere. Quam propositionem ita demonstrat: substantia non potest produci ab alio (per corollar. propos. praeced.) erit itaque causa sui, id est (per definit. 1.) ipsius essentia inuoluit necessario existentiam, siue ad naturam eius pertinet existere. In ethica ordine geometrico demonstrata proposit. VII*

§. III.

Propositio sexta, ad cuius corollarium in demonstratione septimae propositionis provocat, haec est: *una substantia non potest produci ab alia substantia. Hanc ita demonstrat: In rerum natura non possunt dari duae substantiae eiusdem attributi, (per propos. praeced.) hoc est, (per propos. 2.) quae aliquid inter se commune habent. Adeoque (per proposit. 3) una alterius causa esse nequit, siue una ab alia non potest produci. Q. E. D. Corollarium sequens huic subiungit: hinc sequitur, substantiam ab alio produci non posse. Nam in rerum natura nihil datur praeter substantias earumque affectiones, ut patet ex axiomat. 1. et definit. 3. et 5. Atqui a sub-*
stantia

stantia produci non potest (per praeced. propos.)
Ergo substantia absolute ab alio produci non potest.
 Q. E. D.

§. IV.

Quinta propositio, ex qua praecipue sextam deducit, ita se habet: *in rerum natura non possunt dari duae, aut plures substantiae, eiusdem naturae sine attributi.* Hanc ita demonstrat: *Si darentur plures distinctae, deberent inter se distingui, vel ex diuersitate attributorum, vel ex diuersitate affectionum, (per propos. praeced.) si tantum ex diuersitate attributorum, concedatur ergo, non dari nisi unam eiusdem attributi. At si ex diuersitate affectionum, cum substantia sit prior natura sua affectionibus, (per propos. 1.) depositis ergo affectionibus, et in se considerata, hoc est, (per defin. 3. et 6.) vere considerata, non poterit concipi, ab alia distingui, hoc est, (per propos. praeced.) non poterunt dari plures, sed tantum una.* Q. E. D.

§. V.

Porro in sextae propositionis demonstratione, prouocauerat etiam ad propositionem secundam, quae haec est: *duae substantiae diuersa attributa habentes, nihil inter se commune habent:* itemque ad tertiam propositionem, ita se habentem: *quae res nihil commune inter se habent, earum una alterius causa esse non potest.*

§. VI.

Et hoc est velut compendium systematis Spinoziani, cuius summa huc tandem redit:

(Bb)

vnam

vnam tantum esse substantiam, et non dari substantiam, quae aliam efficere seu creare potuerit, adeoque praeter eam substantiam rerum naturalium, quae existunt, nullam dari aliam substantiam, quae creauerit illas, vel quae earum causa esse potuerit, nullumque adeo dari Deum.

§. VII.

Ad istum vero errorem confutandum, hoc obseruasse sufficit, quod apertam et manifestam inuoluat contradictionem. Et enim cum ex consideratione huius vniuersi, vt supra ostensum, luculentissime pateat, omnia, quae videmus et percipimus, summam arguere sapientiam, necesse est, vt causam quandam, tali sapientia praeditam, nec minori potentia instructam, agnoscamus. Haec autem et sapientia, et potentia, non nisi in ens omnium perfectissimum cadit, cui vel minimum imperfectionis tribuere, absurdum fuerit.

§. VIII.

Si ergo vt a Deo quicquid vllam inuoluit imperfectionem, remoueamus, par est, sequitur, eum et a se ipso esse, et necessario existere, et sua natura aeternum esse, summa realitate et entitate praeditum, indiuisibiliter et simplicissime vnum, vita viuidissima, parique conscientia sui, vt et facultate omnia operandi et efficiendi praeditum, liberrimum porro, sapientissimum, optimum, beatissimum

num eum esse, inde cognoscimus, et ut paucis omnia dicamus, quicquid perfectionis est, complectentem.

§. IX.

Iam vero si mundum generatim, speciatim autem mundum materiale contemplerur, in eo omnia ista secus se habereprehendimus. Nulla ratio est, quae suadeat, eum necessario existere: contingens ergo est, interitui obnoxius, ab alio dependens, cum necessario sui causam agnoscat, per se realitate destitutus, diuisibilis insuper et multiplex, vita carens, mortuum et mechanicum quid conscientia sui, et viribus aliquid agendi, per se destitutus, coactioni et necessitati obnoxius etc. Haec omnia, naturam et indolem materiae contemplando, facileprehendimus.

§. X.

Si quis ergo asserit, Deum et mundum, speciatim materiale, esse vnum idemque, ille simul fateatur, necesse est, rem necessariam et contingentem, quae est a se, et quae est ab alio; summa realitate praeditam, et eadem destitutam; etc. vnum idemque esse: id quod tamen a nullo sanae mentis compote, fieri posse constat.

§. XI.

Ast, inquis, inde constat, quod Deus non sit materia. Forte est spiritus, isque necessario cum materia coniunctus. Sed notandum

dum, ad Spinozismum euertendum hoc quidem sufficit, quod Deus non sit materia. Interim cum illorum error, qui vnum spiritum, eumque necessario cum materia coniunctum statuunt, proxime ad Spinozismum accedat, potest itidem facile eadem ratione demonstrari, quod isti pugnantia secum asserant.

§. XII.

Nimirum quantum nobis de essentia spiritus constat, neutiquam ad eum requiritur, ut necessario sit, sed esse etiam nequeat: praeterea ex operationibus spirituum intelligimus, eos non omnia posse, non omnia scire, limitatamque et circumscriptam illorum et naturam, et potentiam, adeoque ab alio, qui hosce limites illis posuit, eos esse pendentes, et quae alia sunt facile observanda. Hinc ergo colligimus, inter spiritus, quos cognoscimus, et inter Deum, maximum intercedere discrimen, et qui Deum mundumque spirituales vnum idemque dixerit, eundem asserere, id, quod necessarium est et contingens, perfectissimum et imperfectum, illimitatum et limitatum, independens et dependens, infinitum et finitum etc. esse vnum idemque, seu aperte contradictoria asserere.

§. XIII.

Quod autem Deus non possit esse necessario cum materia coniunctus, inde liquet, quod

quod ista necessaria coniunctio defectum libertatis, coactionem necessariam, summamque adeo imperfectionem arguat. Dari autem Deum, hoc est, ens liberrimum, nulli coactioni, necessitati, obnoxium, supra eucimus. Ergo, qui Deum cum materia coniunctum asserit, simul vnum idemque ens et perfectissimum et imperfectissimum esse fateatur necesse est, id quod rursus manifestam contradictionem inuoluit.

§. XIV.

Iam quod ad ea fundamenta attinet, quibus errorem suum superstruxit Spinoza, ea oppido lubrica sunt atque infirma. Id quod paucis demonstrabimus. *Ad naturam*, inquit, *substantiae, pertinet existere*. Si vniuersaliter capiatur haec propositio, falsa est. Namque nec ad naturam spiritus, neque ad naturam materiae, pertinet necessario existere. Sin particulariter, vera quidem est, quod ad naturam Dei pertineat existere, sed tum Spinozae nihil prodest.

§. XV.

Probatio praecedentis propositionis haec est: *vna substantia non potest produci ab alia substantia*. Quod assertum iterum si vniuersaliter capiatur, longe est falsissimum. Nihil enim obstat, quo minus substantia infinitis perfectionibus praedita, aliam producere substantiam possit. Nullam enim hoc involuit contradictionem. Particulariter au-

rem si capiatur: vera quidem est, quia Deus produci non potest: sed tum iterum addid, quod vult Spinoza, probandum inepta.

§. XVI.

Quod addit porro: *in rerum natura non possunt dari duae, aut plures substantiae, eiusdem naturae seu attributi*, hoc est, vt ipse interpretatur, commune aliquid inter se habentes, iterum longe est falsissimum. Res ipsa docet, lapides, metalla, plantas, animalia, vtut substantias inter se diuersissimas, tamen in certo tertio inter se conuenire, adeoque eiusdem esse naturae atque attributi.

§. XVII.

Nec rectius se habet, quod demonstrationis loco subiungit: *duas aut plures res distinctas distinguere inter se vel ex diuersitate attributorum substantiarum, vel ex diuersitate earundem affectionum*. Datur namque distinctio tertia, realis quaedam, quae illic inueniri potest, vbi eadem sunt plurium substantiarum attributa et affectiones, inter omnes scilicet substantias indiuiduas.

§. XVIII.

Praeterea, vt demonstraret, vnam substantiam non posse produci ab alia, hanc quoque posuerat assertionem: *duae substantiae diuersa attributa habentes, nihil inter se commune habent*. Inepte prorsus. Duae enim substantiae, hoc ipso dum sunt substantiae, hoc inter se commune habent, quod vtris-
que

que conceptus substantiae competat. Ast prouocat ad definitionem substantiae. *Per substantiam*, inquit, *intelligo id, quod in se est, et per se concipitur, hoc est, cuius conceptus non indiget conceptu alterius rei, a quo formari possit.* Esto, recte se habere hanc definitionem, ex eo tamen, quod substantia est id, quod in se est, hoc est, quod non est in alio, neutiquam sequitur: ergo substantiae diuersa attributa habentes, nihil habent inter se commune.

§. XLX.

Instat rursus vt probet, vnā substantiam ab alia produci non posse: *quae res nihil commune inter se habent, earum vna alterius causa esse non potest.* Atque id ne frustra asseruisse videatur, ita probat: *quae per se inuicem non possunt intelligi, eorum vnum alterius causa esse non potest.* Atqui substantiae nihil commune inter se habentes per se inuicem intelligi non possunt. E. Ast hic primo ponit, dari substantias, quae nihil commune inter se habent, quod falsissimum esse ostendimus. Posito autem dari tales substantias, nihil tamen obstat, quo minus vna, quae infinitae est perfectionis, alterius causa esse queat. Ad probationem quod attinet, ne quid de maiori propositione dicamus, minor iterum et falsa est, et supponit id, quod non est demonstratum. Supponit perperam, dari substantias nihil inter se commune habentes.

(Bb)4

Fal-

Falsum est , quod substantiae , quorum vna causa , altera effectus est , per se inuicem intelligi nequeant ; saltem in quantum ad cognitionem causae pertinet cognitio effectus , et vice versa.

§.XX.

Sua sponte itaque nunc corrui , quod ex ista pseudodemonstratione male infert , vnam tantum dari substantiam. Si ergo dantur plures , et vna ab alia produci potest , nihil obstat , quo minus causa efficiens totius vniuersi ab ipso mundo distincta , et separata detur , seu verus , omnipotens , atque infinitus , et aeternus Deus , cui semper sit laus et gloria.

F I N I S.





SERIES PARTIV M ET CAPITVM.

I.

Philosophiae theoreticae

pars prima.

de homine.

Cap. I. de philosophiae theoreticae, specia-
tim physicae, natura, et huius
per varia inuenta incrementis.

Cap. II. de structura humani corporis.

Cap. III. de statu corporis humani naturali.

Cap. IV. de statu corporis humani praeter-
naturali.

Cap. V. de iis, quae, praeter corpus, in homi-
ne sunt.

Cap. VI. de origine hominum.

II.

Philosophiae theoreticae

pars secunda.

de animalibus brutis, plantis, et fossilibus.

Cap. I. de animalibus brutis.

Cap. II. de plantis.

Cap. III. de metallis, mineralibus, lapidi-
bus, et cognatis corporibus.

(Bb) 5

III.

III

Philosophiae theoreticae

pars tertia,

de terra, aqua, igne, aëre et meteoris.

Cap. I. de terra, et aqua,

Cap. II. de igne, et aëre.

Cap. III. de meteoris.

IV.

Philosophiae theoreticae

pars quarta.

de systemate huius vniuersi, corporibusque
coelestibus.

Cap. I. de systemate huius vniuersi.

Cap. II. de corporibus coelestibus speciatim.

Cap. III. de efficacia et influxu siderum.

V.

Philosophiae theoreticae

pars quinta.

de corporum naturalium proprietatibus at-
que causis, generatim.

Cap. I. de iis, quae omnibus corporibus com-
munia sunt.

Cap. II. de legibus motus, earumque suspen-
sione.

Cap. III. de elementis corporum naturalium.

Cap. IV. de iis, quibus corpora naturalia a
se inuicem differunt.

Cap. V. de corporum qualitatibus, quae oc-
cultae vocari solent.

Cap. VI. de immediato proprietatum speci-
alium et operationum naturalium
prin-

principio seu corporum naturalium
formis.

Cap. VII. de mundi adspectabilis ortu, re-
rumque a Deo conditarum finibus.

VI.

Philosophiae theoreticae.

pars sexta.

de spiritibus, tum creatis, tum increato,
seu Deo.

Cap. I. de spiritibus creatis.


Cap. II. Bekkerianismus reiectus.

Cap. III. de Deo, speciatim de eius existen-
tia.

Cap. IV. de attributis diuinis, et providen-
tia,

Cap. V. Spinozismus profligatus.





INDEX RERVM.

A.

A ccretio corporis quomodo fiat?	81
Actus reflexus quid notet?	113
Aer ab Anaximene pro elemento vniuersali habitus.	271
auris congenitus.	54
circa Aërem inuenta <u>et experimenta. 20. seqq.</u>	
Aeris grauitas quibus argumentis probari soleat?	199
natura.	200
proprietates.	199
Aeternitas Dei quid?	368
de Affectibus quid sentiant ii, qui duastantum in homine partes admittunt.	109
sententia illorum, qui tres hominis partes constituunt.	112
Album oculi.	48
Alchaest quid nonnullis notet?	162
Alumen.	168
Ambra grysea.	175
Amphiblestroides.	50
Amygdala.	56
Anatomia veteribus etiam vsurpata fuit.	10
hodie insigniter aucta.	ibid.
Anatomicorum inuenta.	11. seqq.
An-	

Angeli nomine quid Ebraeis venerit.	349
Angelorum ministerio Deus ad bonos custodiendos vtitur.	341
Angelorum operationes metaphorice intelligit Bekkerus, sed perperam.	342
per Angelos, qui Abrahamo apparuerunt: qui Deo adfliterunt, cum legem ferret; item per eum, qui genti Israeliticae praeiuit in deserto, quid intelligat Bekkerus.	343
quae ipsius sententia refellitur.	351
Animae brutorum facultates.	136
hominis excellentior est anima brutorum.	119
mundi Stoicis ipse Deus erat.	304
nomine quid nonnullis veniat.	110
quibusdam velut domicilium et indumentum mentis est.	113
In Animalium natura indaganda quinam profectus facti sint?	15
Antimagnetismus quid?	293
Antimonium an pro semine metallorum haberi queat?	164
Antipathia quid?	292
Antipathiae exempla.	293. seq.
de his vt recte iudicetur, primo phaenomenorum veritas constare debet.	295
Antliae pneumaticae vsus et inuentor.	22
Aorta.	36
Apoplexia vnde?	95
Ap-	

INDEX RERVM.

Appetitus naturales.	86
sensitui nomine quid veniat.	105
Aqua a Thalete Milesio pro elemento corporum vniuersali habita.	271
Aquae in glaciem concretio quomodo fiat.	187
in vinum mutatio non est <i>adύvatos</i> .	266
proprietas et earum causae.	186
Aqua fontium quo pacto dulcis reddatur?	189
marina an dulcorari queat?	23
circa Aquam inuenta.	ibid.
Aqua multorum corporum semina constituere videtur.	272
Arachnoides quid?	44
Arborum varietas.	158
Archaei nomine quid nonnullis veniat	304
multi esse possunt.	313
Argenti proprietates.	166
Argentum viuum an pro semine metallorum reputari queat.	164
in quibus differat et conueniat cum reliquis metallis.	167
Arteria quid?	36
Arteriarum pulsus.	ibid.
Artus corporis humani.	72
Asperitas.	287
Asphaltus.	175
Asthma.	92
	de

de Astrologia iudiciaria quid censendum. 247.249

pro Astrologiae defensione quid afferri que-
at. 240

Astrorum efficacia circa meteora ignita. 208
contra Atheos nihil disputationibus profi-
citur. 359

Attributa Deo cum omnibus creaturis com-
munia. 367

Deo cum spiritibus communia. 371
diuina operatiua et moralia. 377

Auditus organon proprium. 54
quo pacto fiat? 84. seq.

Auium generatio quomodo fiat? 140. seq.

Auricula. 52

Auricula cordis. 59

Auri proprietates. 166

Auris partes externae. 52
internae. 53

B.

BArometrorum inuentio cui debeatur. 21
Bekkeri institutum. 340

hypothesis praecipua. 341
reiiicitur. 346

Bekkerianae sententiae commoda nulla sunt

356

Benignitas Dei. 378

Bilis vsus. 75

Bituminis natura et species. 175

Brachium. 73

Branchiae piscibus pulmonum loco sunt. 142

Bru-

INDEX RERVM.

Bruta non mera sunt automata.	135
Brutorum animae facultates.	136
varietas.	137

C.

C alcis natura.	169
Calor vnde?	285
Campanae vrinatoriae inuentor.	23
Cancer morbus vnde?	95
Canna maior et minor.	73
Capitis partes externae.	57
Caput hominis.	43
Caput mortuum chemicorum.	273
Carbo vnde?	95
Cardialgia vnde?	ibid.
Caries vnde?	ibid.
Caro glandulosa.	39. seqq.
proprie sic dicta.	39
Carpus.	73
Cartesiani systematis delineatio.	223
incommoda.	226
quo pacto secundum hoc systema phaenomena orbium coelestium explicari queant.	224
quae contra illud obiiciantur, et quid ad ea responderi queat.	225
Cartilago.	35
Catalepsia vnde?	95
de Causis corporum naturalium vniuersali- bus, praeter coniecturas hactenus ni- hil allatum.	28. seqq.
Cephalalgia vnde?	95
Cete-	

INDEX RERVM.

Cerebelli figura in omnibus animalibus eadem.	133
Cerebellum.	44
Cerebri cavitas in quatuor ventriculos distincta.	46
corpus callosum.	45
figura variat pro animalium diversitate.	133
substantia corticalis.	45
substantia medullaris.	44
Cerebrum auium.	138
hominum, amplius est cerebro brutorum.	132
Cerumen.	52
Chalybis natura.	167
Chemia veteribus etiam cognita fuit.	17
hodie autem accuratius exculta.	17
Cholodochus.	69
Choroides.	49
Chylus quo pacto venas lacteas subeat.	66
Cilium.	48
Cineris structura.	197
Circulationis sanguinis initium.	124
inuentor.	11
Circumioiualium stellarum detectio	27
Coeli, siderumque, ex hypothefi de spiritu naturae, explicatio	311
Colicus dolor.	92
Collum.	63
Colorum ratio.	280
varietas vnde?	ibid.
Cometarum phaenomena generalia.	219. seq.
(Cc)	confi-

confideratio fpecialis.	234. 235
radii quid?	235
Concurfus Dei ad rerum creatarum aétiones	380
an fe etiam extendat ad aétiones	
malas.	381
Conferuatio Dei ad omnes res creatas fe ex-	
tendit.	379
Conferuationis diuinae modus fupra ca-	
ptum humanum eft.	379
Conuulfio vnde?	96
Copernicani fyftematis facies.	223
Cordis fitus.	59
ftruétura eadem in animalibus et	
hominibus.	133
vafa communia.	58
vafa propria.	59
Corpora lucida quaenam?	280
ex globulis coeleftibus compofita	
credit Cartefius.	275
opaca quaenam?	280
ex particulis tertii elementi com-	
pofita.	275
pellucida quaenam?	280
ex particulis primi elementi com-	
pofita.	275
Corporis humani partes diffimilares.	43
partes folidae.	34
fluidae.	74
humani ac brutorum ftruéturae	
conuenientia et difconuenientia.	132. feqq.
	Cor.

Corporum coelestium mutationes.	238
de corporum coelestium natura nihil certi alferi potest.	26
Corporum, pro diuersa lucis, aëris et mate- riae crassioris mixtura differentia.	310
Corpus eiusmodi, quali homines gaudent, ex terra formari, non est ἀδύνατον.	120
hominis ante lapsum haud dubie multo fuit perfectius.	120
humanum, sine alimentis conser- uari, non est ἀδύνατον.	267
Corticis plantarum structura et vsus.	149
Crassities.	287
circa Creationis historiam quae moueantur dubia.	319
Creationis modus est imperuestigabilis.	378
Crusta villosa ventriculi.	64
Cubitus.	73
Curatio magnetica et sympathetica.	13
Cuticula.	41
Cutis.	42

D.

de D Auidis seductione quid sentiat Bek- kerus.	344
de Dei existentia statim conuincitur, qui serio ad animum suum attendit.	358
Dei existentiam Cartesius demonstrat ex idea mentis innata.	359
existentia probatur ex rerum creatu- rum consideratione.	361
speciatim probari potest ex cor- (Cc) 2	

poris humani et animalium stru- ctura.	362. seq.
et totius mundi aptissima disposi- tione.	364
notitia insita et acquisita.	361
notitia (si a scriptura sacra discesseris)	
ampliori praediti fuerunt veteres.	31
operationem in mente nostra percipi- mus.	358
quae perceptio tamen suos habet gradus.	359
voluntas et actiones.	375
Delirium unde?	95
Democritus anatomiae operam dedit.	10
Densitas.	287
Deum qui cum natura confundit, concedit, ens perfectissimum esse imperfectum.	387
Deus a creaturis maxime differt, quod inde- pendens est et infinitus.	387
an sit substantia cogitans?	371
a quibusdam omnis motus causa imme- diata perhibetur.	302
sed non sine incommodo.	302. 315.
est ens summe perfectum.	386
etiam a spiritibus creatis distinctus est	388
intelligit, sed non eo modo quo homi- nes.	372
intelligit praesentia, praeterita, et fu- tura.	373
	etiam

INDEX RERVM.

etiam futura contingentia et pos- sibilia.	374
non necessario cum materia coniun- ctus est.	389
Digitorum ossa.	74
Diminutio corporis quomodo fiat.	81
Diuiinarum rerum cognitio in nobis valde imperfecta.	367
Diuisibilitas omnibus corporibus competit.	257
Dolor, nephriticus, arthriticus, rheumaticus, pleuriticus vnde?	95
Dorsum oculi.	48
Ductibilitatis causa.	161
Ductus hepaticus et hepaticus.	68.69
thoracicus a quo sit detectus.	69
Duodenum.	65
Durities.	287

E.

E cho vnde oriatur.	282
Eclipsis lunae quando contingat.	231
solis quando contingat.	228
Eimmarti coniectura de sole.	28
Elementa quid?	270
Cartesii.	275
Chemicorum	272
quid iis obiciatur.	273
non sunt elementa prima, sed se- cunda.	277
Empedoclis et Aristotelicorum.	270
prima partium corporis humani.	77.

INDEX RERUM.

quo pacto ex hypothefi de fpiritu naturae explicari queant.	310. 312
Theofophicorum.	273
de Elementis corporum naturalium cur tam variae fint philofophorum fententiae.	270
Epidimides quid?	70
Epigaftrium quid?	72
Epilepfia vnde?	95
Effentiae rerum certo cognofci nequeunt.	115. 116
Exiftentia an pertineat ad naturam fubftan- tiae.	389
in Deo neceffaria.	368
Extenfio omnibus corporibus competit.	254
F.	
F Ames quid?	86
Febris cur ftatis vicibus recurrat?	99
Febrium caufae fecundum quofdam.	100
diuerfitas vnde proueniat?	99
intermittentium phaenomena, quo pacto explicari foleant,	97
Femur.	73
Fermentum feminale virorum.	70
Ferri proprietates.	166
Fibra et fibrilla quid?	34. 35
Fibrae carnofae.	39
Fides Dei.	378
Fines fpeciales fingulorum corporum, eo- rumque partium.	317. 321
Finis rerum creatarum confiderandus eft.	321
fed	

sed in eius consideratione duo extrema cuitanda.	322. seq.
vniuersalis totius mundi.	322
Firmitas, Fisilitas, Flexilitas.	287
Florum in plantis structura.	156
Flumen ad mare properans in cursu suo fissi non est ἀδύνατον.	268
Fluuiorum origo.	188
Fluxus et refluxus maris phaenomena, quo pacto explicari queant.	192
Fontium origo.	188
Fossilium varietas.	159
Formae substantiales Aristotelicorum.	300
Fragilitas.	287
Frigoris causa in febribus.	98
Frigus in quo consistat?	285
Fructuum structura.	156
Fulgur quid? et eius phaenomena.	208
Fulminis mirandi effectus, et eorum ratio.	209
Fumi consideratio.	197

G.

G Angraena vnde?	95
Gemmae plantarum.	154
Gemmarum colores vnde proueniant?	171
Generatio quid?	125
animalium et hominum in quibus conueniat.	134
omnium animalium ex ovo fit.	122
ab Harua eo iterum in lucem producta.	11

quomodo secundum hanc hypo-	
thesin fiat.	123
Geogoniae quae sit ratio.	180
Geogonia Burnetiana.	181
Cartesiana.	180
Geogoniae vtriusque discrimen.	183. seq.
Geogonia non fauet elementis Aristotelico-	
rum.	271
Glaciei phaenomena.	187
Glandulae, secretionis organa.	40
Glandulae subcutaneae.	42
Glandulae maxillares.	56
Glandula pinealis.	46
an sit sedes propria mentis.	47
Gratia Dei quid?	378
Grando quomodo oriatur?	203
Grauitas etiam ad proprietates communes	
corporum referri potest.	286
Grauitatis causa.	161
phaenomena.	286
Gubernatio diuina definiri non potest.	381
speciatim circa hominem, et vitæ	
humanae terminum, se exserit.	382
Guerikii (Ottonis) inuenta.	21. seq.
Gustus organon.	85
quo pacto peragatur.	85. 86
Guttae aquae cur sint rotundae?	188
Gutta serena.	92

H.

H alo quid? et vnde oriatur?	205. seq.
Haruaei (Guil.) oppugnatores.	11
	in-

INDEX RERVM.

inuenta.	II. 12
Hebetudo animi vnde?	94
Hepatis situs et structura,	67
vſus.	68
Herbarum varietas.	158
Historiae naturalis felicior hodie conditio est.	10
in Homine aliquid est, quod motus corporis percipit.	103. ſeq.
in homine quae ſunt, non omnia nobis ſunt perſpecta.	115
Homines ſemper extitiſſe, ne quidem ſecundum rationem verosimile eſt.	118
quomodo exiſtere inceperint, ratio prorsus ignorat.	119
hodie exiſtere incipiunt per generationem.	122
Hominis partes eſſentiales, quot? 106. ſeq.	115
quae circa eas moueantur difficultates?	115
Humiditatis ratio.	284
Humor aqueus oculi.	50
cryſtallinus et vitreus.	51
Hydrargyrum.	167
Hyoides.	55

I.

Idea ab ipſo Deo rerum naturae inſitae a quibusdam aſſeruntur.	314
Idea entis perfectiſſimi an neceſſario arguat eius exiſtentiam?	361
Ieiunum.	65

(Cc) 5

Ignes

INDEX RERVM.

Ignes subterranei.	197
Ignis ab Heraclito pro elemento vniuersali habitus.	271
a nonnullis ex elementorum nu- mero eiicitur.	271
cur luceat et vrat?	195
cur quandoque non vrat?	267
diuersi effectus arguunt vehemen- tem particularum motum.	194
generatio.	195. seq.
naturae indagandae quae inuen- ta inferuiant.	24
nutritio.	196
quomodo extinguitur.	ibid.
Ileon.	65
de Imaginatione quid sentiant ii, qui duas tantum hominis partes admittunt.	108
quid ii, qui tres hominis partes constituunt.	111
Imaginationis nomine quid veniat?	104
diuersi actus.	112
Immensitas Dei.	369
Immutabilitas Dei.	376
Impenetrabilitas corporum quid?	256
Impetigines.	94
Incus auris.	52
de Ingenio quid sentiant ii, qui duas tantum hominis partes admittunt.	112
quid ii, qui tres hominis partes constituunt.	112
Insecta an corde gaudeant.	146
	an

an pulmones habéant.	146
Insectorum generatio quomodo fiat? 146. seq.	
historia a quibus scripta.	16
orgina sensuum.	146
varietas.	ibid.
Integumenta corporis vniuersalia.	41
de Intellektu quid sentiant ii, qui <u>duas ran-</u>	
tum hominis partes admittunt.	108
quid ii, qui tres hominis partes	
constituunt.	113
Intellectus nomine quid veniat?	109
Intestina tenuia et crassa.	65
de crassis observatio.	66
Iouis consideratio specialis.	232
phaenomena generalia.	219
satellites.	233
Iridis phaenomena, eorumque ratio. 204. seq.	
Iris an ante diluuium extiterit?	205
Iris oculi.	50
Iupiter respondet temperamento melanco-	
lico- cholerico.	245
Iustitia Dei quid?	378

L.

L abyrinthus auris.	53
L Lac feminarum.	75
Lachrymae plantarum.	148
Laeuitas quid?	287
Lapidis Bononiensis natura.	24
Lapidum proprietates et causae.	169
pretiosorum quorundam macu-	
lae easdem cum luna mutationes	
subire videntur.	243

pre-

pretiosorum natura et proprietas.	170
varietas.	ibid.
de Lapſu primorum parentum ſententia Bekkeri.	343
tanquam erronea reiicitur.	353
Laſſitudo vnde?	95
Leges naturae an pro principio vniuerſali omnium operationum nat. haberi queant.	301
Leue nullum corpus abſolute dici poteſt.	286
Lienis ſtructura et vſus.	69
Ligamentum quid?	35
Ligni ſtructura in plantis.	150
Liquores quomodo a ſanguine ſecernantur.	57
Linguae ſtructura et partes.	55
Liquefactionis cauſae.	160
Liquor genitalis vtriuſque ſexus.	75
Loquela quo pacto fiat.	89
Lucis reflexio, transmiſſio, et refractio.	279
Lunae conſideratio ſpecialis.	230
phaenomena generalia.	218
phaſes vnde exiſtant.	231
Lux quid?	279
Lympha ventriculi.	75
M.	
M Achinævrinatoriae inuentor et vſus.	23
Macularum ſolarium detectoꝝ.	27
Magia in quo conſiſtat.	335
naturalis quid.	297
Ma-	

Magnetis directio ad polos.	172
Magnetismus corporum naturalium.	19
Magnetismi exempla.	292
Magnetismus quo pacto differat a sympathia.	291
Magnetis natura, quousque veteribus cognita fuerit.	18
proprietas.	172
proprietas causae.	174
vis attractiva.	173
Magorum nomine quid veniat Bekkero.	344
cuius sententia profligatur.	346
Malleus auris.	52
Mania quid?	92
vnde?	95
de Manichaeorum duplici principio observatio.	370
Mare quid secundum Burnetium.	190
cur per flumina non augeatur.	191
Maris origo.	190
falsugo.	191
Mars respondet temperamēto cholerico.	245
Martis consideratio specialis.	232
phaenomena generalia	219
Materia quid?	276
est ens summe imperfectum.	387
Materiae quidam vim agendi tribuunt.	302
quam alii tanquam obscuram non admittunt.	303. 315
Materiae dispositio an sit principium vniuersale omnium operat, natur.	301
	ex

ex Materiae dispositione Cartesiani omnia deriuant.	301
Mechanismus solus ad phaenomena corpor. natur. explicanda non sufficit.	315
Mediaſtinum.	63
Medicamentorum diuerſa vis, naturae quae- dam arcana pandit.	13
Medullae ſtructura et uſus in plantis. 156. ſeq. uſus in oſſibus humanis.	35
Medulla oblongata	44. ſeq.
Melancholia quid?	92
unde?	94
Membranae.	35
Membrana muſculofa.	43
tympani.	52
Membrorum corporis delineatio in vtero a quibusdam ſpiritui naturae tribuitur. 126 ab aliis ipſi Deo.	ibid.
Memoriae nomine quid veniat.	104
de Memoria quid ſentiant ii, qui duas tan- tum hominis partes admittunt.	108
quid ii, qui tres hominis partes con- ſtituunt.	112
Meninges.	44
de Mente quid ſentiant ii, qui tres hominis partes conſtituunt.	113
Mentis munia ſecundum eosdem.	ibid.
cum corpore coniunctio, intelligi non poteſt.	117
eſſentia perperam in cogitatione conſtituitur.	116
	im.

INDEX RERVM.

immaterialitas ex ratione apodictice demonstrari nequit.	116
originem et productionem ignoramus.	121. 127
in Mentis natura indaganda quinam progressus facti sint.	15
Mentis nomine quid veniat.	113. seqq.
ad Mentis phaenomena explicanda variae excogitatae sunt hypotheses.	106
Mercurii consideratio specialis.	228. 229
phaenomena generalia.	219
respondet temperamento sanguineo.	245
Mercurius chemicorum quid?	272
philosophicus an metallorum semen sit?	162
Mesenterium.	65
Metacarpus.	73
Metallorum generatio an sine semine fiat.	164
generatio incerta est.	162
generatio quomodo fiat.	164
naturae detegendae quinam operam dederint.	17
proprietaes generatim, earumque causae.	160
proprietaum specialium causae.	166
semen quodnam?	162. seqq.
seminis origo.	164
transmutatio.	516
Me-	

INDEX RERUM.

Metapedium.	74
Meteoris cur quaedam loca magis expofita fint.	210
de Meteoris ignitis generatim.	207
Meteororum fecundum hypothefin de fpi- ritu naturae explicatio.	311
Meteorum quid et quotuplex.	201
de Michaëlis angeli cum fatana contentione quid fentiat Bekkerus.	344
Microfcopiorum vſus, inuentor, et artifices.	14
Mineralium naturae detegendae quinam o- peram dederint.	17
Miracula omnino fieri poſſunt per ſuſpenſio- nem legum motus.	264
Miraculum quid?	262
non eſt quilibet effectus ſtupen- dus.	263
vnde agnoſci queat.	ibid.
Mollities.	287
Montium igniuomorum cauſae.	198
phaenomena.	185
Morbi medicis occaſionem naturae arcana rimandi ſuppeditant.	13
partium fluidarum.	93
partium ſolidarum.	92
qui in ſpiritibus animalibus ſe- dem habent.	95
Morborum cauſae generatim ſpectatae.	100
cauſae remotae.	96
	varia

varia genera subito curari, non est	
<i>αδύνατον.</i>	266
transplantatio.	291
varietas.	92
Morbus quid?	ibid.
Mors quid?	101
Mosaica historia an intelligenda sit de crea-	
tione ex nihilo?	318
an intelligenda de totius mundi	
creatione?	319
Motus animalium vegetatiui et sensitiui quo	
pacto fiant?	134. seq.
causa.	259. seq.
causam immediatam nonnulli im-	
pie Deum venditant.	302
corporis humani sapientissime	
diriguntur.	103
definiri non potest.	258
leges cur obseruandae?	261
leges praecipue tres dantur.	262
lex prima triplici ratione suspen-	
ditur.	265. seq.
librationis et trepidationis Pro-	
lemaicorum.	221
localis quomodo fiat?	88
de motuum inuoluntariorum directione	
quid sentiant ii, qui tres hominis par-	
tes constituunt.	110
quid ii, qui duas tantum admit-	
tunt.	111
voluntariorum et inuoluntario-	
rum discrimen.	89

INDEX RERVM.

Mucus narium.	75
Mundi aspectabilis materia quo pacto in tam diuersas formas disponi potuerit.	265
causam efficientem dari, ratio ipsa docet.	317
dispositio aptissima casu fortuito evenire non potuit.	364
de Mundi origine duo in disputationem ve- niunt capita.	317
Mundum habuisse initium, rationibus admo- dum verosimilibus probari potest.	318
Mundus est plurium orbium congeries.	218
Musculus quid?	40
Musculi partes.	41

N.

N Aphta.	175
Narium structura et partes.	54
Natiuis quomodo fiat.	124
ad Naturam frustra recurrunt Athei.	365. seq.
Natura quo pacto a quibusdam describatur.	300
et quae contra hanc descriptio- nem moueri difficultates queant.	ibid.
Nebulae quid?	202
Nerui cordis.	59
Neruorum origo.	46
decem paria in cerebro.	ib.
Nervus quid?	39. 46
Nitrum.	168
Nix vnde nascatur?	203
Nubes	

Nubes quid?	202
Nubium varia phaenomena.	ibid.
Nutritio animalium similiter fit ac in homine.	133
quo pacto peragatur.	80
O.	
de Obsessione quid obseruandum.	335
de Obsessis quid sentiat Bekkerus	354. seq.
Obstructiones vnde?	94
Oculi globus seu bulbus.	49
humores.	50
Munimenta.	47
retina.	50
sex musculi.	48
structura.	49
tunicae.	ibid.
Odoris phaenomena.	282
Odoris ratio et varietas.	283
Oesophagus.	63
Olfactus organon in auibus aliter dispositum.	139
quo pacto peragatur.	85
Omentum.	67
Omnipotentia Dei ordinata et absoluta.	371
Omnipraesentia ab immensitate Dei distin-	
guitur.	369
Ophthalmia.	92
Os quid?	35
Os cribrosum in auibus aliter se habet ac in	
hominibus.	139
gutturis.	55
(Dd) 2	Ossi-

Officula auris.	52
musculis instructa sunt.	53
Ouaria.	122
Ouariorum mulierum structura.	122
Ouiductus.	75
P.	
P Acta an cum spiritib9 iniri <u>possint. 335. seq.</u>	
Palatum.	56
Palpebrae.	47
Pancreas.	67
Panniculus carnosus.	43
Papillae linguae.	55
Paralysis quid?	92
vnde?	95
Parasalene quid? et vnde existat?	206
Parhelius quid, et vnde existat?	ibid.
Partes solidae quomodo laedantur.	93
Particulae primi et tertii elementi.	275
secundi elementi secundum Car-	
tesium.	275
Pectus.	63
Pedium.	74
Pedum structura.	73
Perceptiones corporis cum perceptionibus	
animae arctissime colligatae sunt.	114
Perfectiones creaturarum omnes Deo tribui	
possunt.	268
Pericardium.	60
Pericarpium fructuum.	156
Periostium quid?	35
Petroleum.	175
Phi-	

INDEX RER VM.

Philosophandi ratio, quam quatuor Graecorum sectae obtinuerunt.	2
Philosophiae theoreticae obiectum.	5
quae vulgo partes constitui solent.	6
ratio apud Aegyptios, Ebraeos, etc.	6
Phlegma chemicorum quid?	373
Phosphori natura.	24
Phrenitis.	93
vnde?	95
Physica Pythagorae, Platonis, Aristotelis.	7
Scholasticorum.	8
Physices initium et fata apud Graecos.	7
restauratio.	9
studium per integras societates insigniter promotum.	9
Pilorum structura.	57
Pinguedo.	42
Pinnae narium.	54
de Piscium cerebro observatio.	141
Piscium generatio.	143
historia a quo scripta.	16
magna est varietas.	141
organa sensuum.	142
structura cordis et circulatio sanguinis.	143
Planetarum cum temperamentis hominum convenientia non potest casui fortuito tribui.	246
vnde probabiliter haec convenientia proveniat.	ibid.
(Dd) 3	de

INDEX RERVM.

de Planetis coniecturae eruditorum.	27
Plantarum cum brutis conuenientia,	153
generationis historia.	154
historia a quibus scripta.	16
nomine quid nobis veniat.	148
nutritio quomodo fiat.	152
partes similes liquidae.	148
partes dissimiles.	149
propria seminum inuolucra.	156
respiratio.	153
semina, eorumque varietas,	156
succus nutritiui motus,	153
Pleura.	62
Plica Polonica.	57
Plumbi proprietates.	66
Pluuia vnde oriatur.	203
ex pluuia fontes oriuntur.	188
Podagra.	92
Principia operandi rerum certo cognosci nequeunt.	115
de principio interno omnes hypotheses ad quatuor praecipuas classes referri possunt.	314. seq.
de principio omnium operationum naturalium non consentiunt philosophi.	299
Principium hylarchicum.	304
vniuersale omnium operat. natur.	
ex mente Cartesii.	301
Proprietates corporum quo pacto ex hypothesis de spiritu naturae explicari queant,	312
Pro-	

Proprietatum specialium in corporibus cau- sae afferri non possunt.	287
de Prouidentia diuina monita generalia.	<u>382</u>
Prouidentia diuina probatur.	<u>379</u>
Prouidentiae diuinae modi.	ibid.
Ptolemaici systematis delineatio.	220
commoda et incommoda.	222
quomodo secundum illud orbi- um coelestium phaenomena ex- plicari queant.	228
Pulmones auium maiores quam ceterorum animalium.	<u>139</u>
Pulmonum partes et substantia.	<u>60</u>
structura.	<u>61</u>
Pulsus lentioris et tenuioris causa in feбри- bus.	<u>98</u>
Pulueris sympathetici vis et efficacia.	291
pyrii inuentor.	<u>24</u>
Puluis fulminans.	ibid.
Pustulae unde?	<u>24</u>
Pylorus.	<u>64</u>
Pyrotechnicorum instituta.	<u>24</u>
Pyxidis nauticae inuentor.	<u>18</u>

Qualitas, cuius ratio reddi potest, non am-
plius pro occulta habenda. 296

Qualitates occultae, quo sensu admitti que-
ant. 297

 occultae quo pacto a spiritus na-
 turae assertoribus explicentur.

312. seq.

(Dd) 4

Qua-

Qualitatum occultarum nomine quid veniat. 288. seq.

R

RAdicis plantarum structura. 151
Ramorum structura et vsus. ibid.

Ratitas. 287

Reum structura et vsus. 70

Respiratio quomodo peragatur. 79. seq.

Resurrectio mortuorum non est *ἀδύνατος*. 266

Res naturales que ordine considerandae. 6

Reticulum. 67

Rigiditas. 287

Ros. 202

S

SAl catholicum. 162

Salia an metallorum semen constituent. 163

Salis communis proprietates earumque causae. 168. seq.

Saliua. 75

Salium varia genera. 168

Sanctitas Dei quid? 378

Sanguinis generatio quomodo fiat. 77

motus duplex. ibid.

motus in animalibus eodem modo se habet ac in homine. 133

substantia. 76

transfusio Anglis debetur. 12

Sanitas quid? 90

qua ratione conseruanda. 100

Saporum phaenomena. 28

eorum 3

eorum ratio et varietas.	284
Sarcomata vnde?	94
Saturni consideratio specialis.	233
phaenomena generalia.	219
satellites.	234
Saturnus respondet temperamento melan-	
cholico.	245
Scapulae.	63
Scholastici quidam artis chemicae periti fu-	
erunt.	8
Scientia simplicis intelligentiae, visionis, et	
media, in Deo, quid?	374
Scrupulosi affectus vnde?	95
Secabilitas.	287
Secretio quomodo fiat.	87
non omnis fit per glandulas.	40
Semina an tantum in foeminis deprehen-	
dantur.	125
omnium corporum subtilissimam	
delineationem continent.	ibid.
in semine omnes plantae partes latent.	157
de Sensibus externis et internis sententia il-	
lorum, qui tres hominis partes consti-	
tuunt.	III
quid sentiant ii, qui duas tantum	
in homine partes admittunt.	107
ex recepta hodie sententia.	81
Sensus externi quot?	83
interni quid?	81
Sensuum organa in brutis eadem sunt quae	
in hominibus.	133
Septum cordis.	58
	de

INDEX RERVM.

de Serpentum cerebro observatio.	144
Serpentum ventriculus, costae, vertebrae, et caro.	144
Siccitatis ratio.	285
Sidera fixa et erratica.	219
Sideribus an et quousque in animũ hominis efficacia quaedam competat.	243. seq.
de siderum efficacia quid hactenus censue- rint eruditi.	240
Siderum in corpora animalium et plantarum efficacia vnde deriuari queat.	242
influxui an et quousque fortunae munera imputari queant.	247
influxus quo pacto a spiritus natu- rae assertoribus explicetur.	311
natura non obstat, quo minus qui- dam eorum effluxus ad haec sublu- naria pertingat.	240
Simplicitas Dei.	276
Sitis, quid?	87
Soliditas corporum quid?	256
Soliditatis causa.	257
Solis consideratio specialis.	227
phaenomena generalia.	218
Sol respondet temperamento cholerico-san- guineo.	245
Somnolentia vnde?	94
Somnus quid?	87
Soni phaenomena, eorumque ratio, 281. seq. varietas.	282
Sonus quid?	85
Soporosis,	192
	Spa-

INDEX RERVM.

Spatium an differat a corpore	254
vacuum an detur.	254. seq.
de Spectris sententia Bekkeri.	345
profligatur.	355
Specula caustica, an etiam veteribus fuerint	
cognita.	19.20
Spina dorsii.	63
Spinozæ systema apertam inuoluit contra-	
ditionem.	386
Spinoza sententiam Stoicorum in scenam re-	
duxit.	304
Spinozismi fundamenta ordine indicantur.	
	384. seq.
euertuntur.	389. seq.
nomine quid veniat,	383
summa.	386
Spiraculum vitarum quid notet.	119
de Spiritibus creatis, quid scriptura sacra	
doceat.	333
quæ ex scriptura sacra Bekkerus	
admittere videtur, an recte se ha-	
beant.	347
quid scriptura sacra secundum	
Bekkerum doceat.	341
Praeter spiritum humanum, et alios dari spi-	
ritus, probatur ex experientia.	329
Spiritus an per res corporeas, itemque certas	
figuras et characteres, moueri queant.	
	337
animales.	74
an sint materiales an immateriales.	
	330
	crea-

INDEX RERVM.

creati gaudent intellectu et voluntate, vt et potentia mouendi corpora.	332. 333
essentia neutiquam consistit in cogitatione.	346
esse vel bonos vel malos scriptura sacra docet.	314
humani naturam et essentiam ignoramus.	328
humani vocabulum ambiguum est.	113
malos post lapsum statim in orcum detrusos, perperam Bekkerus supponit, nec iustitiae diuinae ratio id postulat.	348
masculini et foeminini discrimen.	306
naturae a quibusdam pro principio interno corporum natur. habetur.	303
non omnes tamen inter se consentiunt; nec iisdem semper vtuntur nominibus.	304
summa in quibus conueniant capita.	305
naturae commoda et incommoda.	306
naturae pro corporum varietate diuersitas.	308
naturae quo pacto se habeat in animalibus.	ibid.
speciatim in homine.	ibid.
	quo

INDEX RERVM.

quo pacto se habeat in plantis et mineralibus.	309
naturae quid accuratioribus denotet.	305. seq.
Spirituum bonorum et malorum libertas ac praestatio-	
nes.	334
essentia an consistat in cogitatione, et an hinc pro-	
bari queat, eos omnis materiae esse expertes.	330
existentiam ex ratione probari posse negat Bekke-	
rus.	347
De spiritu existentiâ, quae tradidit Bekkerus, quous-	
que admitti queant.	347
Spirituum malorum operationes.	334
natura, veteribus perspectior fuit, quam nobis.	30
operationes plerasque, quae illis in scriptura sacra	
tribuuntur, metaphorice intelligendas esse, Bekke-	
rus purat.	342
sed hoc perperam contendit.	349
nec ad venerationem Deo conciliand. pertinet.	350
natura rationi non est perspecta.	330
ex scriptura S. tamen quodammodo colligitur.	332
Stanni proprietates.	166
Stapes auris.	52
Status corporis humani naturalis.	79
praeter naturalis.	92
Stellae quondamque nouae deprehenduntur.	238
Stellarum fixarum natura.	237
schematismi, numerus, varietas.	237
phaenomena generalia.	219
Sternum pectoris.	63
Substantiae duae, diuersa attributa habentes, annon ali-	
quid commune inter se habere possint.	390
Substantia vna an produci possit ab alia.	389
Substantiam saltem vnam dari in rerum nat. falsum.	390
Succinum.	175
Succus fermentaceus viri, perperam pro semine proprio	
habetur.	123
neruosus.	75
pancreaticus.	ibid.
plantarum.	148
renum succenturiatorum.	75
	Sn-

INDEX RERVM.

Sudor.	43
Supercilia.	48
Sulphur chemicorum.	273
Sulphuris structura.	171
Surditas.	92
Sympathia quid.	189
Sympathiae exempla.	190
Systemata huius vniuersi quaedam.	210. seqq.
T Actus organon. T.	86
quo pacto peragatur.	ibid.
Tarantularum historia.	295
Tarsum.	74
Telluris consideratio specialis.	229
phaenomena nouis systematibus explicata.	25
Temperamenta hominis praecipua ad septem classes re- ducuntur.	244
quibus septem planetae respondent.	244
Temperamentum Saturninum.	245
Solare.	ibid.
Tempestatum mutationes vnde dependeant.	241
haecenus accurate praedici non potuerunt.	ib.
Tendines.	41
Tensibilitas.	287
Tenuitas.	ibid.
de Tentatione Christi sententia Bekkeri.	343
refutatur.	353
Terra a Pherecyde Syro pro elemento vniuersali habita	221
de Terrae motibus quid sentiendum.	198
Terrae motuum diuersi effectus.	199
Terrae nomine quid nobis veniat.	179
circa Terram inuenta.	25
Testaceorum animalium historia a quo scripta.	16
Testes muliebres.	71
viriles.	70
Thermometrorum vsus et inuentor.	21
Thoracis partes externae.	63
partes osseae.	62
Tibia.	73
Tre-	

INDEX RERVM.

Tremor vnde ?	95
de Trunco plantarum.	149
Tubae Fallopianae.	71
Stentoreae inuentor.	23
Tubī optici inuentor et vsus.	26. 27
Tunica adnata seu coniunctiua.	48
retiformis.	50
sclerotica, seu cornea.	49
vnea.	ibid.
Tychonici systematis delineatio et incommoda.	226
Tympanum auris.	52
V.	
Vagina vteri.	72
valuulae venarum et arteriarum.	59
Vapores quid ?	202
Vapores corporis humani.	74
an ex vaporibus circa cacumina montium fontes oriantur.	188
Vasa lymphatica ; eorum origo.	38
caua et pulmonaria.	36
Venae lacteae.	66
a quo detectae.	11
Vena portae.	36. seq.
Venarum tunicae et valuulae.	37
Venenum serpentum.	144
per Veneficos quid intelligat Bekkerus.	344
Veneri affectus vnde ?	95
Veneris consideratio specialis.	229
phaenomena generalia.	219
Ventorum causae, et circa eas difficultates.	211
proprietaes speciales ; quomodo explicari solent.	212
Ventriculi iuium structura.	139
cordis.	38
orificia.	64
Ventriculus.	63
Ventris infimi partes externae.	72
Ventus quid et quotuplex.	210
Venus	

INDEX RERVM.

Venus respondet temperam. phlegmatico sanguineo.	245
Veracitas Dei.	378
Verrucae vnde.	94
Vertigo vnde?	59
Verulamius (Franc. Baco) physices restaurator.	9
Vesica aues destituuntur.	140
urina.	70
Vesicula fellis.	68
Vesiculae seminales.	71
Veternus vnde?	95
Vigilia vnde?	87
Virtutes diuinae ex amore fluunt.	377
Vis attractiua corporum.	307
electricae quid?	91
Viscositas.	87
Visus per cameram obscuram explicatur.	83
prae camera obscura praerogatiua.	84
Vita quid?	101
Vitriariae artis incrementa.	19
Vnguenti sympathetici ratio.	191
Vnitas Dei.	369
Volatilium innumerae species.	137
Volatus auium quo pacto fiat?	ibid
de Voluntate quid sentiant ii, qui duas tantum in homi- ne partes admittunt.	109
quid ii, qui tres hominis partes constituunt.	114
Voluntatis nomine quid veniat?	105
Vteri structura.	73
substantia.	72
Vuula.	56

OBSERVANDA.

Tabularum aenearum prima pertinet ad pag.	180
secunda ad	184
tertia	210
quarta	222
quinta	224
sexta	232
septima	233
S. D. G.	

41 115337



